



কুশদেহ



সচিত্র মাসিক পত্র

দাস যোগীন্দ্রনাথ কুণ্ডু-সম্পাদিত

— 0 —



দশম বর্ষ

১৩২৫ সাল

কার্যালয়—২৮/১ হুকিয়া ষ্ট্রীট,

কলিকাতা।

১৩২৫ সালের বর্ণানুক্রমিক বিষয় সূচী

(লেখকগণের মতামতের জন্য সম্পাদক দায়ী নহেন)

বিষয়	লেখক বা লেখিকা	পৃষ্ঠা
১। অ-স্বর্ণ বিবাহ ...	প্রফেসর মুরলীধর বন্দ্যোপাধ্যায় এম.এ,	২৫০
২। আত্ম-নিবেদন ...	সম্পাদক	১৩০
২। একটি ধর্ম-বন্ধুর কথা	সম্পাদক	৮১
৪। কবির প্রেম (গল্প)	শ্রীযুক্ত বিজয়বিহারী চট্টোপাধ্যায় বি-এল,	৪৫
৫। করুণা (কবিতা) ...	শ্রীযুক্ত হাজারীলাল বন্দ্যোপাধ্যায়	১৪৬
৬। কীর্তন ...	উদ্ধৃত	৬৫
৭। কীর্তির ডাকাতি (গল্প)	শ্রীমতী সরসীবালা বসু	১২৪
৮। কুশদহর ইতিহাস ...	শ্রীযুক্ত চারুচন্দ্র মুখোপাধ্যায় বি-এ	১৭, ৬৬, ৯৮, ১৩০,
৯। কুশদহ-সমিতি	২৮, ৫৮, ১২২, ১৫৬, ১৭৯, ২০৮, ২৪১, ২৬৫, ২৯০
১০। কুশদহ-গঙ্গী ...	সংগৃহীত	২৯, ৬২, ৯৪, ১২৭, ১৫৮, ১৮১, ২১২, ২৪৬, ২৭৯,
১১। কুশদহর রক্ষার্থে অবতীর্ণ বাণী	সম্পাদক	২০৪
১২। কে বড় ...	উদ্ধৃত	২০
১৩। জাতীয় সঙ্গীত ...	কান্তাল কিকিরচাঁদ ফকির	১৮৫
১৪। তিনশ' পৈষািট্ট দিনে	সম্পাদক	১
১৫। দানের প্রার্থনা	২৪৯
১৬। নববর্ষ-বন্দনা ...	শ্রীমতী সরসীবালা বসু	২
১৭। নূতন গান ...	শ্রীযুক্ত রবীন্দ্রনাথ ঠাকুর	২১৭
১৮। গল্পী-সমস্তা ...	শ্রীযুক্ত রবীন্দ্রনাথ ঠাকুর	৩
১৯। পাঠকেবাড়ী ...	সম্পাদক	১১১
২০। প্রাণি স্বীকার ...	সম্পাদক	১৫২

২১।	প্রারম্ভিক (উপভাস) শ্রীমতী সরসীবালা বসু	৮, ৩৫, ৭১, ১০২, ১৩৮, ১৬৬, ২২৮, ২৫৫, ২৮৩,
২২।	বর্ষানিশিথে (কবিতা) শ্রীতিবালা সরকার	... ৮০
২৩।	বিদায় ... সম্পাদক	... ২৮২
২৪।	বিবিধ সংগ্রহ ও মন্তব্য	২২ ৫২, ৮৫, ১১৭, ১৪৭, ১৭৬, ২০৭, ২৩৫,
২৫।	ক্রমণের সার্থকতা ... শ্রীযুক্ত নগেন্দ্রনাথ বসু	... ১৮২
২৬।	মা আনন্দময়ীর ছেলে সম্পাদক	... ৩৩
২৭।	বয়না নদী সংস্কার ডাক্তার সুরেশচন্দ্র মিত্র	... ২৩৮
২৮।	রামমোহন স্মৃতি ... সম্পাদক	... ১৬২
২৯।	রামমোহন স্মৃতি (কবিতা) শ্রীযুক্ত হাজারীলাল বন্দ্যোপাধ্যায়	... ১৬৫
৩০।	শোক-সভা ... ডাক্তার নগেন্দ্রনাথ মুখোপাধ্যায়	... ২১
৩১।	সঙ্গীত ... সম্পাদক ও উদ্ধৃত	২৭, ১৬১, ২৮১,
৩২।	সত্যগ্রহ ... সম্পাদক	... ২৮৮
৩৩।	সত্যেরপূজা ১৮৬
৩৪।	সিদ্ধ পুরুষ রাজা রামমোহন শ্রীযুক্ত যোগীন্দ্রনাথ বসু কবিত্বরণ	... ২১৮
৩৫।	স্থানীয় বিষয় ও সংবাদ	... ২৬, ৬১, ৮৮, ১২০, ১৫৩, ১৭৮, ২১৫, ২৪৪, ২৭৫, ২৯৩,
৩৬।	স্বর্গীয় প্রকাশচন্দ্র চৌধুরী উদ্ধৃত	... ১৩৩

কুশদহ

“জননী জন্মভূমিষ্ট স্বর্গাদপি গরীয়সী”

“সত্যম্ শিবম্ সুন্দরম্”

জ্ঞানবিশার

সম্ভাবসঞ্চার

চরিত্রগঠন

দশম বর্ষ

বৈশাখ, ১৩২৫

প্রথম সংখ্যা

তিনশ' পৈষটি দিনে

পয়লা বৈশাখের দিনে একটি মেয়ে বলেন, “কৈ নববর্ষ বলেতো কিছু মনে ছিল না, উপাসনায় গিয়ে নববর্ষের একটা ভাব মনে এলো,” কথাটা খুব সত্য, “বর্ষশেষ” বা “নববর্ষ” উৎসবের মধ্যে একটা অল্পভূতি—নূতনের আগমন-বার্তা প্রাণে ঘোষিত হয় বটে কিন্তু প্রকৃত নববর্ষ তাঁহার নিকটে নবীন—জীবনপ্রদ, যিনি তিনশ'পৈষটি দিন, দিনের শেষে শুনে “আমি গেলাম” এবং প্রভাতের আগমনে শুনে, “আমি এলাম,” আর ঐ সঙ্গে বিশ্বাসীর কণ্ঠ বলে, “হে প্রভু! অশুকার দিন আমার পক্ষে তোমার আশীর্বাদ দ্বারা মণ্ডিত কর, তোমার শক্তিতেই যেন আমার সমস্ত দিনের কার্যনির্বাহ হয়, আমার আশিত্ব, অভিমান, অহঙ্কার প্রকাশিত হইয়া যেন তোমার কার্যের এবং তোমার সম্মানসম্মতিগণের বিঘ্ন না জন্মায়। অশুকার অন্নজল ভূমিই দান কর, তাহা পান ভোজন করিয়া যে শক্তি হইবে তাহা যেন তোমারই কার্যে অর্পণ করিতে পারি, জগতের কল্যাণ কর, আমার দেশের—জন্মভূমির কল্যাণ কর।” এই তিনশ' পৈষটি দিনের প্রার্থনারই একটি নবীন উদ্বোধন, নববর্ষ। নববর্ষ সেই তিনশ'পৈষটি দিনেরই আরম্ভ। বিশ্বাসীভক্তের জীবন নিত্য উৎসবময়। নববর্ষ, বিশ্বাসী-ভক্তের জীবনে প্রকৃত নবভাব দান করে। কিন্তু যেখানে জীবনই আগে নাই, সেখানে “কি বা রাত্র কিবা দিন,” শুগবান্ করুন, কুশদহবাসীর প্রাণে নব আগরণ আসুক। দাসের প্রার্থনা সার্থক হউক, দেখিয়া শুনিয়া কৃতার্থ হই।

নববর্ষ-বন্দনা *

—○—

নববর্ষ—উপস্থিত

বালক ও বালিকাগণের প্রবেশ ।

১ম বালক—তুমি কে ভাই, এখানে দাঁড়িয়ে রয়েছ ?

২য় বালক—ঠিক যেন একটি জীবন্ত গাছ, দেখতে কি সুন্দর লাগছে ।

৩য় বালক—তুমি কে ভাই ?

নববর্ষ—আমি নববর্ষ ।

৩য় বালক—তুমিই নববর্ষ ? আজ আমরা নববর্ষকেই খুঁজতে এসেছি ।

১ম বালিকা—তোমার গায়ে এত পাতা আর ফুল কেন ? ও তো আমরাও পরেছি । তোমার রাজবেশ নেই ?

নববর্ষ—এই তো আমার রাজবেশ । আমার ষিনি প্রভু, তিনি আমাদের এই বেশেতেই সাক্ষাতে ভালবাসেন । চারিদিকে চেয়ে দেখ দেখি, কত বিচিত্র সবুজের শোভায় পৃথিবী কি সুন্দর শোভা ধারণ করেছে, বসন্ত এসে দিকে দিকে আমার আগমন বার্তা ঘোষণা করে দিয়েছে, তাতেই তোমরা জানতে পেরেছ যে আমি আসছি,—নয় কি ?

২য় বালিকা—তা ঠিক । আমরা তো তাতেই ঘর ছেড়ে, সবুজ পাতা আর নানাবন-ফুল নিয়ে খেলবার জন্তু বাইরে বেরিয়েছি ।

১ম বালক—হ্যাঁ ভাই নববর্ষ, তোমার প্রভু আমাদের জন্তু কিছু উপহার দিয়েছেন কি ?

নববর্ষ—দিয়েছেন বৈ কি ? তিনি বোলেছেন, পৃথিবীকে আমি বড় ভালবাসি, সেখানকার সকলের জন্তু নানা উপহার তুমি নিয়ে যাও । কিন্তু বোলো, আমার সব দান তাদের পসন্দ না হোলেও, কোনটাও অপ্রয়োজনীয় নয়, তাদের নেবার গুণেই সব সুন্দর হোয়ে উঠবে ।

২য় বালক—ভাই নববর্ষ, তিনি যা পাঠিয়েছেন আমরা তাই নিয়ে খুসী হবো, তাঁর দান হাসিমুখে নিয়ে আমরা ধন্য হবো । এসো ভাই, তুমি আজ আমাদের অতিথি, তোমায় আমরা আদর করে আমাদের খেলার সাথী করে নিই ।

* রামপুরহাট বাল্যসমিতিতে অভিনীত ।

১ম বালক—এসো ভাই নববর্ষ, এই মালা তোমার গলায় পরিয়ে দিই, এই তোমার যোগ্য উপহার। এস ভাই, আমরা সকলে মিলে নববর্ষকে ঘিরে গান করি।

আজি নববর্ষের নবীন প্রভাতে নব বন্দনা গানে,
চারিদিক মোরা করিব মুখর, সুমধুর নব তানে।
এস হে নবীন, তরুণ, অরুণ, কিরণোজ্জ্বল প্রাতে,
শ্রাম পল্লবে রচিত মুকুট বাধিয়া যতনে মাথে।
শুভ্র মালতী মল্লিকা ফুলে তনু সাজাইয়া যতনে।
এস সুন্দর মানস-হরণ, আমাদের এই ধরণী,
তোমার অমৃত পরশে, নিমিষে হোক সুন্দর বরণী,
তোমার তরুণ পরশ লাগুক দিকে দিকে জড় চেতনে।
তব বন্দনা পাখীর কণ্ঠে ঐ যে ধ্বনিছে কাননে।
কোথা সে নবীন চিরসুন্দর বাহার আদেশ বহিয়া,
এসেছ হে দূত, উর্ধ্ব হইতে মোদের ধরায় নামিয়া,
নত শিরে মোরা নমি তাঁর পায় পূজি সে চিরন্তনে ;—
বর্ষের যত সব সুখ দুঃখ যত হোক এ পরাণে।

শ্রীসরসীবালা বসু।

পল্লী-সমস্যা

—০—

শ্রী রবীন্দ্রনাথ পাবনা প্রাদেশিক সম্মিলনীর অভিভাষণে যে পল্লী-সমস্যা প্রতিষ্ঠার কথা উল্লেখ করিয়াছেন, তাহার সম্বন্ধে আলোচনা করা এই প্রবন্ধের উদ্দেশ্য। তিনি বলিয়াছেন,—সমবেত চেষ্ঠা ভিন্ন আজকাল কোনও বিষয়েরই উন্নতি সম্ভবপর নহে। সমবেত চেষ্ঠার ইচ্ছা পল্লীবাসীর নাই এবং বর্তমানে তাহাদের সে ক্ষমতাও নাই। তবে এখন উপায় কি? উপায় কি নাই? অবশ্য পল্লীবাসীরা নিজেরা কি করিবে, কিরূপে করিবে—তাহাও কিছুই ভাবিয়া পার না। অথচ কোনও আদর্শও সম্মুখে নাই, যাহার দৃষ্টান্তে তাহা তাহাদের কার্যগুলি নিয়ন্ত্রিত করিতে পারে। এ অবস্থায় দেশনায়কদিগের দ্বারা একটি আদর্শ-মণ্ডলী স্থাপিত হওয়া আবশ্যিক।

কোনও একটি গ্রাম পরীক্ষার জন্ত নির্দিষ্ট করা উচিত। সেখানে একটি Joint-stock Company প্রতিষ্ঠা করা কর্তব্য। একটি মধ্যম রকম গ্রাম লইয়া কার্য আরম্ভ করিলেই ভাল হয়। আর সেই গ্রামে দুই একটি এরূপ শিক্ষিত সংসাহসী লোক থাকি চাই, তাঁহাদের দ্বারা এই কোম্পানীর কার্য সুচারুরূপে নির্বাহ হইতে পারে। এরূপ কোম্পানীর মূলধন ২০,০০০ টাকা ধার্য করিয়া ৫০০০ অংশে বিভক্ত করা উচিত। প্রত্যেক অংশের মূল্য ৪ চারি টাকা। ইহার মধ্যে বর্তমানে ২৫০০ অংশে বিক্রয় করিয়া কোম্পানীর কার্য আরম্ভ করা কর্তব্য। প্রথম প্রথম গ্রামবাসীরা অংশ গ্রহণ করিবেন না। কারণ, ইহার উপকারিতা তাঁহারা নিজেরা উপলব্ধি করিতে পারিবেন না এবং পাছে কোম্পানী নষ্ট হয় বলিয়া তাঁহাদের মনে কিছু আশঙ্কাও যে না থাকিবে, তাহা নহে। সেইজন্য প্রথমেই কোম্পানীর সমস্ত অংশ এক সঙ্গে না খুলিয়া অর্ধেক পরিমাণ অংশ বিক্রয় করিয়া কার্য আরম্ভ করা উচিত। কারণ, কোম্পানীর উন্নতি দেখিলে গ্রামবাসীরা অংশ লইবে। দেশনায়কেরা ইচ্ছা করিলে এক জনে বা দুই জনেই সমস্ত অংশ ক্রয় করিতে পারেন বটে ; কিন্তু তাহাতে উদ্দেশ্য সফল হইবে না। স্থানীয় লোকের মধ্যে বা নিকটস্থ সহরবাসীদের নিকট অধিকাংশ অংশ বিক্রয় করার চেষ্টা করিতে হইবে।

১০,০০০ টাকা লইয়া প্রথম কার্য আরম্ভ করিতে হইবে। প্রথমেই গ্রামের পুরাতন পুষ্করিণীর সংস্কার করা উচিত। উক্ত কোম্পানী গ্রামবাসীদের নিকট হইতে পুষ্করিণীর মৎস্য ধরার স্বত্ত্ব লইয়া ঐ পুষ্করিণী সংস্কার করিবেন ; এবং উক্ত পুষ্করিণীতে মৎস্যের চাষ করিবেন। ইহাতে মূলধনের অবনতি হইবে না ; বরং কোম্পানী ইহা দ্বারা লাভবান হইবেন। যখন গ্রামবাসীরা দেখিতে পাইবে যে, এই কোম্পানী লাভবান হইতেছে, তখন তাহারা কোম্পানীতে অংশ গ্রহণ করিবে। ইহা দ্বারা গ্রামের মৎস্যকষ্ট নিবারণ হইবে, পানীর জলের সুবিধা হইবে এবং পুষ্করিণীর মাটি দ্বারা পল্লীবাসীদের বাড়ীর নিকটের অনেক ডোবা পূরণ হইবে। এখন কথা হইতেছে যে, হয় তো অনেকে তাঁহাদের বাড়ীর সংলগ্ন পুষ্করিণীর স্বত্ত্ব ছাড়িতে না চাহিতে পারেন। অথচ হয় তো তাঁহাদের উক্ত পুষ্করিণীর সংস্কারের ক্ষমতাও নাই। এরূপ ক্ষেত্রে উক্ত কোম্পানী ঐ পুষ্করিণী সংস্কার করিয়া দিয়া স্বত্বাধিকারীর সহিত এরূপ চুক্তি রাখিতে পারেন যে, যদি তিনি নির্দিষ্ট

সময়ের মধ্যে ক্রমে ক্রমে নির্দারিত্ত সুদ সহ টাকা পরিশোধ করিতে পারেন, তাহা হইলে পুষ্করিণীর স্বত্ব কোম্পানী তাঁহাকে ছাড়িয়া দিবেন। যত দিন তিনি টাকা পরিশোধ করিতে না পারিবেন, তত দিন পুষ্করিণীর স্বত্ব ধরার স্বত্ব কোম্পানীর হাতে থাকিবে। লাভের দিক্ না দেখিলে কোনও লোকই কোনও কার্যে যোগ দিবে না। এই কার্য দ্বারা প্রথম প্রথম সমবেত চেষ্টার আরম্ভ হইবে। সমবেত চেষ্টার ফলে সমবেত চেষ্টার গুণ উপলব্ধি হইবে।

কোম্পানীর দ্বিতীয় কার্য হইবে—ঐ গ্রামের ঋণ-ভারগ্রস্ত দুই চারি জন লোককে অল্প সুদে টাকা কর্জ দিয়া তাহাদের ঋণ পরিশোধ করিয়া দেওয়া, এবং তাহাদের কৃষি-উৎপন্ন দ্রব্যাদি গ্ৰাম্য মূল্যে খরিদ করিয়া লইয়া তাহা-দিগকে মহাজনের হাত হইতে উদ্ধার করা। সকলেই অবগত আছেন যে, কৃষকেরা যখন তাহাদের কৃষি-উৎপন্ন দ্রব্যাদি মহাজনের নিকট বিক্রয় করে, তখন মহাজনেরা তাহাদের প্রাপ্য হইতে 'ঈশ্বর-বৃত্তি' বলিয়া কিছু কিছু করিয়া কাটিয়া লন। বাংলা দেশের মহাজনদিগের গর্দিতে যথেষ্ট টাকা ঈশ্বর-বৃত্তি খাতে মজুত হইয়া থাকে। ইহা দ্বারা কোনও কোনও স্থানে বারোয়ারী প্রভৃতি হয়। কিন্তু তাহাতেও সম্পূর্ণ টাকা ব্যয় হয় না। এখন অনেক স্থল হইতে সে বারোয়ারীও উঠিয়া গিয়াছে। মহাজনেরা এখন যাহা দান করেন, প্রায়ই তাহা ঈশ্বর বৃত্তির তহবিল হইতে। কোম্পানীও যখন কৃষকদিগের নিকট হইতে দ্রব্যাদি খরিদ করিবেন, তখন ঈশ্বর-বৃত্তি কাটিয়া লইবেন। কিন্তু উক্ত ঈশ্বর-বৃত্তি তাঁহারা উক্ত ব্যক্তির নামে আমানত জমা রাখিবেন; তাহার উপর সুদ চলিবে। এইরূপ করিলে প্রত্যেক ৫৯সরেই কৃষকদিগের কিছু কিছু জমা হইবে। কোম্পানী যে সমস্ত দ্রব্যাদি খরিদ করিবেন, তাহা যদি তাঁহারা উচ্চ মূল্যে বিক্রয় করিতে পারেন, তবে তাহা হইতে যে লাভ হইবে, তাহার দ্বিগুণ আনা অংশের এক অংশ কৃষকের নামে উক্ত কোম্পানীতে আমানত জমা করিয়া রাখিলে আরও ভাল হয়। দুই চারি জনের অবস্থার উন্নতি দেখিলে, অন্য কৃষকেরাও তাহাদের দ্বারা কোম্পানীর হস্তে গুস্ত করিবে।

তৃতীয়তঃ, কোম্পানী উক্ত গ্রামে লবণ, কাপড়, মশলা, কেরোসিন, ঘৃত, চাউল প্রভৃতি নিত্য-ব্যবহার্য্য দ্রব্যাদি কি পরিমাণে লাগে, তাহা অবগত হইয়া যদি সেই পরিমাণ জিনিস আনাইয়া রাখেন এবং অল্প লাভে উহা

গ্রামবাসীদের নিকট বিক্রয় করেন, তাহা হইলে কোম্পানীরও লাভ হইবে, গ্রামবাসীদেরও সুবিধা হইবে। ইহার পর কোম্পানীর কার্যের উপর লোকের শ্রদ্ধা হইলে গ্রামের সর্ববিধ আবশ্যিক দ্রব্যই কোম্পানী ভাণ্ডারে রাখিতে পারিবেন। ইহা দ্বারা কোম্পানী লাভবান হইবেন এবং গ্রামবাসীরাও লাভবান হইবে। এইরূপ করিলে ক্রমে সমবেত চেষ্টার প্রবৃত্তি গ্রামবাসীদের মধ্যে আসিবে। যখন গ্রামবাসীরা দেখিবে যে, কোম্পানীর অংশ লইলে লাভবান হওয়া যায়, তখন সকলেই কোম্পানীর অংশ গ্রহণ করিবে। কোম্পানীর উপর লোকের বিশ্বাস হইলে গ্রামের অনাথা বিধবা প্রভৃতির যাহাদের যাহা কিছু মজুত আছে, তাহারা উক্ত কোম্পানীতে আমানত রাখিবে। তখন কোম্পানীর কোনও বৃহৎ কার্যের জন্যও অর্থের অভাব হইবে না; পরন্তু উক্ত গ্রামের কেবল একমাত্র কোম্পানীই মহাজন থাকিবে। তারপর কার্য হইবে—কোম্পানীর একটি তালিকা প্রস্তুত করা। গ্রামে কার্যক্রম অথবা নিষ্কর্যা ও স্বল্পকর্যা লোকের সংখ্যা নির্দেশ করা এবং তাহারা কে কি কার্যের উপযোগী, তাহা নির্দ্ধারিত করা। প্রত্যেক লোককেই তাহার অবস্থা এবং ক্ষমতা অনুযায়ী কার্যে লিপ্ত রাখিতে হইবে, এবং তাহা হইতে তাহারা প্রত্যেকেই যাহাতে কিছু কিছু উপার্জন করিতে পারে, তাহার ব্যবস্থা করিতে হইবে। লোকদিগকে যে সমস্ত কার্যের উপযোগী বলিয়া বিবেচনা করা হইবে, তাহাদিগকে সেই সমস্ত কার্যে শিক্ষা দিবার জন্য লোক আনাইয়া কোম্পানী তাহাদিগকে শিক্ষা দিবেন। যখন লোকে দেখিবে যে, বাড়ীতে বসিয়াই উপার্জন করা যায়, তখন অনেকেই সেই কার্যে যোগদান করিবে।

গ্রামের মল-মূত্রাদি পরিষ্কারের ব্যবস্থা করা অতি সহজে হইতে পারিবে। তখন গ্রামের জঙ্গল পরিষ্কার সম্বন্ধেও আর বিশেষ বাধা থাকিবে না। প্রত্যেক গ্রামবাসীর নিকট হইতে অবস্থা-বিশেষে উর্ধ্বে মাসিক ১/০ এবং নিম্নে মাসিক ১/৪ হিসাবে আদায় করিলে গ্রামে মেথর রাখা যাইতে পারে এবং মল-মূত্র আবর্জনা দি দ্বারা গ্রামের নিকট জমি-সমূহের উৎকর্ষ সাধিত হইতে পারিবে।

এইরূপে গ্রামের লোকদিগকে কর্মী করিয়া তুলিতে পারিলে সমবেত চেষ্টায় কৃষি, বাণিজ্য, শিল্প প্রভৃতির উন্নতি আপনা হইতেই হইবে। তখন গ্রামের জঙ্গল পরিষ্কার, পাঠশালা-স্থাপন, ধর্মগোলা প্রতিষ্ঠা, বিবাদ-

মীমাংসা প্রভৃতি কার্য তাহারা নিজেরাই ব্যবস্থা করিয়া লইবে। লোকের একতা বৃদ্ধি পাইবে। এক সঙ্গে স্বার্থ-সম্পর্কে সর্বদা মিলামিলা করার পরস্পরের মধ্যে প্রীতি বর্দ্ধিত হইবে। গ্রামের অবস্থার পরিবর্তন হইলে, গ্রামবাসীরাই গ্রামে নির্দোষ উৎসবদির অনুষ্ঠান করিবে। কিন্তু এইরূপ আদর্শ প্রথম দেশনায়কদিগের দ্বারা প্রতিষ্ঠিত হওয়া প্রয়োজন। তাহা না হইলে গ্রামবাসীরা প্রথমে কোনও কার্যেই হস্তক্ষেপ করিবে না। সরকার বাহাদুর Co-operative Credit Society প্রতিষ্ঠা করিয়া গ্রামের উন্নতিকল্পে চেষ্টা করিতেছেন। * দেশনায়কগণও যদি এইরূপ ধরনের কোম্পানী প্রতিষ্ঠা করেন, তাহা হইলে অচিরে গ্রামের অবস্থার উন্নতি হইবে। সম্প্রতি লাটসাহেব বাহাদুর ম্যালেরিয়া নিবারণ সম্পর্কে যেরূপ মন্তব্য প্রকাশ করিয়াছেন, তাহাতে গ্রামের পূর্বাবস্থা আবার ফিরিয়া আসিবে বলিয়া সকলের মনে আশার সঞ্চার হইতেছে। (সাহিত্য সংবাদ হইতে গৃহীত)

* সরকার বাহাদুরের চেষ্টার সহিত দেশবাসীর সমবেত চেষ্টা মিলিত হইলে সফল লাভের আশা করা যায়। আজকাল পল্লীগ্রাম একরূপ বাসের অনুপযুক্ত হইয়া পড়িয়াছে। জলকষ্ট, ম্যালেরিয়া প্রভৃতি লাগিয়াই আছে। বিভ্রাট ভিন্ন, মধ্যবিৎ ও দরিদ্র গৃহস্থ, অর্থাভাব-নিবন্ধন নগর সহরাদিতে বা স্বাস্থ্যকর স্থানে গমন করিবার সুবিধা পান না। সুতরাং পল্লীগ্রামের অশেষ কষ্ট-যন্ত্রণা তাঁহাদিগকে নীরবে সহ্য করিতে হয়। পল্লীগ্রামের অবস্থার উন্নতির সঙ্গে সঙ্গে গ্রামবাসীদের অবস্থার উন্নতি হওয়ার সম্ভাবনা। বঙ্গের অধিকাংশ পল্লীতে নিম্নশ্রেণীর লোক সংখ্যাই অধিক। পল্লীবাসী কৃষকগণ সর্বল সুস্থ না হইলে অনেক সময় শস্তাদি উৎপন্নও ব্যাঘাত প্ৰাপ্ত। সুতরাং উদ্যোগী ব্যক্তিগণ এ বিষয়ে যত্নবান হইলে সফল লাভের সম্ভাবনা। বক্তার কোনও কোনও মন্তব্যের সহিত ব্যক্তিবিশেষের মতানৈক্য হইতে পারে, তথাপি বিষয়টি উপেক্ষণীয় নহে। ২৪ পরগণা সুখচর পল্লীতে সুপ্রসিদ্ধ রায় বাহাদুর ডাক্তার শ্রীযুক্ত গোপালচন্দ্র চট্টোপাধ্যায় এম-বি মহাশয় এইরূপ একটি পল্লীসমিতি প্রতিষ্ঠিত করিয়াছেন। তাঁহার নিকট শুনিয়াছি সুখচরে প্রথমে খুব ম্যালেরিয়া ও জলকষ্ট ছিল। কিন্তু তাঁহার চেষ্টায় ও পরিশ্রমে সুখচরে ম্যালেরিয়ার প্রকোপ অনেক পরিমাণে হ্রাস হইয়াছে, জলকষ্টও অনেক কমিয়া গিয়াছে। আমরা প্রতি পল্লীর উদ্যোগী ব্যক্তিগণকে রায় বাহাদুরের দৃষ্টান্ত অনুসরণ করিতে বলি। প্রথমে সম্পূর্ণ না হউক, কতকটা ফললাভ হওয়াও সম্ভব। বঙ্গদেশের স্বাস্থ্য-বিভাগের কমিশনার সহায় ডাক্তার বেন্টলি বঙ্গের পল্লীসমূহের স্বাস্থ্যোন্নতির জন্য বিশেষ চেষ্টা করিতেছেন। তিনি বঙ্গের বিভিন্ন পল্লীতে ঘুরিয়া ফিরিয়া স্বাস্থ্যাদির তথ্য সংগ্রহ করিয়া থাকেন। তাঁহার সহায়তার জন্য বঙ্গবাসী তাঁহার নিকট বিশেষ কৃতজ্ঞ। পল্লীবাসী উদ্যোগীগণ ইচ্ছা করিলে তাঁহারও সহায়তা লাভ করিতে পারেন। (সাঃ সং সম্পাদক।)

প্রায়শ্চিত্ত

(উপন্যাস)

প্রথম

স্বদেশীয় হাঙ্গামায় দুইবৎসর কারাবাসের পর, যে দিন রতিকান্ত জেল হইতে মুক্তি পাইয়া আসিল, সেদিন পিতা ভ্রাতা বন্ধু বান্ধব আত্মীয় স্বজন, সব চাইতে আনন্দ হইয়াছিল বুঝি হরদাদার। যে হরদাদাকে সম্পদে, বিপদে, প্রাতে বা রাতে, ঘরে ও বাহিরে, কেহ কখনও হুকা ছাড়া হইতে দেখে নাই, সেই হরদাদা আর সকলের সঙ্গে ট্রেনে রতিকান্তকে আনিতে বাইবার সময় হুকা লইয়া যান নাই। গোলেমালে তাঁহার সে অশোভন মূর্তি কাহারও চোখে পড়ে নাই, কিন্তু রতিকান্তকে ট্রেন হইতে নামাইয়া আলিঙ্গন, প্রণাম, আশীর্বাদের যথোচিত পালনা শেষ হইলে পর, ছেলের দল হরদাদার সে বাম হস্তধারিত বিসম্বন্দিত রক্ততায় আগেই নজর করিল। সুবেশ করিল “এ কি দাদা, মহাদেবের ডম্বুর কি হারিয়ে গেল? আজ কি সূর্যদেব পূর্বদিক ভুল করেছেন? এ তো ভাল লক্ষণ না?”

হরদাদারও এতক্ষণে হুসু হইল, তিনি কহিলেন “না হে না, এ-টা ভাল লক্ষণই বোলতে হবে, রতিকান্তকে নিতে এসে হুকা ভুলে এসেছি, তা ভালই হয়েছে, হাত আমার খালি যাচ্ছে না”। সমস্ত পথ হরদাদা রতিকান্তকে হাতে ধরিয়া আঁকড়িয়া লইয়া পথ চলিতে লাগিলেন, বাড়ীতে আসিয়া মাত্র মেয়েরা আনন্দে শব্দধ্বনি করিয়া উঠিল, হরদাদা সাক্ষনয়না চিন্তামণিকে কহিলেন,

“এই নাও বৌ মা, তোমার হারানিধি ফিরিয়ে আনলুম। বলেছিলুম তো, কেঁদোমা মা, রতিকান্ত ফিরে আসবেই। জোয়ান বয়েস, রক্ত গরম, তার উপর ষাড়ে এখনও বোকা পড়ে নি, ওদের অমন দু একটা ভুল চুক হোয়েই থাকে; আবার তাও বলি, কোম্পানী বাতাদুরকেও একটু তলিয়ে বুঝতে হয়। হতু কীচূর্ণ তাঁদেরও একটু খাওয়া দরকার, মাথাও ঠাণ্ডা হবে, ভাল কোরে বোকবারও শক্তি বাড়বে। রতিকান্তর সঙ্গেও ঐ ব্যবস্থা—নয় তো রাতে গোটাকতক হতু কী ভিজিয়ে রেখো, সকালে উঠে একটু কোরে খেতে দিও, দুদিনে সব ঠিক হোয়ে যাবে।”

হরদাদা নিজের একমাত্র শ্রেষ্ঠ সম্বল হরিতকীচূর্ণ রতিকাস্ত্রের জন্ত ব্যবস্থা করিয়াই সরিয়া পড়িলেন।

দীর্ঘ দুই বৎসর পরে, পুত্র বিচ্ছেদাকুল জননী পুত্রকে বুকের মধ্যে টানিয়া লইলেন। কারাবাসক্লিষ্ট সম্বানের বিশুদ্ধ ললাট চূষন করিয়া মাথার ঘনচুল-গুলির মধ্যে অঙ্গুলী চালনা করিতে করিতে জননীর দুই বিন্দু আনন্দাশ্রু নিঃশব্দে পুত্রের মস্তকে পড়িল। বাড়ীর আশে পাশে মেয়েরা দাঁড়াইয়া, অশ্রুসজল চক্ষে এ মিলন-দৃশ্য দেখিতে লাগিলেন। হরদাদা সে সকল আর দেখিবার জন্ত বিগম্ব করিতে পারিলেন না। বাহিরে নিজের ছোট ঘরটিতে আসিয়া, টিকা ধরাইয়া কলিকায় তামাকু চড়াইয়া, অভিমানিনী ছকা সুন্দরীর সাধ্য সাধনায় মনোনিবেশ করিলেন।

দ্বিতীয়

রতিকাস্ত্র আহারাতে বিছানায় শুইয়া ষ্ট্রেটস্ম্যান পড়িতেছিল। বিচক্ষণ সম্পাদকের বিচিত্র মন্তব্যগুলি যুবকের মনে যে ভাবের উদ্রেক করিতেছিল উহা পরাধীন জাতির মনের মধ্যে যে কিছুতেই হওয়া উচিত নয়, তাহা সে বুঝিতে পারিতেছিল না।

হরদাদার নির্কঙ্কাতশয্যে এবং প্রত্যহ তাঁহার জিজ্ঞাসার উত্তরে মিথ্যা কথা বলিয়া পাপ সঞ্চয়ের ভয়ে চিন্তামণি পুত্রকে প্রতিদিন প্রাতে হরিতকী ভিজান জল পান করিতে দিতেন। রতিকাস্ত্র হাসিয়া হরদাদার সে মহৌষধি-টুকু পান করিত। হরদাদার স্থির বিশ্বাস ছিল এ মহৌষধির গুণ ধরিবেই।

চিন্তামণি আহারাতি সারিয়া, পুত্রের কাছে আসিয়া সুপারী কাটিতে বসিলেন। তিনটি ছেলের মধ্যে রতিকাস্ত্রই কনঠ, দু'টি পুত্রবধু ঘর সংসার দেখিতেছে, এখন রতিকাস্ত্রের বিবাহ দিয়া ঘরে বধু আনিতে পারিলেই তিনি নিশ্চিন্ত হন। বধুদের এখনও সম্বানাদি হয় নাই, বড় মেয়ের তিনটি ছোট ছোট ছেলে মেয়ে বাড়ীর সে অভাব পূরণ করিয়া রাখিয়াছে—চিন্তামণির দুইটি মাত্র কন্যা, অদৃষ্টদোষে বড় মেয়েটি ঐ অপোগণ্ডগুলি রাখিয়া অকালে দেহত্যাগ করিয়াছেন, ছোটটিও অল্পবয়সে একটিমাত্র পুত্র লইয়া বিধবা হইয়াছে।

মা কাছে আসিয়া বসিবামাত্র রতিকাস্ত্র কাগজ রাখিয়া উঠিয়া বসিল, ডালা হইতে কুচা সুপারী তুলিয়া মুখে দিয়া কহিল, এর মধ্যেই খাওয়া হয়ে গেল মা? পেট ভরে খেয়েছ তো? বড় রোগা হয়ে গেছ মা।

পুত্রের মমতাপূর্ণ কথায় চিন্তামণির চক্ষে জল আসিল, এ দুই বৎসর পুত্র

বিরহে তিনি যে কেমন করিয়া কাটাইয়াছেন তাহা তাঁহার অন্তর্ধামী দেবতাই জানেন। আহাৰ নিদ্রা কিছুই নিয়মিত ছিল না, মানসিক এত উদ্বেগ অশান্তি মুখেও যে শরীর টিকিয়া আছে এই আশ্চর্য্য।

যে রতিকান্ত বাড়ী ফিরিতে একটু বিলম্ব করিলে তিনি পথ চাহিয়া থাকিতেন, কত্না কমলাকে দেখিতে পাঠাইয়া দুই দিনের বেশী চারি দিন হইলে, পুত্রের জন্ম চঞ্চল হইয়া পড়িতেন, পাশের ঘরে রতিকান্তকে শোয়াইয়া মাঝে মাঝে রাত্রে আসিয়া ভাল করিয়া মশারুটি গুঁজিয়া দিতেন, পাছে মশা কাষড়াইয়া, পুত্রের নিদ্রার ব্যাঘাত করে। গ্রীষ্মের সময় কপালে হাত বুলাইয়া দেখিতেন নিদ্রাবস্থায় ঘামিয়া উঠিয়াছে কি না, সেই রতিকান্তকে দুইবৎসর ছাড়িয়া থাকিতে হইয়াছিল, সে কি কম দুঃসহ বেদনা। যখন প্রিয়জনের সহিত ইহলোকের বন্ধন একেবারে ছিন্ন হইয়া যায়, তখন তাঁর বেদনার প্রথম আঘাত অত্যন্ত কঠিন হইলেও শীঘ্রই সহিয়া যায়, কিন্তু পৃথিবীতে বাস করিয়া, দৈব-দুর্কিপাকে যে বিচ্ছেদ ঘটে, তাহার ব্যথা বড় মর্মান্তিক – বড় সাংঘাতিক। রতিকান্তের বিরহে জননী যে যাতনা সহ করিয়াছিলেন তাহা স্নেহময়ী মাতা ভিন্ন অন্তে কি বুঝিবে? সতীকান্ত, উমাকান্ত মাতাকে কত সাহুনা দিত, তাহাদের মুখ চাহিয়া তিনি কোনও রকমে প্রাণ ধরিয়াছিলেন। শ্রীকান্ত বাবু বৃদ্ধ বয়সে নিজেই এ দুর্দৈব ঘটনার যথেষ্ট সন্তপ্ত হইয়া, কোনও রকমে দিনাতিপাত করিতেছিলেন, তখন সকাতির পত্নীকে আর বিশেষ কি প্রবোধ দিবেন? তবে রক্ত মাংসের সম্পর্ক না থাকিলেও, এই হরদাদা পরমাশ্রমীর কাজ করিয়াছেন। প্রাণস্পর্শী সাহুনা ও আশ্বাস-বাক্যে বাটীর প্রত্যেককেই প্রত্যহ কত মতে বুঝাইতে চেষ্টা পাইয়াছেন, ভগবান বিশ্বাসীর সে সাহুনা-বাণী জরযুক্ত করিয়াছেন।

মাতার অশ্রু দর্শনে, রতিকান্ত চঞ্চল হইয়া উঠিল, চিন্তামণি আঁচলে চক্ষু মুছিয়া কহিলেন,—বাবা রতি, তুই চারটে পাশ করা ছেলে, তোর কত বিচ্ছেদ, কত বুদ্ধি। তোর দুই দাদা উকিল হয়েছে বোলে, তোকে আর আইন পড়তে দিলাম না, এই জমিদারী দেখবার জন্তে তো একজনকে চাই, উনি পেঙ্গান নিয়ে ঘরে থাকলে কি হবে, এখন কি আর এ বয়সে, ঘুরে ঘুরে দেখা শুনো কোরে বেড়াতে পারেন? তুই-ই ঘরে থাকবি, এ সব দেখা শোনা করবি। তা কার কুপরাশর্মে এমন ক্যাঁসাদ ঘটিয়ে বসুলি। তুই আমার সুবোধ ছেলে, এমন অণ্ডার কাজ তোকে কি সাজে বাবা!

কমলা তোর জন্মে বড় কাতর হয়েছে,তাকে আনতেও পারি না, এলে তার ঘর চলে না, হরদাদাকে সঙ্গে নিয়ে তার কাছে একবার যাবি, তোকে দেখলে তবে তার বুক ঠাণ্ডা হবে। অনেক দূরের পথ, কাউকে পাঠাতেও পারি না। ছোট ছোট নিয়ে অল্পবয়সে বিধবা হোলো, বাছার আমার অদৃষ্ট বড় মন্দ, ছোট ভাইটি অস্ত্র প্রাণ। তোকে কাছে পেলে দু'দিন থাকবে ভাল। আর মহেশ বাবুদেরও চিঠি পাঠিয়েছি, আমি তোরে শীগ্গীর সংসারী কোরতে চাই।

রতিকান্ত নিঃশব্দে মাতার এতগুলি কথা শুনিয়া লইল। ষতখানি দোষ সাব্যস্ত করিয়া তাহাকে দুই বৎসর কাল কারাবদ্ধ রাখা হইয়াছিল, ততখানি দোষ তাহার না থাকিলেও, সে নিজেই নিজের ভ্রম, ক্রটির জন্য ষথেষ্ট লজ্জিত ও অনুতপ্ত হইতেছিল। এখন কেমন করিয়া, কোনও একটি বড় কাজের মধ্যে নিজেকে সমর্পণ করিয়া, এ অপরাধের দায় হইতে মুক্তি পাইবে. আজকাল সে কেবল ইহাই ভাবিতেছে, তাই মাতার এতগুলি তাহার প্রাণে বড় বাজিল। মাতার পায়ের ধূলা মাথায় লইয়া কহিল, আমাকে তুমি মাপ কর মা, তোমার আর কোনও ভয় নাই, এবার তুমি আমার বিশ্বাস কর, তোমার মনে ব্যথা লাগবে এমন কাজ আর আমি কোরবো না।

মাতা সম্মেহে পুত্রের গলাট চুষন করিয়া কহিলেন, সে কি বাপ, আমি কি তোর ওপর রাগ করেছি যে মাপ কোরবো? ছেলে ষত ভুলচুক করুক, মার কাছে তার কোনো লজ্জা নেই, ভগবান্ তোর মঙ্গল করুন।

যাঁতি রাখিয়া স্নেহময়ী জননী পুত্রের মাথায় হাত বুলাইয়া দিতে দিতে কহিলেন, সোনার দেহ কালী হয়ে গেছে। সবাই শীগ্গীর কোরে বিয়ে দিতে বলছে, আমি কিন্তু মহেশ বাবুর প্রত্যাশায় বসে থাকতে পারবো না. দেশে ললিতার মতো মেয়ে কত পাওয়া যাবে, বৈশাখ মাসে আমি শুভ কাজটি স্মৃত্যলা তালিতে সারতে চাই-ই, তা তোকে শুনিয়ে রাখলুম।

রতিকান্ত উত্তর দিল না, দাসীর আস্থানে চিন্তামণি উঠিয়া গেলেন, রতিকান্ত বুঝি ধ্যানে বসিল। তাহার মানসে ললিতার ছবি জাগিয়া উঠিল, দুইবৎসর পূর্বেকার আনন্দ-রঞ্জিত দিনগুলি যেন চক্ষের সম্মুখে ভাসিয়া বেড়াইতে লাগিল, হাস্ত-পরিহাস-নিপুণ বাক-চতুরা ললিতার সরল মাধুরী, চা—এর টেবিলে বসিয়া, সন্ধ্যা সকালে, গল্প-গুঞ্জর, ললিতার লাজ-নম্র

ব্যবহার, মহেশ বাবুর সহিত যুক্তিপূর্ণ তর্ক, সবই একে একে রতিকাস্তের মনে পড়িতে লাগিল।

কারাগৃহে আত্মীয় স্বজন বিচ্ছেদ-বেদনার স্মৃতি-মধ্যে, ললিতার স্মৃতিও তাহার মনে তেমনি পরিষ্কৃত ও সমুজ্জল ছিল। আর ললিতা,—সেও কি এমন সমভাবে, তাহার স্মৃতিকে হৃদয়ে ধরিয়৷ আছে? যদিও তাহার নিকট হইতে কখনও ভাষায় প্রণয়বাণী সে শুনিতে পায় নাই, কিন্তু দৃষ্টির মধ্যদিয়া, সরল অন্তরের যে ভাষা পড়িতে পারা যায়, তাহাই কি নব প্রণয়ীর পক্ষে যথেষ্ট নয়? দুই বৎসরের দীর্ঘ দিন গুলির অন্তরালে, সে ছবি কি কিছু ম্লান হয় নাই? এতখানি আশার কথা তো বিশ্বাস হয় না, কিন্তু অবিশ্বাস করিতেই বা প্রবৃত্তি হয় কি? রতিকাস্তের প্রণয়-বিহ্বল-মুগ্ধ-মানস, বন্ধের নিভৃত কন্দরে বসিয়া গাহিতে লাগিল “ললিতা, চিরমনোরমা প্রিয়তমে, এই লাস্কিত বিড়ম্বিতকে কি তুমি তেমনি সাদরে গ্রহণ করিতে পারিবে?”

তৃতীয়

ছেলেদের হৈ-হৈ শব্দ কাণে আসিবামাত্র, হরদাদা ঘরের জানালাটা ভেজাইয়া দিলেন। কিন্তু ‘যেখানে বাঘের ভয়, সেইখানে সন্ধ্যা হয়’ এ পুরাতন প্রবাদবাক্য মিথ্যা হইবার নয়। ছেলের দল হরদাদার দরজা ঠেলিয়া ঘরে ঢুকিয়া পড়িল, কিন্তু গোটা কতক না ঢুকিতেই ছোট্ট ঘরটি ভরিয়া গেল। হরদাদা তামাক সাঙিতেছিলেন, সশব্দে কহিলেন, হ্যাঁ, হ্যাঁ, আর জুতর ধূল গুলো ঘরে ভিতর দিয়ো না, চল ঐ আমগাছ তলায় বোসবে চল, আমি আসছি। ছেলের দল যখন তখন আসিয়া হরদাদাকে লইয়া গল্প শব্দ করিতে বসিল। আজ বোধহয় দাদার গল্প বলিবার মতো মেজাজ ছিলনা। সেই জন্মই দূর হইতে এই ক্ষুদ্র বাহিনীটিকে দেখিয়াই, উহাদের দৃষ্টিকে এড়াইবার জন্য জানালা ভেজাইয়া দিয়া পাব পাইতে চাহিয়াছিলেন। কিন্তু তাহার সে কন্দী ব্যর্থ হইয়া গেল। কোনোপ্রকার অছিলা আর এখন নিরর্থক জানিয়া, তিনিও ভাল মানুষটির মতো হঁকা হাতে দলবল লইয়া আমগাছটির তলায় আসিয়া বসিলেন। অমূল্য বলিল, আজ কিন্তু খুব জিতেছি, ওদের দল আজ মোটেই খেলতে পারে নি।

ব্রজলাল কহিল, ‘ওদের স্কুলের দল, দুই বার থেকে আর আমাদের সঙ্গে ম্যাচ দিতে পারে না, ওদের পাণ্ডা ছিল শিবনাথ, সে মরে গিয়ে পর্যন্ত ওরা কাপ্তেনশূন্য হয়ে পড়েছে।’

অক্ষয় কহিল, শচী বলছিল, রতিদাকে না কি ওরা কাপ্তেন কোরবে।

অমূল্য কহিল, তা হোলে কিন্তু সামাল সামাল ডুবলো তরী, রতিদা পাকা খেলোয়াড়, উনি যদি কাপ্তেন হন, আমাদের দল নীচু হয়ে যাবে।

হরদাদা কহিলেন, তা এ পাড়ার দল রতিকে ও পাড়ার দলে যেতেই বা দেবে কেন? তোমরাই কেন রতিকে আগে থাকতে কাপ্তেন কোরে নেও না। অমূল্য ও অক্ষয়ের চোখে চোখে টেলিগ্রাম হইয়া গেল, পুলিশ-চিহ্নিত, রতিকাস্ত্র এখন যে ছেলেদের দলপতি হইবার অক্ষুপ্যুক্ত, প্রত্যেক অভিভাবকই ছেলেদের তাহা বুঝাইতে সুর করিয়াছেন, ছেলেদের দলে তা লইয়া বেশ একটি আন্দোলন চলিয়াছে। রতিকাস্ত্রকে সকলেই যথেষ্ট ভালবাসিত, শ্রদ্ধা করিত, তাহার নেতৃত্বে সকলেই গৌরব অক্ষুভব করিত, কিন্তু গুরুজনের অবাধ্য হওয়া উচিত নয় এবং হরদাদা রতিকাস্ত্রকে অত্যন্ত স্নেহ করেন, সেজন্য তাঁহাকে এ কথার আভাস জানাইয়া বেদনা দিতে কাহারও ইচ্ছা হইল না।

ব্রজলাল বলিয়া উঠিল, একটা গল্প বলুন দাদা, খেলে টেলে ক্লাস্ট লয়ে পড়েছি, শুনে ধরে যাই। অক্ষয় কহিল, সেই ভাল, কিন্তু আজ একটা নূতন গল্প চাই দাদা, হস্তকীর মহিমা আর প্রচার কোরবেন না।

হরদাদা মাথা নাড়িয়া কহিলেন, হরিতকীর নিন্দে ভুলেও করো না ভায়া, ব্যেস পাকুক, ওর কদর বুঝবে তখন। দীনেশ কহিল, হরদা, আমি একটা পৈট্রী লিখেছি, সেটার নাম দিয়েছি 'হরিতকী স্তোত্র'—সত্যি!

সত্য কহিল, হেডিংটাই যা লিখেছ, পৈট্রীর তো মোটে এক কলি লিখে আর মেলাবার যোগ্যতা হয় নি, ভারি আমার পৈট্রী এই শুধু হর দা,—

জয় জয় জয়, হস্তকীর জয়,

গাও কোটা কণ্ঠ মিলে—

দীনেশ অপ্রস্তুত হইয়াছিল। কিন্তু হারিলে লোকের লজ্জাটা রাগের আকারেই প্রকাশ হয়, সংসারের নিয়মই এই। তাই সে কহিল, ঐ এক কলিই লেখ, দেখি একবার যোগ্যতা। পৈট্রী অমনি লিখলেই হলো না, ঐ ছ'লাইন লিখতে কাল রাত্রে আমার হিষ্ট্রী জিরোগ্রাফীর পড়া হয় নি।

হরদাদা আশ্বস্ত হইয়া কহিলেন, হবে হবে, অমনি কোরেই হবে, এক এক কলি কোরেই লিখতে লিখতে গোটাটা হোয়ে যাবে, ব্যস্ত কিসের।

অক্ষয় আবার তাড়া দিল—গল্প বলুন হর দা।

হর দাদা হুকাটি মুছিয়া, সাবধানে এক পাশে রাখিয়া গল্প আরম্ভ করিলেন। এষ্ট্রাস পরীক্ষায় ফেল হইয়া, তাঁহার কত খানি বৈরাগ্য হইয়াছিল, যাহার প্রবল ধাক্কায় তিনি আঠার বৎসর বয়সে সন্ন্যাসী সাজিয়া গ্রাম ছাড়িয়া বাহির হইয়া পড়িয়াছিলেন, বাড়ীতে বাপ মা ছিলেন না, ছিলেন এক দূর সম্পর্কীয়া মাসীমা, তাঁহার উপর স্নেহের আধিপত্য বড় একটা ছিল না, যেটুকু ছিল বুঝি সেটা লৌকিক ও মোখিক। কাজেই পথে পথে ঘুরিয়া, কতদিন অনশন-ক্লেশ সহ্য করিয়াও ঘরের টানে আর তাঁহাকে কিরাইতে পারে নাই। গেক্সার চাপরাশ একবার পরিতে পারিলে আর যেখানকার দুয়ার বন্ধ হউক, দেব-মন্দিরের প্রাঙ্গণ তো বন্ধ হইতে পারে না। হরদাদা অনায়াসেই তীর্থে তীর্থে ঠাকুর-মন্দিরে হু' চার দিন করিয়া বাস করিয়া বেড়াইতে লাগিলেন, কিন্তু তাঁহার প্রাণ যেন বড় ফাঁকা, বড় উদাস বোধ হইত, হঠাৎ এক দিনের একটি ঘটনা তাঁহার জীবনে এক নূতন অঙ্কের সূচনা করিল। এক ধনাঢ্য জমীদার দেবদর্শনে আসিয়াছিলেন, মন্দিরে সঙ্গীক পূজারতিতে নিবিষ্টচিত্ত ছিলেন। হুইবৎসরের একমাত্র আদরিনী কন্যা মুনি যে এই অপরিচিত দেশে, ভিড়ের মধ্যে, বার বৎসরের বালক ভৃত্য হরিয়্যার কোলে, মূল্যবান গহনাদি পরিয়া এতক্ষণ রহিয়াছে সে কথা কাহারও মনে নাই। দরওয়ানকে কাপড় আনিবার জন্য পাঠান হইয়াছিল। একজন ছুঁ লোক সহজেই নিঃসঙ্গ বালক ভৃত্যটির নিকট হইতে মুনিকে চাহিয়া লইয়া বাহিরের দিকে গেল। এদিকে সাধু-সঙ্গ-গুণে হরদাদার গাঁজায় দম দেওয়া অভ্যাস হইয়া গিয়াছিল, তিনি অদূরে বসিয়া গাঁজা টিপিতেছিলেন, ছুঁ লোকটির চেহারা তাঁহার চখে ভাল লাগে নাই, ফুটন্ত কুলের মত সুন্দর মেয়েটিকেই বা সে কোলে লইয়া বাহিরের দিকে গেল কেন? তিনি গাঁজা কেলিয়া বালক ভৃত্যটির কাছে গিয়া জিজ্ঞাসা করিলেন ও কোথায় গেল? খুকীকে নিয়ে গেল কেন? ভৃত্য কহিল, বাবু খুকীকে চেয়েছেন, খুকীর নামে পূজো হবে, তাইতে নিয়ে গেল। হরদাদা আর বিরক্ত না করিয়া লোকটার সন্ধানে গেলেন।

চতুর্থ

হরদাদাকে নিস্তর হইয়া বসিয়া থাকিতে দেখিয়া, কেহ কেহ হাসিয়া উঠিল। অক্ষয় চঞ্চল ভাবে কহিল, তারপর দাদা? হরদাদা বুঝি এতক্ষণ মানস-চক্রে সেই বিগত ঘটনার স্মৃতি-ছবি দেখিতেছিলেন, মুনির

হাসি মাখা, কুমুম-সুকুমার মুখখানি নিমিষে কেমন করিয়া তাঁহার বন্ধের সমস্ত শূন্যতা ভরিয়া দিয়াছিল, তার কণ্ঠস্বর, মধুর আছবানে কেমন করিয়া তাঁহার হৃদয়ে স্তম্ভ-বাৎসল্য ভাবে জাগাইয়া তুলিয়াছিল, কি কল্পনামর্শস্পর্শী, অথচ আনন্দপূর্ণ সেই স্মৃতি !

ভালবাসিয়া, স্নেহ করিয়া, সেই স্নেহের ধনকে কালের নিশ্চয় করে বিসর্জন দিতে বাধ্য হইয়া যে দাগা পায়, সে এক রকম ভাগ্যহীন সন্দেহ নাই, কিন্তু যে কখনও ভালবাসার স্বাদ পায় নাই—যে কখনও প্রাণ ঢালিয়া স্নেহ মমতা করিবার অবসর পায় নাই, তার চাইতে হতভাগা জগতে বৃষ্টি আর নাই। মানুষ্য জীবনে বিশ্ব-দেবতার সর্বশ্রেষ্ঠ দানেই যে সে বঞ্চিত রহিয়া গেল। হরদাদার মনে পড়িল, ভগবানকে ধন্যবাদ যে, জীবনে সে বঞ্চনার হাত হইতে তিনি এড়াইতে পারিয়াছেন। ছোট বেলায় পিতৃ মাতৃহীন হইয়া, আত্মীয় বন্ধুহীন গৃহে, নিশ্চল স্নেহের সন্তোষে তিনি বঞ্চিত হইয়া সংসারে বঞ্চিত হইয়াছিলেন, ভাই বোনেব সরল পবিত্র ভালবাসা, স্নেহের মাদুর্য্য রসের ছোপ তাঁহার অন্তঃকরণে ধরাইতে পারে নাই। একটু বয়স হইলে, লেখা পড়ায় তিনি বিশেষ মনোযোগী হইয়াছিলেন। তাঁহার মনে মনে উদ্দেশ্য ছিল, লেখা পড়া শিখিয়া তিনি একজন বড়লোক হইবেন। কিন্তু প্রথম উদ্যমেই তাঁহার সমুহ চেষ্টা—আশা ভঙ্গে তিনি যেন একেবারে নিরুৎসাহ হইয়া গেলেন। সংসারে তাঁহার স্নেহের বন্ধন ছিল না, তবু তিনি গ্রাম ছাড়িয়া ১৭ বৎসর বয়সের মধ্যে তখনও সহরে যান নাই, কিন্তু তারপর সংসারের নিকট ছুটি লইয়া একেবারে বাহির হইয়া পড়িলেন।

কিন্তু প্রাণের মধ্যে দিনের পর দিন যেন একটা কিসের শূন্যতা বোধ হইতে লাগিল, তাঁহার মনে হইল, এ শূন্যতা বৃষ্টি চিরদিনই তাঁহার বন্ধ জুড়িয়া আছে, শুধু এতদিন তাঁহার বৃষ্টি চিনিবার শক্তি হয় নাই, কিন্তু এ শূন্যতা কিসের জন্ত তাহার সন্ধানই বা মিলিবে কোথায় ?

তারপর যখন সেই দুই লোকটার অনুসরণ করিয়া দেখিলেন, সে ছোট্ট মেয়েটিকে জিজ্ঞাসা করিতেছে—খেলনা লইবে, কি খাবার খাইবে ? তাঁগকে দেখিয়া যেন লোকটা খতমত খাইয়া গেল, তিনি জিজ্ঞাসা করিলেন, এ কার খুকাই ? লোকটার মুখে অপরাধীর ছাপ যেন স্পষ্ট আঁকা ছিল। বালিকাকে হাত বাড়াইয়া লইতে যাইবামাত্র, সে যেন পরিপূর্ণ নির্ভরতার সহিতই তাঁহার কোলে ঝাপাইয়া আসিল, অধে অধে কণ্ঠে কহিল, আমি বাবা বাব,

ফুল নেবো—খাবা খাব, ইতি পূর্বে যদিও সেই ছষ্ট লোকটা মুনিকে ফুল ও খাবারের প্রলোভন দেখাইতেছিল, মনি কিন্তু তাহা পছন্দ করে নাই। হরদাদা বালিকাকে বুকে চাপিয়া চুমা খাইলেন—কি অপূর্ব আনন্দরসে তাঁহার অন্তরাত্মা অভিষিক্ত হইয়া উঠিল। তাঁহার মনে হইল, নিমেষে আজ তাঁহার হৃদয়ের সেই নিবিড় কালো মেঘ ভেদ করিয়া মূনির সমুজ্জল গোলাপী মুখখানি সেইখানে ঝল ঝল করিতেছে।

মূনির পিতা মাতা কৃতজ্ঞ হৃদয়ে বার বার হরদাদাকে ধন্যবাদ জানাইলেন। তাঁহার পরিচয় লইয়া সহজেই এই আত্মীয়-বান্ধব-হীন যুবাটির প্রতি মেহশীল হইয়া পড়িলেন। মনি তিন চার দিনেই হরদাদার পক্ষপাতী হইয়া উঠিল। হরদাদা জীবনে যাহার স্বাদ পান নাই, আজ হঠাৎ সেই মেহামৃত পানে ঘন বিভোর হইলেন, স্মরণ্য যখন মূনির পিতা মাতা তাঁহাকে তাঁহাদের সঁঙ্গে লইতে চাহিলেন, মূনির মায়ায় পড়িয়া সহজেই তিনি সন্মত হইলেন। পাথের পেরুয়া ছাড়িয়া গাঁজার কলিকা বিসর্জন দিয়া, ভদ্র ছেলের মতো মূনিদের দেশে গেলেন। মনি তাঁহাকে মায়ায় শত বন্ধনে বাঁধিয়া, অবশেষে সেই সমস্ত বন্ধন নিমেষে ছিন্ন করিয়া ছয় বৎসরের মূনি কোথায় পলাইয়া গেল। তাহার আবির্ভাব যেমন আকস্মিক, তিরোভাবও তার চাইতে কিছু কম বিস্ময়কর নহে। হরদাদার বুকে বড় বাজিল, সম্মানহীন শোকাতুর জনক-জননীর সংবাদ না রাখিয়া, তাঁহাদের নিকট একবার বিদায়-বাণী উচ্চারণ না করিয়া, তিনি আর একবার সংসারের বাহির হইয়া পড়িলেন। মূনি-শূন্য ঘরবাড়ীর দৃশ্য যেন তাঁহার চক্ষে তপ্ত শলাকার মতো বিধিতেছিল, সে অসহ্য দৃশোর হাত হইতে অব্যাহতি পাইবার জন্ত অনির্দিষ্ট পথে আর একবার যাত্রী হইয়া বাহির হইলেন। কত দেশ ঘুরিলেন। কালে শোকের জ্বালা লাঘব হইয়া আসিল, কিন্তু মূনির স্মৃতি তাঁহার অন্তর-পটে চির সমুজ্জল হইয়াই রহিল।

কত দেশ ঘুরিতে ঘুরিতে হঠাৎ শ্রীকান্ত বাবুর সহিত আলাপ হইয়া গেল। এক সন্ন্যাসীর নিকট হরিতকীর মহৎগুণ শুনিয়া শুনিয়া ক্রমে হরদাদা হরী-তকীর একজন পরম ভক্ত হইয়া উঠিয়াছিলেন। শ্রীকান্ত বাবুর একান্ত অনুরোধ এড়াইতে না পারিয়া তিনি তাঁহার সহিত তাঁহার দেশে আসিলেন। বার বছরের রতিকাস্তকে দেখিয়া, সহজেই তাঁহার চিত্ত আবার একবার গলিয়া গেল, কতদিন পরে আবার তিনি সেই মেহামৃত ফিরিয়া গ্রহণ করিলেন।

হরদাদার সরল, সুন্দর স্বভাব সকলের চিত্তকেই আকর্ষণ করিল। অবশেষে তাঁহার সহিত গ্রাম গুল্ল লোকের দাদা সম্পর্ক হইয়া গেল। যদিও তাঁহার বয়স তখন ৩৫। ৩৬এর বেশী হয় নাই, কিন্তু ছেলে হইতে বৃদ্ধা পর্য্যন্ত সকলেই তাঁহার অস্তরঙ্গ হইয়া উঠিল। তিনিও এই পরিবারের ও সকলের পরমাত্মীয় হইয়া দিনের পর দিন, গল্প করিয়া, আর সর্সরোগ-হরা হরীতকীর মহিমা প্রচার করিয়া নিরুদ্বিগে কাল কাটাইতে ছিলেন।

হরদাদার অতীত জীবনের এই করুণ ইতিহাস, ছেলেরদলের সরল চিত্তকে নিবিড়ভাবে স্পর্শ করিয়াছিল। গল্প শেষ হইয়া গেল, কাহারও মুখে কথা নাই, হঠাৎ সে নিস্তরুতা ভঙ্গ করিয়া যতীন বলিয়া উঠিল, এ তো গল্প নয় হরদাদা, এ যে সত্যিকার কথা!

বাণকের মনে গল্পের মানুষদের হৃৎবেদনার কথা সত্যিকার মতই আঘাত দেয়, কিন্তু সে গুলি সত্য নয়—কাল্পনিক মিথ্যা, এই ভাবিয়াই সকলে সে বেদনার কথা মন হইতে ঝাড়িয়া ফেলে, কিন্তু আজ হরদাদার নিকট গল্পে যেন যে কাহিনী শুনিয়া, তাহার ব্যথা তো সহজে মন হইতে ঝাড়িয়া ফেলিবার নয়, যতীনের মনে সব চাইতে বৃষ্টি তখন ঐ কথাটাই উঠিতেছিল। (ক্রমশ)

শ্রীসরসীবালা বসু।

কুশদেহের ইতিহাস

বণিক, বঙ্গদেশে বণিকের শ্রেণী পাঁচটি। ব্যবসাবেদে শ্রেণী, ভেদ হইয়াছে বলিয়া মনে হয়। প্রথম শ্রেণী মণিবেনে অর্থাৎ বাঁহারা হীরা মুক্তা প্রবালাদি বিক্রয় করেন। দ্বিতীয় শ্রেণী গন্ধবণিক। এই শ্রেণীর লোকের ব্যবসা অনেক প্রকারের। প্রথমতঃ, গন্ধদ্রব্য—চন্দন, কর্পূর, কস্তুরী, কুঙ্কুম, অগুরু, মুরামাংসী, জঠামাংসী প্রভৃতি। দ্বিতীয়তঃ,—এলাচ, লবঙ্গ, জায়ফল, দারুচিনি, ধনিয়া, মহুরী প্রভৃতি মসলা। তৃতীয়তঃ—ঔষধ প্রস্তুতের উপকরণ—যথা, গুলঞ্চ, ক্ষেতপাপড়া, কুমটী, কণ্টিকারী, সুট,—ওলটকমল, রক্তকমল ইত্যাদি। চতুর্থতঃ, লবণ। গন্ধবণিকেরা°

কেবল যে উপরি লিখিত দ্রব্যগুলির ব্যবসায় করিয়া ক্ষান্ত থাকেন তাহা নহে, গৃহস্থের যাবতীয় প্রয়োজনীয় দ্রব্য তাঁহারা বিক্রয় করেন। সোনার বেনেরা স্বর্ণব্যবসায়ী অর্থাৎ পোদ্ধারী করেন। টাকা ধার দিয়া সুদ গ্রহণ তাঁহাদের প্রধান কার্য। পঞ্চম বণিকেরা কেবল শঙ্খ প্রস্তুত ও বিক্রয় করেন। কাংস বণিকেরা কাংসার দ্রব্য প্রস্তুত ও বিক্রয় করিয়া থাকেন। বেনের ছেলেরা প্রায়ই চাকরী স্বীকার করিতে নারাজ। জাতি ব্যবসায় করিয়া জীবিকা নির্বাহ করিতে সকলেই প্রায় উদ্বোধী। বণিকপণের মধ্যে এইরূপ আত্ম-নির্ভর ক্ষমতা আছে বলিয়াই আজও দেশীয় লোকের হস্তে যাহা কিছু ব্যবসাবানিজ্য রহিয়াছে। বণিক পুত্রেরা তাঁতি প্রভৃতি শিল্পীগণের ন্যায় চাকরীর মোহে পড়িলে আজ কি দুর্গতি ভোগ করিত তাহা বলা যায় না।

ভৃগুরাম-সংহিতা বা পরশুরাম-সংহিতায় বণিকের এই পাঁচটা শ্রেণী দেখা যায়। তাহা হইতে বুঝা যায়, একই বণিক ব্যবসায় ভেদে পাঁচ নামে পরিচিত হইয়া আসিতেছেন। বৃহদ্রথপুরাণের মত অনুরূপ, উক্ত গ্রন্থে দেখা যায় অম্বষ্ঠ ও গন্ধবণিকের পিতা ব্রাহ্মণ এবং মাতা বৈশ্যা। কাংসকার ও শঙ্খকার গন্ধবণিকের ন্যায় উৎপন্ন। কিন্তু সুবর্ণবণিকের পিতা অম্বষ্ঠ ও মাতা বৈশ্যা। পরশুরাম সংহিতার মতে গন্ধবণিকেরও পিতা অম্বষ্ঠ ও মাতা রাজপুত্রকন্যা। যাহা হউক, ব্রহ্মবৈবর্ত পুরাণ মতে বণিক জাতিগুলি সংশ্লিষ্ট মধ্যে পরিগণিত। বণিকেরাই যে প্রাচীন কালের বৈশ্যজাতির বংশধর তাহাতে সন্দেহ মাত্র নাই। বল্লালচরিত পুস্তকে উল্লিখিত আছে, গোড়ে অর্থাৎ বঙ্গদেশে বণিকেরা সঙ্গদোষে রাজ কোপে ও আচার বর্জিত হওয়ায় পতিত হইয়াছে।

এক্কে দেখিতে হইবে বণিকজাতি কতকাল হইতে গোড়দেশে (বাংলায়) বাস করিতেছেন, কোথা হইতে বা তাঁহাদের আগমন হইল এবং কিরূপেই বা তাঁহারা সঙ্গদোষে পতিত হইলেন।

বণিকজাতির মধ্যে প্রবাদ আছে যে, তাঁহারা বৎস রাজের রাজধানী কৌশম্বী নগরে সুখে বাস করিয়া ধন সম্পত্তি বৃদ্ধি করিতেছিলেন। পরে কোন কারণে একদল গুর্জর দেশ হইয়া উড়িষ্যার ভুবনেশ্বরে ও পরে গঙ্গাতীরে আসিয়া বাস করেন। তাঁহারা কৌশম্বী বণিক নামে পরিচিত আর একদল গঙ্গাপ্রবাহের অনুসরণ করিয়া বিশাখ পর্বতের সাহুদেশ

লৌহিত্য অর্থাৎ ব্রহ্মপুত্র নদের তীরস্থিত প্রাগ্-জ্যোতিষপুরে (আসামে) বাস করেন এবং প্রাগ্-জ্যোতিষপুর বণিক নামে অভিহিত হন।

যাহা হউক, গন্ধবণিকেরা যে কৌশম্বী হইতে বাংলা উড়িষ্যা ও আসামে আসিয়া বাস করেন তাহা বুঝিতে পারা যাইতেছে। কৌশম্বীতে তাঁহারা নিরুপদ্রবে বাস করিতেছিলেন সন্দেহ নাই। সম্ভবতঃ, কোন বিশেষ উপদ্রব বা বিপ্লব উপস্থিত না হইলে স্বদেশ ছাড়িয়া দলে দলে বিদেশ যাত্রা করেন নাই। যখন কৌশম্বীপতি বৎসরাজের নাম পাওয়া যাইতেছে, তখন তাঁহারই সময়ে বা তাঁহার রাজ্যাবসানে যে এই উপনিবেশ স্থাপন ঘটিয়াছিল তাহা মনে করা যাইতে পারে।

ইতিহাস পাঠে অবগত হওয়া যায় যে, বৎসরাজ ৭৮৩ খৃষ্টাব্দের পূর্বে গোড় ও বঙ্গ জয় করিয়াছিলেন। কিন্তু অল্পদিনের মধ্যেই ধ্রুব ধারাবর্ষ কর্তৃক পরাজিত হইয়া মরুভূমিতে পলায়ন করিতে বাধ্য হন। সম্ভবতঃ, বৎসরাজের পলায়নের সময় রাজধানীর সমৃদ্ধ নগরবাসিগণ তাঁহার সহিত পলায়ন করিতে বাধ্য হন। কিন্তু মরুভূমিতে অধিক দিন অবস্থান করিতে অসমর্থ হইয়া বণিকগণ প্রথমে গুজরাটে, পরে মধ্যদেশে এবং শেষে উড়িষ্যায় ও বঙ্গদেশে আসিয়া বসতি স্থাপন করিতে বাধ্য হইয়াছিলেন। কেননা, এসময় গোড় ও উড়িষ্যা পাল রাজগণের শাসনাধীনে শাস্তি ভোগ করিতেছিল। উত্তরাপথে খৃষ্টীয় অষ্টমশতাব্দীর শেষভাগে ও নবমশতাব্দীর প্রথমভাগে পুনঃ পুনঃ রাজবিপ্লব ঘটায়, বণিককুল আকুল হইয়া পড়েন এবং শেষে কেশরী ও পালরাজগণের আশ্রয়ে বাস করিয়া নিজ নিজ ব্যবসায়ের উন্নতি সাধন করিতে থাকেন। পাল রাজারা বৌদ্ধ ছিলেন। দেশে তখন বৌদ্ধধর্মের প্রবল স্রোত চলিতেছিল সুতরাং সে সংশ্রবে বণিকগণের ভিন্ন আচার হওয়া অসম্ভব নহে।

প্রবাদ আছে, বণিকগণ যখন বঙ্গদেশে প্রথম আসিয়াছিলেন তখন তাঁহারা ঘোর শৈব ছিলেন। আমরা দেখিতে পাই, চাঁদ সদাগর শিবের উপাসক ছিলেন। শিব ভিন্ন আর কেহ উপাস্ত নাই—থাকিতে পারে না, শিব সকলের ঈশ্বর এই অটল বিশ্বাসের উপর নির্ভর করিয়া তিনি মনসা পূজা করিতে অসম্মত হন। মনসাও নাছোড় বান্দা; চাঁদ সদাগরের নিকট পূজা না পাইলে জগতে তাঁহার পূজা প্রচারিত হয় না এই জন্ত তিনি অশেষ

প্রকারে তাঁদকে নিগৃহীত করিতেছেন। একে একে তাঁদের বাণিজ্য পোতগুলি জলমগ্ন করিলেন। এক একটি করিয়া তাঁদের ছয়টি পুত্রকে যমসদনে পাঠাইলেন। তাঁদ তথাপি অটল! তাঁদ জানেন, তাঁহার ইষ্টদেবও যেরূপ শোক-মোহ, সুখ দুঃখ, কামক্রোধাদির অতীত, তাঁহার ভক্তগণ সেইরূপ হইতে চেষ্টা না করিলে, তাঁহাকে পাইতে পারেন না, — কাজেই পুত্রনাশ, অর্থনাশ, মনস্তাপ ও পরিজনদের গভীর শোকে তাঁদ চিত্ত-দৌর্বল্য দেখাইলেন না—তাঁহার প্রতিজ্ঞা টলিল না। পরিশেষে ভগবান্ দেবাদিদেব যখন তাঁহার প্রতিজ্ঞা, তাঁহার বিশ্বাস ও ভক্তিতে পরিতুষ্ট হইলেন, তখন ভক্তের ভগবান ভক্তের প্রতি দয়া করিয়া তাঁহার জ্ঞান-চক্ষু উন্মীলিত করিয়া দেখাইয়া দিলেন যে, পৃথিবীতে তিনি ভিন্ন অণু কিছু নাই—যত্র জীব তত্র শিব। বৃক্ষলতা গুল্ম হইতে সামান্য কীট পতঙ্গ সমস্তই তিনি (?) স্মৃতরাং মনসা ও তাঁহাতে ভেদ নাই। নাম ভেদ মাত্র। ভগবৎ রূপায় তাঁদের জ্ঞান-চক্ষু খুলিয়া গেল। তাঁদ শিবময়জগৎ দেখিলেন, তখন আর মনসাতে তাঁহার অশ্রদ্ধা রহিল না, নিজ ইষ্টদেবের নাম ও রূপান্তর মনে করিয়া তিনি তাঁহার পূজা করিলেন। ভগবান্ও সদয় হইয়া তাঁহার যাহা কিছু নষ্ট হইয়াছিল সমস্তই প্রত্যর্পণ করিলেন। কবিকঙ্কন চণ্ডীতে ধনপতি সদাগরকেও এইরূপ শিবোপাসক দেখিতে পাওয়া যায়। তিনি প্রিয়তমা পত্নী খুলনার অনুরোধে চণ্ডী মানিতে অসম্মত—পূজা করা দূরে থাকুক, চণ্ডীর ঘট দূরে ফেলিয়া দিয়া ধনপতি বাণিজ্যার্থ সিংহলে যাত্রা করিলেন। এই অপরাধে তাঁহাকে কত নিগ্রহ ভোগ করিতে হইয়াছিল তাহা চণ্ডীকাব্যের পাঠক মাত্রেই অবগত আছেন। (ক্রমশঃ)

শ্রীচারুচন্দ্র যুধোপাধ্যায়। (সি-এ)

কে বড় ?

আত্মার শক্তি না দেহের শক্তি ?

অধ্যাপক মরে হিবার্ট “অর্ণাল” নামক প্রসিদ্ধ পত্রে আত্মার শক্তি কেমন তাহা বুঝাইবার অণু মোহনচাঁদ করমচাঁদ গান্ধির শক্তি উল্লেখ করিয়াছেন। তিনি লিখিয়াছেন :—

“১৮৮৯ খ্রীষ্টাব্দে মোহনচাঁদ করমচাঁদ গান্ধি নামক এক যুবক

আইন পার্টের জন্ম ইংলণ্ডে আসিয়াছিলেন। তিনি ধনী ও কার্যকুশল জ্ঞানোজ্জ্বল পরিবারসম্পন্ন, ভদ্র ও বিনয়ী। সাধারণে যেমন পোষাক পরিয়া চলা-ফিরা করে, তিনিও তেমনই করিতেন। এ বিষয়ে তাঁহার কোন বিশেষত্ব ছিল না। মদ্য স্পর্শ করিব না ও ইচ্ছিয়াসক্ত হইব না, তখনই তিনি এই প্রতিজ্ঞার আবদ্ধ হইয়াছিলেন, কিন্তু তাঁহার প্রাণের সঙ্কল্প কেহ জানিত না। তিনি পরীক্ষায় উত্তীর্ণ হইয়া বোম্বাই নগরে ব্যারিষ্টারী করিতে আরম্ভ করিয়াছিলেন। সে ব্যবসারে তিনি কৃতকার্য হইয়াছিলেন। কিন্তু অর্থ অপেক্ষা ধর্মই তাঁহার অনুরাগের বিষয় ছিল। ক্রমে তাঁহার বাসনাশৃঙ্খল ছিন্ন হইল; সামান্য অর্থ কেবল গ্রাসাচ্ছাদনের জন্ম রাখিয়া আর সমস্ত বিত্ত-সম্পত্তি সৎকার্য্যে দান করিলেন। জোর জুলুমের সাহায্যেও লোকে স্বত্বাধিকার সাব্যস্ত করে, সুতরাং আদালতে কন্ঠ করিলে ধর্মহানি হইবে বলিয়া তিনি শেষে ব্যারিষ্টারী পরিত্যাগ করিলেন।

বহুদিন পরে ১৯১৪ সালে পুনরায় ইংলণ্ডে তাঁহার সহিত আমার সাক্ষাৎ হয়। তিনি কেবল ভাত ও জল খাইতেন ও ভূমিতলে শয়ন করিতেন। তাঁহার স্ত্রী যথার্থই তাঁহার সহধর্মিণী—তিনি সর্ববিষয়ে স্বামীর অনুসরণ করিতেন। মিঃ গান্ধির কথাবার্ত্তায় শিষ্টতা ও বহুশ্রুতির পরিচয় পাওয়া যাইত। সাধুর লক্ষণ তাঁহাতে পরিস্ফুট হইয়া উঠিয়াছিল। তিনি তাঁহার জন্মভূমিকে ভালবাসেন সুতরাং ভারতীয় ভাবে ভারতের নবজীবন সঞ্চার করাই তাঁহার আকাঙ্ক্ষা। কিন্তু তিনি মানুষে মানুষে পার্থক্য রাখিতে চান না, জগতের ধনীর নিকট শ্রমজীবীর দাসত্ব, ধনৈর্ধর্মামূলক সভ্যতা, অর্থের পূজা ও জাতিতে জাতিতে সংগ্রামের তিনি বিরোধী। প্রাচ্যদেশের অধিবাসীগণ সাধুদিগকে বড় ভক্তি করেন। কেহ সাধু কি অসাধু, জনসাধারণ স্বার্থত্যাগের দ্বারাই তাহার পরীক্ষা করিয়া থাকে। দরিদ্র ব্রত অবলম্বন কর, অন্ন ও জল খাইয়া সহজ ভাবে প্রাণ ধারণ কর, জনসাধারণ তোমার উপদেশ ভক্তির সহিত শ্রবণ করিবে। ভাল খাও, ভাল পর, তোমার কথায় কেহই কর্ণপাত করিবে না।

জনসাধারণের মনের উপর গান্ধির অসাধারণ প্রভাব বিস্তৃত হইয়াছে। দক্ষিণ আফ্রিকায় যে তিনি অয়ুষ্ক হইয়াছিলেন তাহার কারণ এই,—

তিনি প্রতিজ্ঞা করিয়াছিলেন, কাহারও কোন অনিষ্ট করিবেন না, কাহারও উপর অত্যাচার করিবেন না, কিন্তু তাঁহার বিপক্ষগণ তাঁহাকে যে দণ্ড দিবেন তাহা সহ্য করিবেন। দণ্ডমান করিতে করিতে এমন দিন আসিবে যখন বিপক্ষেরা শান্ত এবং আপনাদের কৃতকার্যের জন্ত লজ্জিত হইবে। তিনি যে সংগ্রামে প্রবৃত্ত হইয়াছিলেন, তাহার মূল মানবাত্মার সহিত দৈহিক ও আর্থিক শক্তির বিবাদ। তাহার ফল চিরদিন যাহা হইয়া থাকে, তাহাই হইয়াছে। দৈহিক ও আর্থিক শক্তি আপনার পতাকা কেঁলিয়া দিয়া অবশেষে আত্মার চরণে অবনত হইয়াছে।

যাহারা ইন্দ্রিয়ের আনন্দকে তুচ্ছ করে—যাহারা ধনকে গ্রাহ্য করে না, পার্শ্বিক সুখ, প্রশংসা বা মর্যাদা যাহার নিকট কিছুই নয়, যাহা সত্য ও ন্যায় বলিয়া জানে তাহাই পালন করিতে বদ্ধপরিকর, এমন লোকের সহিত বিরোধ করিতে সম্রাট যিনি তাঁহারও সতর্ক হইতে হয়। কারণ তুমি তাঁহার শরীরকে জয় করিতে পার কিন্তু এমন কিছুই নাই যদ্বারা তুমি তাঁহার আত্মাকে ক্রম করিতে পার।”

অধ্যাপক মরে ঠিক কথাই বলিয়াছেন। গান্ধি দেহ নহেন তিনি আত্মা। সুতরাং তিনি নির্ভয়, বোহ-প্রলোভনের অতীত। চিন্ময় যে তাহাকে বাঁধিবে কে? (সঞ্জীবনী হইতে গৃহীত)

বিবিধ সংগ্রহ ও মন্তব্য

বঙ্গীয় হিতসাধন সমিতির বিগত প্রদর্শনী হইতে নিম্নলিখিত তথ্য-গুলি সংগৃহীত হইল :—

শিক্ষার অবস্থা

বঙ্গদেশ। বঙ্গদেশের অবস্থা কি? এই দেশের ৭ জন পুরুষের মধ্যে ৬ জনে এবং ৯৯ জন স্ত্রীলোকের মধ্যে ১ জন অক্ষর পড়িতে জানে। এই দেশে কোন্ ধর্মাবলম্বীর মধ্যে শিক্ষা কতদূর অগ্রসর হইয়াছে তাহার তালিকা।—

	১০০ জনের মধ্যে		
হিন্দু	১১.৮	মুসলমান	৪.১
ব্রাহ্ম	৭৮.২	খ্রীষ্টান	৪৬.৪ জনের

অক্ষর পরিচয় হইয়াছে। বঙ্গদেশে কয়েকটি জাতির মধ্যে লেখাপড়া কতদূর প্রসার লাভ করিয়াছে।

শতকরা

বৈষ্ণব	৭১.২	কারস্থ	৫৬.৮
ব্রাহ্মণ	৬৪.৩	কৈবর্ত	২০.৭
ব্রাহ্ম	৮৬.৬	নগঃশূদ্র	১০.৯

বঙ্গদেশে ১০০ জনের মধ্যে ১ জন ইংরাজী ভাষায় কথা বলিতে পারে। জাপানে ১০০ জন বালকের মধ্যে ৯৯ জনে এবং ১০০ জন বালিকার মধ্যে ৯৮ জনে পড়িতে জানে, ভারতবর্ষে ১০০ বালকের মধ্যে ২৩ এবং ১০০ বালিকার মধ্যে ৩ জন পড়িতে শিখিয়াছে।

বঙ্গের জিলা অনুসারে হিসাব

বঙ্গদেশের জিলাগুলিতে শতকরা কত জনে লেখাপড়া শিখিয়াছে।

১। দারজিলিং	১০	১৬। বাঁকুড়া	৯
২। জলপাইগুড়ি	৬	১৭। মেদিনীপুর	৯
৩। কোচবিহার	৭।০	১৮। হুগলি	১১
৪। দিনাজপুর	৬	১৯। হাওড়া	৩০
৫। রংপুর	৪০	২০। চব্বিশপরগণা	১২
৬। ঝালদাই	৫	২১। যশোহর	৭
৭। রাজসাহী	৫	২২। ফরিদপুর	৬
৮। বগুড়া	৬	২৩। খুলনা	৮
৯। ময়মনসিংহ	৫	২৪। বরিশাল	৯
১০। ঢাকা	৮	২৫। নোয়াখালি	৬
১১। পাবনা	৫	২৬। ত্রিপুরা	৭
১২। নদীয়া	৬	২৭। পার্শ্বত্যা ত্রিপুরা	৪
১৩। মুর্শিদাবাদ	৬	২৮। পার্শ্বত্যা চট্টগ্রাম	৭
১৪। বীরভূম	৮	২৯। চট্টগ্রাম	৭
১৫। বর্ধমান	১০	৩০। কলিকাতা	৩২

স্বাস্থ্যবিধির সফল

কলিকাতা নগরে স্বাস্থ্যরক্ষার সুব্যবস্থা করার এই নগরে মৃত্যুর সংখ্যা ক্রমশঃ হ্রাসপ্রাপ্ত হইতেছে। হাজারকরা মৃত্যুসংখ্যা।—

১৯০০	৪৫এর কাছাকাছি	১৯০৫	৩৫ হইতে ৪০ মধ্যে
১৯১০	৩০ হইতে ৩৫ মধ্যে	১৯১৫	২৫ হইতে ৩০ মধ্যে

বঙ্গের অধিবাসীর ধর্ম

হিন্দু	২ কোটি ৪ লক্ষ।	মুসলমান	২ কোটি ৪২ লক্ষ।
বৌদ্ধ	২ কোটি ৫০ লক্ষ।	খ্রীষ্টান	২ লক্ষ ৩৩ হাজার।
অস্তু পুজক	৭ লক্ষ ৩৩ হাজার।	জৈন	৮ হাজার।
ব্রাহ্ম	৩ হাজার*	শিখ	২ হাজার।
অপর ধর্মাবলম্বী	১ হাজার।		

বঙ্গের।—ব্রিটিশ ভারতে বঙ্গারোগে প্রত্যেক বৎসর ৬ লক্ষ লোক মরে। সুতরাং

মাসে	৪৩ সহস্র ২ শত।	দিনে	১৪৪০ জন।
ঘণ্টায়	৬০ জন।	মিনিটে	১ লক্ষ লোক

মরিতেছে। কি ভীষণ মৃত্যু। কিন্তু এই মৃত্যুর গতিরোধ করা বাইতে পারে।

এড়াইবার উপায় কি ?

- ১। অস্বিভাচার বর্জন।
- ২। অতিরিক্ত পরিশ্রম বর্জন।
- ৩। রুদ্ধ গৃহে—(দরজা জানুলা বন্ধ করিয়া) শয়ন না করা।
- ৪। যে ঘরে অধিক লোক আছে সেই ঘরে শয়ন না করা।
- ৫। নাক মুখ ঢাকিয়া শয়ন না করা।
- ৬। ঘাসের সঙ্গে ধূম গ্রহণ না করা।

* পূর্বে ১০ হাজার দেখা গিয়াছিল, এক্ষণে অত্র কারণে—বিশেষতঃ বহু ব্রাহ্ম এখন হিন্দু বলিয়া লেখাইয়া থাকেন, এক্ষণে সংখ্যায় কম হইতেছে। (কুঃ সম্পাদক)

- ৭। দেহে বা আহার্য্য ও পানীয় দ্রব্যে যাহাতে মাছি না পড়ে।
- ৮। মুখ দ্বারা শ্বাস গ্রহণ না করা।
- ৯। মেজের উপর থুথু না ফেলা।
- ১০। যক্ষ্মা রোগীর সংশ্রব হইতে দূরে থাকা।
- ১১। ধূলিময়, সঁগাত সঁগাতে ও অন্ধকার গৃহে বাস না করা।
- ১২। যাহাতে দেহ চূর্কল হয় এমন কিছু না করা।
- ১৩। শীতল বিপ্লবায়ু অথবা নৈশবায়ুকে ভয় না করা।
- ১৪। যে খাদ্য উপাদেয় ও পুষ্টিকর নহে তাহা গ্রহণ না করা।
- ১৫। খাদ্য দ্রব্য যেন পর্যাপ্ত হয়।

জননী যক্ষ্মা রোগে আক্রান্ত, তিনি স্নেহে তাঁহার পুত্রমুখ চূষন করিতেছেন, কিন্তু হায়, ঐ চূষন দ্বারা তিনি আপন দেহের ব্যাধি পুত্রদেহে সঞ্চারিত করিলেন।

বালকদের দ্বারা রোগ প্রসার

অনেক বালক সেটে থুথু দেয়, হাতের থুথু পুস্তকের পৃষ্ঠায় লাগাইয়া পাতা উন্টাইয়া থাকে, অথ বালক ঐ থুথু মাখান সেট বা পুস্তক হইতে তাহার রোগের বীজানু গ্রহণ করে।

পানওয়ালী

কৃষ্ণা পানওয়ালীর নিকট হইতে পানের সহিত এই রোগ অনেকে গ্রহণ করে।

বাজারের মিঠাই

বাজারের মিঠাইএর মধ্যে সকল প্রকার অপবিত্রতাই থাকিতে পারে ঐ মিঠাই হইতে এই রোগ ব্যাপ্ত হয়।

এক ছকায় তামাক খাওয়া

একজনে যে ছকায় তামাক খায় স্বজাতির সেই ছকায় তামাক খাইতে সঙ্কোচ বোধ করেন না। এইরূপে এক জনের থুথু অণু গ্রহণ করায় এই রোগ এক জনের দেহ হইতে অণুর দেহে প্রবেশ করে।

এরূপ একজনের মুখের জিনিস অণু খাইলে, কিম্বা এক বাসনে খাইলে এই ব্যাধি সংক্রামিত হইয়া থাকে।

কেমন করিয়া রোগ ছড়াইয়া পড়ে

যক্ষ্মা রোগী থুথু ফেলিল, ঐ থুথুর উপর মাছি বসিল, মাছি উড়িয়া যাহার উপর পড়িলে তাহারই ঐ রোগে আক্রান্ত হইবার কথা। আবার

মেথর ঐ খুখু কাটার দ্বারা ধুলির সহিত মিশাইয়া উড়াইয়া দিল, নিকটে যে শিশু খেলিতেছিল তাহার দেহ ঐ ধুলির দ্বারা ধূসর হইল, ঐরূপে সেও ঐ রোগের বীজাণু গ্রহণ করিল।

স্থানীয় বিষয় ও সংবাদ

আমরা বিশ্বমোৎসবনেত্রে দেখিতেছি যে, ঈশ্বর-কৃপায় আমাদের “কুশদহ সমিতি” দিন দিন ধীরে ধীরে নির্দিষ্ট পন্থায় এবং নিয়মিতভাবে শক্তি সঞ্চয় করিয়া কার্যক্ষেত্রে অগ্রসর হইতেছে। ইহা কুশদহ বাসী-মাত্রেয়ই অতীব আত্মাদের বিষয় সন্দেহ নাই।

গত ৪ঠা বৈশাখ বুধবার স্বচীসূচাচ' কলেজ গৃহে নববর্ষের আনন্দ-সন্মিলন জন্ত সমিতির একটি সাধারণ অধিবেশন হইয়াছিল। ইতি-পূর্বে কথা উঠিয়াছিল, “কুশদহ-সমিতি” কি কেবল কুশদহবাসীগণের মেলা-মেসো আলাপ পরিচয় জন্ত কিম্বা শুদ্ধারা দেশের কিছু কায করিতে হইবে। বোধ হয় সকলেই অবগত হইয়াছেন যে, সমিতির কার্য প্রণালীকে নিয়ন্ত্রিত করিবার জন্ত ইতিমধ্যে উহার একটি কার্যনির্বাহক সভা (একজিকিউটিভ কমিটি) গঠিত হইয়াছে। তাহাতে প্রস্তাব হয়, আপাততঃ কুশদহর মধ্যে যে স্থানে একান্ত জলাভাব—সেইরূপ কোন গ্রামের যাহাতে কিয়ৎ পরিমাণেও জলকষ্ট নিবারণ করা যায়, তাহার উপায় নির্ধারণ করা হউক। উক্ত আনন্দ-সন্মিলন দিনে ঐ বিষয় এক প্রস্তাব উপস্থিত করা হয়। অতীব আত্মাদের কথা যে, এই আলোচনা ক্ষেত্রে খাঁটুরা নিবাসী শ্রীযুক্ত সহায়নারায়ণ পাল মহাশয় দণ্ডায়মান হইয়া সর্বসমক্ষে প্রকাশ করেন, যদি এই কার্যে সমিতি প্রবৃত্ত হন তবে তিনি একাই ৪০০ শত টাকা দিবেন। এই উৎসাহ বাক্যে তৎক্ষণাৎ সমিতিমধ্যে এক আশা বিশ্বাসের প্রবাহ প্রবাহিত হইয়া সমিতির মজ্জাগত অবিশ্বাস, নিরাশা বহুপরিমাণে বিদূরিত হইয়া গেল। সকলের মুখে প্রসন্নতার জ্যোতিঃ উদ্ভাসিত হইয়া পড়িল। এতদ্বিন্ন কুশদহ-সম্পাদকের নিকট আরও ২১ টি সহদয় ব্যক্তি এই কার্যে অর্থ সাহায্য করিতে ইচ্ছা প্রকাশ করিয়াছেন। কিন্তু কার্যারম্ভ না হওয়া পর্যন্ত তাঁহাদের নাম অপ্রকাশ রাখিতে অস্বরোধ করিয়াছেন। ফলতঃ, এই

ঘটনায় “কুশদহ-সমিতির” সভ্যগণ কি মনে করিতেছেন? ইহাতে কি ভগবানের এই ইচ্ছিত প্রকাশ পাইতেছে না, “সাধু যাহার সঙ্কল্প, ঈশ্বর তাহার সহায়।” কিন্তু হে কুশদহ-সমিতির সেবকগণ, আপনারা এই এক কালীন ব্যক্তিগত দান পাইয়া অধীর হইবেন না, আর এক দিকের কথা স্মরণ রাখিবেন। শত শত স্ত্রোত্র ঐক্য-বন্ধন এবং চাঁদা আদায় করিতে আপনাদিগকে অপ্রতিহত ধৈর্য্য, সহিষ্ণুতা অবলম্বন এবং অভিমান পরিত্যাগ করিতে হইবে, তবেই আপনারা বিধাতার আশীর্বাদ লাভ করিতে সক্ষম হইবেন। একথা যেন ভুলিবেন না।

নববর্ষের অধিবেশন-সংবাদ, শ্রীযুক্ত দুর্গাদাস বন্দ্যোপাধ্যায় মহাশয় বাহা লিখিয়া পঠাইয়াছেন, তাহা নিয়ে প্রকাশিত হইল।

গোবরডাঙ্গার জমিদার শ্রীযুক্ত গিরিজাপ্রসন্ন মুখোপাধ্যায় রায়বাহাদুর ভ্রাতৃগণের মাতা ঠাকুরাণী দীর্ঘকাল কাশীধামে বাস করিতে-
ছিলেন। গত ২৬শে চৈত্র তিনি তথায় দেহত্যাগ করিয়াছেন। প্রজারঞ্জক সারদাপ্রসন্ন বাবু মাত্র ৩৩ বৎসর বয়সের মধ্যেই পরলোকগত হন। তখন আমাদের এই পূজনীয় মাতা ঠাকুরাণীর বয়ঃক্রম ২৮ বৎসর মাত্র। ইতিমধ্যে ইনি ৯১০টি সন্তানের জননী হইয়াছিলেন। বর্তমানে ইহার বয়স প্রায় ৭৮ বৎসর হইয়াছিল। সারদাপ্রসন্ন বাবু স্বর্গীয় হইলে ইনি অন্নভক্ষণ পরিত্যাগ করিয়া এই সুদীর্ঘ ৫০ বৎসরকাল সেই কঠোর ব্রত পালন করিয়া আসিয়াছিলেন। ইহাই তাঁহার জীবনের একটি প্রধানতম আদর্শ। মাতা ঠাকুরাণীর আশ্রয় শ্রদ্ধাদি ক্রিয়া তাঁহার পুত্র পৌত্রাদিগণ সমন্বয়পূর্ণ যথারীতি সম্পন্ন করিয়াছেন, কিন্তু আমরা প্রস্তাব করি যে, তাঁহার পূণ্য-স্মৃতি রক্ষার্থ কোন সদস্থান করিলে হয় না কি? তিনি যেমন এক প্রকার জল পান করিয়া দীর্ঘকাল কাটাইলেন, তাই কুশদহর কোন স্থানে তাঁহার নামে একটি পানীয় জলাশয় দিলে সকল রকমেই ভাল হয়।

গৈপুর, ইছাপুর প্রভৃতি গ্রামে এবার কলেরায় অনেক লোকের মৃত্যু ঘটিয়াছে, সে সংবাদ আমরা পূর্বেই প্রকাশ করিয়াছি। এক্ষণে আবার শুনিতেছি, বেড়গোবিন্দ, রাণীডাঙ্গা, রাজবল্লভপুর, সাদপুর, বনুঝনে,

মেটেগাছা প্রভৃতি গ্রামে বসন্তে অনেক গোক এবং মানুষের মৃত্যু হইতেছে। একত্র আমরা বারাসাত সাব্‌ডিভিসনাল অফিসার মহোদয়ের দৃষ্টি আকর্ষণ করিতে চাহিতেছি। “কুশদহ-সমিতি কি ইহার প্রতিকারার্থ কিছু করিতে পারেন না ?

আমরা সম্প্রতি দেখিয়া সুখী হইলাম যে, খাঁটুরা বালিকা স্কুলটির ধীরে ধীরে কিছু যেন কাজ হইতেছে। বালিকা সংখ্যা ২০টির উপর আছে, উপস্থিত—১০-১২ হইতে ১৫-১৬টি পর্য্যন্ত হয়। একটি শিক্ষকদ্বারা তৃতীয়মান পর্য্যন্ত পড়ান হয়। সুতরাং যেখানে স্কুল উঠিয়া যাইবারই কথা, সেখানে এতদুরূপে দাঁড়াইয়াছে ইহা আহ্লাদের কথা বৈ কি ! সম্পাদক শ্রীযুক্ত সুরেশচন্দ্র পাল মহাশয়ের যত্নে ত্রুটি নাই, কিন্তু দুঃখের বিষয়, কিছুতেই তিনি স্কুলের স্বার্থভাবে ঘুটাইতে পারিতেছেন না। আমাদের মনে হয়, গ্রামবাসীগণ একটু মনোযোগ করিলেই এই সামান্য অভাব পূর্ণ হইয়া স্কুলটি ভালই চলিতে পারে।

কুশদহ-সমিতি

(প্রাপ্ত)

গত ৪ঠা বৈশাখ স্বটিশচার্জ কলেজগৃহে, মাটীকোমরা নিবাসী শ্রীযুক্ত নিবারণচন্দ্র ঘটক মহাশয়ের নেতৃত্বে কুশদহ-সমিতির “নববর্ষ সম্মিলন” হইয়াছিল। সম্মিলন সভায় বহু সভ্যের সমাগম হয়। এই উপলক্ষে সঙ্গীত, বক্তৃতা, ম্যাজিক ও জলযোগের ব্যবস্থাও ছিল, আর ছিল “নূতন খাতার মহরত”। এই নূতন খাতার মহরত সম্মিলন সভার একটি বিশেষ উল্লেখযোগ্য ঘটনা, ইহা বিধাতার একটি বিধান, ইহা ভগবানের একটি ইঙ্গিত। প্রকৃতি যখন নূতন ভাবে ভাবিনী, বাংলার মাটী, জল, তেজ, আকাশ বায়ু যখন খুব চঞ্চল, গাছ পালা যখন নূতন ফল, ফুল পাতার শোভিত, এবং প্রকৃতির পূর্ণ কৈশোরাবস্থার যৌবনের লক্ষণ সকল পরিষ্ফুট দেখিয়া, স্বাভাবিক নবজীবনের ভাব উপলব্ধি করিয়া বাংলার শ্রীমান কর্মী পুরুষগণ (অর্থাৎ দোকানদার, ব্যবসাদার, শিল্পী প্রকৃতির) যখন নবোদ্যমে নিজ নিজ কর্মে নিযুক্ত, সেই শুভ বৈশাখের সম্মিলনে সত্যদিগকে নবজীবন ও নবোদ্যম লইয়া কার্য্য করাইবার জন্য

খাঁটুরানিবাসী মহাদয় শ্রীযুক্ত সহায়নারায়ণ পাল মহাশয় জলকষ্ট নিবারণ জন্ত স্বেচ্ছায় এক কালিন ৪০০ টাকা দান করিয়া মৃতন খাতার মহরত করিয়াছেন। সুদূর প্রবাস হইতেও কুশদহ বাসী কোনও কোনও ভদ্র মহোদয় মণিঅর্ডার যোগে অযাচিত দান পাঠাইয়া সভাদিগকে উৎসাহিত করিতেছেন। এখন সমিতির একটা হিসাব নিকাশের আলোচনা আবশ্যিক। দেখা যাউক, জমার ঘরে কি জমিয়াছিল এবং খরচ বাদে মজুদই বা কি আছে। এই বিষয় আলোচনা করিলে জানিতে পারা যায় যে, গত ৩৪ মাসের ভিত্তর সমিতির আশাতীত শক্তি সঞ্চয় হইয়াছে, কিছুই খরচ হয় নাই সবই মজুত, তাহার উপর এই নববর্ষের অর্ক জমাগম। ইহাতে বেশ আশা করা যায়, ১৩২৫ সালে, সমিতি তাহার উদ্দেশ্য সাধনে সফলতা দেখাইয়া কুশদহবাসীর কতক অভাব মোচন করিতে সমর্থ হইবে। শ্রীহৃগদাস বন্দ্যোপাধ্যায়।

কুশদহ-পঞ্জী

বর্তমান বর্ষ হইতে 'কুশদহ-পঞ্জী' রীতিমত বাহির হইবে। কুশদহ সম্পাদক মহাশয় যখন প্রথমে এই কুশদহ-পঞ্জী বাহির করিবার প্রস্তাব করেন, তখন আমি উহাতে উপেক্ষা প্রদর্শন করিয়াছিলাম। এক্ষণে উহার উপকারিতা সম্যক উপলব্ধি করিতে পারিতেছি। ইহা লিখিতে বসিয়া জানিতে পারিতেছি যে, সমস্ত বঙ্গদেশ কেন—সুদূর পঞ্জাব পর্যন্ত কুশদহের সহিত বিবাহ স্ত্রে গ্রথিত।

কুশদহের মধ্যে ইছাপুরের চৌধুরীবংশের বিবরণ এত দিন পাওয়া যায় নাই বলিয়া অন্যান্য বংশের বিবরণ বাহির হইতে পারে নাই। চৌধুরীবংশ এক্ষণে মিশ্রিত হইলেও পূর্ব সন্মান অক্ষুণ্ণ রহিয়াছে। চৌধুরী বংশের পরেই গোবরডাঙ্গার জমিদার মহাশয়দিগের বিবরণ লিখিত হইবে। রাঘব সিদ্ধান্তবাগীশ চৌধুরীবংশের আদি পুরুষ হইলেও নব ঠাকুরের সহিত আঠার পাইএর সম্পর্ক একটু তফাৎ হইয়া পড়িয়াছে। চারঘাটের চৌধুরীদিগের সহিত এই আঠার পাইএর ১১ দিনের জাতি সম্পর্ক রহিয়াছে।

চৌধুরীবংশের ব্রাহ্মণগণ শ্রোত্রিয়। শ্রোত্রিয় ব্রাহ্মণ তিনভাগে

বিভক্ত। শুক, সিদ্ধ ও কষ্ট। তন্মধ্যে প্রথম দুই ভাগ হইতে কুলীন ব্রাহ্মণগণ কন্যা গ্রহণ করিয়া থাকেন, কিন্তু কষ্ট শ্রোত্রিয়ের কন্যা লইলে তাঁহাদের কুল ভঙ্গ হয়। এই চৌধুরীগণ কষ্ট শ্রোত্রিয়। এই অল্প বে সকল কুলীন ইহাদের কন্যা বিবাহ করেন, তাঁহাদের “ছড় দোষ” হইয়াছে। কুশদহের মধ্যে অধিকাংশ কুলীনই এই দোষে দূষিত। শ্রোত্রিয়গণ কুলীন সম্প্রদায় কেবল যে নীচ, তাহা জানা যায় না। বেদাধ্যায়ী এবং বেদজ্ঞ ব্রাহ্মণকে শ্রোত্রিয় বলে। শাস্ত্রে শ্রোত্রিয় শব্দে লিখিত আছে—

১। “ওঁ কার পূর্নিকাশ্চিৎসঃ সাবিত্রীর্ষশ্চ বিন্দতি।

চরিতঃ স্তম্ভচর্য্যশ্চ স বৈ শ্রোত্রিয় উচ্যতে।”

২। “অন্ননা ব্রাহ্মণে জেয়ঃ সংস্কারৈর্বিজ উচ্যতে।”

বেদান্ত্যাসান্তবেদিপ্রঃ শ্রোত্রিয়স্তিতিয়েক হি।”

৩। “একাংশাখং সকল্লাং সঃ বভূতি কুলীনকীত্যে।”

স্টকর্ষ নিরতো বিপ্রঃ শ্রোত্রিয়ো নাম ধর্মবিৎ।”

ইহাঙ্গরা শ্রোত্রিয়কে মন্দ ব্রাহ্মণ বলা যায় না।

আঠার পাই চৌধুরী—ইছাপুরে যে গোবিন্দদেব বিগ্রহ আছেন,

তাঁহার পাদদেশে লিখিত আছে—“রাম জীবন মূলুকাদি শর্ষণঃ”।

গঙ্গাধর ভাস্কর নামক জনৈক কীরহাটি এই গোবিন্দ দেবের মূর্তী নির্মাণ করিবার সময়ে উক্ত কয়েকটি কথা লিখিয়াছিলেন। ইহাতে বোধ হইতেছে রামজীবন চৌধুরী ও মূলুকটাদ চৌধুরী এক সময়ের লোক। কিন্তু মূলুকটাদ চৌধুরী রামজীবন চৌধুরীর পৌত্র।

এই চৌধুরীগণ শ্রোত্রিয় ব্রাহ্মণ হওয়ার শ্রোত্রিয়ও অন্ত্যজ ব্রাহ্মণ দিগের কন্যা ভিন্ন অল্প কন্যা আনিতে পারিতেন না। অল্প কন্যা আনিতে হইলে কন্যা ক্রয় করিয়া বিবাহ করিতে হইত। কাল যাহায্যে এক্ষণে বিদ্বান্ শ্রোত্রিয় কুলীন পদবাচ্য এবং মূর্খ কুলীন সমাজে নিন্দনীয় হইতেছে।

আঠার পাইএর রামজীবন চৌধুরীর বিবাহ হেঁড়ে বারসায় শ্রোত্রিয় ঘরে হয়। রামজীবন চৌধুরীর তিন পুত্র—কৃষ্ণরাম, রামগোপাল ও বিষ্ণুরাম। কৃষ্ণরামের সারসায়, রামগোপালের হেঁড়ে বারসায় ও বিষ্ণুরামের কুড়ুলগাছিতে বিবাহ হয়।

কৃষ্ণরামের তিনপুত্র-মূলুকটাদ, গৌরাই ও গোড়াই। রামগোপালের

রামলোচন নামে একটি পুত্র হয়। বিষ্ণুরামের পুত্র নবাই চৌধুরী, তাঁহার পুত্র বৈষ্ণনাথ ও ঈশ্বর। বৈষ্ণনাথের তিন পুত্র—হরিদাস, সুরনাথ ও যোগীন্দ্রনাথ। সুরনাথের পুত্র বিজনাথ এবং যোগীন্দ্রনাথের পুত্র শচী ও ক্ষিতীশ। ঈশ্বরের পুত্র—পরেশনাথ, নবীন ও জ্ঞান।

নবাই চৌধুরীর বিবাহ হেঁড়ে বায়সায়, ইঁহার স্ত্রীর শ্রদ্ধে দম্পতিবরণ হইয়াছিল। যাঁহাদিগকে দম্পতিবরণ করিয়াছিলেন, তাঁহাদিগের “দম্পতিবরণ” দোষ হইয়াছে। এইরূপ দোষ ইছাপুরে দুই ঘরে আছে।

বৈষ্ণনাথের হেঁড়ে বায়সায় বিবাহ হয়। তিনি বনগ্রামের ৬গঙ্গাচরণ চট্টোপাধ্যায় মোক্তারের ভগ্নীকে বিবাহ করেন। এইজন্য সুরনাথ বাবুরা গঙ্গাচরণ-মোক্তারকে “মামা” বলিয়া ডাকিতেন।

ঈশ্বর চৌধুরী সারসায় বিবাহ করেন। তাঁহার তিন পুত্রের মধ্যে পরেশনাথের বিবাহ নদীয়ায়, নবীনের হালসহরে এবং জ্ঞানচন্দ্রের বিবাহ ইছাপুরের পূর্বপাড়ায় হয়। পরেশনাথ চৌধুরীর পুত্র সতীশের বিবাহ কুড়ুলগাছিতে হইয়াছিল। এইখানে আঠার পাই চৌধুরীদের বিবাহ বিবরণ শেষ হইল।

শ্রামাচরণ চৌধুরীর বিবাহ নদীয়ায় হয়। তাঁহার কোন পুত্রাদি না হওয়ায় মাটিকোমরার মুখোপাধ্যায় বংশ হইতে যজ্ঞেশ্বরকে পোষ্যপুত্র লয়েন। এই যজ্ঞেশ্বর চৌধুরীর বিবাহ গৈপুরের বেচারাম ভট্টাচার্যের কন্যার সহিত হয়। যজ্ঞেশ্বরের দুই পুত্র শশিভূষণ ও বিধুভূষণ। শশিভূষণের প্রথম বিবাহ নদে-গোকনা, দ্বিতীয় বিবাহ পুঁড়ায় হয়। বিধুভূষণের কালীঘাটে বিবাহ হয়।

নব ঠাকুরের বাড়ী—রাজকুমার চৌধুরীর পুত্র বিশ্বেশ্বর চৌধুরীকে রামধন চৌধুরী পোষ্য পুত্র লয়েন। বিশ্বেশ্বর চৌধুরী ইছাপুরের ধরণী মোক্তারের ভগ্নীকে বিবাহ করেন। তাঁহার চারি পুত্র কাশী, কৈলাস, ভূপতি ও ননি। কাশীর প্রথম বিবাহ সেখপুরে, ২য় বিবাহ নদে গোকনায়। কৈলাসের প্রথম বিবাহ হয়দাদপুরে কুঞ্জবিহারী হালদারের ভগ্নীর সহিত ও ২য় বিবাহ ইছাপুরের অধোরনাথ চক্রবর্তীর কন্যার সহিত হয়। ভূপতি, ইছাপুরে জানকীনাথ গাঙ্গুলির কন্যা, ও ননি মাটিকোমরা ত্রিলোচন মুখোপাধ্যায়ের কন্যাকে বিবাহ করেন। (ক্রমশঃ)

শ্রীপকানন চট্টোপাধ্যায়।

কুশদহ-পত্রী সম্পাদনা

সম্পাদকীয় মন্তব্য

কুশদহ-পত্রীর প্রেরণায় "কুশদহ" সম্পাদনে প্রবৃত্ত হইয়া এবং তাঁহারই প্রেরণায় কুশদহর কুশল চিন্তায় নিযুক্ত থাকা অবস্থায় স্বভাবতঃ "কুশদহ-পত্রী" প্রকাশের ইচ্ছা আমার মনে উদয় হয়, কিন্তু কার্যতঃ এই ব্যাপার সম্বন্ধে বোধ হয় নাই। কুশদহ-পত্র সম্পাদন-কার্যে সহরে থাকিয়া কুশদহর দ্বারে দ্বারে ঘুরিয়া পঞ্জী-বিবরণ সংগ্রহ করা আমার পক্ষে একান্ত অসম্ভব, সুতরাং এ পর্যন্ত তাহাতে নিরস্ত থাকিতেই হইয়াছিল। কুশদহ-পত্রী প্রকাশের কথা শুনিয়া যাহারা সহানুভূতি প্রকাশ করিয়া আসিতেছেন, তাঁহাদের মধ্যে শ্রীযুক্ত পঞ্চানন চট্টোপাধ্যায় মহাশয় একজন প্রধান সহানুভূতিকারী বলিলেও অত্যাতি হয় না। কিন্তু ঈশ্বর কৃপায় তিনিও দূরিত! চাকুরী বজায় না রাখিলে তাঁহার চলে না। যাহা হউক, তাঁহার উৎসাহকে ধন্যবাদ! তিনি বাধা-বিহীন সবেও এই কার্যে আমাকে সাহায্য করিতে সর্বাগ্রে প্রবৃত্ত হইয়াছেন। তাই তাঁহার সংগৃহীত বিবরণের কোন ক্রটি বিচার না করিয়া আপাতত উহাই প্রকাশ করিতে প্রবৃত্ত হইলাম। এক্ষণে আমার মনে হইতেছে, কুশদহ-হিতৈষী এমন কি কেহ আছেন—যিনি পঞ্চানন বাবুকে কিছু দিনের জন্তও চাকুরী হইতে অবকাশ গ্রহণের সুযোগ দিয়া এই মহাকাব্যে তাঁহাকে ব্যাপৃত করিতে পারেন? তাহা হইলে বোধ হয় তাঁহার আগ্রহ উৎসাহে অতি অল্প কালের মধ্যেই সমগ্র কুশদহবাসীর বিবরণ সংগৃহীত হওয়া অসম্ভব হইবে না। কুশদহ পাঠক পাঠিকাগণ দেখিয়া আসিতেছেন যে, তিনি এ পর্যন্ত কুশদহর আংশিক কোন কোন বিবরণ সংগ্রহ করিয়া কুশদহে প্রকাশদ্বারা সম্পাদককে কতদূর সাহায্য করিয়াছেন। ঈশ্বর কৃপায় এক্ষণে কুশদহ-সমিতি হইয়াছে, তন্মধ্য হইতেও যদি সকলে আপন আপন বংশ বিবরণ লিখিয়া পাঠাইতে পারেন, তবে এই মহাব্যাপারটি সম্পন্ন হইবার পথ অনেক সহজ এবং সুগম হইয়া উঠিতে পারে।



কুশাধ

“জননী জন্মভূমিষ্ট স্বর্গাদপি গরীয়সী”

“সত্যম্ শিবম্ সুন্দরম্”

জ্ঞানবিস্তার

সম্ভাবসংকার

চরিত্রগঠন

দশম বর্ষ

জ্যৈষ্ঠ ১৩২৫,

দ্বিতীয় সংখ্যা

মা আনন্দময়ীর ছেলে

—০—

“আনন্দে মা আনন্দময়ীর প্রেমসুধা কর রে পান ।

হয় যে প্রেমে প্রাচীন সদানন্দ-বালক সমান ।

শুনিলে যাঁহার কথা,

দূরে যায় মর্ষব্যথা,

দেখিলে সে প্রেমমুখ মৃতদেহে আসে প্রাণ ।

ইন্দ্রিয়-বিলাস জরে,

যুবাকে প্রাচীন করে,

অকালে মানুষ মরে, হয় পাপে ত্রিয়মান ;

কিন্তু যে মায়ের ছেলে,

শিশু সে প্রাচীন হ'লে,

করেন জননী তারে, অনন্ত জীবন দান ।” *

যিনি নিজেকে মা আনন্দময়ীর সম্ভান বলিয়া বিশ্বাস করেন, যাঁহার সম্ভান রূপে আত্ম-দর্শন হইয়াছে, যিনি আপনাকে রক্ত মাংসাতীত আত্মা বলিয়া জানিয়াছেন, বিশেষ ভাবে তাঁহার জন্ত এ প্রবন্ধ নহে । কিন্তু হে মানব, তুমি কি এই মানবদেহ ধারণ করিয়া নিজেকে কেবল দেহী-রূপেই দেখিতেছ—বুঝিতেছ ? তোমার সমস্ত জীবন কি ঐ ধারণার

বশবর্তী হইয়াই চলিতেছে? তাহা যদি হয়, তবে আমি তোমাকেই চাই। কেন না, আমারও অবস্থা এক সময় তাই ছিল। সে স্ত্রী আমি বড় বিপাকে পড়িয়াছিলাম। কিন্তু সহসা মা আনন্দময়ীর অপার করুণায় কিঞ্চিৎ বিশ্বাস পাইয়া এখন কৃতার্থ হইয়াছি। সেই বিশ্বাসের কথাই বলিতেছি।

ঐ দেখে শুভ গাহিয়াছেন,—“আনন্দে মা আনন্দময়ীর প্রেমসুখা কর রে পান। হয় বে প্রেমে প্রাচীন সদানন্দ-বালক সমান।”

তাই তুমি এত ত্রিয়মান কেন? তোমার চিন্তে এত অশান্তি কেন? তাহার কারণ কি ভাবিয়া স্থির করিতে পারিয়াছ? পার নাই, পারিলে এতদুঃখ থাকিত না, ইহা বে নিশ্চয় কথা। আনন্দময়ীর প্রেমসুখা কি পদার্থ তাহা কি বুঝিতে পারিয়াছ? আচ্ছা, এই একটা কথাই একবার একটু ভাল করিয়া ভাবো দেখি। ভাবো দেখি, অনন্তপ্রেম যিনি তিনি তোমাকে ভালবাসেন। এ-কথা কি বিশ্বাস করো? এই কথা সত্যই প্রাণে স্থান পাইলে আর কি কোন ভাবনা থাকে? ‘আমি তাঁর তিনি আমার’ এই বিশ্বাসে কত সুখ কত আনন্দ বল তো? কিন্তু বোধ হয় এ বিশ্বাস তোমার নাই। তুমি বলিবে আছে বৈ কি? কিন্তু তোমার এ স্বীকারোক্তির কোন মূল্য নাই। যথার্থ ভালবাসা কাকে বলে? মায়ের রূপ গুণে প্রাণ মন পুলকিত না হইলে কি ভালবাসা আসে। মায়ের রূপ গুণের নাম শুনিলেই হয়তো তোমার মনে বাহ্য কোন রূপের কথা—আর মানবীয় দয়াদাক্ষিণ্যাদি গুণের কথাই মনে হইবে। মন অজ্ঞানতার আচ্ছন্ন থাকিলে মায়ের আধ্যাত্মিক সৌন্দর্যের কথা কেহ তো বুঝিতে পারে না—এইখানেই তো গোলযোগ! মায়ের পরম সুন্দর রূপগুণে বিশ্বাসী হইতে না পারিলেই বিশ্বাসের এইরূপ দুর্ভাবস্থা হয়। সুখার আলা কেহ সহ্য করিতে পারে না। সুখাঙ্কের সন্ধান না পাইলে, সন্মুখে অখাচ্য কুখাচ্য যাহা পায় তাহাই মাতুষ গ্রহণ করিতে বাধ্য হয়। বিগুহ জ্ঞানের পথ ধরিতে না পারিলে ধর্ম-সুখার যা হয় তাই বিশ্বাস করিতে তুমি বাধ্য হইবেই। কিন্তু বিশ্বাসের জাতি জানিতে পারিবে ঐখানে, ঐ তোমার কৃষ্টিপাথর। জীবন যদি ঐ আনন্দময়ীর ছেলের মতো ‘সদানন্দ-বালক সমান’ না হয়। খাঁটী বিশ্বাস তিন্ন নির্মল খাঁটীজীবন কখনও হয় না—হইতে পারে না।

“ইঞ্জিরবিলাস করে, বুঝকে প্রাচীন করে, অকালে মাহুব মরে
হর পাশে মিয়মান,” এ-কথা যে অন্ধরে অন্ধরে সত্য। ঐ দেখো চক্কর
সম্মুখে শত শত—সহস্র সহস্র যুবকের দশা দেখো। ইঞ্জিরসেবার, বিলাস
বাসনা-অরে কি দুর্দশা হইতেছে। হায় রে! যে যুবকদল সংযমী হইবে,
মিতাচারী হইবে, সংযত প্রবৃত্তি—সংযত বাক্ হইবে, ঘোবনের সৌম্যমূর্ত্তি
ফুটিয়া উঠিবে, হৃদয় সরলতায়—পবিত্রতায় এবং উদারভাবে পূর্ণ
হইয়া উঠিবে—সেবানুরাগে হৃদয়কে কোমল, চরিত্রকে বিনয়ী করিবে,
তার কি না ঐ দশা!

ঐ শোনো ভক্ত তাই কি বলিতেছেন—“কিন্তু যে মায়ের ছেলে
শিশু সে প্রাচীন হ'লে, করেন জননী তারে অনন্ত জীবন দান।”

বিশ্বাসী ভক্তের কি সৌভাগ্য! তিনি ষতই প্রাচীন হউন না কেন,
অন্তরে চিরনবীন, বালকপ্রকৃতি—সরল শিশু, মায়ের ছেলে। তিনি
রক্তমাংসের অতীত। তিনি বিশ্বাস করেন, তিনি দেহী নহেন, তিনি
আত্মা! জন্মমরণেরও অধীন নহেন। তিনি বিশ্বাসবলে মৃত্যুকে জয়
করিয়াছেন—যে মৃত্যু জীবের নিকট মহাভীতিপ্রদ, সেই মৃত্যু তাঁহার
নিকট অনন্ত জীবন-পথে আরোহণ। পুনঃ পুনঃ জন্মমরণেরও অধীন
তিনি নহেন। জননীর কৃপা-দৃষ্টিতে পরলোকের আভাস তাঁহার নিকট
প্রকাশিত হইয়া, সকল ভয় কুসংস্কার ছায়া মায়া হইতে তাঁহাকে মুক্ত
করিয়াছে। হে মানব! তুমি কি এইরূপ জীবনে বিশ্বাস করো এবং এই
জীবন লাভের আকাঙ্ক্ষা করো? এতক্ষণ কি শুনিলে? করনা—না
ভাবুকতার কথা? কিম্বা সত্য!

প্রায়শ্চিত্ত

পঞ্চম

সন্ধ্যার অন্ধকার ঘনাইয়া আসিয়াছে, তোলা পোকগুলিকে
গোয়ালে তুলিয়া, ভিজা ধড়ের ধোঁয়া দিয়া, মাঠাকুরগের নিকট
হইতে খানিকটা সরিষা-তৈল লইয়া, আপাদমস্তক চুরচুরে করিয়া
মাখিতে ছিল। রাতে যে মশা কামড়ায়—তা ছাড়া ভাল করিয়া তেল
মাখিলে শীতটাও কম লাগে। পৌষ মাসে এ বারে যে শীত পড়িয়াছে।

ভেল মাথিতে মাথিতে ভোলা ডাকিল, বিত্তনা, দাদা মশাইকে সেই হস্তকীর গল্পটা একবার শুনিরে দিতে বলো, বড় মজা লাগে শুনে।

হরদাদা, শুধন বিছানায় কাৎ হইয়া মুদ্রিত নরনে তামাকু টানিতে টানিতে সারাদিনের পথচলা, ট্রেন চড়ার ক্লাস্তি দূর করিতেছিলেন। ভূতোর সহিত প্যাচ খেলিতে গিয়া বিত্তর ছইখানি ঘুড়ি ছিঁড়িয়া গিয়াছিল। ভাতের লেই করিয়া, স্তিমিত প্রদীপের আলোকে, একান্ত মনোযোগের সহিত সে সেই ছিন্নস্থান সংস্কার করিতেছিল। পাছে ম আসিয়া তাহার এই স্নেহাচার দেখিয়া ঘুড়ি ছইখানির চিরনির্কাসন দণ্ডা বিধান করেন, সেই ভরে মুখ তুলিয়া এক-এক বার ঘরের দিকে চাহিতে-ছিল। এমন সময় ভোলার ডাকে তাহার চমক হইল। হরদাদার হস্তকীর গল্প শুনিবার মতো ভিনিষই বটে, পূর্বে যদিও এ গল্প শোনা ছিল, কিন্তু তাহার মাথুর্ধ্য, এখনও স্মৃতি জাগাইয়া রাখিয়াছে। বাজে গল্প হইলে, এত দিনে সে বিরক্তিকর হইত।

বিত্ত তাড়াতাড়ি কহিল, ই্যা দাদা, তোমার সেই গল্পটা আরম্ভ করো। আমি ভূতো, ননে, পেঁচোকে ডেকে আনি। তারা আমায় কতবার জিজ্ঞেস করে, তোর সেই 'হস্তকীর দাদা' আসবে না? বড্ড মনে কোরে দিচ্ছে ভোলা।

হরদাদার কিন্তু গল্প জমাইবার মতো অবস্থা আজ মোটেই নয়, কোনও রকমে ছইটা কিছু মুখে দিয়া, লেপ মুড়ি দিয়া, নাক ডাকাইয়া শীতের দীর্ঘ রাতটি ঘুমাইয়া কাটাইলে সকালে শরীরটা স্তস্থ হইতে পারে। আরে রামঃ, পা থাকিতে লোকে আবার গোকুর গাড়ী চড়ে! এই নব সংস্কারের যুগে, কত নুতন সংস্কার হইতেছে, ট্রাম, রেল, মটর গাড়ীর জন্ম হইল, পাড়ারগায়ে মেঠো উচু নীচু রাস্তার জন্ম সেই গোকুর গাড়ীই আদিকাল হইতে বাহাল রছিল, উহাকে আর পেলন দেওয়া হইল না। নাঃ, এ দেশের—এ জাতির উন্নতি আর হইল না। কোনো উপায়ে যদি সরকার বাহাছুরকে পাড়ারগায়ের এই গোকুর গাড়ীতে চড়ানো যায়, তবেই কিছু উপায় হওয়া সম্ভব। ঘণ্টা-খানেক এই গাড়ীতে চড়িয়া যাত্রা করিলেই বুঝিবেন। তাঁর কৃপা-কৃষ্টি পতিত হইলেই ইহার একটা সুব্যবস্থা না হইয়া যায় না। রতিকান্তর হৃদয়ে পড়িয়া হরদাদা কম করিয়া তিন ঘণ্টা কাল এই গোকুর

গাড়ীতে চড়ায় সর্কালে কি ব্যথাই না হইয়াছে। হুঁকাটা তো সাতবার গড়াইয়া পড়িয়াছিল। ভাঙে নাই যে এই বরাতে র জোর।

বিখনাথ ভাড়াভাড়ি ঘুড়িতে জোড়া ভাড়া লাগাইয়া, দাদার কাছে গিয়া বসিল। হরদাদা বলিলেন, আজ না ভাই, এখনতো হুঁচার দিনা আছি, কা'ল বলবো, পরসু বলবো। তুই সবাইকে গল্প শোনবার নেমন্তন্ন কোরে আসিস।

বিখনাথ ছাড়িবার পাত্র নয়, সে কহিল, আজ আমরা ঘরে ঘরে তো শুনি, কা'ল তখন সন্ধ্যাকৈ নেমন্তন্ন কোরে আসবো। ভোল ততক্ষণে তেল মাখা শেষ করিয়া সূচিকণ মূর্তিতে, দরোজার কাছে আসিয়া দাঁড়াইয়াছে। বিস্তু কহিল, দাদা এখুনি গল্প আরম্ভ কোরে দেবেন, তুই জাম ভলায় দাঁড়িয়ে ননে ভূতোদের একবার ডাক দে, তারা বাইরের চালার আছে, দৌড়ে আসবে এখুনি।

সত্যই ডাক শুনিয়া, ছেলের দল দৌড়িয়া আসিল, হরদাদা নিরুপায় হইয়া হুঁকাটি রাখিয়া গল্প আরম্ভ করিলেন।

ছেলেরা, তোমরা মন দিয়ে, ভক্তি কোরে শোনো; হরিতকীর অশেষ গুণ, হরিতকী পাকা খেলে অমর হয়—কাঁচার গুণের সীমা নেই পাকা হরিতকী চোখে দেখলে রাজা হয়, রোজ হরিতকী ভিজনো জল খেলে, একশ' বছর পরমায়ু হয়। যে এ সব শুনে তর্ক করে, তার পাপের সীমা থাকে না, আর যে বিশ্বাস কোরে এর পরীক্ষা করে, সে হাতে হাতে ফল পায়।

ভূতো সাগ্রহে প্রশ্ন করিল, একজামিনে পাস হয় দাদা? ক্রাসে উঠতে পারা যায়?

হরদাদা দৃঢ়স্বরে কহিলেন, আলবাৎ হয়, প্রত্যহ হরিতকী খেলে বস্তিষ্কের তেজ বৃদ্ধি হয়, স্বরণশক্তি প্রথর হয়, কাজেই পড়া ভাল মুখস্থ হয়, একজামিনে পাস না হোলে আর যায় কোথা?

ভোলার আজ করদিন হইল, মাঠে গোরু চরাইতে গিয়া, এক পুঁটুলী কড়ি হারাইয়া গিয়াছে—হুঁচারিটা নয়, এক পণ আট গণ্ডা কড়ি, বাছা বাছা বড় বড় কড়িগুল; কাজ কর্ত্তের ফাঁকে ভোলার মনে সেই, খেলার অবলম্বন, কড়িগুলির বিচ্ছেদ-স্মৃতি, কুলের কাঁটার মতো বিধিতে ছিল, হরদাদার কথায়, আশাবিত হইয়া সাগ্রহে সে বিজ্ঞাসা করিল

হারানো জিনিষ পাওয়া যায় না, দাদা মশাই? দাদা মশাইও সমান আশ্রয়ে উত্তর দিলেন, খুব পাওয়া যায়! গোকু, হারালে গোকু পাওয়া গেছলো, শুনেছিস তো? একজন লোকের হরিতকীর্ণড়োর দোকান ছিল, সে ঐ এক পেটেন্ট অষুধে সব রোগ সারিয়ে দিত, এমনি হরিতকীর মহিমা, বাবা মহাদেবের স্বপ্নাত্ত ওষুধ কি না? ভক্তিভরে বিশ্বাস কোরতে পারলে, হাতে হাতে ফল। অবিখ্যাতীর কাছে সব ফাঁকী হোয়ে যায়। এক চাষার গোকু হারিয়েছিল, গর্ভিণী গোকু। পাঁচসের জুধের গাই। সে তো সারাদিন, মাঠেঘাটে খুঁজে হাররাণ হোয়ে গেল, কোপে জগলে কোথাও সন্ধান পেলেন না, তখন সে নিরুপায় হোয়ে কাঁদতে কাঁদতে হরিতকীবদির কাছে এলো, তিনি অভয় দিয়ে বললেন, কাঁদিসনা কোনও ভয় নেই, বাবার নাম কোরে এই এক পুরিয়া জলে ঝলে খেয়ে নে, রাতে আর একবার খাস।

সে বেচারী বিশ্বাস কোরে তাই খেলে। রাতে তার পেট ব্যথা কোরতে লাগলো, সে মাঠে কাঁক সারতে গিয়ে, একটা ভাঙা দেওয়ালের কাছে তার সেই গাই, বাছুর নিয়ে দাঁড়িয়ে আছে। চাষা মহা আহ্লাদে চীৎকার কোরে উঠলো। পাড়ার লোকেরা ঘুমের ঝোরে চোর এসেছে মনে করে লাঠি নিয়ে দৌড়ে এলো, দেখে না চাষার গোকুর বাছুর হোয়েছে, হারানো গোকু ঘরে ফিরে আসছে, চাষার আমোদ দেখে কে। চাষা বাছুরটাকে কোলে কোরে নিলে, গোকুটা হান্না হান্না কোরতে কোরতে পাছে পাছে ঘরে এলো। পুরাণে আছে 'বিশ্বাসে মিলায় বস্তু, তর্কে বহুদূর'।

ভোলা পরম আশ্রয় হইয়া, নিজের বিশ্বাসকে দৃঢ় করিবার চেষ্টা পাইতেছিল। ননে বলিয়া উঠিল, ভট্টচার্যীদের বোয়ের ছেলে হোলে বাঁচেনা, তা'রা কত ওষুধপত্র কোরছে, কত মাদুলী নিচ্ছে, তা তুমি যখন এসেছ দাদা, তুমিই ওষুধ দাও, ভাল হোয়ে যাবে।

পেঁচো কহিল, শুনেছিস বিশ্ব, পুঁটির ছোট্ দিকে 'ওপর' নজর লেগেছে। সে কি ব্যাপার—দেখলে ভয় হয়। এমন গেঙাচ্ছে যে শুনলে চক্ষু স্থির হয়। দাদা যদি একবার দেখে ওষুধ দেন—

বিশ্বর পিসী বিন্দু আসিয়া পড়িলেন। তিনি কহিলেন, দাদা এখন গল্প করছেন? খাবেন চলুন, রতি বসে পড়েছে—তার খুব ঘুম পাচ্ছে খেয়েই শোবে। ও বাড়ীর মেজ গিন্নীরা মাঘ মেলায় এয়াগে কল্লাস

কোরতে যাবে, আমার ইচ্ছে একবার তীর্থ ঘুরে আসি, ওদের কুঁড়েতেই থাকুবো। আপনি যখন এসেছেন, রাতিকে নিয়ে আপনিও সঙ্গে যাবেন। আপনার জন পুরুষ বল না হোলে তো আর ছোট ছেলে নিয়ে বেরুনা যার না, তা উঠুন এখন, কাল সব পরামর্শ হবে।

ছেলেরা ক্ষুব্ধ হইল, তাহারা দাদার বুলি ঝাড়িয়া আরও ছুঁচারিটা গল্পের আশা করিয়াছিল। তবে বিত্ত, প্রয়াগে যাইবার সংবাদে, নবোৎসাহে পিসীর আঁচল ধরিয়া দাঁড়াইয়া, বিন্দুর মুখোচ্চারিত প্রত্যেক শব্দটি হৃদয়ঙ্গম করিবার চেষ্টা করিতেছিল।

ষষ্ঠ

পুরাণবর্ণিত মায়ারথের মতই বায়ুবেগে কলিকালের এক্সপ্রেস রথ ছুটিয়া চলিয়াছে। কত মাঠ, কত গাছপালা, কত নদী, দেশ, পাহাড় চোখের সম্মুখ দিয়া যেন স্বপ্নরাজ্যের ছবির মতো এই জাগিয়া উঠিয়া এই মিলাইয়া যাইতেছে। আপনার বিজয়বাদ্য ঘোরঘটা গড় গড় শব্দে বাজাইয়া, রাশি রাশি ধূম সগর্জনে উদ্গীরণ করিতে করিতে অগ্নিগর্ভ-মৌহযান শত শত যাত্রী বৃকে লইয়া দৌড়িতেছে।

গাড়ী স্টেশনে থামিবা মাত্র কি ব্যাপার! এক সঙ্গে ফেরিওয়ালাদের “চাই চীনা বাদাম” “চাই গরম চা” কমলানেবু আম কলা, পান সিগারেট সোডা লেমনেড প্রভৃতির বিক্রেতারা ঐক্যতান শব্দে যাত্রী বেচারাদের—বিশেষ যাহারা বড় একটা ট্রেনে যাওয়া আসা করে নাই তাহাদের—বিত্রত করিয়া তুলিয়াছে। কোন্টা শুনিবে কোন্টা দেখিবে, আর কোন্টাই বা কিনিবে। বিত্তকে লইয়া সকলে তো অস্থির হইয়া পড়িল, সে একবার এদিকের জালালায় মুখ বাড়ায়, আবার ওদিককার দর্শনীয় জিনিষগুলি বাদ যাইবার ভয়ে ছুটিয়া ঐ দিকে গিয়া দাঁড়ায়। মোট কথা, পিছন দিকেও দুইটা চোখ না দিয়া বিধাতা বড় বুদ্ধিমানের কাজ করেন নাই। মানুষকে এক সঙ্গে চারিদিক দেখিয়া লইবার সুখ সুবিধা হইতে বড় রকমে বঞ্চিত করিয়া রাখিয়াছেন। বিত্ত আজ কোন্টা রাখিয়া কোন্টা কেনে।

পুর গুলি শুনিতে কাণে কোঁতুকজনক হইলেও ফেরিওয়ালাদের সব কথা শুনা ভাল বুঝা যাইতেছে না। বাকি তাকে জাকিয়া তাই বিত্ত ভিজাসা করিতেছে। যখন বাজকের আস্থানে রুটা কাবার ওয়ালা

আসিয়া তাহার মাথার বৃহৎ খালা খানি নামাইয়া গোস কাবাব দেখাইল, কমলা এককণ ধমক দিয়া ছেলেকে প্রকৃতিস্থ করিবার চেষ্টা করিতেছিল, এখন এই স্নেহু খাণ্ড দর্শনে শিহরিয়া দুর্গানাথ স্মরণ করিতে করিতে নাকে কাপড় দিয়া ছেলেকে দুই চাপড় বসাইয়া দিল। বিন্দুও স্নেহুখাণ্ড সম্মুখে দেখিয়া ঘৃণার সঙ্কুচিত হইয়া মুখ ফিরাইয়া রাম নাম উচ্চারণ করিল, বিদেশের পথে বাহির হইয়া বধুর সকল কথার ও কাজের তীব্র প্রতিবাদ করিতেছিল,—এমন কি, ছেলে লইয়া সে রাস্তা হইতে ফিরিয়া যাইবে, এমনও শাসাইল, মাথার থাকুক মাঘমেলা দর্শন। সে শাসনে কমলা ভয় নাই পাক, বিণ্ডু কিন্তু ভয় পাইল। নিজের দোষে বুঝি তাহার আর এলাহাবাদ বেড়ান হইবে না। সে সশঙ্কিত হইয়া শাস্ত ভাব ধারণ করিল। দানাপুরে ট্রেন থামিবারাত্র রতিকান্ত নামিয়া মেয়েদের গাড়ীতে ধবর লইতে আসিল। মামাকে দেখিয়া বিণ্ডু সোৎসাহে কহিল, আমি তোমাদের গাড়ীতে যাবো ছোটমামা। কমলা কহিল, ও বড় বিরক্ত করছে রতি, পড়ে গিয়ে এক হাঙ্গামা না বাধিয়ে বসে।

বিন্দু মুখ ঝাপটা দিল। ও খুব স্তবোধ ছেলে, তোমার কাছে নিয়ে গিয়ে বসিয়ে রাখ গে।

রতিকান্ত হাসিয়া ভাগিনেরটিকে লইয়া গেল। সে কিছুকণ পিসিয়া প্রদত্ত বিশেষণটির সদ্যবহার করিল বটে, কিন্তু এটা কি ওটা কি, প্রশ্নের পর প্রশ্নে রতিকান্তকে ব্যস্ত করিয়া তুলিল।

রতিকান্ত কহিল, আমি এদিকে কখনও আগে আসিনি, এ সব আমার কিছুই চেনা নয়। বিণ্ডু অগ্নান বদনে কহিল, তুমি তো ম্যাপ দেখেছ ছোটমামা? ভূগোলে তো পড়েছিলে? ভুলে গেছ বুঝি? তুমি কি হস্তকী খেতে না ছোটমামা?

গাড়ীতে আরও কয়েকজন স্ত্রীলোক ছিলেন, বিণ্ডুর কথায় হাসিয়া উঠিলেন। এদিকে হরদাদা পাশের ষাড়কাস গাড়ীতে দিব্য মজলিস জাঁকাইয়া তুলিয়াছিলেন। তিনি একজন যত বড় তামাক খোর হইলেও বাবুদের সিগারেট চুরটের গন্ধে তাঁহার মাথা ধরিত, সেজন্য হিন্দুস্থানী যাত্রীদের মধ্যে বসিয়া তামাক সেবন করিতে করিতে আধা হিন্দী আধা বাংলার তিনি হরিতকীর গুণাঙ্ককীর্তন করিতেছিলেন। সদানন্দ

বস্তার কথাগুলি শুনিতে উৎসাহী শ্রোতার অভাব ছিল না। উহাদের মধ্যে বাত্রীপাকড়াও ছইজন পাণ্ডা ছিল। এক জন প্রয়াগ—আর এক জন বিক্র্যাচল বাত্রীর জন্য।

হরদাদার গল্প শুনিয়া কথাপ্রসঙ্গে তাহারা জানিয়া লইল, তাঁহারা মাঘ মেলার যাইতেছেন। শীকার মিলিল দেখিয়া বাবুরাম পাণ্ডা বড় খুসী হইল। রামলালের দিকে চাহিয়া হাসিল, সে হাসির অর্থ বাহাই হউক, রামলালের মুখটি কিন্তু স্তান হইল।

রামলাল আর এক চা'ল চালিল। পরের ষ্টেশনে গাড়ী থামিবামাত্র সে নামিয়া রতিকান্তদের কামরার উঠিয়া বসিল। বাবুরাম ভাবিল এখানে শীকার মিলিল না দেখিয়া, সে অন্যত্র সন্ধান গিয়াছে।

রামলাল হরদাদার কথাপ্রসঙ্গে জানিয়া লইয়াছিল যে, তাহার সহযাত্রী বাবুটি পাশের কামরাতেই আছেন। রামলাল বাংলা জানিত, সহজেই সে এলাহাবাদযাত্রী বাবুটিকে আবিষ্কার করিয়া ফেলিল। সাদরে বিগুর পিঠ চাপড়াইয়া রতিকান্তকে কহিল, আপনি প্রয়াগে যাবেন বাবুজী? বাকী বিক্র্যাচল, ভারি তীরথ। রাস্তামে উস্কো ছোড়কে জানেসে প্রয়াগ আশ্রানের ফল না মিলবে। হু'এক রোজ বিক্র্যাচলে উতারকে আশ্রান পূজা করলে বড়া পুন ফল হোবে, এহি তো ভাগমানক কাম আছে বাবুজী। বিক্র্যাবাসিনী দেবী বড়াভারী দেওতা, ভগবতী মারীকো পূজা দরশন বড়া ভাগকা কথা বাবু।

রতিকান্ত কোতুকভরে পাণ্ডাজীর কথাগুলি শুনিতেছিল। রামলালও আশ্চর্য হইয়া পরমোৎসাহে বিক্র্যাবাসিনীদেবীর ও পর্বতবাসিনী অষ্টভূজার মাহাত্ম্য কীর্তন করিতে লাগিল।

শেষ বখন সে বলিল, বাংলাদেশে এক ভারি বাঙালী মাজিষ্টের বেড়াতে আয়া—ইলাহাবাদমে বাংলা ভাড়া লিয়ে আছেন। বাবুর ভৌজী আর তিনটি বেটা এখানে বিক্র্যাচলবাসিনী দেখতে এসেছেন, ধরমশালাতে টিকে আছেন, বাবুর নাম মাইশবাবু আছে।

রতিকান্ত তখন চমকিয়া উঠিল, কোন্ মহেশ বাবু? মলিতার পিতা মহেশবাবু নহেন তো? তিনিও তো ম্যাজিষ্ট্রেট?

বিক্র্যাচল দর্শনের আশায় তাহাকে বধেই প্রলুব্ধ করিল। সে বিক্র্যাচলে ছই দিন থাকিয়া এলাহাবাদ যাওয়া স্থির করিল। পরের

ষ্টেশনে নামিয়া কমলা ও বিন্দুকে এ সংবাদ দিবামাত্র সানন্দে তাহারাও সন্মত হইল। তীর্থভ্রমণে আসিয়া পুণ্যের সংখ্যা যতই বাড়ে ততই মঙ্গল। বিক্র্যাচলে পোর্টলা-পুঁটলী সমেত নামিয়া যখন রতিকান্ত হরদাদাকে ভাড়া দিল, তিন মিনিট মাত্র সময়, শীঘ্র নামুন হরদাদা। শশব্যস্তে হুঁকা হাতে হরদাদা নামিয়া পড়িলেন। সহযাত্রীরা “বাবু রাম রাম” বলিয়া বিদায় অভিনন্দন দিল। আর বাবুরাম পাণ্ডা, রামলালের এই আকস্মিক কিস্তীমাতে একেবারে হতভম্ব হইয়া গেল। ট্রেন যখন ছাড়িয়া দিয়াছে, তখন সে গলা বাড়াইয়া উচ্চকণ্ঠে কহিল— বাবু, আপনারা যখন ইলাহাবাদে উতারবেন, দোসরা পাণ্ডা ধোরবেন না, বোলবেন বাবুরাম আপনাদের পাণ্ডা আছে, আমি সব গাড়ীতে হাজির থাকবো, মূল্যকাৎ হোবেই।

বিক্র্যাচল ষ্টেশনের নিকটেই ধর্মশালা। ধর্মশালার নিকটে চারিদিককার ক্ষেত্রে প্রচুর ছোলা মটর ইত্যাদি হইয়াছে, একদিককার ক্ষেত্রে অড়হর গাছের ঘন বন হইয়াছে। দরিদ্র পল্লীবাসীদিগের কুটার গুলি ক্ষেত্রের প্রান্তভাগে দেখা যাইতেছে। অনতিদূরে বিক্র্যাচল পর্বত-শ্রেণী শোভা পাইতেছে। যাহারা তীর্থদর্শনে আসিয়াছেন, তাঁহারা দল বাঁধিয়া বেড়াইতে বাহির হইয়াছেন।

কমলা ও বিন্দু আজ আর পাহাড় বেড়াইতে বা অষ্টভূজা দর্শনে গেল না। বৈকালে যাইবে স্থির করিয়া হরদাদার সহিত দেবীমন্দিরে গেল। বিস্ত্র কিস্তি পাতে নিজা হইতে উঠিয়া পাহাড় বেড়াইতে যাইবে বলিয়া হাকামা করিতে লাগিল। রতিকান্ত বিস্ত্রকে লইয়া বাহির হইয়া পড়িল। গাঁদাফুলের বাগান দেখিয়া বিস্ত্র ছুটিয়া ফুল ছিড়িতে গেল। রতিকান্ত ধমক দিল। “দেবীপূজার জন্ত ও সব ফুল আছে ছিড়লে পাপ হবে। তুমি পথে এ রকম দুষ্ট্র মি কোরলে, আমি পাহাড় বেড়াতে নিয়ে যাব না, চলে এস বলছি।” মামার আদেশ বিস্ত্র অমান্য করিল না। রতিকান্তর মন ভাল ছিল না। কাল সে কোঁকের মাথায় নামিয়া পড়িয়াছে, আজ তাহার মনে হইতেছিল, সে মিছামিছি এখানে নামিল কেন? ধর্মশালায় তো কই তাঁহারা নাই? আর যদিই বা থাকেন তাহাতে তার কি? ললিতা কি এখনও তাহাকে সেই চক্ষেই দেখে? তাহা হইলে সে যে এই দীর্ঘকারাবাসের পর ফিরিয়া আসিল, তাহার খোঁজ লইত না কি?

পিতা তো মহেশ বাবুকে চিঠি দিয়াছিলেন, তাহার উত্তর কি তিনি দেন নাই? যদি দিয়া থাকেন, অমুকুল কি প্রতিকুল? তিনি স্বদেশী আন্দোলনকে হু'চক্ষে দেখিতে পারিতেন না, আর সে এখন সেই হান্দামায় জড়িত—অপরাধে চিহ্নিত আসামী, এ হেন লজ্জিত যুবককে তিনি কি তাঁহার সেই প্রিয়পুত্রলী ললিতাকে দিতে সম্মত হইবেন? তবে—

রতিকান্তের চিন্তাস্রোতে বাধা পড়িল। সে পথ চলিতে চলিতে ধমকিয়া দাঁড়াইল। বৃহৎ আমলকীগাছতলায় তিনটি তরুণী ও একটি সুবেশ যুবক হাস্যলাপ করিতেছিল। বাংলাদেশে ঘরে বসিয় যে কথা—যে শব্দ আমরা গ্রাহ্যের মধ্যে আনি না, সুদূর বিদেশে গিয়া পড়িলে, সেই বাংলা ভাষা—সেই শব্দ, সমস্ত অন্তস্তল ভেদ করিয়া সহজেই আমাদের অন্তঃকরণকে স্পর্শ করে। স্বদেশ যে আমাদের কত প্রিয় তা আমরা প্রবাসে গিয়াই স্পষ্ট বুঝিতে পারি। মেয়েদের মধ্যে এক জন তখন বলিতেছিল,—

তা আপনি যতই চেষ্টা করুন—মিষ্টার সরকার, আপনার মুখে মেয়েদের সুকুমার লাভণ্য কিছুতেই ফুটে উঠবে না। বড়দি, ভূমি সত্যি কোরে বলো দেখি, সেই যে এমেচার পাটিতে একটা লোক গৌফ কামিয়ে জনা সেজেছিল, মিষ্টার সরকারকে হবছ তেমনি দেখাচ্ছে কি না?

কণ্ঠস্বরে রতিকান্ত চমকিয়া উঠিল, অমিতার কণ্ঠস্বর না? নিশ্চয়ই সেই। রতিকান্ত চকিতে চাহিয়াই শুচিতা, ললিতা ও অমিতাকে চিনিয়া লইল। আজ দুই বৎসরের পর ললিতা তাহার এতো কাছে? এখনি চোখোচোখী হইলে পরিচয় হইয়া যাইবে। রতিকান্তর হৃদয় যেন কাঁপিয়া উঠিল, সে আর অগ্রসর না হইয়া হেঁট মুখে জুতার পেরেক ফুটিতেছে কি না দেখিতে লাগিল। বিত্ত বলিয়া উঠিল, কি কুল ধরেছে ছোটমামা—ঐ পাছটায়? রতিকান্ত মেয়েদের দিকে পিছন ফিরিয়া বিত্তকে কুলগাছ হইতে কুল পাড়িয়া দিতে লাগিল। মামার এতখানি উদারতায় বিত্ত যথেষ্ট প্রসন্ন হইয়া, টপাটপ কুলগুলি মুখে পুরিতে লাগিল। শুচিতা তখন অমিতাকে বলিতে আরম্ভ করিয়াছে—

তোর আকার মন্দ না, গৌফ জিনিসটা ভগবান পুরুষ মানুষদের নামেই উইল কোরেছেন, সে তার যা ইচ্ছে তা কোরতে পারে, তোর আমার ভাতে কথা বলবার কি অধিকার?

অমিতা বলিল, বড়দি আমরা যদি একজোড়া গৌরু পরি কেমন দেখায় ? এ প্রশ্নের উত্তরে সকলেরই হাঃ হাঃ হাসিতে বনপথ প্রতিধ্বনিত হইয়া উঠিল। সুবকটির নাম রত্নিকান্তর জানা না থাকিলেও আমাদের অজানা হইতে পারে না। সুবকের নাম নরেন্দ্র। পরিচয় না জানিলেও নরেন্দ্রর সৌভাগ্যে রত্নিকান্তর মন যেন ঈর্ষা প্রকাশ করিতে লাগিল।

নরেন্দ্র বিলাত হইতে ব্যারিষ্টার হইয়া আসিয়াছে। সেখানে সে তিনবৎসর ছিল ; ইংরাজ সমাজে সে খুব মিশিয়াছে, সুন্দরী মিসদের সহিত বলে নাচিয়াছে, পার্টিতে মিশিয়াছে, টেনিস খেলিয়াছে, নৌকার দাঁড় টানিয়াছে, কিন্তু এই কয় মাসের মধ্যে এই কয়টি বাঙালী মেয়ে তাহাকে যেন বোবা বানাইয়া ফেলিয়াছে। ছ'চার খানা ইংরাজী বই পড়িয়া ইহারা যে বাক্যবাগীশদেরও ছাড়াইয়া পড়িল ! যে নরেন্দ্র, সুন্দরমুখ ও সুগঠিতদেহের সুপারিসে, সুদূর সুসভ্য ইংলণ্ডেও সহজে নরনারীর দৃষ্টি আকর্ষণ করিয়াছিল, তাহাকে কি না এই মেয়েগুলো গৌরু কামানোর জন্য তিন সন্ধ্যা নাস্তা নাবুদ করিতে চায় ?

নরেন্দ্রর ছোট নেপালী কুকুরটা বিত্তর পায়ের কাছে আসিবা-
মাত্র, বিত্ত কুকুরটি কোলে তুলিয়া লইল। নরেন্দ্র দেখিতে পাইয়া কহিল,
সাবধান খোকা, আঁচড়ে না ভয়, বড় ছটু ও।

বিত্ত কহিল, ছোটমামা, কুকুরটি কি সুন্দর !

নরেন্দ্র কহিল, ওকে ছেড়ে দাও খোকা।

বিত্তর লোভ কিছু বেশী—অন্ততঃ সে জিনিষটাকে সে এখনও ঢাকিতে
শিখে নাই, সে সরলকণ্ঠে কহিল, আপনাদের কুকুরছানা হোলে একটা
আমার দেবেন ?

বালকের কথায় মেয়েরা হাসিয়া উঠিল। নরেন্দ্র কাছে আসিয়া
কহিল, ওটা মদা কুকুর খোকা, ছানা হবার আশা একেবারেই নেই।
রত্নিকান্তর দিকে চাহিয়া কহিল, আপনারা কবে এসেছেন মশায় ?

“কাল সন্ধ্যায় ট্রেনে।”

“কোথায় উঠেছেন ?”

“ধর্মশালার ”

নরেন্দ্র কহিল, আমরাও তো সেখানে নেমেছি। আমরা ওপরের
ঘরে আছি। আপনি বুঝি নীচের ঘর নিয়েছেন ?

যেদেরা ঔৎসুক্যভরে রতিকাস্তকে দেখিতেছিল, সে তো তাহাদের অপরিচিত নয়, তবে পূর্বাপেক্ষা কিছু দীর্ঘ ও ক্লম দেখাইতেছে। রতিকাস্তর কারামুক্তি সংবাদও তাহারা সংবাদ পত্রে জানিয়াছিল। ললিতার কাণে কাণে শুচিতা কহিল, তোর সেই হবু বর না ?

ললিতার চক্ষে জ্বলের মতো একটা আবরণ বোধ হইতেছিল। তখনও সে রতিকাস্তকে ঠিক চিনিতে পারে নাই। আরক্তমুখে শুচিতার মুখের প্রতি একবার চাহিল। এই সময় রতিকাস্ত মুখ ফিরিয়া সম্মুখে দাঁড়াইল। তখন সবে সূর্যোদয় হইয়াছে। পাতার কাঁকে কাঁকে সোনালী আলোকরেখা রতিকাস্তকে স্পষ্টরূপে চিনাইয়া দিবারাত্র ললিতা আর রতিকাস্তর মুখের দিকে চাহিতে পারিল না। শুচিতা মুখ টিপিয়া হাসিল।

(ক্রমশঃ)

শ্রীসরসীবালা বসু।

কবির প্রেম

(একটি ইংরাজী গল্পের ছায়া অবলম্বনে লিখিত)

পুরীর বালুকাসৈকতে দাঁড়াইয়া দুইটি প্রাণী ; উপরে অনন্ত নীলাকাশ সম্মুখে অসীম নীলাম্বুরাশি। একটি কিশোরী, অপরটি যুবক। সাত বৎসর দুই জনের জীবন এক সাথে কাটিয়াছে। দুইটি সুকোমল কুসুম যেন এক বৃন্তে ফুটিতেছিল, আজ সহসা যেন বিরহ-ব্যথা আসিয়া দুই জনকেই চঞ্চল করিতেছে। যুবক কবিতা লিখিত বালিকা অনিমেঘ আঁধিতে যুবকের আবৃত্তি শুনিত। আজ তাহাদের অতি সঙ্কটের দিন। বালিকা পুরী পরিত্যাগ করিয়া কলিকাতায় যাইতেছে। যুবক সতীশ্চন্দ্র তাই 'বিদায়' কবিতাটি শুনাইতে আসিয়াছে। সতীশ কবিতা আবৃত্তি করিল, বালিকা শুনিল। পবনহিল্লোলে তাহার কৃষ্ণ কুস্তল-রাজি চঞ্চল হইল, সেই সঙ্গে তাহার প্রাণটা আরও চঞ্চল হইল। সে বলিল, আর কি দেখা হবে না ?

সতীশ্চন্দ্র বলিল, তোমার দেখা কোথায় পাব, মীনা ! তুমি ধনীরা কত।
আর আমি দরিদ্র সহায় সম্বল ছািন।

বালিকা। দেখ! তুমি যে রূপ কবিতা লেখ, নিশ্চয়ই তুমি দেশমান্য ও প্রসিদ্ধ হতে পার। ক্ষুদ্র পুরী পরিত্যাগ কোরে কলিকাতায় চল। সেই খামেই তোমার বশমান বাড়বে।

সতীশ। মীনা! পুরী ক্ষুদ্র নয়, এখানে সবই অনন্ত—সম্মুখে সাগরের বারিরাশি, উপরে অনন্ত আকাশ, পুরী আমার মহাতীর্থ, এই পুণ্যক্ষেত্রেই আমি প্রেমের দেবী পেয়েছি। এই সাধনার তীর্থ আমি ছাড়তে পারব না। এই সুখের স্মৃতিটি লয়ে দুঃখের জীবন যাপন করব—

“আর যাহা চাহ সখা, দিব ফিরাইয়া—স্মৃতিটিকে সুধু দিব না।”

মীনার পিতা রাধানাথ রায় একজন জমিদার। কিন্তু পাটের ব্যবসা করিয়া প্রায় তিন লক্ষ টাকা তাঁহার দেনা হইয়াছিল, কাজেই জমিদারি বন্ধক দিয়া আর হইতে ঋণ শোধ দিতেন, তাই কলিকাতা পরিত্যাগ করিয়া সাত বৎসর পুরীতে বাস করিতেছিলেন। সতীশচন্দ্রের পিতা পুরী স্থলে অল্প বেতনে শিক্ষকতা করেন। উভয়েই প্রতিবাসী, দুই পরিবারে বিশেষ সৌহৃদ্য জন্মিয়াছিল।

খ

মীনাসুন্দরী যখন পুরী পরিত্যাগ করিল, সতীশচন্দ্রের জীবনটা বড়ই শূন্য হইল। কবিতা লিখিতে আর স্পৃহা হইত না। তাহার কবিতা আর কে শুনিবে। তাহার কবিতা আবৃত্তি সময়ে যে দুইটি আঁধি তাঁহার মুখেরপানে চাহিয়া কবিতার মধু ঢালিয়া দিত, আজ তাহা কোথায়? মীনা যখন সাক্ষ্যসমীর্ণ সেবন করিতে সমুদ্রসৈকতে আসিত, সতীশচন্দ্র প্রতিদিন ঠিক সেই সময়ে সাগরতীরে আসিত। একবার আকাশের অগণন নক্ষত্র রাজির পানে আবার লবণাসুরাশির পানে চাহিত। চাহিয়া চাহিয়া নিরাশার তপ্ত দীর্ঘনিশ্বাস ফেলিয়া গৃহে ফিরিত।

রাধানাথ রায় কলিকাতায় ফিরিলেন দুইটি সঙ্কল্প লইয়া। প্রথম ও প্রধান মীনার বিবাহ। দ্বিতীয় পুনরায় পাটের ব্যবসার দ্বারা পূর্বসম্পদ লাভ। একবাণে তাঁহার দুইটি পক্ষী বিক্রয় হইয়া ঐ অতীষ্ট লাভের আশা হইল। রাধানাথ রায় জমিদার। দেশের—দেশের কাছে তাঁহার বিশেষ প্রতিপত্তি, তাহাতে তিনি উচ্চ শ্রেণীর ব্রাহ্মণ। গোবিন্দহালদার

নিরশ্রেণীর ব্রাহ্মণ। বংশ মর্যাদায় সে রাধানাথের অনেক নিম্নে। কিন্তু পাটের ব্যবসায় তাহার প্রতি “মা লক্ষী” প্রসন্ন হইয়াছেন। উন্টাডিনীতে তাহার প্রাসাদ ভুল্য ভবন। লোকে তাহাকে “পেটো হালদার” বলিত। সে কোনও দিন গুরুমহাশয়ের পাঠশালায় গিয়াছিল। বলিয়া কেহ জানেনা। কিন্তু বিষয়বুদ্ধি তার অতি প্রখর। পাট চিনিতে কলিকাতায় তাহার সমকক্ষ কেহ ছিলনা। বড় বড় হাউসওয়াল সাহেব তাহার পরামর্শ লইত। গোবিন্দহালদারের এত বড় গৃহটি কিন্তু শূন্য ছিল। সে দুইবার বিপত্তীক। এত সম্পত্তি যে জ্ঞাতিরা ভোগ করিবে— আর ‘পুং’ নামে যে একটা নরক আছে তাহা হইতে তো উদ্ধার হওয়া চাই, কাযেই পার্শ্বচর-গণের পরামর্শে গোবিন্দ হালদার বিবাহ করিতে চাহিল। কিন্তু তাহার বয়স পঞ্চাশ অতিক্রম করিয়াছে। যখন স্বয়ং ঞায়বাগীশ মহাশয় পঞ্চাশ উর্দ্ধে পরিণয়ের বাবস্থা দিলেন, তখন হালদার মহাশয়ের আর কোন আপত্তি রহিল না। তবে মনে মনে এই স্থির করিল, অপ্রাপ্ত বয়স্ক বালিকা বিবাহ করিবেনা। যখন রাধানাথ রায়ের ষোড়শী সুন্দরী কন্যার কথা শুনিল, সে একদিন রায় মহাশয়ের সহিত দেখা করিল। রায় মহাশয় যে দেনার দায়ে পাটের হাট ভুলিয়া ফেরার হইয়াছিলেন, গোবিন্দহালদার তাহা জানিত। সে টাকার লোভ দেখাইল—সে ভাবিল পাটের সওয়াদা তো অনেক করিয়াছি এবার একটা “ধারা সওয়াদা” করিয়া লই। সে তখন রাধানাথ রায়কে বলিল, রায় মশাই! আপনার মত কাজের লোকের সামান্য টাকার জন্ত নিষ্কর্মা হো’য়ে বোসে থাকাকাটা ভাল নহে। আমাকে হুকুম করলেই দুই তিন লক্ষ টাকা যাহা দরকার দিতে পারি। সঙ্গে সঙ্গে তাহার ইচ্ছাটাও বলিতে ভুলিল না। রায় মহাশয় শুনিলেন, লোভও বিলক্ষণ হইল। তিন লক্ষ টাকার প্রলোভন বড় সামান্য নয়। কিন্তু গোবিন্দহালদারের দিকে দৃষ্টি করিয়া তাঁহার প্রাণটা একেবারে হতাশ হইল। লোকটা তাঁহারই সমবয়স্ক—হয়তো কিছু বড়ও হইতে পারে। চোহারাটা অতি কদাকার, কথাবার্তা নিতান্ত ইতরশ্রেণীর ঞায়। ভাবিলেন, তাঁহার এত সাধের মাতৃহীনা কন্যা—এমন রূপবতী এমন সুলক্ষণা, এমন সুশিক্ষিতা মীনাকে জলে ফেলিবেন! আবার বনাৎ করিয়া তিন লক্ষ টাকার স্বপ্ন মনে জাগিল। তখন ভাবিলেন অদৃষ্ট—বিধিলিপি কে খণ্ডন করিতে পারে।

কাবেই রাজি হইলেন। বিবাহটা স্থির হইয়া গেল। শুভ দিনে শুভ মুহূর্তেই মীনাসুন্দরী পাত্রস্থ হইলেন।

গ

গোবিন্দ হালদার মীনাকে সওদা ভাবিত। বাহাকে তিন লাখ টাকা দিয়া ক্রয় করিতে হইয়াছে তাহাকে আর অনাদর করা চলে না। অল্প টাকা মীনার চরণে ঢালিয়া দিল। মীনার নিজের পছন্দ মতো সাহেব বাড়ীর আসবাবে গৃহ সজ্জিত হইল। কিন্তু মীনাসুন্দরী স্বামী পাইলেন না। রাজি বারোটা পর্য্যন্ত গোবিন্দহালদার আড়তে কেনা বেচা করিত। তারপর সুরাদেবীর উপাসনা করিয়া বেগেছিয়া উচ্চান ভবনে সারানিশি কাটাইত। তাহাতে কিন্তু মীনার মনে আঘাত লাগিত না। কেবল লোক-চক্ষুর অন্তরালে মীনা চোকের জল ফেলিত। লোকে যাহা চায় মীনা সে সবই পাইয়াছে। অল্প টাকা সে যথেষ্টা খরচ করিতে পারিত। ছবির ঞ্চয় সুসজ্জিত প্রাসাদ, হীরকমুক্তা ও স্বর্ণের একরাশ অলঙ্কার দাস দাসী গাড়ী ঘোড়া কিছুরই মীনার অভাব নাই।

এইরূপে দুইবৎসর কাটিল। একদিন মীনা সাক্ষাসমীরণ সেবনে বাহির হইয়াছে। দেখিল—রাজপথে বড় বড় অক্ষরে মুদ্রিত বিজ্ঞাপন—“দশচক্র প্রণেতা বিখ্যাত কবি সতীশচন্দ্র রায়ের প্রীতি-সম্বন্ধনা মরকত রত্নমঞ্চ।” এ কোন্ সতীশচন্দ্র—এ কোন্ কবি? একজন তরুণ কবি তাঁহারি অল্প কবিতা লিখিত, তাঁহারি অল্প সাগরতীরে স্বরচিত কবিতা আবৃত্তি করিয়া তাহাকেই গুনাইত। পাঁচ বৎসর বাহার ছবি তাহার হৃদয়-মন্দির অধিকার করিয়া রহিয়াছে। কোথায় ক্ষুদ্রপুরীর সেই দীন দরিদ্র সতীশচন্দ্র—আর মহানগরীর গৌরবমণ্ডিত সতীশচন্দ্র! এই সতীশচন্দ্র কি তাহার সেই সতীশচন্দ্র। মীনাসুন্দরী আশ্চর্য হইল, সতীশচন্দ্র তাঁহারি তিনিও সতীশচন্দ্রের—মধ্যে মহা ব্যবধান অস্পষ্ট হুবোঁধ মন্ত্র। আর সে যে তিন লক্ষ রোপ্য মুদ্রায় ক্রীত, স্বামীর খেলনার পুতুল। মানবের কোন্ মস্তকের এত মহীরসী শক্তি আছে যে দেবতার বিধান প্রাণের বন্ধন ছিন্ন করিতে পারে। মীনা চোকের জল ফেলিল।

ঘ

মীনা পুরী পরিত্যাগ করিয়া আসিলেও পুরীর সাগরস্রোত সেইরূপেই চলিত। মলয়ানীল সেইরূপেই বহিত, নীলাকাশে চাঁদ সেইরূপেই

আগিত, পাখীরা সেইরূপেই গাহিত কিন্তু একজন দীন দরিদ্র কবির গান থাকিল। সতীশচন্দ্র কবিতা লিখিতে আসিয়া দেখিতেন যে; তাহার কবিতার পদ মিল হইতেছেন। পদ মিল হইলেও পুরতান কাণে বাধিতেছেন। কি যেন ছিল—কি যেন নাই। শতশ্রুতি আসিয়া তাহাকে অভিভূত করিত। মীনা তাহার কে—সে তো একবার তাহার দিকে চাহিলনা। সতীশ ভাবিল, তাহাকে ভুলিব। কিন্তু সেই শ্রীতি-প্রকৃত জ্যোৎস্নাবিধৌত বালিকার ছবি তাহার হৃদয় মথিত করিয়া উঠিল।

পুরী আর ভাল লাগিল না। বিরহ-বিধুর কবি আঁধিজল কেলিলেন। মীনা এখন পরনারী। চিন্তার ক্রেশ, আকাঙ্ক্ষার পাপ। তবে মীনাকে ভুলিতে হইবে। কর্মজ্যোতে আসিয়া মীনাকে ভুলিতে হইবে। একদিন মীনা বলিয়াছিল কলিকাতার খ্যাতি লাভ হইবে। যখন মীনা হার্মা-ইয়াছি খ্যাতি লাভ করিব। সতীশচন্দ্র কলিকাতার আসিলেন।

সহরে আসিয়া সতীশচন্দ্র সাময়িক পত্রে কবিতা লিখিতে লাগিলেন। কবিতার আদর হইল বটে, তবে তাহাতে অন্ন সংস্থানের ব্যবস্থা হইল না। পরে পেটের দায়ে নাটক ধরিলেন। বঙ্গ নাট্যজগতে গিরিশচন্দ্র নাই বিজ্ঞানজ্ঞান নাই—সতীশচন্দ্রের প্রথম নাটক “ভগবান ভূত” রঙ্গালয়ের, অধ্যক্ষ সাদরে গ্রহণ করিলেন। অর্থ আসিতে লাগিল। দ্বিতীয় নাটক “দশচক্র” দেশে হুলস্থূল পড়িয়া গেল। সংবাদ পত্রে, চা-বিপনীতে, স্কুল কালেজে, সাহিত্যিকদিগের বৈটকে সতীশচন্দ্রের নাম মুখরিত হইল। আজ তাহার অর্থের অভাব নাই। কোহিনুর রঙ্গালয়ের অধ্যক্ষ দশসহস্র মুদ্রার “দশচক্র” অভিনয়ের একমাত্র সখ ক্রয় করিলেন। অতি অল্প দিন মধ্যে এক লক্ষ কে তাহ বিক্রয় হইয়া গেল। লোকে বলিতে লাগিল, এমন শ্রেষ এমন ব্যঙ্গ, এমন সমাজচিত্র অনেক দিন নাট্যমন্দিরে অভিনীত হয় নাই। সত্য সত্যিতে সতীশচন্দ্রের সাদর নিমন্ত্রণ আসিতে লাগিল। আজ যশ মান ধন জন সতীশচন্দ্রের লাভ হইল। সতীশচন্দ্র সব পাইল; আজ আর সে দীন দরিদ্র উপেক্ষিত ক্ষুদ্র পুরীর কবি নয়, — সে বঙ্গসাহিত্যজগতে আজ উদীয়মান প্রতিষ্ঠা। তবে বাহা পাইবার নয়, সতীশচন্দ্রের হৃদয় তাহারই জন্ত ব্যথিত হইতে লাগিল।

কিন্তু বিধির নির্দয়ই বলো, আর কয় ও বৃদ্ধ পিতার শেব অকুরোধই “যশো সতীশচন্দ্র বিবাহ করিল। যশো গৌরব স্কীত সতীশচন্দ্রের নয়

পরিণীতা পত্নী সরোজ গৃহে যে শিক্ষা পাইরাছিল তাহাতে তাহাকে এক মহান ধর্মসাধনের পথে লইয়া বাইতেছিল। সে অষ্টাদশ বর্ষকাল জীবনে শিখিয়াছিল ধর্মই মানবের প্রধান সম্বল। ঐশ্বর্য্য অনিত্য, সুখ অনিত্য। সে পূর্ববঙ্গের এক সাধকের কন্যা। পিতৃগৃহে সে গৈরিক পবিত্র, অজিনাসনে শয়ন করিত, সারাদিন পূজাপাঠে কাটাইত। স্বামীগৃহে আসিয়া সে স্বামী প্রণীত 'ভগবান ভূত' পড়িল, যন্ত্রণায় সে অস্থির হইল, সহস্র বৃশ্চিক দংশনের আলাময়ী তীব্র বিবে সে কাঁদিল। এই পুস্তকের প্রণেতা তাহার স্বামী! যাহাকে সেবা করিয়া ভক্তি করিয়া সে নারী জন্ম সার্থক করিবে, তিনি স্বর্গের দেবতাকে রক্তালয়ে আনিয়াছেন, বারাজনার মুখ দিয়া তাহাকে উপহাস করিতেছেন! সরোজের সব গেল—ধর্ম রসাতলে গেল, দাম্পত্যজীবন গেল।

স্বামীকে জিজ্ঞাসা করিলেন, এই কেতাব তুমি লিখেছ? সতীশচন্দ্র পত্নীর বিবাদ ক্লিষ্ট মন মুখ ধানি দেখিয়া শীত হইলেন।

সরোজ। এই পুস্তক বিক্রয় কোরে গৃহ সজ্জিত করেছ! ইহার টাকা আমাদের আহার দিতেছ। ও! ভগবান, আমাকে রক্ষা করো!

সতীশ। ইহা আমার নিজের যত নয়। তবে আমাদের ছলে এই প্রহসনখানা লিখেছি।

সরোজ। দেবতা লয়ে প্রহসন! তুমি আমার স্বামী। আর না, আমার বিবাহের সাধ মিটেছে। গুরু ব'লোছিলেন বিবাহ না করলে নারী জীবনের পূর্ণতা হয় না। গুরু! আমার রক্ষা কর। আজই আমি চাকার ষাব।

সতীশচন্দ্র অনেক বুঝাইলেন, অনেক অশ্রু নয় বিনয় করিলেন, স্ত্রীর মন ফিরিলনা। সেই রাত্রেই সরোজ চাকার চলিয়া গেলেন। তিন দিবস বিবাহিত জীবনের পর সতীশচন্দ্র আবার সংসার অরণ্যে একলা হইলেন।

ঙ

মীনা যখন দেখিলেন, দশচক্রের দেশমাতৃ-প্রণেতা তাহারই সেই সতীশচন্দ্র, তিনি সতীশচন্দ্রকে একদিন স্বগৃহে নিমন্ত্রণ করিলেন। কিন্তু সতীশচন্দ্র সে নিমন্ত্রণ গ্রহণ করিলেন না। তিনি উচ্ছ্বাসিত হৃদয়ের সমস্ত আকাঙ্ক্ষা ও আশা পত্রে জ্ঞাপন করিতে লাগিলেন। মীনার পত্ররাশি

সতীশচন্দ্রের গৃহে অনুযুক্ত রহিল। মীনা তখন আপনাকে ভুলিল, বিবাহিত স্বামীকে ভুলিল, বিবাহের মন্ত্রকথা ভুলিল! সে তখন অকুলে কাঁপ দিল। সে একদিন সতীশচন্দ্রের বাসগৃহে আসিল। আসিয়া অনেক কাঁদিল। বলিল “সব পেয়েছি কিন্তু কিছুই পাই নাই। বাহা ল’য়ে মানুষ বাঁচে, তাহা আমি পাই নাই। দেখ আমার প্রাসাদ, দেখ আমার রাজসম্পদ—সকলই পেয়েছি। কিন্তু বাহা পেলে নারীজন্ম সার্থক হয়, আমি সে প্রেমের এক বিন্দু পাই নাই। রক্ষা কর! ঐ চরণে মাথা রাখতে দাও! কিছুই চাই না! শুধু ভালবাসিবার অধিকার দাও! চল পুরীর সেই সাগর তীরে—অনন্তের তলে দাঁড়াইয়া আবার সেই তোমার কবিতা শুনিব।

সতীশচন্দ্র আত্মহারা হইলেন। প্রেমের মহিষসৌ মস্ত্রে তাঁহার হৃদয়-হুরার খুলিয়া গেল। মীনা বলিল, চল! সময় প্রশস্ত! প্রেম চির পবিত্র, আমি স্বামীর এক কপর্দকও লইয়া আসি নাই। চল, আমার হৃদয়ের রাজা! আর দেরি কোরো না।

সতীশচন্দ্র তখন তিন দিনের সময় চাহিলেন। তিন দিন পরে প্রেমের মন্দিরে সর্বস্ব বিসর্জন দিবেন। যশ, মান, কবিতা সকল যাচ, প্রেমের জয় হউক!

* * * *

সতীশচন্দ্র ঢাকায় গিয়া পত্নীকে বলিলেন, এস, আমার গৃহে এস, আমি সমস্ত কবিতা, সমস্ত কেতাব তোমার সম্মুখে পোড়াইব। পুস্তক বিক্রয়ের যত আসবাব, যত টাকা সব বিলাইয়া দিব। জীবনোপায়ের জন্য যে পথ বলিবে তাহাই ধরিব।

সরোজের মন টলিল না। বাহা ছেড়ে এসেছি তাহা আর লইব না। ধর্ম্মে তোমার মতি হউক! ভগবান তোমাকে আশীর্বাদ করুন।

সতীশচন্দ্র। দেখ আমি জাহান্নামে চলিলাম। তুমি কি আমাকে রক্ষা করিবে না? তুমি আমার স্ত্রী, ধর্ম্মপত্নী। আমি চলিলাম, ভগবানের নিকট তুমি দায়ী। সতীশচন্দ্র ফিরিয়া আসিলেন।

* * * *

পুরীর সাগরবক্ষে একখামি তরলী নাচিতেছে। চাঁদের আলো সাগরের অতল অলে ক্রীড়া করিতেছে। মীনা বলিল, ‘কবির প্রেম তো

এইরূপ হওয়াই চাই' আজ রূপত আনন্দহর। আজ সাগরতীরে
ভাসিব। আজ মধু বাসিনী, মধু জীবন। মাঝিরা বারণ করিল।
মীনা গুনিল না, ক্ষুদ্র তরঙ্গী কোথায় ভাসিয়া গেল, কেহ সন্ধান পাইল না।
পল্ল দিবস বাবুকাঁসেকতে তাহারে মৃতদেহ পাওয়া গেল। উত্তরে
শ্বেতালিননে বহু। সাগরতীরে এখনও বেন শোনা যায়, মীনা বলিতেছে—

“কবির প্রেম এইরূপ”

শ্রীবিজয়বিহারী চট্টোপাধ্যায় (বি, এল)

বিবিধ সংগ্রহ ও মন্তব্য

ওলাউঠা (বিসূচিকা)—যশোহর ডিষ্ট্রিক্টবোর্ডের চেয়ারম্যান
রায় যখনাথ মজুমদার বাহাদুর কর্তৃক প্রণীত ও বঙ্গদেশের স্থানিচারি
কমিশনার ডাক্তার বেট্টেলে সাহেব কর্তৃক অনুমোদিত।

ওলাউঠা রোগ সহজে নিবারণ করা যাইতে পারে। ম্যালেরিয়া
অপেক্ষাও ইহা সহজে নিবারণ করা যায়।

ভেদ, বমন, মূত্ররোধ, অঙ্গে খিলধরা, পেটের বেদনা ইত্যাদি ওলাউঠা
রোগের সাধারণ লক্ষণ। উহার বীজ চক্ষে দেখা যায় না, কেবল
অণুবীক্ষণ যন্ত্রের সাহায্যেই দেখা যায়। ইহা এক প্রকার অতি ক্ষুদ্র
উদ্ভিদ বীজাণু এবং দেখিতে “ ” কয়ার ন্যায়, এই নিমিত্ত ইহাকে কমা
বেসিলস্ (দণ্ড) বলে। ওলাউঠা রোগাক্রান্ত ব্যক্তির বমি, মূত্র ও মলে
এই বীজ দেখিতে পাওয়া যায়। কোনক্রমে যদি এই বীজ কাহারও
পানীয় ছুঁ, জল বা খাওয়া জ্বাবের মধ্যে প্রবেশ করে এবং তৎপরে উহা
কেহ খায়, তাহা হইলে তাহার ওলাউঠা রোগাক্রান্ত হইবার সম্পূর্ণ
সম্ভাবনা। তবে যদি কাহার ঐ বিষ রোধ করিবার সামর্থ্য থাকে, তবে
সে রোগাক্রান্ত না হইতেও পারে। অজ্ঞতাবশতঃ অনেকে অনেক সময়
ওলাউঠা রোগাক্রান্ত ব্যক্তির কাপড় নদী পুকুরিণী ও অন্যান্য জলাশয়ে
ধোঁত করিয়া উহার জল ছুঁত করে এবং তৎপরে যদি কেহ ঐ সমস্ত
ছুঁত জল পান করে তাহা হইলে সেও ওলাউঠা রোগাক্রান্ত হইতে পারে।
বাহারা ওলাউঠা রোগীর সেবা ওশ্রমা করে, তাহার বমন ও মলাদি স্পর্শ

করিয়া উত্তমরূপে হস্তাদি ধোঁত না করিলে তাহারা ঐ রোগে আক্রান্ত হইতে পারে।

ওলাউঠা রোগীকে বিশুদ্ধ জল পান করিতে দেওয়া ভাল এবং কখনও জল বন্ধ করা উচিত নহে। রোগাবস্থায় রোগীকে প্রচুর পরিমাণে জল পান করিতে দিলে ঔষধ ব্যবহারের অর্ধেক জল পাওয়া যায় এবং বমন বেগ থাকিলে বরফ মিশ্রিত জলে উপকার হয়। উত্তমরূপে সিদ্ধ করিলে জল বিশুদ্ধ হয়।

যেখানে ঔষধ সহজে প্রাপ্য নহে, সেখানে জলে লেবুর রস ও সামান্য লবণ মিশ্রিত করিয়া পান করাইলে ঔষধ ব্যবহারের ফল দর্শে।

সহজ চিকিৎসা।

শিরা চিরিয়া কিম্বা মলম্বার দিয়া লবণ জলের পিচ্কারী দেওয়া এবং পোটাসিয়াম্ পারম্যাঙ্গানেট পিল (বটিকা) সেবন অথবা সর্কোংক্লেট চিকিৎসা বলিয়া পরিগণিত হইয়াছে। এই প্রকার চিকিৎসা—বিশেষতঃ লবণ জলের পিচ্কারী ডাক্তারের সাহায্য ব্যতীত করা উচিত নয়।

পানীয় জল শোধন

সুষ্ঠ জলের উত্তাপে ওলাউঠার বীজ নষ্ট হয়। সর্বদাই চুদ্ধ ও পানীয় জল সুসিদ্ধ করিয়া পান করিবে, যেহেতু সুসিদ্ধ হইলে রোগ-বীজ নষ্ট হয়, যে সকল নদী পুঙ্করিণী কিম্বা কূপের জল ব্যবহৃত হয়, উহা দূষিত হইলে অন্ততঃ ১০ দশ দিন উহার জল ব্যবহার করিবেনা, উহা পুনরায় দূষিত না হইলে প্রাকৃতিক নিয়মে রোগ বীজ আপনা হইতে নষ্ট হইবে।

পোটাসিয়াম্ পারম্যাঙ্গানেট দ্বারা কূপের জল শোধন করিবে। পুঙ্করিণীর কিনারায় ক্লোরাইড অব লাইম ছড়াইয়া দিয়া শোধন করিবে, কিন্তু সর্বাবস্থায়ই সুসিদ্ধ জল ব্যবহার করিবে, কেননা উহা নিরাপদ।

রোগীর শুশ্রূষার সতর্কতা

যখন রোগীকে ছুইবে কিম্বা তাহার মলমূত্র, বমনাদি পরিষ্কার করিবে তখনই পারক্লোরাইড অব মারকারির জল কিম্বা ফেনাইল অথবা কার্বলিক সাবান নিতান্ত পক্ষে লবণ সংযুক্ত মৃত্তিকা দ্বারা হাত পা ইত্যাদি অতি সাবধানে উত্তমরূপে ধোঁত করিবে।

মক্ষিকা নিবারণ

ওলাউঠা রোগীর মলাদি অনাবৃত অবস্থায় রাখিলে ঐ রোগ একবাড়ী হইতে অন্তবাড়ী বা একব্যক্তি হইতে অন্য ব্যক্তিতে মাছি দ্বারা সংক্রামিত হইতে পারে। কারণ, যে সমস্ত মাছি ঐ সমস্ত মলাদিতে বসে, উহারাই আবার খাদ্যাদির উপরে বসে, এবং রোগের বীজ বহন করিয়া খাদ্যাদি বিষাক্ত করে, অতএব রোগী মলত্যাগ বা বমন করিলে তৎক্ষণাৎ ছাই দিয়া ঢাকিবে এবং পরে উহা পোড়াইবে বা মাটিতে পুতিয়া ফেলিবে।

ময়লা পরিচ্ছদ

ওলাউঠা রোগীর কাপড় এবং বিছানাদি পোড়াইয়া ফেলিবে বা শোধন করিবে। কার্পাস বস্ত্রাদি সিদ্ধ করিয়া দিন কয়েক রৌদ্রে শুকাইবে। পশমী বস্ত্র শোধন দ্রব্য,—যথা—পার ক্লোরাইড্ অব মারকারির জল অথবা পার ম্যাঙ্গানেট অব পটাশিয়াম দ্বারা ভিজাইয়া জলে ধৌত করিবে এবং রৌদ্রে শুকাইয়া লইবে।

ওলাউঠার সময় স্বগৃহে প্রস্তুত খাদ্য সামগ্রী ব্যতীত বাহিরের খাদ্য গ্রহণ করা যুক্তিসঙ্গত নহে অথবা যে দ্রব্য সুসিদ্ধ নহে তাহাও ভক্ষণ করা বা জল বা দুগ্ধ বাহা সুসিদ্ধ নহে তাহা পান করা কিছুতেই কর্তব্য নহে।

ম্যালেরিয়া

১। ম্যালেরিয়া অর সহজে নিবারণ করা যায়। মানুষের শরীরে অল্প শরীরোপজীৱী অতি ক্ষুদ্র কোন জীবাণু (১) যথেষ্ট পরিমাণে প্রবেশ করিলে এই অর হইতে পারে।

(১) পরগাছা যেমন অল্প বৃক্ষ আশ্রয় না করিয়া বর্ধিত হইতে পারেনা এবং সকল সময়ই কোন না কোনও গাছের আশ্রয় ভিন্ন দৃষ্ট হয় না এই ক্ষুদ্র জীবাণুও তদ্রূপ মনুষ্য শরীর এবং এনোফলিস্ নামক এক প্রকার মশক শরীর ভিন্ন অল্পত্র দৃষ্ট হয় না বা বর্ধিত হয় না। ইহা জলে স্থলে, শূন্য বা বায়ুতে কোথাও দেখা যায় না, কেবল মশক ও মনুষ্য শরীরে দেখা যায়। এনোফলিস্ মশক আকারে লম্বা একখানি কাঁটার স্থায় কিন্তু ইহাদের গায়ে পায়ে, শুঁড়ে কোঁটা কোঁটা সাদা দাগ আছে।

২। এই ক্ষুদ্র জীবাণু এনোফিলিস নামক মশার দ্বারা এক শরীর হইতে অন্য শরীরে নীত হয়। এই জীবাণু যথেষ্ট পরিমাণে প্রবেশ করিলেই অর হয় বটে কিন্তু অপাক এবং ঠাণ্ডার দ্বারা ইহা বিশেষ রূপে বর্ধিত হয়। যদি শরীরে ঠাণ্ডা না লাগে এবং অপাক না থাকে তবে ম্যালেরিয়া বিয় সহজে কিছু করিতে পারে না।

৩। রাত্রিতে সাবধানে মশারি ব্যবহার করা এবং জ্বরাক্রান্ত হইলে সর্ব ঋতুতেই কুইনাইন ঔষধ স্বরূপ ব্যবহার করা এবং ম্যালেরিয়ার সময় অর্থাৎ আঘাতের প্রথম হইতে অগ্রহারণ পর্যন্ত সুস্থাবস্থায় প্রতি-রোধকস্বরূপ কিঞ্চিৎ কুইনাইন সেবন করিলে ম্যালেরিয়ার হস্ত হইতে পরিজ্ঞাণ পাওয়া যাইতে পারে। এতদ্ব্যতীত উপযুক্ত ব্যায়াম অর্থাৎ শরীর পরিচালন, বিশুদ্ধ বায়ু এবং বিশুদ্ধ জল সেবন, আহার বিহারে মিতাচার, গৃহাদির পরিচ্ছন্নতা এবং পুষ্টিকর খাদ্য গ্রহণ ইত্যাদি উপায় দ্বারা ম্যালেরিয়ার হস্ত হইতে অনেক পরিমাণে মুক্তি লাভ করা যায়।

৪। দেহে যে সমস্ত ম্যালেরিয়ার জীবাণু প্রবেশ করে তাহার ধ্বংস সাধনই ঔষধ প্রয়োগের উদ্দেশ্য এবং এই জীবাণু যাহাতে মশক দংশন দ্বারা শরীরে প্রবিষ্ট না হইতে পারে, এবং মশক দংশন দ্বারা শরীরে বিষ প্রবেশ করিলেও যাহাতে ঐ বিষ শরীরের কোন অনিষ্ট না করিতে পারে শরীরকে এইরূপ ভাবে রাখা ইত্যাদি প্রতিরোধ উপায়-গুলির তদ্রূপ উদ্দেশ্য। মশারি ব্যবহার করিলে মশায় কামড়াইতে পারেনা সুতরাং ম্যালেরিয়ার বিষ শরীরে প্রবেশ করিতে পারেনা, এনোফিলিস মশক মারিয়া ফেলিলেও উহা দংশন করিতে পারেনা। বাড়ীর নিকট ডোবা, গর্ত ইত্যাদি বুজাইয়া ফেলিলে এনোফিলিস ইহাতে জন্মাইতে পারেনা। গৃহাদিতে আলোক এবং বায়ু স্বচ্ছন্দ ভাবে প্রবেশ করিতে পারিলে সেখানে মশক থাকিতে পারেনা। আঘাত হইতে অগ্রহারণ পর্যন্ত অল্প পরিমাণে কুইনাইন খাইতে পারিলে শরীরে যে অবস্থা হইবে তাহাতে মশক দংশনেও কিছু করিতে পারিবে না।

নিবারণোপায়

১। বাড়ীর চারিদিক খোলা রাখিবে; বাড়ীর নিকট কোন গাছ গৃহে আলোক প্রবেশের এবং বায়ু সঞ্চালনের যদি ব্যাধাত করে তাহা কাটিয়া ফেলিবে। বাড়ীর নিকট সমস্ত জঙ্গল কাটিয়া ফেলিবে।

মশকেরা দিনের বেলায় এই স্থানেই আশ্রয় গ্রহণ করিয়া থাকে। বাড়ীর হাতার মধ্যে কোন স্থানে জল জমিতে দিবেনা, দালি কাটিয়া বাহির করিয়া দিবে।

২। গৃহমধ্যে বিশেষতঃ শুইবার ঘরে যত অল্প জিনিস রাখিতে পার তাহা রাখিবে। মাকড়সা বা অন্য প্রকার আর্জনা ঘরে রাখিওনা, সংক্ষেপেতঃ গৃহগুলি একরূপ ভাবে রাখিবে যেন মশা লুকাইয়া থাকিতে না পারে। সন্ধ্যার পূর্বেই ঘরের দরজা জানালা বন্ধ করিবে এবং একটু রাত্রি হইলে ধুলিয়া দিতে পার। সন্ধ্যার সময়ই মশা ঘরে প্রবেশ করে। প্রত্যহ সকালে বৈকালে গৃহের সর্বস্থানে ধূপ ধূনা দিবে।

৩। বাড়ীর নিকট ডোবা গর্তাদি বুজাইয়া দিবে, যদি বুজাইতে না পার তাহা হইলে মাটির আগার কেরোছিনে নেকড়া ভিজাইয়া রাখিয়া সপ্তাহে একবার করিয়া ডোবা গুলির কিনারার ঘুরাইয়া লইবে উহাতে মশকের ডিম্ মশ মরিয়া যাইবে। বাড়ীতে পুকুর থাকিলেও তাহাতে একরূপ করিবে তাহাতে জলের কোন ক্ষতি হইবেনা। পুকুরে বা ডোবায় যথেষ্ট কই মাছ ছাড়িয়া দিবে উহার মশার ডিম্ খাইয়া ফেলিবে।

৪। যুথ না ঢাকিয়া হাঁড়ি, কলস ইত্যাদি বাহিরে রাখিবেনা, উহাতে বর্ষার জল জমিলে মশার ডিম পাড়ে। পরিভ্যক্ত হাঁড়ি কলস ভাঙ্গিয়া ফেলিবে। যদি বাহিরের হাঁড়ি কলস রাখিতে হয়, যুথ ঢাকিয়া রাখিবে।

৫। সকল ঋতুতেই মশারির মধ্যে শুইবে। অতি গরীব লোকেও পুরাতন ধুতি সাড়ির দ্বারা মশারি তৈয়ার করিতে পারে। যদি একান্ত পক্ষে মশারি ভোগাড়া না করিতে পার তবে গায়ে সরিমার তৈল, বাগিস করিয়া শয়ন করিবে। কোনরূপ তীব্র গন্ধের নিকট মশক আসেনা।

৬। বাড়ীতে কেহ অরাক্ষত হইলে তাহাকে স্বস্ত্র মশারির ভিতর রাখা উচিত।

৭। কোঠ বন্ধ হইলে ক্যাণ্টের অয়েল বা তজ্রপ কোন রেচক দ্বারা মোলাপ লইবে; প্রত্যহ বাড়ীর বালক বালিকাদের জিহ্বা পরীক্ষা করিয়া দেখিবে যদি জিহ্বার লাল আবরণ দেখা যায় তখনই বুঝিবে যে উহর অপরিষ্কার হইয়াছে—মোলাপ দেওয়া দরকার।

৮। আষাঢ় মাসের প্রথম হইতে অগ্রহায়ণ মাসের মাঝামাঝি পর্য্যন্ত প্রতি সপ্তাহে সুস্থাবস্থায় ৮ গ্রেণ করিয়া কুইনাইন খাইবে। যেস্থানে অত্যন্ত ম্যালেরিয়ার প্রাদুর্ভাৱ সেস্থানে ইহাপেক্ষা অধিক খাওয়া দরকার হইবে। যেস্থানে অনেক লোকের পেটে পিলে বড় দেখা যায়, সেইস্থানে বৃষ্টিতে হইবে যে ম্যালেরিয়ার প্রকোপ বেশী এবং এইরূপ হইলে সপ্তাহে প্রতিদিন ৪ গ্রেণ করিয়া কুইনাইন কিম্বা দুই তিন বারে ২৮ গ্রেণ কুইনাইন খাওয়া আবশ্যিক। বালক এবং শিশুদের পক্ষে। ইহাপেক্ষা অল্প দিবে কিন্তু এটা সকলের জানা উচিত যে, বয়স্ক ব্যক্তিদের অপেক্ষা বালকেরা অধিক পরিমাণে কুইনাইন সহ্য করিতে পারে। ম্যালেরিয়া ঋতুতে সুস্থাবস্থায় এইরূপ কুইনাইন খাইলে যদি কোন প্রকারে ম্যালেরিয়ার জীবাণু শরীরে প্রবেশ করে তাহা হইলেও কোন অনিষ্ট করিতে পারিবে না।

চিকিৎসা

৯। যখনই ম্যালেরিয়া জ্বর হয় অর্থাৎ হাত পা ঠাণ্ডা হইয়া শরীরে কম্প দিয়া জ্বর হয় এবং একদিন বা দুইদিন বা তিনদিন অন্তর বিচ্ছেদ হয়, তখনই কোষ্ঠ বন্ধ থাকিলে জোলাপ লওয়া উচিত এবং প্রতিদিন বিচ্ছেদ অথবা জ্বর কম থাকা সময় চারিমাাত্রায় ১৬গ্রেণ কুইনাইন খাইবে। জ্বর সারিয়া গেলে, পরেও এক সপ্তাহ ধরিয়া প্রত্যহ ৮ গ্রেণ করিয়া খাইবে এবং তৎপরে একপক্ষ (১৫ দিন) ধারিয়া ৪ গ্রেণ করিয়া খাইবে। অনেকের জ্বর সারিয়া গেলে যে পুনরায় জ্বর হয় তাহা কুইনাইন সেবনের জন্ত নহে,—অল্প পরিমাণে এবং অল্প দিনের জন্ত কুইনাইন খাইবার ফলে।

ভারতের অন্ধ—ইুরোপের প্রায় সকল দেশ অপেক্ষা ভারতবর্ষে অন্ধের সংখ্যা অধিক। ভারতবর্ষের বিভিন্ন প্রদেশের মধ্যে যুক্তপ্রদেশ ও পঞ্জাবে অন্ধের সংখ্যা সর্বাধিক। বায়ুর শুষ্কতা, বাসগৃহে বায়ু সমাগমের ব্যবস্থা না থাকা এবং অতিরিক্ত উত্তাপ প্রভৃতি অন্ধতার কারণ বলা যায়। অন্ধত্বের কারণ নিঃসংশয়ে বলা দুঃকর। তবে ইহাতে সন্দেহ নাই যে, বায়ু সঞ্চালনের ব্যবস্থা-শূন্য গৃহে বাস করিলে চক্ষুর অনিষ্ট হয়। শীতের দিনে অথবা মশক তাড়াইবার জন্ত লোকে এইরূপ গৃহে ধূঁয়া দিয়া থাকে, উহাতে চক্ষুর অত্যন্ত অপকার হয়। ধূলিতেও চক্ষুর অত্যন্ত অপকারক।

কুশদহ-সমিতির কার্য

পূর্ণ চৈতন্য শক্তির কণিকামাত্র স্পন্দনে শিশুর জন্ম। বৃক্ষলতা-
শুল্কের বীজ দেখিলে বিস্মিত হইতে হয়—এই কি ঐ মহামহিক্রমের
জনক! ‘কুশদহ-সমিতি’ মহানুভাবের একটি রশ্মিরেখা লইয়া জন্ম-
গ্রহণ করিয়াছে। “কুশদহবাসীর মেলামেশা—আলাপ পরিচয়—প্রীতি-
সস্তাব বর্ধন” এই কয়টি বর্ণমালায় বা শব্দে তাহার প্রথম পরিচয় মাত্র।
ঐটুকু পানির মধ্যে যে মহাসত্য—মহাভাব—মহাশক্তি নিহিত রহিয়াছে,
তাহার প্রকাশ করাই সমিতির প্রকৃত কার্য।

কুশদহ-সমিতি স্মৃতিকাগূহ হইতে বাহির না হইতেই একটি কথা
উঠিল, “সমিতি কি কিছু কাজ করিবেন, কিম্বা কেবল মেলামেশাই
উদ্দেশ্য?” সেই সঙ্গে সঙ্গে একথাও উঠিল, “সমিতির আগে প্রাণ প্রতিষ্ঠা
হউক, তখন কাষের জন্ম ভাবিতে হইবে না। জীবনীশক্তি হইলে
কাষ হইবেই। সজীবপদার্থ নিষ্ক্রিয় হয় না, কিন্তু প্রাণহীন দেহ কি
কখনও কোনও কাষ করিতে পারে?” বলা বাহুল্য যে, মেলামেশা,
আলাপ পরিচয়—সস্তাব বর্ধনই সমিতির প্রাণ প্রতিষ্ঠার সোপান।

প্রাণহীনতা ঘটিয়াছে বলিয়াই তো কুশদহর বা কুশদহবাসীর এত
দূরবস্থা, তবে মৃত্যু এখনও হয় নাই, কণ্ঠাগত প্রাণ আছে। সে প্রাণ
আবার সর্বাপেক্ষে ফিরিয়া আসিতে পারে—যদি কুশদহবাসী প্রেম-সঞ্জীবনী-
সুধা পান করেন। জন্মভূমির প্রতি প্রেম—ভাইএর প্রতি প্রেম, এই
প্রেমই সঞ্জীবনী সুধা! প্রেমের বীজ কুশদহবাসীর প্রাণে আছে।
তাহাকে উদ্ভূত করিতে হইবে। আবার বলি, “মেলামেশাই” সমিতির
উদ্বোধন! মেলামেশাই তো সমবেত শক্তি সঞ্চয় ও বর্ধনের উপায়,
তাহার জন্মই তো সমিতির জন্ম। সুতরাং মৌলিকতার হিসাবেও বলা
যায়, মেলামেশাই সমিতির সর্ব প্রধান কার্য।

এখানে সেই কুটতর্কের প্রশ্ন উপস্থিত হইতে পারে—“বীজ আগে
কিম্বা বৃক্ষ আগে?” বীজ হইতে বৃক্ষ, কিম্বা বৃক্ষ হইতে বীজ। সমিতি কাষ
করিয়া শক্তি সঞ্চয় করিবেন, কিম্বা শক্তি সঞ্চয় করিয়া কাষ করিবেন?

এখানে আর একটি দৃষ্টান্ত গ্রহণ করিলে বোধ হয় কথাটি সহজেই
পরিষ্কার হইতে পারে।

এক সময় কয়েকটি পল্লীবাসী শহরের কলকারখানা দেখিতে গিয়াছিল। তাহারা দেখিল, কলের চারিদিকে “হুড় হুড়—হুড় হুড়” শব্দ হইতেছে আর নানা রকমের পদার্থ ঘুরিতেছে এবং চলিতেছে। কিন্তু মাঝখানে একটা প্রকাণ্ড পদার্থ (বয়লার) রহিয়াছে। সেটা নড়েও না, কোন শব্দও তাহার নাই। ইহা দেখিয়া তাহাদের মনে হইল, অনর্থক কেন এইটা এত স্থান অধিকার করিয়া রহিয়াছে। এখানে ঐরূপ সচল পদার্থ আরও থাকিলে, আরও তো কায হইতে পারিত—অর্থাৎ অনভিজ্ঞ ব্যক্তি দৃশ্যমানকেই শক্তি বলিয়া মনে করে। শক্তি যে অদৃশ্য বস্তু এ কথা সকলে বুঝিতে পারে না। বাস্তবিক শক্তি দেহে নম্র—প্রাণে বা জ্ঞানে, এ কথা মানুষ বুঝিয়াও বুঝে না।

শক্তি যখন সত্যের ভূমিতে দৃঢ় হয়—আবেগময়ী হয়, তখনই তাহা কার্যের আকারে প্রকাশিত হয়, কিন্তু প্রাণহীন আকার কোনও কায করিতে পারে কি? হায়রে মানুষ,—প্রাণের ছরবস্থার প্রতি উদাসীন হইয়া বাহিরে কর্মের প্রাচীর খাড়া করিতেই বাস্ত! তাই কর্মক্ষেত্রেও ঐ গণ্ডগোল। আধকাংশ স্থলে ব্যর্থ মনোরথ!

কুশদহ-সমিতি কার্য্য করিবেন বলিয়া মহা তৎপরতার সহিত কলিকাতায় অবস্থিত ৯ জন সভ্য মনোনয়ন করিয়া একটি কার্য্যনির্বাহক সভা (একজিকিউটিভ কমিটী) গঠন করিলেন। কুশদহর মধ্যে নিতাণ্ড জলাভাব কোন পল্লীর পানীয় জল সরবরাহ করা যায় কি না এই একটি মাত্র কাযের ক্ষুদ্র আশা লইয়া হস্ত প্রসারণ করিবামাত্র, (এক-কালীন ৪০০ শত বা ততোধিক) অর্থ আসিয়া উপস্থিত হইল। কিন্তু কায করিবে কে—পল্লীতে অনুসন্ধানে যাইবে কে—কি উপায়ে জল সরবরাহ হইতে পারে—কোন কাযে কত ব্যয় হইতে পারে, এই সকল বিষয়ে কার্য্যনির্বাহক সভায় আলোচনা এবং ব্যয়ের পরিমাণ (এষ্টিমিট) সংগ্রহ হইতে লাগিল। প্রশ্ন উঠিল, পাকা ইদারা করিলে অল্প পল্লীবাসীরা যদি নষ্ট করিয়া ফেলে! গোবরডাঙ্গা-মিউনিসিপালিটী হইতে ষটক পাড়ায় একটি পাকা ইদারা নির্মিত হইয়াছিল; মল-মূত্র, ইষ্টকাদি নিষ্ক্ষেপ করিয়া কে বা তাহারা তাহা নষ্ট করিয়াছিল। তারপর পাইপ (টুউব ওয়েল) দ্বারা যে প্রণালীতে জল উত্তোলন করা হইতেছে—তাহার কথাও উঠিল কিন্তু তাহা অধিক কাল স্থায়ী হইবে কিনা—তৎপরে

পুরাতন পুঙ্খনিপীর্ণ পঙ্কোদ্ধার করা যার কি না, এই সকল বিষয় আলোচনা চলিয়াছে। এ দিকে সম্মুখে বর্ষা। সমিতির নিয়মাবলী প্রণয়ন হইয়াছে, তাহা সাধারণ সভায় অনুমোদিত করিয়া লইতে কত মতভেদ, বহুতর্ক বিতর্ক হইয়া যদিও সভার নিয়মানুসারে তাহা নির্দ্ধারিত হইয়াছে, কিন্তু তন্মধ্যে যাহাদের কোন কোন মত রক্ষা হয় নাই, তাহারা নাকি সমিতির কার্যে উদাসীন প্রদর্শন করিতেছেন।

সমিতির সভ্যগণের মধ্যে কোন কোনও বিষয় মতভেদ, ভাব ভেদ হইবেই। সকল বিষয় সকলের একমত হওয়া কখনও সম্ভবপর নয়। আর তাহাতে কোনও ক্ষতি নাই বরং স্বাধীন মতের দ্বারাই সমিতির শক্তি পুষ্ট হওয়া সম্ভব। সুতরাং তজ্জন্য সমিতির প্রতি অনুরাগের অভাব হইবে কেন ?

আমাদের মনে হয়, সমিতির মেলামেশা ও সম্ভাববর্ধন কাষটীকে অত্যন্ত গুরুতর ভাবে প্রধান রূপে ধরিতে হইবে। ইহাকে ক্রমশঃ বিস্তার এবং ঘন-নিবিষ্ট ভাবে পরিপুষ্ট করিতে হইবে। এই কার্যে প্রথমে অর্থ এবং অনুরাগের প্রয়োজন। সমিতির একটি নির্দিষ্ট স্থানের বিশেষ প্রয়োজন, আবশ্যকীয় জব্যাবসিহরও প্রয়োজন, এইখানে সকলে অধিকাংশ অবকাশ কালে যাহাতে মিলিতে পারেন, তাহার জন্য সমবেত চেষ্টার প্রয়োজন। এইটি হইবে কুশদহ-সমিতির মূল উৎস। এইস্থান কলিকাতায় হওয়াই স্বাভাবিক। এইখানে আসিলেই আগে সম্ভাব—আনন্দের ভাব ফুটিয়া উঠিবে। দেশের প্রতি অনুরাগ—দেশের হিত চিন্তা—হিতকামনা দ্বারা একটি জমাট ভাব গঠিত করিতে হইবে এবং তাহা কুশদহর পল্লিতে পল্লিতে সংক্রামিত করিয়া, কার্যকরী শক্তি লাভে সকলকে সক্ষম করিতে হইবে।

সমিতির আদর্শ এবং কার্য সম্বন্ধে আমরা যাহা সুস্পষ্ট দর্শন করিতেছি, প্রয়োজন হইলে তাহা ক্রমশঃ প্রকাশ এবং আন্দোলন করিতে চেষ্টা করিব। বলা বাহুল্য, আমরা সমিতির একান্ত হিতকামনা করি বলিয়াই এত কথা বলিলাম। ভগবানের রূপায় সমিতি জীবন-পথে—কার্য-ক্ষেত্রে ক্রমশঃ অগ্রসর হউক। তিনিই ইহার জীবন রক্ষা করুন। কুশদহবাসী একজনও যেন এই সমিতির প্রতি উদাসীন না হন।

স্থানীয় বিষয় ও সংবাদ

গত ১০ই জ্যৈষ্ঠ শুক্রবার সন্ধ্যায় ৪নং কর্ণওয়ালিস স্কয়ার স্বচীসচাৰ্চ কলেজগৃহে শ্রীযুক্ত পতিরাম বন্দোপাধ্যায় মহাশয়ের নেতৃত্বে 'কুশদহ সমিতির' একটি সাধারণ অধিবেশন হইয়াছিল। মেঘবৃষ্টি সত্ত্বেও শ্রীযুক্ত নিবারণচন্দ্র ঘট্টক, শ্রীযুক্ত নারায়ণচন্দ্র ঘোষ, শ্রীযুক্ত হরিদাস মুখোপাধ্যায়, শ্রীযুক্ত সুরেশচন্দ্র পাল, শ্রীযুক্ত সতীশচন্দ্র মিত্র, শ্রীযুক্ত বিপিনবিহারী চক্রবর্তী এবং কুশদহ সম্পাদক প্রভৃতি ১৭১৮টি সভ্য উপস্থিত হইয়াছিলেন। এই সভায় প্রথমতঃ সমিতির নিয়মাবলী আলোচিত হইয়া তাহা সভ্য কর্তৃক গৃহীত হইল। দ্বিতীয়, কার্যনির্বাহক সভাকে শক্তিশালী করিবার জন্ত আরো ৩ জন কার্যদক্ষ নূতন সভ্য গ্রহণ করা হইবে ধার্য্য হইল।

জমিদার (সেজোবাবু) শ্রীযুক্ত জ্ঞানদাপ্রসন্ন মুখোপাধ্যায়ের পীড়ার সংবাদ শুনিয়া আমরা চিন্তিত আছি। তিনি এক্ষণে ষাণ্মাস্য শৈলে অবস্থিত করিতেছেন। আমরা তাঁহার আরোগ্যসংবাদ শুনিবার জন্ত আশা করিয়া রহিয়াছি।

গোবরডাঙ্গা মিউনিসিপালিটি গৈপুৰ গ্রামে যে একটি পানীয় জলের পুষ্করিণী খনন নির্দ্ধারণ করিয়াছিলেন, এবার তাহার কার্য্য আরম্ভ হইয়াছে দেখিয়া আমরা বিশেষ আনন্দিত হইলাম। কিন্তু এমন তৎপরতার সহিত কার্য্য হইয়াও এবার খনন কার্য্য জানি না কেন শেষ হইল না—বর্ষা আসিয়া পড়িয়াছে, স্তত্রাং ইহাতে ব্যয়াদিক্য ঘটবে।

সম্প্রতি আমরা দেখিলাম—খাঁটুবা ছুতার পাড়ায় একটি স্ত্রীলোক মৃত কল্লাবস্থায় নিজের জীর্ণকুটিরের বাহিরে পড়িয়া আছে। তাহার আত্মীয় কেহ থাকিলেও তাহারা শীঘ্রই তাহার মৃত্যুকামনা করিতেছে। অজ্ঞ নিয়ন্ত্রণের পক্ষে এতাব আশ্চর্য্যের বিষয় নয়। রোগিণী ঔষধ পথ্য পাওয়া দূরে থাক—একটু জলও পায় কি না সন্দেহ। বিবস্ত্রা হইয়া পড়িয়া আছে—রাত্রে শৃগাল কুকুরের আক্রমণ হইতে রক্ষা করিবারও কেহ নাই। সে তো মরিবেই কিন্তু একটু সচ্ছন্দেও মরিতে

পারিতেছে না—হায় রে! মানুষের কি দুর্দশা। খাঁটুরা দাতব্য চিকিৎসালয়ের ডাক্তার শ্রীযুক্ত শশিভূষণ চক্রবর্তী মহাশয় বলিলেন, “এরূপ ঘটনা এখানে মধ্যো মধ্যো যে দেখা না যায় এমন নয়, কিন্তু কোনও উপায়—ব্যবস্থা নাই।” সমবেত শক্তিতে কাষ করিবার জন্য ‘কুশদহ-সমিতির’ জন্য,—দেখুন সম্মুখে কি ভীষণ দৃশ্য! মানুষ মরিতেছে, তাহার মুখে এক ফোঁটা ঔষধ পথ্য—জল পর্য্যন্ত দিবার কেহ নাই—আর আমরা সচ্ছন্দে আহার করি—নিদ্রা যাই। আমাদের মনে হয় খাঁটুরা দাতব্যচিকিৎসালয়ের সহিত দুঃস্থরোগী থাকিবার একটু সামান্য ব্যবস্থাও যদি হয়—কুশদহবাসীর মধ্যে একজন ধনীর প্রাণেও কি ধনের স্বার্থকতা ও এই বেদনার কথা জাগিতে পারেনা?

কুশদহ-পঞ্জী

—:—

গতবারে চৌধুরীবংশের বিবরণে দুইটি ভ্রম ঘটিয়াছে। পাঠকবর্গ ক্রটি মার্জনা করিয়া সংশোধিত আকারে পাঠ করিবেন।

১। • বৈষ্ণনাথ চৌধুরীর বিবাহ হেঁড়ে বায়সায় গঙ্গাচরণ চট্টোপাধ্যায়ের ভগ্নীর স্থলে চক্রবর্তীর ভগ্নী হইবে।

২। ননীগোপাল চৌধুরীর বিবাহ খাটীকোমরা ত্রিলোচন মুখোপাধ্যায়ের কন্যার স্থলে তাঁহার পুত্রের দৌহিত্রীর সহিত হইবে। (সংগ্রাহক)

গোবরডাঙ্গা—মুখোপাধ্যায়

গোবরডাঙ্গার বর্তমান জমিদার রায় গিরিজাপ্রসন্ন মুখোপাধ্যায় বাহাদুর এবং ভ্রাতৃগণের (উর্দ্ধতন পঞ্চম পুরুষ) বৃদ্ধ প্রপিতামহ—

শ্যামরাম মুখোপাধ্যায়।

ভেলী যশোহর—সারবা গ্রামের শ্যামরাম মুখোপাধ্যায় ইছাপুরের রামচরণ (তিতু) চৌধুরীর কন্যা বিবাহ করেন। শ্যামরাম, বাণেশ্বর, ও সীতারাম তিন সহোদর। বাণেশ্বর সাগরদাড়ী, সীতারাম ধান্দারায় ও শ্যামরাম নিজবাটী সারবায় বাস করেন। বাণেশ্বর ও সীতারামের সন্তান সম্ভতির বিবরণ অপ্রাপ্য। শ্যামরামের দুই পুত্র—জগন্নাথ ও ধোলারাম।

৩ জগন্নাথ মুখোপাধ্যায় ।

জগন্নাথের ঋগুরালয় পীরজঙ্গে । জগন্নাথের ৪ পুত্র, ৩ কন্যা ।

পুত্র (১) গৌরসুন্দর । (২) মদনমোহন । (৩) দেবনারায়ণ ।
(৪) লালমোহন ।

কন্যা—(১) তারামণি । (২) রামপ্রিয়া । (৩) ব্রহ্মময়ী ।

(১) গৌরসুন্দরের ঋগুরালয় দত্তপুকুর । ৩৭ পুত্র বেচারাম । বেচারামের ঋগুর—গৈপুুরের ৩ শিবনারায়ণ চৌধুরী । বেচারাম ঋগুরালয়ে বাস করেন ।

বেচারাম মুখোপাধ্যায়ের ৩ পুত্র । (১) সুরনাথ । (২) অন্নদা ।
(৩) ফণী ।

(১) সুরনাথের ঋগুর, ইছাপুরের প্রসন্নচন্দ্র বন্দ্যোপাধ্যায় । সুরনাথের ৩ পুত্র । (১) ভূপেন্দ্র । (২) বীরেন্দ্র । (৩) ধীরেন্দ্র ।

(১) ভূপেন্দ্রের ঋগুরালয় হেতমপুরে । (২) বীরেন্দ্রের ১ম ঋগুর ইছাপুরের ভূষণচন্দ্র চট্টোপাধ্যায় । ২য় ঋগুরালয় সেধপুরে ।

(২) অন্নদার ঋগুরালয়, ২৪ পরগণা—দীর্ঘোজপুরে । (৩) ফণীর ১ম ঋগুর সারিষার রাইচরণ বন্দ্যোপাধ্যায়, ২য় স্ত্রী ইছাপুরের অটল বন্দ্যোপাধ্যায়ের ভগ্নী ।

গৌরসুন্দরের বংশের বিবাহ বিবরণ এই পর্য্যন্তই পাওয়া গেল ।

৩ জগন্নাথ মুখোপাধ্যায়ের দ্বিতীয় পুত্র মদনমোহন । তাঁহার স্ত্রী, নদে গোকনার কৃষ্ণ রায়ের ভগ্নী । মদনমোহনের কন্যা মহেশ্বরী দেবীর স্বামী সারিষার গঙ্গাধর চট্টোপাধ্যায় ।

(৩) দেবনারায়ণের ঋগুরালয় হাদিপুুরে ।

(৪) লালমোহনের ঋগুরালয়, বগচরের বক্সীদিগের বাড়ী । লালমোহনের দুই পুত্র—(১) চন্দ্রমোহন । (২) কৃষ্ণমোহন । দুই কন্যা—
(১) পীতাম্বরী দেবীর স্বামী বেহালার শ্যামাচরণ চট্টোপাধ্যায় ।
ইহার পুত্র বেচারাম চট্টোপাধ্যায় (আদি ব্রাহ্মসমাজের আচার্য্য)

(২) দিগম্বরী দেবীর কুমারী অবস্থায় মৃত্যু হয় ।

(১) চন্দ্রমোহনের ১ম ঋগুরালয় ধর্মদহে, ২য় মহেশপুরে । প্রথম পত্নীর পুত্র যোগেন্দ্র । যোগেন্দ্রের স্ত্রী, তারামণি দেবী—ইছাপুরের নীলকণ্ঠ চৌধুরীর কন্যা ।

যোগেন্দ্রের ২ পুত্র—(১) মহেন্দ্র, (২) জ্ঞানেন্দ্র ; ২ কন্যা
(১) প্রমীলা । (২) উর্মিলা ।

(১) মহেন্দ্রের ঋগুরালয় কচুরা গ্রামে ।

(২) জ্ঞানেন্দ্রের স্ত্রী ইছাপুরের তারাপ্রসন্ন বন্দ্যোপাধ্যায়ের কন্যা । জ্ঞানেন্দ্রের ৩ কন্যা—(১) বীণাপাণি, (২) সুরধনী, (৩) অবিবাহিতা ।

- (১) প্রমীলা দেবীর স্বামী কালনার প্রহ্লাদচন্দ্র চট্টোপাধ্যায়।
- (২) উন্মীলা দেবীর স্বামী বেহালার নিবারণচন্দ্র চট্টোপাধ্যায়।
- (১) বাণাপাণি দেবীর স্বামী বৈচিত্র হরিদাস চট্টোপাধ্যায়।
- (২) সুরধনী দেবীর স্বামী বৈচিত্র সত্যচরণ চট্টোপাধ্যায়।
- (১) চন্দ্রমোহনের কন্যা সৌরভী দেবীর স্বামী সারথার নেপাল মোহন চট্টোপাধ্যায়।

- (১) ভারামণি দেবীর স্বামীরলয় সেধপুরে গঙ্গোপাধ্যায়-বাড়ী।
 - (২) রামপ্রিয়া দেবীর স্বামীরলয় পূর্বনপাড়া। ইঁহার পুত্র ভোলা-নাথ বন্দোপাধ্যায়।
 - (৩) ব্রহ্মময়ী দেবীর স্বামীরলয় সুন্দরীবল্লভপুর।
- জগন্নাথ মুখোপাধ্যায়ের বংশ বিবরণ এই পর্যন্ত পাওয়া গেল।

৩খেলারাম মুখোপাধ্যায়।

খেলারামের প্রথম স্ত্রী আনন্দময়ী দেবীর পিত্রালয় যশোহর জেলার ক্ষেত্রপাড়া গ্রামে। ইঁহার পুত্র বৈষ্ণনাথ। বৈষ্ণনাথ নিঃসন্তান। দ্বিতীয় স্ত্রী দ্রৌপদীদেবীর পিত্রালয় ধর্মদেহে। দ্রৌপদীদেবীর পুত্র ৩কালিপ্রসন্ন মুখোপাধ্যায় এবং এক কন্যা। এই কন্যার স্বামী শান্তিপুরের রামকিশোর চট্টোপাধ্যায়। ইঁহার ৩ পুত্র—দ্বারিকানাথ, জানকিনাথ ও হারাগচন্দ্র। ইঁহারা গোবরডাঙ্গায় বাস করেন।

৩কালিপ্রসন্ন মুখোপাধ্যায়।

কালিপ্রসন্ন বাবুর তিন বিবাহ। প্রথম স্ত্রীর পিত্রালয় ব্রাগর্মাচড়া। ইঁহার একমাত্র কন্যাটিকে পুত্র নিষ্কিশেষে পাগন করেন। সম্ভবতঃ অবিবাহিত কালেই সেটীর মৃত্যু হয়।

দ্বিতীয় পত্নী বিমলা দেবীর পিত্রালয় ছগলি জেলার হারিত্তি গ্রামে। ইঁহার পুত্র স্বর্গীয় সারদাপ্রসন্ন মুখোপাধ্যায়।

তৃতীয় পত্নী শ্রামাসুন্দরী দেবীর পিত্রালয় শান্তিপুর। ইঁহার পুত্র ৩তারাপ্রসন্ন মুখোপাধ্যায়। কালিপ্রসন্নের ৬ কন্যা।

- (১) নবীনকালী দেবীর স্বামীরলয় শান্তিপুর।
- (২) মাতঙ্গিনীদেবীর স্বামী শান্তিপুরের ৩হরিশচন্দ্র চট্টোপাধ্যায়। ইনি গোবরডাঙ্গায় বাস করেন।

(৩) সিংহবাহিনী দেবীর স্বামী ধর্মদেহের ৩বেণীমাধব চট্টোপাধ্যায়। ইনিও গোবরডাঙ্গাবাসী।

(৪) দশভূজা দেবী ও অল্প ২টি কন্যা সম্ভবতঃ অল্প বয়সে মৃত্যুমুখে পতিত হন। (ক্রমশঃ)

শ্রীপঞ্চানন চট্টোপাধ্যায়—সংগৃহীত

শ্রীযোগীন্দ্রনাথ কুণ্ডু দ্বারা কালকাতা ১২১ নং লোয়ার সারকুলার স্ট্রীট-পাবলিশিং-প্রেসে
উইলকিনস্ প্রেসে মুদ্রিত ও ২৮১ নং স্কিকিয়া স্ট্রীট হইতে মুদ্রিত।



কুশাধহ

“জননী জন্মভূমিষ্ট স্বর্গাদপি গরীয়সী”

“মতাম্ শিবম্ সুন্দরম্”

জ্ঞানবিত্তায়

সভাবসকার

চরিত্রগঠন

কালম বর্ষ

আষাঢ়, ১৩২৫

তৃতীয় সংখ্যা

কীর্তন

—০—

(দোলন সুর)

মা মায়ে পাষণ পলে, ছ'নয়ন ডাসে জলে,
উথলে হৃদয়ে প্রেম পাথার।

নিরাশ অঙ্ককারে, মা ব'লে ডাকলে তাঁরে,
অন্তরে হয় আশার সঞ্চার।

বিপদে সম্পদে, জননীর অভয় পদে,
একান্তে যে জন লয় শরণ,

ধাকে সে সদানন্দে, নির্ভয়ে নিরাপদে,
করে সুখ-সাগরে সন্তরণ।

মাতৃপ্রেম সহজ সাধন, সহজে করে যে জন,
সহজে যায় সে শান্তিধামে,

যোগ, যোগ, কর্তব্য জানে, শান্তি না হয় প্রাণে,
মা নাম জয়মা পরিণামে। (কেবল)

(বঙ্গসঙ্গীত ও সখীসঙ্গীত)

কুশলহের ইতিহাস

বণিক —

বণিকগণ যখন বঙ্গদেশে আসিয়া বসতি স্থাপন করেন, তখন তাঁহারা শৈব-ধর্মাবলম্বী ছিলেন দেখা যায়। তখনও তাঁহারা উপবীত ত্যাগ করেন নাই। চণ্ডীকাব্য পাঠে জানিতে পারা যায়, ভোজনকালে গণ্ডূষ করা বণিকদিগের অভ্যাস ছিল এবং ব্রাহ্মণ অধ্যাপকের নিকট বণিকবালকেরা ব্যাকরণ, কাব্য, অলঙ্কার ভাগবত প্রভৃতি বিষয়ের পাঠ গ্রহণ করিত। সুতরাং জানা যাইতেছে, সে সময় বণিকগণ বৈষ্ণব বা বিজ্ঞ শ্রেণীতে গণ্য ছিলেন। সংস্কৃত মধ্যে পরিগণিত হইয়া নাই।

কেহ কেহ হয়ত বলিবেন, বণিকগণের বৈষ্ণব প্রদর্শনে আমি যত্নবান কেন? ইহার উত্তরে এই মাত্র বলিতে চাহি যে, প্রাচীন গ্রন্থ হইতে যতদূর জানিতে পারা যায়, আমি তাহাই লিখিতেছি মাত্র নিজের কোন উদ্দেশ্য লইয়া কাজ করিতেছি না।

যে সময় মুকুন্দ রায়ের চণ্ডীকাব্য লিখিত হয়, তাহার পূর্বে হইতে বণিকেরা বাংলা দেশে সর্বাপেক্ষা ধনশালী জাতি। তখনও ভারতীয় দ্বীপপুঞ্জের সহিত বাংলার বাণিজ্য চলিতেছে। বাঙালী বণিকেরা বিদেশে বাণিজ্যার্থে পোতারোহণে যাইতেছেন। ভারতের অন্যান্য স্থানের সহিত স্থলপথে ও জলপথে তাঁহাদের বাণিজ্য সম্বন্ধ রহিয়াছে। সুতরাং বণিকেরা যে বাংলায়, অতিশয় উন্নত অবস্থা লাভ করিয়াছিলেন, তাহা বলাই বাহুল্য। তাঁহারা বিদেশে বাণিজ্য করিতেন, তাঁহাদের সাতখানা করিয়া জাহাজ থাকিত। সওদাগরের নিজের ব্যবহারের জাহাজখানি কারুকার্য শোভিত হইত। স্থলপথে যাতায়াত করিবার জন্য হস্তী, অশ্ব, রথ, দোলা থাকিত। রাজ-সমীপে যাইতে হইলে দোলা চাপিয়া যাওয়ার রীতি ছিল। রাজাও বণিকদিগকে সম্মানের চক্ষে দেখিতেন। সকলকেই যথাযোগ্য সম্মান ও সম্ভাষণ করিতেন।

কুকর্ষিত বণিকেরা গোকুল চুরী করিত। পথিককে বাড়ীতে বাসা দিয়া তাঁহাদের যথাসর্ব্ব্ব অপহরণ করিত। আবশ্যিক হইলে গ্রাণ বিনাশও করিত। সূর্য বণিকেরা চোরাই মালের ব্যবসাও করিত। তথাপি সমাজ মধ্যে তাহারা সর্ব্বাপেক্ষা ঐর্ষ্যাশালী থাকার রাজাকেও সকল সময় উচিত কথা বলিতে কুণ্ঠিত হইত না। অন্যান্য জাতি তাহাদের ঘৃণার মধ্যে থাকিত।

ব্রাহ্মণদিগকেও তাহারা বিশেষ গ্রাহ্য করিত না। তবে অশুভ প্রতিগ্রাহী নিষ্ঠাবান্ ব্রাহ্মণগণ তাহাদিগকে অসংবৃষ্টি ও অষ্টাচারের জ্ঞাত হের জ্ঞান করিতেন।

পূর্বে বলিয়াছি, পালরাজগণের অভ্যুদয়ের সময়ে বাংলায় বণিকগণের আগমন ঘটে। পালরাজগণের সুদীর্ঘ রাজত্বকাল মধ্যে বণিকেরা ঐশ্বর্যশালী ও ধনগর্ভিত হইয়াছিল। সেন বংশের আবির্ভাবের সময় সম্ভবতঃ তাহাদের ক্ষমতা ও প্রতিপত্তি এতদূর বৃদ্ধি পাইয়াছিল যে, মহারাজ বল্লালকেও তাহারা প্রীতির চক্ষে দেখিতে চাহেন নাই। না দেখিবারই কথা। বহুদিন রাজত্ব করিয়া পালরাজগণ প্রকার যে শ্রদ্ধাকর্ষণ করিয়াছিলেন, আগন্তুক সেন রাজগণের সে প্রীতিভাজন হওয়া সম্ভবপর নহে।

বল্লালসেনের তাম্রশাসন হইতে জানা যায়, তৎপিতা বিজয়সেন গৌড়রাজ করিয়াছিলেন। গৌড়রাজ নিহত হইলে তাহার শিশুপুত্রেরা সম্ভবতঃ বেহার দেশের পার্শ্বভাগে পলাইতে বাধ্য হইয়া পার্শ্বতীয়গণ কর্তৃক রাজপদে প্রতিষ্ঠিত হইয়াছিলেন। মহারাজ বল্লাল রাজ সিংহাসন লাভ করিয়া এই শত্রুদিগকে জয় করিতে মনস্থ করিয়াছিলেন। কিন্তু অর্থ না হইলে যুদ্ধযাত্রা সম্ভবপর হয় না। এ দিকে যুদ্ধযাত্রা না করিলেও নয়। কাজেই সুবর্ণ বণিকগণের প্রধান বল্লভানন্দ আচ্যের নিকট বল্লালসেনের এককোটি নিষ্ক (১) ঋণ করিতে হয়। তিনি সে যুদ্ধে পরাজিত হইয়া প্রত্যাবৃত্ত হইতে বাধ্য হন। কিন্তু দণ্ডপুর পতিকে (পালবংশীয় শেষ ভূপতিকে) জয় করিতে না পারিলে বল্লাল বৈরীশূণ্য হইতে পারেন না। সুতরাং পুনরায় যুদ্ধযাত্রা কর্তব্য বোধ করিলেন। পুনরায় বল্লভানন্দের নিকট দেড় কোটি নিষ্ক ঋণ চাহিয়া দূত পাঠাইলেন। রাজার প্রস্তাবে স্বীকৃত না হইয়া বল্লভানন্দ তীব্র ভাষায় রাজনীতির সমালোচনা করিলেন। রাজা অগ্রায় যুদ্ধে প্রবৃত্ত হইয়া অবশ ভাগী হইতেছেন,—প্রজার অনিষ্ট করিতেছেন, বল্লভানন্দ কঠোর ভাবে দূতের নিকট রাজনীতির নিন্দা করিলেন। পরে হেরিকেলীয় নামক জনপদ বন্ধক রাখিলে টাকা ধার দিতে পারেন, এরূপ ইঙ্গিত করিলেন।

রাজদূত বিক্রমপুর রাজধানীতে প্রতিগমন করিয়া মহারাজ বল্লালকে বল্লভানন্দের, প্রস্তাব নিবেদন করিলে রাজা ক্রোধে অগ্নিশর্মা হইলেন। কিন্তু বল্লভানন্দ তখন সঙ্কট অর্থাৎ আধুনিক যশোহরের নিকটবর্তী সঁকো

(১) একশত অষ্ট তোলা স্বর্ণ, একটি নিষ্ক।

নামক স্থানে অবস্থিতি করিতেছিলেন কাজেই তাঁহাকে পাইলেন না। অশ্রান্ত বণিকগণের প্রতি অত্যাচার আরম্ভ করিলেন। স্বর্ণ বণিকগণের জাতিপাত হইল। তাঁহাদের জল অনাচরণীয় হইল।

পূর্ব হইতে বৌদ্ধ সংস্বে বণিকগণ ক্রিয়াহীন হইয়াছিলেন।* আশ্রম ধর্মের ক্রিয়ার অভাব হওয়ায় তাঁহারা বৈশ্বজ নাম রক্ষা করিতেছিলেন মাত্র। তবে বঙ্গালের সময় পর্যন্ত তাঁহারা উপবীত ধারণ করিতেন। কিন্তু মহারাজ বঙ্গালের বাটীতে নিমন্ত্রণ রক্ষা করিতে যাইয়া বণিকেরা যেরূপ অশিষ্ট আচরণ করেন, ভোজনশালা হইতে বিনাভোজনে, বিনা কারণে বহির্গমন করেন, কারণ জানিতে চাহিলেও মেরূপ উদ্ধতা প্রকাশ করেন, তাহাতে রাজা বঙ্গাল অতিশয় রুষ্ট হইয়া বণিকগণকে উপবীত ত্যাগে বাধা করিয়াছিলেন।

নগরে নগরে রাজস্বত্যাগী চক্রা রবে ঘোষণা করিল যে, বণিকেরা উপবীত ত্যাগ না করিলে দণ্ডাই হইবে। রাজ্যবাসী তাবৎ বণিককেই এই রাজ্যজ্ঞা শিরোধার্য্য করিতে হইল। কেহ বা অযোধ্যা, কেহ যুদ্ধের, কেহ তাম্রলিপ্তি, কেহ পাটলীতে যাইয়া আশ্রয় রক্ষা করিল। যাহারা পলাইতে অক্ষম তাঁহারা তাণ্ডব ও হৈম উপবীত ত্যাগ করিলেন। তদবধি গন্ধবণিক-গণ বৈশ্বজ হারাইলেন। বঙ্গালের পিতৃশ্রাদ্ধ দিনে ভোজনশালা হইতে নিমন্ত্রিত বণিকগণের স্থান ত্যাগ দ্বারা উদ্ধতা প্রকাশ না ঘটিলে এই বিপদ ঘটিত না।

কিন্তু ইহা হইতে আরও বৃদ্ধিতে পারা যায়, বণিকগণ তখন কতদূর ক্রটি-পশ্চিমালী হইয়াছিলেন এবং রাজভবনেও কিরূপ সম্মানের দাবী করিতেন। এই ব্যাপারের ফলাফল যাহাই হউক, বণিকগণ যে তখন সমাজের মধ্যে শীর্ষস্থান অধিকার করিয়াছিলেন, তাহা বৃদ্ধিতে পারা যায়। কেননা এ সময় কান্তকূজগত ব্রাহ্মণ পঞ্চকের সম্মানের মূষ্টিমেয় মাত্র। তাহাতে আবার, তাঁহারা নানা স্থানে বিস্তৃত হইলেন, কাজেই তাঁহাদের সম্মানের বা কান্তকূজগণ তাহুশ প্রভুত্ব স্থাপন করিতে পারেন নাই। বৈশ্বনামধারী বণিকগণেরই এ সময় বঙ্গসমাজে একাধিপত্য ছিল। অপর দিক হইতে দেখা যায় যে, ষত দিন বণিকগণ মনসা পূজা করিতে স্বীকার করেন নাই, ততদিন বঙ্গসমাজে

* বৈদিক ধর্মের নিম্প্রভ অবস্থায় মহাত্মা বুদ্ধ যে সজীব সাধনপথ প্রবর্তিত করেন, তাহাতে তখন মানুষকে ক্রিয়াহীন করিয়াছিল লেখকের এই মতে।
সহিত আমরা সার দিতে পারি না। (সম্পাদক)

সে পূজা প্রচলিত হয় নাই। মঙ্গল চণ্ডীর পূজাও প্রথম বণিক কুলবধ খুলনা কর্তৃক প্রচারিত হইয়াছিল।

পাল নৃপতিগণের সময়ে বণিকগণ সামাজিক উন্নতির চরমসীমায় উপনীত হইয়াছিলেন। বঙ্গসমাজে একাধিপত্য করিয়াছিলেন। কিন্তু এ সময় তাঁহারা অত্যন্ত উদ্ধত ও গর্জিতও হইয়াছিলেন। কেবল মাত্র বৌদ্ধ-সংসর্গে আচারহীনতা ঘটিয়াছিল একরূপ নহে, অর্গশালী হইলে বেকরূপ পরস্পরের প্রতি ঈর্ষা ও ঘেব আসিয়া থাকে, তাহাও যথেষ্ট আসিয়াছিল। ধনপাত দত্তের পিতৃশ্রদ্ধ উপলক্ষে আহত বণিকসভায় মালাচন্দন লইয়া যে বিবাদ হয়, তাহা হইতে বুঝিতে পারা যায় যে, বণিকগণ তখন পরস্পরের প্রতি কতদূর বিদ্বেষ প্রকাশ করিতেন। পরস্পরকে খাটো করিতে কিরূপ চেষ্টা করিতেন। স্ত্রীলোকের কুৎসা রটনা করিয়া কিরূপ আমোদ পাইতেন। প্রকাশ্য সভায় ঐ সকল বিষয়ের আলোচনা তাঁহাদের কত ভাল লাগিত। আত্মীয় ও বন্ধুগণ পরস্পরকে অবমানিত করিতে আগ্রহ প্রকাশ করিতেন। সম্ভবতঃ আত্মবিচ্ছেদের চরম অবস্থায় মহারাজ বল্লাল সেনের সহিত বণিক-গণের বিরোধ ঘটিয়াছিল এবং নির্যাতন ভোগ করিতে হইয়াছিল।

খৃষ্টীয় দ্বাদশ শতাব্দীর প্রথম ভাগে বঙ্গদেশে বণিকগণের প্রতি সেনরাজ বল্লাল বেকরূপ অত্যাচার করিয়াছিলেন, ঐ শতাব্দীর শেষভাগে ইংলণ্ডে ইহুদীজাতির প্রতি রাজা জন ও তাঁহার সামন্তগণ ততোধিক অত্যাচার করিয়াছিলেন। ইংলণ্ডে যেমন নিগৃহীত ও লাঞ্চিত হইয়া ইহুদীগণ ব্যবসায় লাভবান হইবার আশায় সে দেশ ছাড়িতে পারে নাই, বাংলায় কিন্তু তাহা হয় নাই। বণিকগণ দলে দলে বাংলা ছাড়িয়া অযোধ্যা মুঙ্গের প্রভৃতি স্থানে প্রস্থান করিয়াছিলেন। যঁাহারা পলাইয়াছিলেন, তাঁহাদিগকে রাজা বল্লাল উৎপীড়িত করিতে পারেন নাই। সুতরাং তাঁহাদের উপবীত ভাগ করিতে হয় নাই। যঁাহারা সহসা ব্যবসায় ছাড়িয়া, লাভের আশা ছাড়িয়া স্থানত্যাগ করিতে পারেন নাই, রাজার অত্যাচার তাঁহাদিগকেই সহ্য করিতে হইয়াছিল। তাঁহারা এই সামাজিক সম্মান হইতে বঞ্চিত হইয়াছিলেন। পরবর্তীকালে সে সম্মান আর তাঁহারা পুনঃপ্রাপ্ত হন নাই।

গন্ধ বণিকজাতির চারিটি আশ্রম যথা—দেশ, শব্দ, আউধ ও ছত্রিশ। প্রবাদমতে ছত্রিশ আশ্রমের আদিপুরুষ—পদোৎপল। পদোৎপলের ছত্রিশটি পুত্রের নামানুসারে ছত্রিশ আশ্রম হইয়াছে। ছত্রিশ আশ্রমের নাম—

অযোধ্যা, মথুরা, কাশী, কাঞ্চী, অবন্তী, গোকর্ণ, কালোসোনা, প্রয়াগ, ঝারকা, ঝারবাসিনী, কর্ণাট, আটগ্রাম, বটগ্রাম, কুলান, সপ্তগ্রাম, মণ্ডলহাট, বর্ধমান প্রভৃতি। এই ছত্রিশ আশ্রমের উপাধি—দত্ত, লাহা, নাগ, পাল, দী, দে, দাস, চন্দ্র, বিদ, কর, ঘর, বৃন্দ, সেন, সিদ, কুণ্ড, ভদ্র, বাদল, হরি, হেব, আইচ, তুরঙ্গম, সোম, নন্দী, নন্দন, সিংহ, ভূঁই, তাল, ধন, সাঁই, বজ্র, রাজ, জুই, ব্যোম, দিন, বিষ্ণু।

বণিকগণের গোত্র অনেক। তন্মধ্যে অগস্তা, অত্রি, উর্ক, কাশ্যপ, কৌশিক, কোণ্ডিল্য, ক্রতু, গর্গ, গৌতম, চ্যবন, দুর্কাসা, নৃসিংহ, পরাশর, পুলহ, ব্যাস, বশিষ্ঠ, বিভাণ্ডক, ব্রহ্মদূত, মৌদগল্য ভার্গব মাণ্ডব, সৌভরী, সাবর্ণ, শুকদেব, শাণ্ডিল্য, প্রভৃতি।

পূর্বোক্ত ছত্রিশ আশ্রম হইতে ক্রমে ৭২টি চাকলা হইয়াছিল। অর্থাৎ লোকসংখ্যা বৃদ্ধির সহিত বণিকগণ ৭২টি স্থানে যাইয়া বসতি করিতে থাকেন। মুকুন্দরামের চণ্ডীকাব্যে এই আশ্রম স্থানগুলির মধ্যে কয়েকটির উল্লেখ দেখা যায়। যথা—বর্ধমান, সপ্তগ্রাম, দশঘরা, সাঁকো, কজুলা, ধণ্ডঘোষ ইত্যাদি।

আধুনিক বঙ্গের বণিক সংখ্যা প্রায় এক লক্ষ চব্বিশ হাজার হইবে। তন্মধ্যে এক মাত্র কলিকাতা সহরে গন্ধবণিক সংখ্যা প্রায় আট হাজার হইবে। সহরবাসী গন্ধবণিক শিক্ষিত ও শিষ্টাচার সম্পন্ন। পল্লীগামের লোকের তাদৃশী উন্নতি হয় নাই।

সহরবাসী বণিকগণের মধ্যে ইংরাজী শিক্ষার প্রভাবে পুনরায় বৈশ্ব লাভের স্পৃহা জাগরুক হইতেছে। জাতীয় উন্নতির দিনে এ আকাঙ্ক্ষা অসম্ভব মনে করা অগায়। তবে বাংলার পল্লীগামে যতদিন শিক্ষা বিস্তার না হইতেছে, ততদিন সাধারণের মধ্যে এ বিষয়ের সহানুভূতি লাভ সহজ হইবে বলিয়া মনে হয় না।

শ্রীচাক্রচন্দ্র মুখোপাধ্যায় (বি, এ)

প্রায়শ্চিত্ত

সপ্তম

বিদ্যাবাসিনী দেবীর আরাতি দেখিতে এক ললিতা ছাড়া সকলেই গিয়াছে। ললিতার দাসী থাকমণি ললিতার জন্ত যাইতে পারে নাই। ললিতার শরীরটা ভাল ছিল না, সকাল হইতে মাথা ধরিয়া বড় কষ্ট পাইতেছে, সে জন্ত সে আর বাহির হয় নাই।

থাকমণি মেজেতে বসিয়া মালসার গগণে আঙুণে হাত পা গরম করিতে করিতে বলিতেছিল, বাবা, পোড়া দেশে কি শীত গো, ঠক্ ঠক্ কোরে গা হাত কাঁপিয়ে দিচ্ছে।

ললিতা কহিল, তবু তো দিন রাত্তির আঙুণ কোলে কোরে বোসে আছিস, ধর্মশালার বুড়ী মহারাজীন্ আর দাইকে দেখেছিস, এই শীতে কোন্ ভোরে উঠে জল ষাঁটতে আরম্ভ করে, আর এ দিকে সেই রাত বারোটা পর্যন্ত ষাটে।

থাকমণি কহিল, ওদের কথা ছেড়ে দে ললুতে, ওদের ভূটা থেকে খোড়ার জান্ন, ওরা সব সহিতে পারে। ললিতা হাসিয়া কহিল, তা বটে, তোদের দেশে এমনি শীত হোতো তো তোরাও সহিতিস, তা তুই আঙুনের কাছ থেকে একটু সরে বোস, নয় তো এখনি তোর চুলুনী আসবে, আর ঘুমের ঘোরে আঙুণে মুখ গুঁজে পড়বি।

থাকমণির সঙ্ক্যার পর, ঘুমে ঢোলা, নিত্য নৈমিত্তিক অভ্যাস থাকিলেও, মৈ এ অপবাদটা মোটেই সহিতে পারিত না, সুতরাং ললিতার কথায় সে বেশ জোরের সহিতই কহিল, এ বিদেশে বিভূঁয়ে তোকে একলাটি রেখে আমি কি ঘুমতে পারি? তবে সারা দিন এদিক ওদিক কোরে গা মাটি মাটি করছে, আমি খানিক মাটিতে শুয়ে একটু গা গড়া দিই, তুই পয়্যার পড়, আমি শুনি। থাকো অবিলম্বে শুইয়া পড়িল। ললিতা একখানি বই হাতে করিয়া সম্ভবতঃ মনে মনে পড়িতেছিল, থাকমণি পয়্যার শুনিতে বড় ভালবাসে, সুতরাং সে তাহাকে শুনাইয়া পড়িতে লাগিল,

“স্বস্তির সাগর ছলিয়া ফুলিয়া কাপিয়া উঠিছে ঐ,

কেন কেন কেন, হেন শিহরণ, কারণ ইহার কই?

হায় নিফল প্রয়াস,

ঠেলি' সব বাধা, কক্ ছয়্যার খুলিল মন্ত বাতাস,

শুভ্র জ্যোৎস্না পশি' সেধার,

গোপন বা কিছু প্রকাশিতে চায়,

ওগো, বাহা আমি ভুলেছিহু, তাহা জাগিল মানসে গো,

এক যুগ ধরি', সাধনা আমার সকলি বিফল গো।

সেই সেই মুখ, উষার তরুণ অরুণ কিরণে গড়া,

সেই সে নয়ন, শান্ত কোমল, ভাবের মাধুরী ভরা,

সেই সে ওষ্ঠাধর—

একি মোহ আজি ধরেছে আমার—কেন কাঁপে অন্তর,

ভেবেছিহু মনে, ভুলেছিহু তায়,

একি দেখি আজি, সবি বৃথা হায়,

গোপন মর্মে-মরম দেবতা নিহুতে আছে বসি',

হিয়ার পরতে পরতে তাহার স্মৃতিটি রয়েছে পশি'।

আমি ক্লিষ্টাছিহু বিদায় তাহারে—সে তো কই যায় নাই,

মরু অন্তর ছলেছে আমারে, একি জ্বালা—কি বালাই।

বিখ্যাসধাতী প্রাণ,

মোর অজ্ঞাতে, তাহারি চরণে করেছে আপনা দান.

বাহিরে আমার ভোলায় প্রয়াস,

গোপনে হৃদয়ে পূজার আয়াস,

বরষ বরষ ছলেছে এমনি, হা অভিমানিনী নারী.

দর্প তোমার লুটাল ধূলায়, আজিও তুমি আছ তারি।”

থাকো. ও থাকো. শুনছিহু? আর থাকো. সে তখন গাঢ় নিদ্রায় অভিভূত,

প্রমাণ নাসিকা ধ্বনি! ললিতা তখন কবিতার অর্থে মনোনিবেশ করিল।

কবিতার প্রতি ছত্রে, যে তাহারি মনের অন্তর রূপ ফুটিয়া উঠিয়াছে।

শৈশবে ললিতা মাতৃহীন হয়, পিতা একমাত্র কণ্ঠকে সযত্নে লালন পালন

করিয়া আসিতেছেন। আর মাতৃস্নেহের কতকটা অভাব পূরণ করিয়াছেন,

তাঁহার মেহমরী জ্যাঠাইমা। তিনি অল্পবয়সে বিধবা হইয়া দুটি শিশু

কণ্ঠকে লইয়া দেবরের সংসারেই আসিয়া বাস করিতেছেন। বড় মেয়ে

শুচিতার সম্প্রতি বিবাহ হইয়াছে, অমিতা ললিতারই প্রায় সমবয়সী। বাটাতে

শিক্ষক রাখিয়া মহেশবাবু তিনটি কণ্ঠকেই সুশিক্ষিতা করিয়াছেন।

সাহেব মেমদের সহিত তাঁহার মেলায়েশাটা কিছু বেশী রকম, সেজন্য

মেয়েদের ইংরাজী শিক্ষার বেশ দোরস্ত করিয়াছেন। মেয়েদের চালচলনও খাঁটি হিন্দুয়ানী-সঙ্গত নয়, এবং জ্যাঠাইমার চক্ষে এই স্লেচ্ছপনা নিতান্ত বিসদৃশ হইলেও, উপায়ান্তর নাই, ক্রমে তাঁহারও এটা সহিয়া গিয়াছে।

ললিতা ও শুচিতা বেশ শাস্ত প্রকৃতির, কিন্তু অমিতার প্রকৃতি একেবারে বিপরীত, সে অত্যন্ত চঞ্চল—তবে সরল ও অমায়িক। তাহাতে কৃত্রিমতার আবরণ ছিল না, সে যাহারই সহিত মিশিত, অতি সহজে তাহাকে আপনার করিতে পারিত। অপরিচিত বা নূতনত্বের সঙ্কোচ তাহাকে পিছু হঠাইতে পারিত না। কিন্তু এই প্রগলভা বালিকার দৃষ্টান্ত শুচিতা ও ললিতা সময়ে সময়ে বড় অপ্রস্তুত হইয়া পড়িত।

আজ সকালে কোথা হইতে, একখানা কবিতার বই আনিয়া, ছাদে বসিয়া অমিতা সুর করিয়া পড়িতেছিল। ললিতা যখন চা খাইবার অস্ত্র নীচে বাইতেছিল, অমিতা ডাকিয়া কহিল, ছোট দি, মিষ্টার সরকার আজ একখানা কবিতার বই এনেছেন, কি সুন্দর এই কবিতাটা। আচ্ছা ভাই, কবিরা কি মানুষের মনের ফটো তুলে বেড়ায়? এই কবিতাটা দেখো না, তোমার মনের ছবছ ফটোগ্রাফ।

ললিতা অমিতার কথাটার মনঃসংযোগ না করিয়া নীচে নামিয়া গেল, কিন্তু যে ললিতা, কবিতার খুব বেশী পক্ষপাতী, এবং নিপুণ ভাবগ্রাহী ও সমালোচক, তাহার হঠাৎ এতটা উদাসীণ ভাব, অমিতাকে ভাল করিয়া বুঝাইয়া দিল, যে তাহার ধারণা অমূলক নয়।

সন্ধ্যার সময় যখন সকলে বিদ্যাবাসিনীর আরাতি দেখিতে গেল, ললিতা গেল না। মানুষের এমন বয়স এমন দিন এক সময় সকলেরই আসে, যখন পরিণত জীবনে, যে গুলি অতি তুচ্ছ কথা, অতি ক্ষুদ্র ঘটনা, অতি সামান্য কারণ বলিয়া মনে হয়, সেই গুলিরই উপরে ভবিষ্যৎ জীবনের সকল সুখস্বাচ্ছন্দ্য এমন কি, গতি পর্য্যন্ত নির্ভর করে। কাল রতিকান্তর সহিত আকস্মিক সাক্ষাতের পর ললিতার মনের অবস্থা মোটেই ভাল ছিল না। তাহার মনের মধ্যে যে প্রবল আন্দোলন, তুমুল সংগ্রাম চলিতেছিল, তাহা দ্বার কেহ না লক্ষ্য করিলেও, ললিতার চিরসঙ্গিনী অমিতার অগোচর ছিল না।

মনের এই চঞ্চল অবস্থাতেও, ললিতা সহজেই অমিতার বইখানির কবিতাটিতে নিজের মনের ফটোগ্রাফ দেখিতে প্রবৃত্ত হইল, এবং এই নির্জন সন্ধ্যায় সহজেই সেই বইখানি বাহির করিয়া, কবিতাটি পাঠে সত্যই তাহার মনে হইল, অমিতার কথা মোটেই মিথ্যা বা অতিরঞ্জিত নয়।

অষ্টম

সে কিছু বেশী দিনের কথা নয়, দুই বৎসর পূর্বে যখন মহেশবাবু রতিকান্তদের গ্রামে ম্যাড্রিষ্ট্রেট হইয়া আসিয়াছিলেন, রতিকান্ত তখন বি-এ পড়িতেছিল। সে তখন বলিষ্ঠকায় সুদর্শন যুবা। পিতার অবস্থা খুবই স্বচ্ছল, বনিয়াদী বংশ, শ্রীকান্তবাবুর সহিত পরিচয়—স্বত্রে রতিকান্তও অচিরে মহেশবাবুর পরিচিত ও প্রিয় পাত্র হইয়া উঠিল। মহেশবাবুর বাটীর দ্বার তাহার নিকট অব্যবহিত হইল। মহেশবাবু রতিকান্তকে জামাতৃপদে বরণ করিতে উৎসুক হইয়া শ্রীকান্ত বাবুকে তাঁহার অভিপ্রায় জানাইলেন। তাঁহার অসম্মতির কোনও কারণ ছিল না। ক্রমে ক্রমে সকলেই এ সুসংবাদ জ্ঞাত হইল। মলিতা সুন্দরী, ধনী পিতার একমাত্র আদরিণী কন্যা, স্মৃতরাং এ উপযুক্ত নির্বাচন সকলেরই মনোনীত হইল। রতিকান্ত বি-এ পাস দিয়া এম-এ পড়িতে লাগিল। মহেশবাবু শ্রীকান্তবাবুকে কহিলেন, আমার ইচ্ছা রতি বিলাত গিয়ে সিভিলিয়ান হয়ে আসুক, তার কিন্তু সে রকম আগ্রহ নেই। সে যে রকম বুদ্ধিমান তাতে আমার মনে হয়, ইচ্ছা ও চেষ্টা কোরলে ভবিষ্যতে সে একজন উচ্চপদস্থ রাজ কর্মচারী হোতে পারবে।

শ্রীকান্তবাবু কহিলেন, আমার তো আপত্তি নেই, কিন্তু রতির গর্ভধারিণীর মত নয় যে, রতি বিলাত যায়। তিনি বলেন, আমাদের যা আছে, তাই যথেষ্ট। রতি বরং সেই সব দেখা শোনা করুক।

মহেশবাবু ভাবী বৈবাহিকার এই কথায় মোটেই প্রীত হইতে পারেন নাই, তবে এখন বাদামুবাদ নিষ্ফল। রতিকান্ত এখন শ্রীকান্তবাবুর পুত্র, সে যখন তাঁহার জামাতা হইবে, তখন যে তাঁহাকে সম্পূর্ণরূপে আয়ত্ত করিতে পারিবেন এ আশা তাঁহার অসম্ভব বলিয়া মনে হয় নাই।

যে বৎসর রতিকান্ত এম-এ পরীক্ষা দিল পরীক্ষার ফল বাহির হইবার পূর্বেই সে ইণ্টার্নড হইল। মহেশবাবু সন্তুষ্ট হইলেন, কিন্তু পরক্ষণেই তিনি ঈশ্বরকে ধন্যবাদ না দিয়া থাকিতে পারিলেন না যে, এই উদ্ভাস্ত যুবার হস্ত হইতে তাঁহার প্রাণাধিকা দুহিতা বড় রক্ষা পাইয়াছে, ভাগ্যে বিবাহের পূর্বেই তাহার আসল প্রকৃতির পরিচয় পাওয়া গেল। এত হীন এত কৃতঘ্ন, এই সুন্দর মেধাবী কৃতবিশ্ব যুবা। রতিকান্তর যে কতখানি দোষ সত্য, সেটার খোঁজে হায়রাণ হইবার মতো বাজে সময় তাঁহার ছিল না, কয়েকবার মেয়েদের নিকট রতিকান্তর ধৃষ্টতা ও অন্যায়াচরণের তীব্র সমালোচনা করিলেন। শুচিতা ও বলিষ্ঠায়

কাছে অবাধে নিজের মতামত প্রকাশ করা চলে. কিন্তু ঐ যে ছুঁটে মেয়ে অমিতা, উহাকে ঠেকাইয়া রাখা বড় কঠিন। লেখাপড়া শিখাইয়া অবশেষে এই যুথুরা মেয়েটিকে লইয়াই দায়ে ঠেকিতে না হয়। সে কিন্তু খুড়ার যুথের উপরে স্বচ্ছন্দে বলিয়া বসিল, একটা জিনিষ দেখতে হোলে যেমন শুধু একটা দিক দেখে তার ভালমন্দর বিষয়ে নিষ্পত্তি বিচার হয় না, তখন একটা জীবন্ত মানুষের শুধু একটা ক্রটি, বা দোষ ধরেই কি তার সমস্ত জীবনের ভাল মন্দ নির্ধারণ করা উচিত? তারও তো জবাবদিহি কিছু আছে, আপনি তাকে যতটা ভরু অপরাধে অপরাধী ভাবছেন, অতোটা হয়তো সে নয়, অন্ততঃ আমাদের তো সেই রকমই মনে হয় কাকামণি।

মহেশবাবু যত শীঘ্র পারেন, এই উশৃঙ্খল যুবার কথা মেয়েদের মন হইতে মুছিয়া ফেলিবার চেষ্টায় আছেন, যেহেতু, এই যে নারীজাতি, এদের তো কোনও দায়িত্ব-বোধ বা দূর-দৃষ্টি নাই, হাতের কাছে বাহাকে পাইবে, তাহাকেই আপনার করিয়া বসিবে, ভদ্রতার স্বত্রে এক জনকে তাহাদের সহিত পরিচয় করাইয়া দাও—তাহারা অমনি তাহাকে, আদর যত্নে, মিষ্টকথায় শিষ্টব্যবহারে—এমন কি, খাল পানীয়ে পরিভূষ্ট করিয়া ছুঁদিনেই তাহাকে পরমস্বামীয়ে পরিণত করিয়া লইবে। তাহার একটু আপদ বিপদে, অমনি হা-হতাশ করিতে থাকিবে, এই রতিকাস্তকে দিয়াই তো বুঝা যাইতেছে। ছুই বৎসর পূর্বে তাহার সহিত কিছুমাত্রই তো জানা শোনা ছিল না। সে ইন্টার্ণড্ হইয়াছে, অবশ্য ছুঃখের কথা, তা বলিয়া, বাড়ীর গৃহিনী হইতে, এই অবোধ মেয়েগুলো পর্যাস্ত তাহার জন্ত এত আক্ষেপ করে কেন? এখনো তারা রতিকাস্তের উপর শ্রদ্ধা ও বিশ্বাস হারায় নাই? মহেশবাবু পুরুষ কণ্ঠে অমিতাকে কহিলেন, তুই ভারী পাকা হয়েছিস, কথায় তোর সঙ্গে কেউ পারবে না, ব্যারিষ্টার হবি দেখছি।

অমিতা রাগভরে ঘর ছাড়িয়া চলিয়া গিয়াছিল, কিন্তু ঐ ছুঁটে অশান্ত মেয়েটিকে না হইলে মহেশবাবুর এক দণ্ড চলে না। মহেশবাবুর খুঁটা-নাটা কাজ ও তাঁহার সর্বদা প্রয়োজনীয় সকল জিনিষের ভার ঐ অমিতারই উপর। ললিতা, শুচিতা যেখানেই থাকুক ক্ষতি নাই, কিন্তু অমিতাকে একদিন কাছ ছাড়া করিলে মহেশবাবুর অশুবিধার অন্ত থাকে না। অথচ মেয়েটা এমনি যুথুরা হইয়াছে যে, এক দিন জেলার ম্যাজিস্ট্রেটের বাড়ী চা পাটিতে মহেশবাবুর সহিত নিমন্ত্রণে গিয়া, বখন মোকদ্দমা প্রসঙ্গ উঠিল, তখন

সে স্বচ্ছন্দে বলিয়া ফেলিল, ডাক্তার হাজার মাটিকিকেটই দিক যে, কুলীটা পিলে কেটেই মরেছে, তাহোলেও মোকদ্দমার আর একটু তদন্ত হওয়া উচিত ছিল। সে যদি নিতান্ত দীন হীন কুলি না হোয়ে, গণ্যমান্ত কেউ হোতো, তা হোলে আপনারাও একটু ভাল কোরে তদ্বির কোরতেন, আর ডাক্তারও “পিলে ফাটা” না বোলে হয়তো আরও কিছু বোলতো।

মহেশবাবু অমিতার এ প্রগল্ভতা ঢাকিবার জন্ত তাড়াতাড়ি বলিলেন, মেয়েটা আস্ত পাগল, কি যে বলে, তা নিজেই বোঝে না। রাজার শাসবিচার যে ধনী দরিদ্রের পার্থক্য রাখে না, সেখানে যে শুধু সত্য আর গায়ের মৰ্যাদা, তা ভুলে যাস কেন ?

মেয়েটা তবু বলিয়া বসিল, স্বর্গের রাজা সম্বন্ধে ও কথাটা প্রাণের সহিত বিশ্বাস করি, কিন্তু পৃথিবীর রাজার সম্বন্ধে ও বিশ্বাস রাখতে পারি না, কাকামণি। ম্যাজিস্ট্রেট বাঙালী হইলে কি প্রমাদ ঘটিল জানি না, কিন্তু ইংরাজ সিভিলিয়ান একজন খ্রীষ্ট বিশ্বাসী ভক্ত, তিনি বালিকার কথায় খ্রীত হইয়া মানন্দে বলিয়া উঠিলেন ;

“Oh my God, Your true Judgment in
heaven and earth,

We bow Thee with bending heart,

How splendid is the faith of this young girl !”

বালিকার ধৃষ্টতা শেষে বিশ্বাসের গৌরব লাভ করিল দেখিয়া মহেশবাবু নিশ্চিন্ত হইলেন। নতুবা সে দিন তাহার মাথা ঘুরিয়া গিয়াছিল আর কি।

নবম

মহেশবাবু অন্তর বদলী হইয়া গেলেন। ক্রমে রতিকান্তর সম্বন্ধে বড় আর উচ্চবাচ্য কেহ করিত না। শুচিতার জন্ত শীঘ্রই একটি ভাল পাত্র জুটিয়া গেল। অমলচন্দ্র ওকালতী পাস করিল বটে, কিন্তু সে শীঘ্রই বুদ্ধিতে পারিল এ কাজ তাহার মতো লোকের পোষাইবে না। কথার ব্যবসা তাহার চলিবে না, তাই সে সুপারিশের জোরে মুম্বৈতে বাহাল হইয়া নিশ্চিন্ত মনে কাজ করিতে লাগিল।

মহেশবাবু অমলচন্দ্রের সহিত শুচিতার বিবাহ দিয়া স্বস্তির নিঃস্বাস ফেলিয়া বাঁচিলেন। এইবার বলিতার পালা, মেয়ের বিবাহ দিলেই পর

হইয়া যাইবে। একমাত্র আদরিণী হুহিতাকে কাছ ছাড়া করিতে একান্ত ইচ্ছা না থাকিলেও উপায় নাই। তবে হুদিন আশু পাছু চলে বটে, কিন্তু বৌ ঠাকরণের তাড়ায় আর বিলম্ব করা চলে না।

বিবাহের পর ঋগুর বাড়ীর তাগাদায় অমলও নিজের অবিবাহিত বন্ধুদের মধ্যে শ্রালিকার জন্ম ঘটকালী করিতে নিযুক্ত হইল, এবং তাহার সে চেষ্টাও সফল হইল। সচ্য বিলাত প্রত্যাগত নবীন ব্যারিষ্টার নরেন্দ্র পিতামাতার নির্দোষিত নোলক-পরা একটি ছোট বৌ মোটেই বিবাহ করিতে রাজী নয়। ললিতাকে দেখিয়া তাহার খুব পছন্দ হইল।

মহেশবাবুও নরেন্দ্রকে স্নেহের চোখে দেখিলেন, মেয়েদের সহিত নরেন্দ্রকে পরিচিত করিয়া দিলেন, পিতার ইচ্ছিত বুকিয়া ললিতা মর্মে মর্মে শিহরিয়া উঠিল।

সম্প্রতি দুই মাসের ছুটি লইয়া মহেশবাবু এলাহাবাদে বেড়াইতে আসিলেন, নরেন্দ্রকেও সঙ্গে লইলেন। তাঁহার ইচ্ছা বিবাহটা শীঘ্র শীঘ্র চুকিয়া যায়। শুভশ্র শীঘ্র, রতিকাস্ত্রের স্মৃতি বাহাতে ললিতার মন হইতে চিরতরে মুছিয়া যায়, সেইটাই তাঁহার কামনা, যেহেতু মেয়েদের বিশ্বাস নাই। ক্ষুদ্র ব্যাপার—তুচ্ছ খুঁটিনাটি লইয়া ইহার অর্থ বাধাইতে বেশ মজবুৎ।

নরেন্দ্র প্রথমে খুব উৎসাহের সহিত এ পরিবারে যোগ দিলেও সে যেন শীঘ্রই দমিয়া গেল। ললিতার মতো লাজুক মেয়ের সহিত ভাবের আদান প্রদান যে কত কঠিন সে সহজেই বুঝিতে পারিল। অথচ এই বয়ঃপ্রাপ্তা তরুণীর মনোভাব না বুঝিয়া সে কেমন করিয়াই বা তাহাকে বিবাহ করে। সচিতা ও অমিতা আছে বলিয়াই নরেন্দ্র টিকিয়া আছে, নচেৎ ললিতা তো তাহার সহিত কথাই কহে না। রতিকাস্ত্রের কথা সে আদৌ শোনে নাই, তাহা শুনিলে সে বেশ বুঝিতে পারিত।

একদিন সে ললিতার অনুপস্থিতিতে ঠাট্টা করিয়া অমিতাকে বলিয়াছিল, তোমার বোনটির মনের খোঁজই যে পাওয়া যায় না, যেন কোন্ অন্ধকার অতল সমুদ্রের গর্ভে সে মন ডুবে আছে!

অমিতা উত্তর দিয়াছিল—আপনি যদি নিগূণ ডুবুরী হোতেন, তা হোলে সেই অন্ধকার সমুদ্র-গর্ভ থেকেই সে মনটিকে হাতড়ে বের করতেন।

• নরেন্দ্র হাসিয়া বলিয়াছিল “তোমার বোনের মনটি ঠিক জায়গায় আছে, কি চুরি টুরি গেছে, সেটা ভাল রকম জানো কি ?

উত্তরে অমিতা এমন চোপ রাঙাইয়াছিল। যে, নরেন্দ্র বেচারী ভয়ে অস্ত্র আর কোনও দিন সে প্রসঙ্গ উত্থাপন করিতে সাহস করে নাই। শুচিতা বরং হাসিয়া বলিয়াছিল, তুমি যদি গোরেন্দাগিরিতে বাহাদুরী দেখাতে পার তা হোলে কত বড় বকসাস পাবে তাতো বুঝতেই পারছ।

ললিতা চিরদিনই স্বল্পভাষিনী, রতিকান্তর সহিতও তাহার কোনদিন বেশী কিছু কথাবার্তা হয় নাই। কিন্তু উভয়ে যে উভয়ের প্রতি অনুরক্ত তাহা উভয়ের নিকট অবিদিত ছিল না। ললিতা রতিকান্তর প্রকৃতিতে এমন একটি বিশুদ্ধ গর্ব ও ভেঙ্কের আভাস পাইয়াছিল, এমন একটি স্বাধীন উদার প্রকৃতির পরিচয় লাভ করিয়াছিল, বাহাতে তাহার প্রতিভানুরাগী নারী-হৃদয় সহজেই সেই মহত্বের চরণে আত্মদান করিয়া ধস্ত হইয়াছিল।

রতিকান্ত কারাকঙ্ক হইবার পর, যখন তাহার লাঞ্ছনা ও বিড়ম্বনার কথা যুখে যুখে শাখা প্রশাখায় বিস্তৃত হইতে চলিল, পিতা যখন সেই সর্বনেশে ছেলেটার সংশ্রব হইতে সহজেই নিষ্কৃতি পাইয়া ভগবানকে ধন্যবাদ দিতে লাগিলেন, ললিতার তখন অস্তুর কাটিয়া যাইবার উপক্রম হইল। তাহার মনে হইতেছিল, সেই লাঞ্ছনা ও বিড়ম্বনার অংশভাগিনী হইতে পারিলেই বুঝি তাহার ভাল ছিল।

যখন নরেন্দ্রকে, মহেশবাবু স্বীয় পরিবারের মধ্যে পরিচিত করিয়া দিলেন, এবং ইঙ্গিতে জানাইলেন, ভবিষ্যতে সে কোন্ স্থানটিতে প্রতিষ্ঠিত হইবে। ললিতা বখেষ্ঠে ক্ষুব্ধ ও সঙ্কুচিত হইলেও লঙ্কার মাথা খাইয়া পিতার বিরুদ্ধে প্রতিবাদ করিল না। যে পিতা, কত খানি স্নেহে, যত্নে তাহাকে লালনপালন করিয়া আসিতেছেন, তাহার মঙ্গল চেষ্টায় প্রাণপাত করিতেছেন, তাঁহার ইচ্ছার বিরুদ্ধে মাথা তুলিয়ার ইচ্ছা সে করিতে পারে না, সে শক্তিও তাহার নাই। পিতাকে সুখী করিবার জন্য এটুকু ত্যাগস্বীকার সে করিতে পারিবে না?

দিনের পর দিন, রতিকান্তের স্মৃতি তাহার কিশোর হৃদয়ে মলিন হইয়া যাইতে লাগিল, ক্রমে অস্পষ্ট হইতে অস্পষ্টতর হইয়া আসিল, কিন্তু তথাপি ভাবী পতির প্রতি বধোচিত অনুরক্তি হইল না কেন?

হুইটি সম শিকাদীক্ষা প্রাপ্ত তরুণ হৃদয় পরস্পরের সম্মুখীন হইলে, সহজেই প্রণয় বন্ধনে আবদ্ধ হইতে চায়, ললিতা ও নরেন্দ্রর মধ্যে তাহা হইল না। মিকটে থাকিয়াও দূরত্বের ও অপরিচিতের ব্যবধান ও সঙ্কোচ রহিয়া গেল। নরেন্দ্র ক্ষুব্ধ হইলেও হতাশ হইল না। সে মনে করিতে চেষ্টা পাইত, ললিতার

অত্যধিক লজ্জাই এ সঙ্কোচের কারণ, কিন্তু এ লজ্জাও যেন নুতন রকমের। প্রিয়জনের নিকটে রমণীর লজ্জা—তাহার মুখে,কপোলে যে এক সুন্দর নীলিমা দান করে, চোখে এক অপূর্ণ ভাবের ছায়া ঘনাইয়া তোলে, সে লজ্জার পরিচয় তো ললিতার ভাবভঙ্গীতে পাওয়া যায় না। তবে এ কি? নরেন্দ্র যেন আশ্চর্য্য হইয়া যাইত, তবে কি ললিতার তাহাকে পছন্দ হয় নাই? এদিকে ললিতা ভাবিতেছিল, নরেন্দ্রকে এখন ভাল বাসিতে না পারিলেও, বিবাহের পর স্ত্রীর কর্তব্যোচিত ভালবাসা সে তাহার স্বামীকে দিতে পারিবে, প্রথম দর্শনে নভেলিয়ানা রকমের আশ্রয় নাই বা হইল, কিন্তু রতিকান্তর সহিত কি এই রকম নভেলিয়ানাই ঘটে নাই?

রতিকান্তর কারামুক্তির সংবাদ যথা সময়ে সেও শুনিয়াছিল। লাহিত্র বুকের জন্ম ঈশ্বর-চরণে মঙ্গল-প্রার্থনা করিয়াছিল। দুই বৎসর পূর্বেকার রতিকান্ত-জড়িত স্মৃতি বার বার মনের মধ্যে মাধা নাড়িয়া জাগিবার প্রয়াস পাইলেও, ললিতা সে দিন বার বার এ কথাও মনে রাখিতে চেষ্টা করিয়াছিল যে, পিতার মনোনীত নরেন্দ্রই তাহার ভাবী স্বামী, আর কেহ নয়। রতিকান্তর সহিত তাহার দেনা পাওনা হিসাব সব চুকিয়া গিয়াছে।

হা, অবোধ মানবসন্তান, অন্নের কাছে প্রতারিত হইবার ভয়ে সর্বদা সতর্ক হইয়া ফিরিতেছ, অথচ নিজের নিকট নিজেকে কতখানি বাঁচাইতে পারো?

তারপর সহসা, বিজ্ঞাচলে জ্যাঠাইনার সহিত তীর্থ দর্শনে আসিয়া শান্ত অরুণোজ্জল প্রভাতে, তরুছায়াচ্ছন্ন বনপথে একি অভাবনীয় ঘটনা ঘটয়া গেল। মনোরাজ্য হইতে নির্বাসিত, পরিত্যক্ত, বিশ্বৃত রতিকান্ত, অকস্মাৎ কোথা হইতে এতদিনের পর ফিরিয়া আসিয়া অকম্পিত চরণে অগ্রসর হইয়া আপনার ত্যক্ত অধিকার প্রার্থনা করিবার জন্ম মহিমাময় ভঙ্গীতে সম্মুখে আসিয়া দাঁড়াইল। ওগো স্বর্গের দেবতা, একি তোমারই বিচিত্র লীলার পরিচয়, না, ক্ষুদ্র দুর্বল নারীর সহিত ছলনা বা নিষ্ঠুর পরিহাস? কে বলিয়া দিবে গো, আজ অশাগিনী নারীর কর্তব্য কি?

ক্রমশ

শ্রীসরসীবালা বসু।

বর্ষা-নিশীথে

এ কি মেঘমালাময়ী, ঘোরা রাত্রি !

এ-কি ছন্দোময়ী সঙ্গীত সুধাময়ী রাত্রি !

এ-কি বিচিত্র পুলকাকিত

চরাচর পরি বাহিত

রাগ রূপ রস গন্ধ দাত্রী,

ও গো, শ্রাম শোভাময়ী রাত্রি ।

তাজি নিশীথ সুধ শরনে

জাগি প্রেম আকুল নয়নে

কে প্রেম মন্দার চরনে—

নন্দন বনবাত্রী,

ও গো, গীত মধুময়ী রাত্রি ।

নীল নব জলধর দল

সুমণ্ডিত অম্বর তল

বিজলী হার ঝল মল

ও গো, রূপ ময়ী রাত্রি,

ও গো লীলাময়ী রাত্রি ।

বহি, শাকর সম্পৃক্ত পবন মৃদুমন্দ

কহে প্রিয় বারতা মধুময় ছন্দ

মাধি, প্রিয় নিখাস মধুময় গন্ধ

প্রিয় পরশ পুলকিত গাত্রী,

ও গো, প্রেম রঙ্গময়ী রাত্রি ।

হেরি, কিবা নীল রূপ ব্যাপি ভুলোকে

আঁধি তিরপিত ছাতি ছ্যলোকে

প্রিয় নব অমুরাগ পুলকে

প্রেম কণ্টকিত গাত্রী ;

ওগো প্রিয় নীল রূপময়ী রাত্রি,

ওগো মোহিনী, সুধ দাত্রী ॥

শ্রীশ্রীতিবালী সরকার

একটি ধর্মবন্ধুর কথা

বাংলা ১২৯৩ সালে শ্রদ্ধেয় বন্ধু (অন্ধ) চুনীলাল মিত্রের দ্বারা বন্ধুবর হরমোহন মিত্রের সহিত কলিকাতায় আমার পরিচয় হয়। তিনি তখন নয়ানচাঁদ দত্তের গলিতে সপরিবারে বাস করিতেন। যে সময়ের কথা বলিতেছি তখন তাঁহার বয়স ২৬। ৭ বৎসর হইবে। সম্ভবতঃ তিনি আমার সম বয়সী ছিলেন। এখন তিনি পরলোকে। বোধ হয় ১২। ১৩ বৎসর হইল তিনি দেহত্যাগ করিয়াছেন।

হরমোহন বাবু সম্ভ্রান্ত কায়স্থ বংশীয়। অল্প বয়সেই তিনি ধর্ম্মাশুরাগী হইয়াছিলেন। মহাত্মা পরমহংস রামকৃষ্ণ দেবের কৃপাদৃষ্টি তাঁহার উপর কোন সময় পতিত হয় তাহা আমি জানি না, কিন্তু যখন আমার সঙ্গে তাঁহার আলাপ পরিচয় হয় তখন হইতে আমি ইঁহাকে তাঁহার একজন ভক্ত বলিয়া বুঝিয়াছিলাম। ব্রাহ্মসমাজে উপাসনা বন্ধুতা এবং সঙ্গীত সংকীর্ণনাদির প্রতিও তাঁহার আন্তরিক টান পূর্ক্যাপর ছিল।

এমন মিষ্ট স্বভাব সহাস্ত-বদন যুবক আমি অল্পই দেখিয়াছি। এখনও তাঁহার সেই মধুর প্রকৃতি এবং প্রসন্ন মুখ আমার চিত্তে বেশ জাগিতেছে। তাঁহার জীবনের একটি শ্রেষ্ঠ বিশেষত্ব এই ছিল যে, তিনি সরলও সেবা-পরায়ণ ছিলেন। তাঁহার সেবার ভাব অত্যন্ত স্বাভাবিক ছিল। সেই জন্য তাঁহার মধ্যে কিছু মাত্র আড়ম্বর ছিল না। সামান্য বস্তু দ্বারাও তিনি সকলকে সন্তুষ্ট করিতে পারিতেন।

আমি যখন আমার জ্যেষ্ঠ পুত্র বিনয়ভূষণকে বোর্ডিংএ রাখি তখন সে ১০ বৎসরের বালক মাত্র। বোর্ডিং বাড়ীর পাশের বাড়ীতে হরমোহন বাবু থাকিতেন। তিনি একদিন বিনয়কে কিছু ধারার (বড় লেডিকেনি) কিনিয়া দেন, সে দেওয়াটা এমন ভাবের যে এখনও তাহা আমার মনে জাগিতেছে—কি স্বভাবসিদ্ধ তাঁহার সেবার ভাব ছিল! শেষ অবস্থায় ঐখানে আর একটা বাড়ীতে যখন তিনি বিপন্ন অবস্থায় কেবল সম্মান সন্ততি গুলি লইয়া থাকিতেন, তখন তাঁহার বাসা বাড়ীটি একটি সাধারণ বিশ্রামাগারের স্থায় বোধ হইত। বন্ধুবান্ধব যে যখন আসিতেছেন, থাকিতেছেন, যেন তাঁহাদের নিজেরই বাড়ী। পরমহংস মহাশয়ের একটি শিষ্য

(লাটু মহারাজ) প্রায় ঐ খানেই থাকিতেন। হরমোহন বাবু কিছু কিছু নারিকেল সংগ্রহ করিয়া রাখিতেন, তাহা দ্বারাই অনেক সময় অতিথি সংকার করিতেন। আমাকে মধ্যে মধ্যে এক একটি নারিকেল দিতেন।

প্রথম জীবনে তিনি জীবিকার জন্ত কোন চাকুরী করিতেন কিনা তাহা আমি জানি না কিন্তু আমি তাঁহাকে যেপর্যন্ত দেখিয়াছি তখন তাঁহাকে স্বাধীন বৃত্তির পরিচালনাতে রত থাকিতেই দেখিয়াছি। তিনি স্বীয় ধর্ম বিধাসকে ধরিয়া তাহাই প্রচারের উদ্দেশ্যে পরমহংসের উক্তি ও উপদেশ এবং ভক্ত বিদ্যাসাগরের পুস্তকাদি সংকলন ও প্রকাশিত করিয়া বিক্রয় করিতেন। তাহাতে বাহা কিছু আয় হইত তদ্বারাই তিনি পরিবার পালন এবং ভক্ত সেবা করিতেন। ফলতঃ তাঁহার আর্থিক অবস্থা-তর বড় কেহ বুঝিতে পারিতেন না। কখনও দারিদ্রতার তাপে তাঁহাকে মুহ্যমান হইতে দেখি নাই।

যাঁহারা সংসারত্যাগী ফকির—সন্ন্যাসী বা ধর্মসমাজান্তর্গত প্রচারক, তাঁহাদের ভিক্ষাবৃত্তি এবং দানভাণ্ডারের সাহায্যের কথা ছাড়িয়া দিয়া, যাঁহারা গৃহস্থ-সাধক—তাঁহাদের মধ্যে অবশ্য যাঁহারা দৃঢ় ধর্ম-বিদ্যাসী—এমন ব্যক্তিদিগের মধ্যেও ধর্মবিধাসের অনুকূলে জীবিকানির্ভাহ—এবং তাহাতেই সম্ভাষণ লাভ করিতে কয়জনকেই বা দেখা যায়; মনে হয় মানুষ, মঙ্গলগতধর্মে ও তাহার সাধনে যোগ দিয়াও সামাজিক লৌকিকতা—মান সম্মান—প্রয়োজন্যরিত্ত পান ভোজনাসক্তিরূপ ব্যাধি মুক্ত হইতে না পারিয়াই প্রকৃত আধ্যাত্মিক স্বাস্থ্য লাভ করিতে পারেন না। তাহার কলে শারিরিক স্বাস্থ্যও অক্ষুণ্ণ থাকে না। এই জগতই কথিত হইয়াছে, “সর্বমাত্মবশং সুখম্”। ফলতঃ সমাজ মুখীন ধর্ম, অর্থসমৃদ্ধা ও স্বাধীনতা রক্ষা, একত্রে সাধন মানুষের পক্ষে আজও অসাধ্য সাধনের বিষয় হইয়া রহিয়াছে।

আমার সহিত হরমোহন বাবুর আলাপের বোধ হয় ৭৮ বৎসর পরে তিনি বিপন্নীক হন। তখন তাঁহার বয়স ৩৫সের অধিক হয় নাই। তারপর আর তিনি বিবাহ করেন নাই—বিপন্নীক জীবন সচ্ছন্দে কাটাইয়াছেন।

তাঁহার ৪টি পুত্র, ২টি কন্যা। স্ত্রী বিয়োগের পর সংসারে একমাত্র তাঁহার বিমাতা ছিলেন। তিনিও সাধারণ সংসারী স্ত্রীলোকের মত নহেন। তিনিও পরমহংস দেবের ভক্ত—ধর্মাত্মরাগিনী ছিলেন। একটা প্রবাদ কথা শুনিয়াছিলাম যে, “বিমাতা সচরাচর সপত্নীপুত্রে স্বাভাবিক স্নেহশীল হন না। কিন্তু যদি হন তবে অতিমাত্রায়।” এই কথাটি সর্বথা সত্য

কিনা জানি না, এ ক্ষেত্রে কিন্তু সফল হইতে দেখিয়াছি। হরমোহন বাবুর বিমাতা হরমোহন বাবুকে অতিশয় ভাল বাসিতেন, অথচ ধর্ম-কর্ম সাধুসেবার সর্বদা ব্যস্ত থাকিয়া ইতস্ততঃ বেড়াইতেন।

মানুষ নিজের সম্বন্ধে নিজেরই অনুগামী করিতে চায়। সাধ্যানুসারে সকলেই সম্বন্ধের শিক্ষা সংস্কারের সেইরূপই ব্যবস্থা করেন। অবশ্য সাংসারিক বিষয় অধিকাংশস্থলে তাহার সফলতাও দেখা যায় বটে কিন্তু স্বভাব-প্রকৃতি রাজ্যে কিম্বা আধ্যাত্মিক জীবনে আশানুরূপ কৃতকার্য হইতে দেখা যায় না। মহাপুরুষ অথবা উচ্চশ্রেণীর জ্ঞানী ভক্ত সাধু-সজ্জনের পুত্র পিতৃানুরূপ প্রায় দেখা যায় না।

হরমোহন বাবু অনেকদিন পূর্বে যখন তাঁহার জ্যেষ্ঠপুত্র সত্যচরণ নিতান্ত বালক, তখন তিনি তাঁহার দ্বারা প্রকাশিত কোন কোন পুস্তকের “প্রকাশক সত্যচরণ মিত্র” এইরূপ লিখিয়া দিয়াছিলেন। ইহাতে মনে হয় তাঁহার প্রিয় পুত্রকে এই সম্বন্ধে অবলম্বন করিতে ইঙ্গিত করিয়াছিলেন। সুখের বিষয় তাঁহার সে চেষ্টা বা বাসনা পূর্ণ হইয়াছে। স্মরণ্য প্রসঙ্গ ক্রমে (অনেক কথা বলিবার থাকিলেও) সংক্ষেপে শ্রীমান্ সত্যচরণ মিত্র সম্বন্ধে হ’ একটি কথা বলিলে বোধ হয় অপ্রাসঙ্গিক হইবে না।

পিতার মৃত্যুকালে সত্যচরণ ও তাঁহার ভ্রাতৃগণ বালক মাত্র। এই বালকদিগের সাধারণতঃ যে প্রকার অবস্থা তাহাতে সামান্য স্কুলের পড়াশুনা ব্যতীত অধিক আর কিছু হয় নাই। তারপর অল্প বয়সে অর্থোপার্জন চেষ্টায় সংসারশ্রোতে ভাসিয়া যাওয়াই সত্যচরণের নিয়তি হওয়া উচিত ছিল। কিন্তু তাঁহার মন কেবল ক্ষুদ্র সাংসারিক চিন্তার দিকে না গিয়া ধীরে ধীরে ঐ পিতার প্রদর্শিত পথে—ধর্মচর্চা সাহিত্যসেবার দিকেই গেল। এইখানে বিধাতার গুঢ় রহস্য কে অস্বীকার করিবে?

বন্ধুর হরমোহনের মৃত্যুর কিছুদিন বাদে অনুমান সত্যচরণ যখন ২০।২১ বৎসরের যুবক তখন আবার আমি সহসা একদিন তাঁহাকে ধর্মবন্ধুর অনুগত বিনীত পুত্র রূপেই দর্শন করি। তদবধি মধ্যে মধ্যে সত্যচরণ আমার নিকট যাতায়াত করিতেন। ক্রমে ধর্মভাবের সঙ্গে সঙ্গে তাঁহাকে সাহিত্যানুরাগী হইতে দেখিতে পাই। পরমহংসদেবের প্রতি এবং ব্রাহ্মসমাজের সাধুভক্তদিগের প্রতিও তাঁহার সরল হৃদয়েব অনুরাগ ফুটিয়া উঠিতেছিল।

তারপর সহসা দেখিলাম সত্যচরণ, বরাহনগর হইতে “প্রতিবাসী” মাসিক

পত্র বাহির করিয়াছেন। কিছুদিন সেই কাজে তাঁহাকে সম্পূর্ণ উচ্চমণীল ও অমুরাগী দেখিতে লাগিলাম। বরাবর শুনিয়া আসিতেছি, বিবাহাদি করিয়া সংসারী হইতে সত্যচরণের প্রবৃত্তি নাই। তাঁহার মুখে মধ্য মধ্যে শুনিলাম, “আর্থিক অবস্থা যখন ভাল নয়—তখন বিবাহ করা অনুচিত।” (জানিনা একরূপ অনুচিত বোধ করজন যুবক করিয়া থাকেন)—বিশেষতঃ আর ৩ টি ভাই তাঁহারা একত্রে থাকিয়া একভাবে চলিবেন কি না তাহার স্থিরতা নাই, সুতরাং তিনি আর সাংসারিকজীবনে জড়িত হইবেন না এই কথাই শুনিতেছিলাম।

তারপর আজ বৎসর তিন হইল একদিন সহসা শুনি সত্যচরণ বিবাহ করিয়াছেন। ব্যাপার কি? না—এক বন্ধুর বিবাহের নিমন্ত্রণে গিয়া (অবশ্য বন্ধুটি কার্যস্থ) দেখেন দেনা-পাওনার গণ্ডগোলে উপস্থিত বিবাহ ভাঙিয়া গেল। পাত্রীটির তেমন কেহ নাই—এক মামীমা অভিভাবিকা মাত্র। তিনি এই আসন্নবিপদে অসহ্যতা করিতে উদ্ভতা—মহা গোলযোগ!

এই অবস্থায় সত্যচরণের কোন বন্ধু বলিলেন, “সত্য, তুমি এই কন্যাটিকে বিবাহ করো।” সত্যচরণ বিধাতার কি ইচ্ছিত বুঝিলেন, তাই তিনি সম্মতি দিয়া উপস্থিত ক্ষেত্রে শতাধিক টাকা ব্যয়ে বিবাহের কার্য্য নিৰ্কাহ করিয়া সকল দিক রক্ষা এবং কন্যাটিকে পত্নীরূপে গ্রহণ করিলেন।

ঈশ্বর-কৃপায় এই মিলনের ফল ভালই হইয়াছে। এই দম্পতীর মধ্যে পারিবারিক শান্তি দেখা যাইতেছে। মেয়েটি অতি লক্ষ্মী—শান্তশীলা ধর্ম্মামুরাগিনী। সরল প্রেমিক ভগবদ্ভক্ত স্বামী লাভ করিয়া নিজেকে ধন্য মনে করিতেছেন—বাস্তবিক নয় নারীর এইখানেই কৃতার্থতা, প্রত্যেক জীবনের জগুই কোন না কোন আকারে ভগবানের আশীর্বাদ আছেই, মানুষ তাহা দেখিয়া যদি তাহাতেই সন্তুষ্ট হয়, তবেই সুখ শান্তির মূল প্রাপ্ত হয়। বলা বাহুল্য এই সন্তোষ বুদ্ধি টুকুই এই বালিকার জীবনে বিধাতার দান। বিধাতা করুন, এই নব দম্পতি যেন চিরদিন জীবনে তাঁহার করুণা ধরিয়াই থাকিতে পারেন।

বর্তমান সময়ে শ্রীমান্ সত্যচরণ বরাহনগরে বাস করিতেছেন। প্রবন্ধ বাহুল্য আশঙ্কায় আর অধিক কিছু বলিতে পারিলাম না।

বিবিধ সংগ্রহ ও মন্তব্য

ভারতে শিক্ষার প্রসার—শিক্ষাবিবরণী দৃষ্টে জানা যায়, সমগ্র ভারতবর্ষে উচ্চ ও মধ্য শ্রেণীর সর্বপ্রকার স্কুল সংখ্যা—

	স্কুল সংখ্যা	ছাত্র সংখ্যা
১৯১৫-১৬ সালে	৭,৩০২	১১ লক্ষ ৩২ হাজার ৭৫১
১৯১৬-১৭ ,,	৭,৬৯৩	১১ লক্ষ ৮৬ হাজার ৩৩৫

বৃদ্ধি স্কুল সংখ্যা—৩৯১, ছাত্র ৫৩ হাজার ৫৮৪ জন।

কলেজ—১৯১৫-১৬ সালে ২০০ ছিল, ১৯১৬-১৭ সালে ১৯৫ হইয়া ৫টি কমিয়াছে কিন্তু ছাত্র সংখ্যা ৫৫ হাজার ৬২০ স্থলে বাড়িয়া ৫৮ হাজার ৩৩৯ হইয়াছে।

বালিকাবিদ্যালয়—১৯১৫-১৬ সালে ১২ হাজার ৫৬৯। ছাত্রী—১১ লক্ষ ৮৮ হাজার ১৪০ ছিল।

১৯১৬—১৭ সালে ছাত্রী—১২ লক্ষ ৩০ হাজার ৪১৯ হইয়াছে সুতরাং আলোচ্য বর্ষে শিক্ষার্থিনীর সংখ্যা ৪২ হাজার বাড়িয়াছে। তথাপি ভারতে একশত জীলোকের মধ্যে ১ টির মাত্র বর্ণ পরিচয় হইয়াছে। পুরুষের মধ্যেও সমগ্র ভারতে একশতের মধ্যে ৯৫ জন বর্ণ জ্ঞান শূন্য।

ব্রাহ্মণাদির স্বধর্ম ত্যাগ—কেবল যাজনা, অধ্যাপনা, এবং প্রতিগ্রহ (দান লওয়া) দ্বারাই ব্রাহ্মণ জীবন ধারণ করিবেন, ইহাই শাস্ত্রবাক্য। কিন্তু ১৯১১ সালের আদম সুমারি রিপোর্টের দ্বিতীয় খণ্ডের ষোড়শ তালিকা হইতে দেখা যায়, পূর্ববাংলায় শতকরা ২৮ জন, পশ্চিমবাংলায় শতকরা ১৯ জন ব্রাহ্মণ আংশিকভাবে মাত্র স্বধর্মপালনে বা নিজবৃত্তিতে টিকিয়া আছেন। ঐরূপ ক্ষত্রিয়, প্রজার কর গ্রহণ করিয়া, বৈশ্য, কৃষি বাণিজ্য ও কুসীদ অথবা শিল্প দ্বারা জীবিকা নির্বাহ করিবেন, সেই স্থানে (ক্ষত্রিয় তো ইংরাজ) বৈশ্য পূর্ববাংলায় শতকরা ১৫ জন, পশ্চিমবাংলায় একজনও নয়, কায়স্থ পূর্ববাংলায় একজনও নয়, পশ্চিমবাংলায় শতকরা ১৯ জন স্ববৃত্তিতে আছেন, কিন্তু ব্রাহ্মণ পূর্ববাংলায় শতকরা ৭২ জন পশ্চিমবাংলায় ৮১ জন, বৈশ্য ৮৫ জন কায়স্থ ৮১ জন, “স্বধর্মের নিধনঃ শ্রেয়ঃ পরোধর্ম ভয়াবহঃ” শাস্ত্র বাক্য রক্ষা করিয়া নিধন পর্যন্ত অপেক্ষা করিতে পারেন নাই।—বঙ্গদেশে ৩ লক্ষ ১৪ হাজার ব্রাহ্মণ গৃহস্থের বাস, তাহার মধ্যে ৮১ হাজার গৃহস্থ বা রকম ৮/১০

চোদ্দ পাই মাত্র যাজনা ও অধ্যাপনা করেন। অবশিষ্ট ৫১০ সাড়ে বার আনা রকম ব্যবসায় ও চাকুরী করেন। চাকুরীর মধ্যে গৃহপাচকের কার্য ও অন্যান্য হীনবৃত্তি গ্রহণ করিয়াছেন। গৃহভূত্যের মধ্যে ব্রাহ্মণপাচকের সংখ্যা ২৫ হাজার, কায়স্থ ভূত্য ১১ এগার হাজার, কৈবর্ত্য ১০ হাজার, গোপ ৮ হাজার, সদগোপ ৫ হাজার, নমঃসূত্র ৫ হাজার। অর্থাৎ শাস্ত্রবর্ষিত শূদ্রবৃত্তি গ্রহণে অন্যান্য জাতি অপেক্ষা ব্রাহ্মণ ও কায়স্থের সংখ্যা অধিক দেখা যায়।

মুসলমান অধিকারের সময়ে হিন্দুসমাজ ইসলাম (সামোর) ধর্ম গ্রহণ করিতেছিলেন। শ্রীচতুর্দেব তখন “চণ্ডালোহপি বিজ শ্রেষ্ঠঃ হরিভক্তি পরায়ণ” ভক্তি পথে এই নীতি প্রচার দ্বারা আহারে এবং বিবাহে জাতিভেদ রহিত করিয়া হিন্দুসমাজকে ইসলামের আকর্ষণ হইতে নিবৃত্ত করেন। কিন্তু প্রবল বাধার সম্মুখে ঐ স্রোত মন্দীভূত হইয়া গেল। ইংরাজ অধিকারে ইংরাজীশিক্ষার প্রভাবে উচ্চশ্রেণীর হিন্দুগণ খৃষ্টধর্ম গ্রহণ করিতে লাগিলেন। তখন রাজা রামমোহন ও মহর্ষি দেবেন্দ্রনাথ একেশ্বরবাদ—ভারতের লুপ্ত ব্রহ্মজ্ঞান এবং ব্রহ্মানন্দ কেশবচন্দ্র জাতিভেদের বিরোধী সাম্যের ধর্ম প্রচার করিয়া খৃষ্টীয়ান স্রোত রুদ্ধ করিলেন। শ্রীগৌরঙ্গ ও ব্রহ্মানন্দ যে প্রণালী অবলম্বন করিয়া হিন্দুসমাজ রক্ষা করিয়াছিলেন, তন্নিয় হিন্দুসমাজ রক্ষার উপায়ান্তর ছিল না। অথচ তাঁহাদের প্রথা বেদ স্মৃতি বিরোধী নহে। অর্থাৎ অসবর্ণ বিবাহে ও আহারে পরস্পর স্পর্শ, দোষনীয় ছিল না। কিন্তু স্মার্ত রঘুনন্দনের অনুবর্তিত পথে আজো ষাঁহারাই সমগ্র হিন্দুসমাজকে টানিয়া রাখিতে চান, তাঁহারা কি উজান স্রোতে সমাজকে রক্ষা করিতে পারিবেন? (সঞ্জীবনী হইতে গৃহীত)

কারাগারে বালকদিগের শিক্ষা—আলিপুরে বালক-কারাগারে গভর্ণ-মেন্ট কয়েদী বালকদিগের সংশোধনের চেষ্টায় যে কায করিয়াছেন তাহা প্রশংসনীয়। বাবু জ্ঞানাঙ্গন নিয়োগী গত ৬ মাস যাবৎ আলিপুর কারাগারের বালকদিগের মধ্যে সুনীতি ও সস্তাব প্রচার করিতেছেন। এবং ঐ কারাগারে বালকবিদ্যালয়ের প্রধান শিক্ষক ছাত্রদিগকে লইয়া প্রাতে, মধ্যাহ্নে ও সায়ংকালে সংক্ষিপ্ত প্রার্থনা করিয়া থাকেন। প্রত্যেক শনিবারে নীতি বিদ্যালয়ের কায হয়।

বালকদিগের সঙ্কল্প শিক্ষা দান—

১। আমি কখনও মিথ্যা কথা কহিব না। আমাকে কেহ গালি দিলে আমি তাহাকে গালি দিব না। যদি কেহ আমাকে কষ্ট দেয় আমি জমাদারের নিকট রিপোর্ট দিব।

২। আমি কোন ওয়ার্ডারের সঙ্গে ক্রুচ ব্যবহার করিব না, যথাযথ ছকুম মান্ত করিব। আমি আমার কাজ মনোযোগের সহিত করিব ও শিখিব।

৩। অন্য কোন ছেলের সঙ্গে অনর্থক কথা বলিব না। মনোযোগের সহিত পাঠ করিব। নম্বরে বন্ধ হইবার পর কোন ছেলের সঙ্গে কথাবার্তা বলিব না।

৪। চক্ষু, কর্ণ, দন্ত ও শরীরের অন্যান্য অবয়ব পরিষ্কার রাখিব। মনোযোগের সহিত ব্যায়াম করিব ও শিখিব। তামাক কিম্বা অন্য কোনও মাদক দ্রব্য হাত দিয়াও ছুঁইব না।

৫। প্রাতে ও সন্ধ্যায় প্রার্থনা করিব। আমি এই জেল হইতে ভাল ছেলে হইয়া বাহির হইব।

দেহ পুষ্টি—কলিকাতার একজন মৈনিক ডাক্তার এক প্রবন্ধে দেহ পুষ্টির কয়েকটি কারণ উল্লেখ করিয়াছেন। ১ম। সুস্থ বা অসুস্থ যে কোন অবস্থায় আহারে কুচি না হইলে আহার করিবে না। ২য়। ভালরূপে চর্বন করিয়া আহার করিবে। ৩। দ্বিপ্রহর ও সন্ধ্যায় পর আহার করিবে। ৪। ভাত ডাল মাছ মাংস কম খাইয়া দুধ, ফল ও তরকারি উপযুক্ত পরিমাণ খাইবে।

মন্তব্য—১। দ্বিপ্রহরের পূর্বেই যাহাদের আহার করিতে হয় তাঁহারা রাত্রে না খাইয়া সন্ধ্যায় কিঞ্চিৎ পূর্বে আহার করিবেন। রাত্রি ৯টা বা ১০টার শয়নের পূর্বে সামান্য পানীয় ব্যতীত আর কোন আহার করিবেন না। ইহাতে প্রাতে শরীর স্বচ্ছন্দবোধ এবং বেলা ৯।১০টার আহারে বেশ কুচি হইবে।

২। ভাত কিছু কম খাইয়া ফল দুধ দৈ এবং সন্দেশ খাইলে ভাতই হয় বটে কিন্তু যাহাদের ভাতই প্রধান খাদ্য তাঁহারা অধিক তরকারি এবং মশলা বেশী দেওয়া ব্যাঞ্জনের পরিবর্তে সাদা সিদা রান্না তরকারি বা কেবল সিদ্ধ তরকারি ও ডালের বুধ আর ভাত খাইলে অধিক উপকার পাইবেন। পরীক্ষায় আমরা ইহাই বুঝিয়াছি।

মহাসমরে জেলখানার আনুকূল্য — বন্দী কারাগার সমূহ হইতে গত দুই বৎসরে মেসোপটোমিয়ায় ৬০৬ জন কয়েদীকে শ্রমজীবির কাষে পাঠান হইয়াছে। তন্মিহ্ন ছালা, ছট, ক্যাষ্টর অয়েল, সরিষার তৈল, এবং ৪৪ হাজার কঞ্চল ও ৩ লক্ষ ৫৬ হাজার ব্যাণ্ডেজ পাঠান হইয়াছে।

স্থানীয় বিষয় ও সংবাদ

গত ১১ই আষাঢ় মঙ্গলবার রাত্রি দ্বিপ্রহরকালে গোবরডাঙ্গার মহামান্য জমিদার রায় গিরিজাপ্রসন্ন মুখোপাধ্যায় বাহাদুর পরলোক গমন করিয়াছেন। গোবরডাঙ্গার নুতন বাসভবনেই তাঁহার হৃদযন্ত্রের ক্রিয়া রোধ হইয়া সহসা এই ঘটনা হয়, সুতরাং তাঁহার আকস্মিক মৃত্যু সংবাদে সমস্ত কুশদহবাসী এবং ঐ প্রদেশস্থ সর্বসাধারণ জনমণ্ডলী অত্যন্ত সংক্লান্ত হইয়া উঠে— হইবারই কথা, বাস্তবিক গিরিজাপ্রসন্ন বাবু সুবিখ্যাত বহুগুণান্বিত জমিদার এবং প্রধান ব্যক্তি ছিলেন। তাঁহার অভাবে সকলেই দুঃখিত হইবেন ইহা অত্যন্ত স্বাভাবিক। তাঁহার শ্রায় চিরদিন পল্লীবাসী হইয়া প্রজা পালনে রত থাকিতে সহসা দেখা যায় না। তিনি কোর্ট অব ওয়ার্ড হইতে বাহির হইয়া একাদিক্রমে নুত্বাধিক ৪০ বৎসর কাল (বর্তমানে তাঁহার বয়স অন্ত ৬২ বৎসর হইয়াছিল) স্বীয় কর্তব্য কার্যেই জীবন অবসান করিলেন। দেশের সাধারণ প্রতিষ্ঠান গুলিতে তাঁহার প্রধান আসন দীর্ঘকাল অক্ষুণ্ণ ছিল। তিনি তেজস্বী বিচক্ষণ অথচ মিষ্টভাষী ছিলেন। আমরা সত্য সত্যই তাঁহার জ্ঞান হৃদয়ে গভীর আঘাত বোধ করিতেছি। অতঃপর তাঁহার শোকাতুরা পত্নী এবং শোকার্ভ পুত্র কন্যাগণ ও সমস্ত পরিবারবর্গের সহিত সমবেদনা অনুভব করিয়া এক্ষণে এই কথাই মনে হইতেছে যে, যিনি ইহাপরলোকস্থ সকলেরই একমাত্র আশ্রয় ও অবলম্বন, সেই সর্বাশ্রয়দাতা ভগবান ভিন্ন ইহ পরলোকে শান্তিদাতা আর কে আছেন? আমরা যেন তাঁহারই দ্বারে শান্তনার প্রার্থী হইতে পারি।

গত ১৮ই আষাঢ় মঙ্গলবার সন্ধ্যা ৭ ঘটিকার সময় সেন্ট্রাল-কলেজ ভবনে (৭১।২, কর্ণওয়ালিশ ষ্ট্রীট) রায় গিরিজাপ্রসন্ন মুখোপাধ্যায় বাহাদুরের পরলোকগমনোপলক্ষে “কুশদহ-সমিতির” একটি বিশেষ অধিবেশনে ‘শোকসভা’ আহত হইয়াছিল। সম্পাদক-প্রেরিত তদ্বিবরণ অগ্ৰত্বে প্রকাশিত হইল।

জমিদার গিরিজাপ্রসন্ন বাবুর পরলোকগমনে “শোকোচ্ছ্বাস” শীর্ষক ২টি কবিতা—১টি, হরদারপুর জমিদার তরফ হইতে, আর ১টি গোবরডাঙ্গা স্কুলের শিক্ষক ও ছাত্রবৃন্দ স্বাক্ষরিত, এবং গোবরডাঙ্গা হইতে ডাক্তার শ্রীযুক্ত সুরেন্দ্রনাথ ভট্টাচার্য্য—লিখিত ‘বিলাপ’ শীর্ষক প্রবন্ধ আমরা প্রাপ্ত হইয়াছি, কিন্তু স্থানাভাবে তাহা প্রকাশ করিতে না পারিয়া দুঃখিত হইলাম।

কতিপয় গ্রামবাসীর উদ্যোগে ২৭শে আষাঢ় বৃহস্পতিবার, সাংসকালে গোবরডাঙ্গা-মিউনিসিপাল হলে স্বর্গীয় গিরিজাপ্রসন্ন বাবুর জন্ম আর একটি “শোকসভার” অধিবেশন হইয়াছিল। এই সভার সভাপতি হইয়াছিলেন ডাক্তার শ্রীযুক্ত কেশবচন্দ্র মুখোপাধ্যায়। শ্রীযুক্ত পণ্ডিত বরদাকান্ত মুখোপাধ্যায়, কবিরাজ শ্রীযুক্ত কৃষ্ণনাথ তিথকাচার্য্য, ডাক্তার শ্রীযুক্ত সুরেন্দ্রনাথ ভট্টাচার্য্য, শ্রীযুক্ত কুঞ্জবিহারী চট্টোপাধ্যায় এবং “কুশদহ-সম্পাদক” প্রভৃতি বক্তাগণ সমরোপযোগী ভাবে লিখিত প্রবন্ধ ও মৌখিক বক্তৃতা দ্বারা শোক প্রকাশ করেন। সঙ্গীত এবং কবিতা পাঠ দ্বারাও সভার কার্য্যকে জমাট করিতে চেষ্টার ক্রটি হয় নাই। এই “শোকসভা” সখকে নিতান্ত কর্তব্য বোধে আমরা কিঞ্চিৎ মস্তব্য প্রকাশ করিতে বাধ্য হইলাম। এই শোকসভার প্রধান উদ্যোগী শ্রীযুক্ত কুঞ্জবিহারী চট্টোপাধ্যায় প্রমুখ তিন ব্যক্তির স্বাক্ষরিত একখানি অনুর্ত্তানপত্র কুশদহ-সমিতির সম্পাদকের নামে পাঠাইয়া কুশদহ-সমিতিকেও উক্ত শোকসভায় যোগদানের জন্ম আহ্বান করা হইয়াছিল। ঘটনাক্রমে সমিতির পক্ষ হইতে দু’ একটি সভ্য ব্যতীত অধিক সংখ্যক সভ্যের কলিকাতা হইতে গোবরডাঙ্গায় যাওয়া সম্ভবপর হয় নাই। যথা সময়ে সমিতির কলিকাতাহ সভ্যগণের সম্মিলনে গিরিজাপ্রসন্ন বাবুর জন্ম একটি শোকসভার অধিবেশন হইয়াছিল। আমরা জানি, কুশদহ-সমিতি কোন ব্যক্তিগত বা গ্রামগত প্রতিষ্ঠান নয়, কিন্তু ইহা সমগ্র কুশদহবাসীর সম্মিলনের স্থল। কুশদহ-সমিতি নিয়মতন্ত্র-প্রণালী দ্বারা পরিচালিত। সমিতি নিয়ম প্রণালীগত ভিত্তি স্থাপন-রূপ কার্য্যে ব্যাপ্ত থাকায় কুশদহর পল্লীতে পল্লীতে ‘শাখা-সমিতি’ স্থাপনাদি কার্য্যে আজও হস্তক্ষেপ করিতে না পারায় সহসা গোবরডাঙ্গায় শোকসভার অধিবেশন করা সম্ভবপর হয় নাই। কিন্তু গোবরডাঙ্গার অধিবাসীগণ যদি এই উপলক্ষ্যে প্রথমেই সমিতির যোগে গোবরডাঙ্গায় এই “শোকসভা” আহ্বান করিতেন, তাহা হইলে কাজ

আরো ভালই হইত। বাহা হউক গোবরডাঙ্গার মহামান্ত্র জমিদার বাহাদুরের
জন্ম গ্রামবাসীর পক্ষে এই শোকসভার অধিবেশন একেবারে অস্বাভাবিক নয়।
অতঃপর সভার অমুঠান পত্রে স্বাক্ষরকারী এক কুঞ্জবাবু ব্যতীত—শ্রীযুক্ত
কিশোরীলাল চট্টোপাধ্যায়, ডাক্তার সুরেশচন্দ্র মিত্র, তত্ত্বিন্ন জমিদার পরিবারের
প্রধান শোককারীগণের মধ্যে রায় বাহাদুরের পুত্রদ্বয় ব্যতীত শ্রীযুক্ত জ্যোতিঃ
প্রসন্ন বাবু ও তাঁহার ভ্রাতাগণ কিম্বা স্বর্গীয় ছোট বাবুর পুত্রগণ এই সভায়
উপস্থিত থাকিতে না দেখিয়া আমরা দুঃখিত হইলাম।

সকলেই জানেন গৃহ-বিবাদে গৃহস্থ কেমন বিনষ্ট হয়। জমীদারে
জমীদারে বিবাদেও কত সময় অনর্থপাত হইয়াছে। গত ১০ বৎসর ব্যাপিয়া
গোবরডাঙ্গার জমিদার মধ্যম তরফে এবং হরদারপুরের বহুমল্লিক জমীদারে,
বেড়ী-রামনগর বাঁমড় সংক্রান্ত বিষয় লইয়া পরস্পর বিবাদ চলিতে ছিল।
আমরা এপর্যন্ত ব্যক্তিগত বিবাদ সম্বন্ধে কোন কথা বলা উচিত মনে করি
নাই। সম্প্রতি বিশ্বস্ত-সূত্রে শুনিয়া সুখী হইলাম যে, ঐ বিবাদ এবার সম্পূর্ণরূপে
নিষ্পত্তি হইয়াছে। ইহা দেশের পক্ষেও সুসংবাদ বটে।

এবার গোবরডাঙ্গা স্কুলের পরীক্ষার ফল সম্ভাষণক হইয়াছে। ম্যাট্রিক-
কুলেশন পরীক্ষার্থী ১০টি ছাত্রের মধ্যে ১ম বিভাগে ৩, ২য় বিভাগে ৪,
৩য় বিভাগে ১টি; মোট ৮টি ছাত্র উত্তীর্ণ হইয়াছে। এজন্য প্রধান শিক্ষক
এবং তাঁহার সহযোগীগণের সহিত আমরাও আনন্দ প্রকাশ করিতেছি।

সমগ্র কুশদহবাসী কত ছাত্র কে কোন্ বিষয়ে কোথা হইতে
পরীক্ষায় উত্তীর্ণ হইয়াছেন তাহা জানা যায় না। এজন্য আমরা
অসম্পূর্ণ-সংবাদ দিতে পারিলাম না, কিন্তু আমরা সমস্ত ছাত্রগণের মঙ্গল
কামনা করি।

বেড়ীম নিবাসী শ্রীযুক্ত আশুতোষ মুখোপাধ্যায় মহাশয়ের ভ্রাতৃপুত্র,
কলিকাতার ৩৭নং হুর্গাচরণ মিত্রের ষ্ট্রীটস্থ শ্রীযুক্ত ক্ষেত্রমোহন মুখোপাধ্যায়
মহাশয়ের কনিষ্ঠ পুত্র শ্রীমান্ নগেন্দ্রনাথ মুখোপাধ্যায় যখন মেডিকেল-কলেজে,
৬ষ্ঠ বার্ষিকী শ্রেণীতে পড়িতে ছিলেন, এমত সময় (২৮শে পৌষ) “কুশদহ-

সমিতির" জন্ম হয়। শ্রীমান্ নগেন্দ্রনাথ বিধাতা-পরিচালিত হইয়া সমিতির সম্পাদকীয় গুরুতর কর্তব্য ভার গ্রহণ করেন। এন্ বি, পরীক্ষার শেষ সময়ে এই নব সমিতির কার্যভার বহন করিয়াও নিয়মিত কলেজ গমন ও পরীক্ষায় প্রস্তুত হইয়া জৈশ্বর-প্রসাদে তিনি এন্ বি পরীক্ষায় উত্তীর্ণ হইয়াছেন, এবং ভেদজ বিষয়ে (মেডিসিনে) বিশেষত্ব লাভ করিয়াছেন। এতদ্বারা ইহাই প্রতিপন্ন হইতেছে যে, যাহারা উচ্চচিন্তা—মহৎ বিষয়ের সঙ্গে যোগ রক্ষা করিয়া নিজ জীবনের কর্তব্য পথে চলেন, তাঁহারা অধিক শক্তিশালী হন। একত্রে বহু বিষয় কর্তব্য পালন তাঁহাদের পক্ষে কঠিন বোধ হয় না। অশ্রুথা ক্ষুদ্র চিন্তা লইয়া যাহারা সংসারযাত্রা আরম্ভ করেন, তাঁহারা কোন গতিকে পৃথিবীর ধনী হইলেও বাস্তবিক 'বড় লোক' হইতে পারেন না।

শোক-সভা

(প্রাপ্ত)

গোবরডাঙ্গার মহামান্য জমিদার

রায় গিরিজাপ্রসন্ন মুখোপাধ্যায় বাহাদুরের

পরলোকগমনোপলক্ষ্যে

কুশদহ-সমিতির বিশেষ অধিবেশন।

তারিখ—২রা জুলাই ১৮ই আষাঢ় ১৩২৫।

স্থান—সেন্ট্রাল কলেজ-ভবন

(৭১২ কর্ণওয়ালিস ষ্ট্রীট)

উপস্থিত—শ্রীযুক্ত নিবারণচন্দ্র ঘটক, "পতিরাম বন্দ্যোপাধ্যায়, " নগেন্দ্রনাথ মুখোপাধ্যায়, (সম্পাদক) " গিরিজাভূষণ মুখোপাধ্যায়, (সহঃ সম্পাদক) " ব্রজ কিশোর মিত্র, " সতীশচন্দ্র মিত্র, " হরিদাস মুখোপাধ্যায়, " যোগেন্দ্রনাথ রক্ষিত, " যোগীন্দ্রনাথ কুণ্ডু (কুশদহ-সম্পাদক) " সুরেশচন্দ্র পাল, " রায়েশ্বর রক্ষিত, " রামচন্দ্র দত্ত, " নির্মলচন্দ্র মিত্র, " নিশিভূষণ মুখোপাধ্যায় বি-এল, " নীলাচল মুখোপাধ্যায় বি-এল, " কৃষ্ণকিশোর চট্টোপাধ্যায়, " বিনয়কৃষ্ণ কুণ্ডু, " মনোজপ্রসাদ মিত্র, " বসন্তকুমার ভট্টাচার্য্য প্রভৃতি ২৭২৮ জন।

শ্রীযুক্ত কৃষ্ণকিশোর চট্টোপাধ্যায়ের প্রস্তাবে এবং সর্বসম্মতিক্রমে শ্রীযুক্ত নিবারণচন্দ্র ঘটক মহাশয় সভাপতির আসন গ্রহণ করেন। সভার কার্য্যা-

রঙের পূর্বে শ্রীযুক্ত বিনয়কৃষ্ণ কুণ্ডু পরলোকের ভাবোদ্দীপক “ঐ যে দেখা যায় আনন্দ ধাম, অপূর্ব শোভন—ভবজলধির পারে জ্যোতির্ময়।” এই সুন্দর সঙ্গীতটি গান করিয়া সকলকে পরম পরিতুষ্ট করেন।

তৎপরে সভাপতি মহাশয়ের আদেশক্রমে প্রথমবক্তা শ্রীযুক্ত ব্রজকিশোর মিত্র মহাশয় স্বর্গীয় গিরিজাপ্রসন্ন বাবুর সম্বন্ধে কয়েকটি সংক্ষিপ্ত মন্তব্য প্রকাশ করেন। তিনি বলেন যে, গিরিজাপ্রসন্ন বাবু আমাদের দেশের শীর্ষ স্থানীয় ছিলেন। তাঁহার ঞায় বিচক্ষণ জমিদার অতি বিরল। তাঁহার অভাবে আমাদের দেশ শ্রীহীন হইল।

পরবর্তী বক্তা শ্রীযুক্ত হরিদাস মুখোপাধ্যায় মহাশয়, জমিদার মহাশয়ের গুণাবলী ব্যাখ্যা করিয়া এক হৃদয়গ্রাহী বক্তৃতা করেন। তিনি বলেন যে, গিরিজাপ্রসন্ন বাবুর কোন দোষ ছিল না, এরূপ নহে, কিন্তু অশুকার সভায় আমরা স্বর্গীয় ব্যক্তির দোষ ভুলিয়া গুণাবলী আলোচনা করিবার জ্ঞানই সকলে সমবেত হইয়াছি। তিনি বাস্তবিকই শ্রেষ্ঠব্যক্তি ছিলেন। তাঁহার নিজ গুণেই তিনি এত উচ্চ স্থান লাভ করিয়াছিলেন। তিনি পরোপকারী এবং বিবাদ বিসম্বাদের মধ্যে বিজ্ঞ বিচারক ছিলেন। বিষয় বুদ্ধিতে তাঁহার ঞয় জমিদার বাংলাদেশে আর নাই বলিলেও অত্যাঙ্গি হয় না। তিনি ধনী জমিদার হইয়াও অতি সামান্য ক্ষুদ্র ক্ষুদ্র দরিদ্র প্রজাদিগেরও সংবাদ রাখিতেন। তিনি শ্রমের মর্যাদা জানিতেন, শারীরিক পরিশ্রমকে ঘৃণার চক্ষে দেখিতেন না। সকল বিষয়ে তাঁহার অভিজ্ঞতা এক আশ্চর্য রকমের ছিল। তাঁহার অভাবে আমাদের কুশদহের বিশেষ ক্ষতি হইল।

তৎপরে শ্রীযুক্ত যোগেন্দ্রনাথ রক্ষিত মহাশয় স্বর্গীয় রায় বাহাদুরের সম্বন্ধে সংক্ষিপ্তভাবে বলেন, সামাজিক অভিজ্ঞতা ও তাঁহার নেতৃত্ব শক্তির একটি বিশেষত্ব এই ছিল যে, তাঁহার কথা কেহ অগ্রথা করিতে সাহস করিত না। তিনি আমাদের দেশের সুবিখ্যাত জমিদার ছিলেন।

তৎপরে কুশদহ-সম্পাদক শ্রীযুক্ত যোগীন্দ্রনাথ কুণ্ডু মহাশয়, গিরিজাপ্রসন্ন বাবুর মৃত্যু এবং “কুশদহ সমিতির” কর্তব্য সম্বন্ধে এক সুন্দর ভাবপূর্ণ বক্তৃতা করেন। তিনি বলেন, “কুশদহ-সমিতির” কার্য্য নির্বাহক সভায় এক সপ্তাহ পূর্বে এইরূপ আলোচিত হয় যে, শীঘ্রই সমিতির একটি বিশেষ অধিবেশন গোবরডাঙ্গায় হওয়া আবশ্যিক, এবং তাহাতে শ্রীযুক্ত গিরিজাপ্রসন্ন বাবু বাহাতে সভাপতির কার্য্য করেন তাহার সমস্ত ব্যবস্থা আমাদের করিতে

হইবে। কিন্তু হায়! আজ আমরা তাঁহার জন্য 'শোকসভা' করিতেছি! কিন্তু ইহার মধ্যেও বিধাতার হস্ত দেখিতে হইবে। এ বিশ্ব-সংসারের সমুদয় ঘটনা তাঁহারই অত্রান্ত নিয়ম পরিচালিত। আজ আমরা যাহার অভাবে সন্তপ্ত হইয়াছি, তাঁহার জীবনের কথা আমার পূর্ববর্তী বক্তাগণ বলিয়াছেন, আমি সে কথার পুনরুক্তি করিয়া সময় নষ্ট করিব না। কিন্তু আমি সর্বিনয়ে আপনাদিগকে বলিতে চাই যে, আজ কি আমরা কেবল শোক করিয়া সেই শোকের অন্ধকার নিরাশা লইয়াই ঘরে ফিরিব?—না। আমি আপনাদিগকে এই কথাই স্মরণ করাইতে চাই যে, ভারতবাসী—এমনকি এই বর্তমান বাঙালী জাতির সন্মুখেও আর একটি আদর্শ আছে। তাঁহারা মৃত্যুতে ডুবিয়া থাকেন নাই। তাঁহারা মৃত্যুকে জয় করিয়াছিলেন, ভারতবাসী মৃতসঞ্জীবনী মন্ত্র জানেন। ভারতের ঋষি বলিয়াছেন, “যোবৈ ভূমা তৎ সুখং নাশ্নে সুখমস্তি” অর্থাৎ যাহার শেষ নাই তাহাই সুখের কিন্তু কোন পরিমিত বিষয়ে সুখ নাই। আজ আমাদের সন্মুখ হইতে গিরিজাপ্রসন্ন বাবুর সেই সুন্দর দেহ অন্তর্হত হইলেও তাঁহার আত্মা বিনষ্ট হয় নাই, বৎস এত দিন যিনি আমাদের জমিদার শাসকরূপে বাহিরে ছিলেন, আজ তিনি আমাদের শ্রদ্ধা ও প্রীতি যোগে আমাদের অন্তরের হইলেন; আমরা একটু অন্তর্দৃষ্টির সহিত বিশ্বাস চক্ষে দেখিতে পারিলে দেখিব, তিনি আত্মিকভাবে আমাদের ছাড়া নন।

গিরিজাপ্রসন্ন বাবু কুশদহের এক ছত্রী শাসক ছিলেন, আজ তিনি ইহলোকে নাই,—কিন্তু তাঁহার গমনের পূর্বেই কুশদহ-সমিতির জন্ম হইয়াছে। তিনি ছিলেন একাধিপতি—এক মাত্র নায়ক। অপরদিকে দেখুন “কুশদহ-সমিতি” সেই কুশদহের একজনের শক্তি লইয়া জন্মায় নাই, ইহা সকলের সমবেত শক্তি। তিনি ছিলেন মহামাণ্ড একমাত্র শাসক, আর “কুশদহ-সমিতি” নগণ্য ক্ষুদ্র হইতে মহামাণ্ড সকলের সেবক।

গিরিজাপ্রসন্ন বাবুর বিস্তর গুণ ছিল। আমি তাঁহার গুণের সহিত অস্তুর তুলনা করিবার পক্ষপাতি নহি। কিন্তু আমি বিশ্বাস করি,—আমাদের কুশদহে গুণবান, চরিত্রবান—সাধু প্রকৃতির বিদ্বান, জ্ঞানী, ভক্ত, সেবক, কর্মী সকল জন্ম গ্রহণ করিয়াছেন।

অবশেষে বক্তা বলেন, জগতে একনায়কত্বের দিন চলিয়া যাইতেছে। সমবেত শক্তির প্রতিষ্ঠান গুলিই জাগিয়া উঠিতেছে। কিসে ‘কুশদহ-সমিতি’ কুশদহবাসীর কেন্দ্রীভূত শক্তি হইয়া দাঁড়াইতে পারে ইহা ভাবিবার কথা।

তাই বলি বাহিরে শোক প্রকাশ করিলে চলিবে না ; আজ আমরা দিব্যচক্ষে দর্শন করি যে, সেই একছত্রী নায়কের শক্তিও কুশদহ-সমিতির অঙ্গ প্রত্যঙ্গে মিশিয়া রহিয়াছে। ইহা অনুভব করিয়া আমরা ঝাঁহাকে বাহিরে হারাইলাম আশুন তাঁহাকে ভিতরে লাভ করিয়া সমবেতভাবে দেশের সেবার নিযুক্ত হই।

তৎপরে শ্রীযুক্ত সুরেশচন্দ্র পাল মহাশয় একটি ক্ষুদ্র বক্তৃতায় স্বর্গীয় জমিদার মহাশয় তাঁহাকে ঝাঁটুরা বালিকাবিদ্যালয় প্রতিষ্ঠার সময় কতদূর সাহায্য ও সহায়তা করিয়াছিলেন, তদৃষ্টান্ত প্রদর্শন করিয়া তাঁহার ত্রীশিক্ষানুরাগ এবং তাঁহার উদার ভাবও যে খুব ছিল তাহা প্রকাশ করেন।

সর্বশেষ সভাপতি মহাশয়ের প্রস্তাবে সকলে দণ্ডায়মান হইয়া স্বর্গীয় জমিদার মহাশয়ের জ্ঞাত শোক প্রকাশ করেন এবং তাঁহার শোকসন্তপ্ত পরিবারবর্গকে সহানুভূতি ও সমবেদনা জ্ঞাপনসূচক পত্র প্রেরণ করিবার প্রস্তাব গৃহীত হয়।

অতঃপর সভাপতি মহাশয় সকল বক্তব্যের সারসংক্ষেপ প্রকাশের সহিত তাঁহার নিজের পারিবারিক ঘটনা উল্লেখ করিয়া যে অভিভাষণ প্রকাশ করেন, তাহাতে গিরিজাপ্রসন্ন বাবু সমাজিক বিষয়েও যে উদার মতাবলম্বী ছিলেন তাহাই প্রকাশ করেন।

অতঃপর কুশদহ-সম্পাদক সভাপতি মহাশয়কে ধন্যবাদ প্রদান করিলে সভার কার্য শেষ হয়।

শ্রীনগেন্দ্রনাথ মুখোপাধ্যায়।

(কুঃ সমিঃ সম্পাদক)

কুশদহ-পঞ্জী

(পূর্বাঙ্কুরভিত্তি)

স্বর্গীয় সারদাপ্রসন্ন মুখোপাধ্যায়

স্বর্গীয় সারদাপ্রসন্ন বাবুর স্বর্গীয় পত্নী, বনগ্রামের অন্তর্গত-পানচিতা নকপুল গ্রাম নিবাসী ৩১তরবচ্ছর ভট্টাচার্য্যের কন্যা। সারদাপ্রসন্ন বাবুর ৫পুত্র—৪কন্যা।

১ম পুত্র গিরিজাপ্রসন্ন। ২য়, অন্নদাপ্রসন্ন। ৩য়, জ্ঞানদাপ্রসন্ন। ৪র্থ, ৬প্রমদাপ্রসন্ন। ৫ম, ৬কুলদাপ্রসন্ন।

১ম কন্যা ষোগমায়ী দেবী (বর্তমান-বিধবা)। (২য়) সুরকুমারী। (অবর্তমান) (৩) নিশামণি (অবর্তমান)। (৪র্থ) স্মৃতি দেবী (বর্তমান-বিধবা)।

৩ রায় গিরিজা প্রসন্ন মুখোপাধ্যায় বাহাদুর

গিরিজাপ্রসন্ন বাবুর স্ত্রী, ২৪ পরগণার পাইঘাটা গ্রামের ৩কালচাঁদ দানিয়ার কন্যা। গিরিজাপ্রসন্ন বাবুর ২ পুত্র—২য় কন্যা, তন্মধ্যে শৈশবে মৃত্যু ১টি।

১ম পুত্র জগৎপ্রসন্ন। ২য় শৈলজাপ্রসন্ন।

১ম কন্যা শৈবলিনী (বিধবা)। ২য় সরোজিনী (অবর্তমান)। ৩য় পঙ্কোজিনী (বিধবা)। ৪র্থ নলিনী (বিধবা)। ৫ম শ্রীমতী চাকুভাষিনী। ৬ষ্ঠ শ্রীমতী পদ্মিনী। ৭ম শ্রীমতী কদম্ববালা। ৮ম শ্রীমতী পুষ্পবালা।

১। জগৎপ্রসন্ন বাবুর স্ত্রী, কলিকাতা শোভাবাজার ১নং নন্দরাম সেনের স্ত্রীটির যোগেন্দ্রনাথ গঙ্গোপাধ্যায়ের ৪র্থ কন্যা।

২। শৈলজাপ্রসন্ন বাবুর স্ত্রী, উক্ত যোগেন্দ্র বাবুর ৫ম কন্যা।

১। শৈবলিনী দেবীর স্বামী, ২৪ পরগণার ঐঁড়েদেহের ৩শ্রামাচরণ চট্টোপাধ্যায়ের পুত্র ৩অমৃতলাল চট্টোপাধ্যায়।

২। সরোজিনীর বিবাহ হইয়াছিল বিলগ্রামের ষারিকানাথ চট্টোপাধ্যায়ের পুত্র, শ্রীযুক্ত অম্বিনীকুমার চট্টোপাধ্যায়ের সহিত।

৩। পঙ্কোজিনীর স্বামী, হাওড়া জেলার যুগকলাপ গ্রামের ঈশানচন্দ্র ঘোষালের পুত্র, ৩ননীগোপাল ঘোষাল।

৪। নলিনীর স্বামী, বিলগ্রামের ৩ ক্ষেত্রমোহন চট্টোপাধ্যায়ের পুত্র, ৩ষতীন্দ্রমোহন চট্টোপাধ্যায়।

৫। চাকুভাষিনীর স্বামী, জনাইয়ের শ্রীযুক্ত রমেশচন্দ্র বন্দ্যোপাধ্যায়।

৬। পদ্মিনীর স্বামী, বহুবাজার নিবাসী শ্রীযুক্ত হেমচন্দ্র চট্টোপাধ্যায়।

৭। কদম্ববালার স্বামী, বেহালার শ্রীযুক্ত চিন্তামণি চট্টোপাধ্যায়ের (আদি ব্রাহ্মসমাজের আচার্য্য) পুত্র, শ্রীযুক্ত শচীন্দ্রমোহন চট্টোপাধ্যায়।

৮। শ্রীমতী পুষ্পবালার স্বামী, চুঁচুড়ার শ্রীযুক্ত অতীন্দ্রনাথ গঙ্গোপাধ্যায়।

শ্রীযুক্ত অনন্যপ্রসন্ন মুখোপাধ্যায়

৩সারদাপ্রসন্ন বাবুর ২য় পুত্র অনন্যপ্রসন্ন বাবুর স্ত্রী, হুগলি জেলার ভাণ্ডার হাটা গ্রামের ৩ মতিলাল চৌধুরীর কন্যা।

অনন্যপ্রসন্ন বাবুর ৩ পুত্র—৪ কন্যা; তন্মধ্যে জীবিত ১টি মাত্র।

১ম পুত্র জ্যোতিপ্রসন্ন, ২য় সতীপ্রসন্ন, ৩য় ক্রিষ্ণপ্রসন্ন।

জ্যোতিপ্রসন্ন বাবুর স্ত্রী, হুগলি জেলার শিমলাগড় গ্রামের জয়চন্দ্র রায় চৌধুরীর কন্যা। জয়চন্দ্র বাবু এক্ষণে হুগলিতে বাস করেন।

সতীপ্রসন্ন বাবুর স্ত্রী, আহিরিটোলার বিহারীলাল বন্দ্যোপাধ্যায়ের কন্যা ।
 ক্রিতিপ্রসন্ন বাবুর স্ত্রী, রাজা নবকৃষ্ণ ষ্ট্রিটের ৬ উমেশ বটব্যালের পৌত্রী ।
 অনঙ্গপ্রসন্ন বাবুর একমাত্র জীবিত কন্যা শ্রীমতী প্রমীলাসুন্দরীর স্বামী,
 পূর্ব ন' পাড়া গ্রামের ভোগানাথ বন্দ্যোপাধ্যায়ের পুত্র, শ্রীযুক্ত জয়গোপাল
 বন্দ্যোপাধ্যায় । আর একটি মৃত কন্যার স্বামী, চোরবাগানের শ্রীযুক্ত
 ধীরেন্দ্রনাথ গঙ্গুলী ।

শ্রীযুক্ত জ্ঞানদাপ্রসন্ন মুখোপাধ্যায়

৬ সারদাপ্রসন্ন বাবুর ৩য় পুত্র জ্ঞানদাপ্রসন্ন বাবুর তিন বিবাহ ।

১মা স্ত্রী—হেতমপুরের রাজা রামরঞ্জন চক্রবর্তীর কন্যা ।

২য়া স্ত্রী—গোয়াড়ীর দীননাথ চট্টোপাধ্যায়ের কন্যা ।

৩য়া স্ত্রী—শান্তিপুরের রমানাথ চট্টোপাধ্যায়ের কন্যা ।

জ্ঞানদাপ্রসন্ন বাবুর একমাত্র কন্যা শ্রীমতী আশালতার স্বামী, রমেশচন্দ্র
 বন্দ্যোপাধ্যায় । ইহার বর্তমান ঠিকানা কলিকাতার বলরাম দেব ষ্ট্রিটের
 ডবলিউ, সি, বাড়ীর বাটী । আশালতার জননী, জ্ঞানদা বাবুর ১মা পত্নী ।

৬ প্রমদাপ্রসন্ন মুখোপাধ্যায়

৬ সারদাপ্রসন্ন বাবুর ৪র্থ পুত্র—৬ প্রমদাপ্রসন্ন বাবুর স্ত্রী, জানাই নিবাসী,
 কলিকাতা মৃদ্ধাপুর ষ্ট্রিট প্রবাসী দীননাথ বন্দ্যোপাধ্যায়ের কন্যা । প্রমদাপ্রসন্ন
 বাবুর ৩ পুত্র—১ কন্যা ।

১ম পুত্র সচীপ্রসন্ন, ২য় কমলাপ্রসন্ন, ৩য় অসিতাপ্রসন্ন ।

১। সচীপ্রসন্ন বাবুর স্ত্রী, চন্দননগর সরিষাপাড়ার অধিনাশচন্দ্র চৌধুরীর
 কন্যা ।

২। কমলাপ্রসন্ন বাবুর স্ত্রী, কলিকাতা মুক্তারামবাবুর ষ্ট্রিটের সুশীলকৃষ্ণ
 চট্টোপাধ্যায়ের ২য় কন্যা ।

৩। অসিতাপ্রসন্ন বাবুর স্ত্রী, উক্ত সুশীল বাবুর ৩য় কন্যা ।

৬ প্রমদাপ্রসন্ন বাবুর একমাত্র কন্যা শ্রীমতী মোহিতকুমারীর স্বামী, শিবপুরের
 জীবনকৃষ্ণ চট্টোপাধ্যায়ের পুত্র শ্রীযুক্ত সতীশচন্দ্র চট্টোপাধ্যায় ।

৬ সারদাপ্রসন্ন বাবুর ৫ম পুত্র কুলদাপ্রসন্নের অল্প বয়সে মৃত্যু হয় ।

৬ সারদাপ্রসন্ন বাবুর কন্যাগণ—

১মা, (বর্তমান) যোগমায়া দেবীর স্বামী, এডেদহের ৬ কেশবচন্দ্র চট্টোপাধ্যায়
 ২য়া, (অবর্তমান) সুরকুমারী দেবীর স্বামী, কচুয়াগ্রামের ৬ বরদাপ্রসাদ
 চট্টোপাধ্যায় ।

৩য়া, (অবর্তমান) নিশানি দেবীর স্বামী, উক্ত বরদা বাবুর ভ্রাতা ৬ অনঙ্গদা-
 প্রসাদ চট্টোপাধ্যায় ।

৪র্থী, (বর্তমান) সুষমীদেবীর স্বামী, ধাত্রীগ্রামের ৬ বিষ্ণুচরণ চট্টোপাধ্যায় ।

যোগীন্দ্রনাথ কুণ্ডু দ্বারা কলিকাতা ১২১ নং লোয়ার সারকুলার রোড
 উইলকিন্স প্রেসে মুদ্রিত ও ২৮১ নং ক্রিয়াষ্ট্রিট হইতে প্রকাশিত ।



কুশাধহ

“জননী জন্মভূমি চ স্বর্গাদপি গরীয়সী”

“সত্যম্ শিবম্ সুন্দরম্”

জ্ঞানবিজ্ঞান

সভাবসকার

চরিত্রগঠন

দশম বর্ষ

শ্রাবণ, ১৩২৫

চতুর্থ সংখ্যা

সঙ্গীত *

—০—

ভাল আড় খেনটা

তোমার মতো ‘বড্ডভাল মা’ আর কে আছে বনো ?
ব্রহ্মাণ্ড পালনী-শক্তি, পূর্ণরূপে তুমি কেবল ।
বীজাকারে তুমি পিতা, ধৃত-শক্তি তুমি ধাতা,
স্নেহময়ী রূপে মাতা, সৎস্বরূপে তুমি সম্বল ।
শ্রায় রূপে তুমি রাজা, আমরা সাধারণ প্রজা,
(আবার) যখন করি তোমার পূজা, তুমি ভকত বৎসল ।
বহু রূপে তুমি একা, বিশ্ব-ছবি তব আঁকা,
তোমার ভাব রূপের নাহি অন্ত, তুমি অনন্ত মঙ্গল ।

(সংশোধিত)

* ১৩১০ সালের ১২শে আশ্বিন, গোবরডাঙ্গার বাগীতে অবস্থিত কালীন উপাসনাস্থে এই গানটি প্রকাশিত হয় । দৈনিক লিপিতে (ডায়েরী) লিখিত ছিল । দাস—

কুশদহের ইতিহাস

সুবর্ণ বণিক—প্রবাদমতে অযোধ্যা হইতে সুবর্ণবণিক গোড়ো আগমন করেন, এবং গোড় হইতে ধনপতি দস্তের অনুরোধে উজানী নগরে বাইরা বসতি স্থাপন করেন। তাহা হইলে বুঝিতে পারা যায়, গন্ধবণিক ও সুবর্ণবণিক একই শ্রেণী নহেন এবং এক সময়েও বঙ্গদেশে আসেন নাই। ধনপতির আদেশে যে পাঁচজন সুবর্ণবণিক গোড় হইতে উজানীতে আসিয়া বাস করেন তাঁহাদের নাম নরহরি বড়াল, কর্ণদাস বড়াল, নিরানন্দ দে, বারাগসী চন্দ ও শঙ্করনাথ বণিক।

গন্ধবণিক অপেক্ষা সুবর্ণবণিক যে অধিক অর্থশালী ছিলেন, তাহাও জানিতে পারা যায়। কেননা আশীপণ সোনা কিনিবার আবশ্যিক হওয়ার ধনপতি দস্ত নরহরি বড়ালের সহিত পরিচিত ও মিত্রতা-সূত্রে আবদ্ধ হইয়াছিলেন। তাহা হইলে তখন যে কেবল গন্ধবণিকগণ সমুদ্রপথে দেশ বিদেশে বাণিজ্য করিতেন, তাহা নহে। সুবর্ণ বণিকগণও উক্ত ব্যবসারে লিপ্ত ছিলেন। খৃষ্ট জন্মের সহস্রাধিক বৎসর পূর্বেও সোনা যে ভারতবর্ষ হইতে সমুদ্র পথে বিদেশে রপ্তানী হইত, তাহার উল্লেখ পাওয়া যায়।

খৃষ্টজন্মের তিন সহস্র বৎসর পূর্বে হইতে ভারতীয় বণিক বাবিলন, মিসর প্রভৃতি দেশের সহিত সমুদ্র পথে বাণিজ্য করিতেন। ডাক্তার সয়েশের মতে বাবিলনও ভারতের মধ্যে সমুদ্রপথে বাণিজ্য চলিত। ভারতীয় কাপাস বস্ত্র, চন্দনকাঠ, তুলা, প্রভৃতি বাণিজ্য দ্রব্য ছিল। হিউয়েট সাহেবও উক্ত মতাবলম্বী। কেনেডী, রসম প্রভৃতি পণ্ডিতগণের মতে বাবিলনের রাজা নেবুকাডনজরের রাজত্ববনে ভারতীয় কাঠ দ্বারা ছাদ প্রস্তুত হইয়াছিল। এরূপ একটি কাঠ বাবিলন হইতে লণ্ডনের বাছঘরে নীত হইয়াছে এবং ভারতীয় কাঠের অবশিষ্ট বলিয়া প্রদর্শিত হইয়া থাকে, কিন্তু বিদেশীয় পণ্ডিতগণের মত উদ্ধৃত করিয়াই আমরা ভারতীয় বণিকের প্রতিপত্তি বাড়াইতেছি না। আমাদের দেশের প্রাচীন বৌদ্ধ সাহিত্যে বাবেক জাতক নামক গ্রন্থ আছে। তাহাতে লিখিত আছে, কিরূপে প্রথম ময়ুর লইয়া বাবিলনের রাজার নিকট ভারতীয় বণিক সমুদ্র পথে বাইরা উপস্থিত হইয়াছিলেন। অধ্যাপক বুলর বলেন, পশ্চিম

ভারতের বণিকগণ বহু পূর্বকাল হইতে বাবিলনের সহিত বাণিজ্য-স্বত্রে আবদ্ধ ছিলেন। বাবিলন হইতে ভারতীয় পণ্যদ্রব্য অন্যান্যদেশে নীত হইত।

বাইবেল হইতেও জানা যায় ভারতীয় হস্তিদন্ত, স্বর্ণ, হীরক, চন্দন কাঠ, কাপাস, চাউল, বানর ও ময়ূর সলোমানের (Salomon) রাজধানীতে নীত হইত। আরব দেশেও ভারতীয় বণিকের সমুদ্র পথে যাতায়াত ছিল। মিসরদেশের সমাধি স্থানেও ভারতীয় নীল, তেঁতুলকাঠ দেখা গিয়াছে। অধ্যাপক ল্যাসেন অনুমান করেন যে মিসরবাসীগণ ভারতীয় নীল দ্বারা বস্ত্র রঞ্জিত করিতেন এবং ভারতীয় মসলিন বস্ত্রে তাঁহাদের শবদেহ আচ্ছাদিত করিতেন। গ্রীক ও রোমক লেখকগণ ভারতীয় “স্বর্ণখননকারী পিপীলিকার” কথা লিখিয়া গিয়াছেন। তাঁহারা বলেন, যখন মহাবীর আলেকজান্ডারের সেনাপতি সমুদ্র পথে পঞ্জাব হইতে পারস্য দেশে গমন করেন, তখন প্রায় দুই হাজার ভারতীয় পোতাশ্রয় করিতে হইয়াছিল। তাহা হইলে তখন যে ভারতবাসীর বৈদেশিক বাণিজ্যের কিরূপ উন্নত অবস্থা ছিল, তাহা সহজেই অনুমান করিতে পারা যায়। একমাত্র সিন্ধুনদ বাহিয়া এতগুলি বাণিজ্যপোত যাতায়াত করিত। এতগুলি জাহাজ, সৌরাষ্ট্র, সুপার্নরক পথে আর্ষ্য ও দ্রাবিড়গণের কত পোত যাতায়াত করিত কে বলিবে? এখনও তো আমরা বঙ্গ ও কলিক্তের বাণিজ্য ও বিদেশগামী পোতাবলীর কথা বলি নাই। কোশম্বী, শ্রাবস্তী প্রভৃতি স্থানের বণিকগণ যে সকল পোতে সমুদ্র পথে যাইতেন, তাহারই উল্লেখ করা হইল।

বঙ্গদেশ হইতে সমুদ্র পথে বিজয়সিংহ সিংহল গমন করেন। ইহার পূর্বে সমুদ্র যাত্রা ও জলপথে বাণিজ্য প্রচলিত ছিল। বিজয়সিংহ যে পোতে আরোহণ করেন, তাহাতে তাঁহার শত শত অনুচর ছিল। আর দুই খানি পোতে তাঁহাদের পরিবারবর্গ আরোহন করেন। সুতরাং তখন বাংলার কত বড় পোত নির্মিত হইত, তাহা বুঝা যাইতেছে। বিজয়ের পর তাঁহার বংশীয় অনেক ব্যক্তি সিংহল যাত্রা করিয়াছিলেন। সিংহল ও ভারতীয় দ্বীপ পুঞ্জ ও চীনের সহিত বাংলার ব্যবসা চলিত। চীন হইতে রেশমী বস্ত্র আনিয়া তাহাতে জরীর কাজ করিয়া সমুদ্র পথে মিসর ও রোমে বাংলার বণিক লইয়া যাইতেন। বাংলার মসলিন ও নীলও নীত হইত। ইহার বিনিময়ে রোম সাম্রাজ্য হইতে প্রভূত স্বর্ণমুদ্রা আসিত।

কাশ্মীরের ক্ষেমেজ নামক কবির রচিত বোধিসত্তাবদান কল্পলতার উল্লিখিত হইয়াছে যে, মৌর্য্য সম্রাট অশোক যখন পাটলিপুত্রের সিংহাসনে আসীন, তখন বণিকেরা জলদস্যু ভয়ে ভীত হইয়া তাঁহার নিকট উপস্থিত হয় এবং নিবেদন করে যে, নাগ নামে জলদস্যুগণ তাহাদের পোত ও যথাসর্ব্ব লুণ্ঠন করিয়াছে এবং সমুদ্র পথে বাণিজ্য যাত্রা ছুড়র ও অসম্ভব করিয়া তুলিয়াছে। বোধ হয় এই নাগগণ আরাকানবাসী মগ জলদস্যু। মহারাজ অশোক ইহাদের শাসন করেন। কিন্তু যতদিন তাহারা বৌদ্ধ না হইয়াছিল, ততদিন সম্পূর্ণ শান্তি হয় নাই। অবশেষে অশোকের প্রেরিত সন্ন্যাসীগণ তাহাদিগকে বৌদ্ধধর্মে দীক্ষিত করিলে ঐ সকল জলদস্যু শান্তিপ্ৰিয় হইল এবং লুণ্ঠিত দ্রব্যাদি প্রত্যর্পণ করিয়াছিল। মৌর্য্যরাজ চন্দ্রগুপ্তের গুরু চাণক্য যে অর্থ শাস্ত্র প্রণয়ন করেন, তাহাতে আধুনিক কালের নৌবিভাগ ও তাহার অধ্যক্ষের জ্ঞান—“নাবাধ্যক্ষ” নামে রাজ কর্মচারীর উল্লেখ আছে এবং সমুদ্রযাত্রা ও গুরু আদায় প্রভৃতি বিষয়ের আলোচনা ও উপদেশ আছে। মৌর্য্য ও অন্ধ্র রাজগণের সময়ে ভারতীয় বহির্বাণিজ্যের অর্থাৎ সমুদ্রপথে বৈদেশিক বাণিজ্যের চরম উন্নতির অবস্থায় বোধ হয়, খৃষ্টীয় পঞ্চদশ শতাব্দী পর্য্যন্ত এই বাণিজ্য অক্ষুণ্ণভাবে চলিয়াছিল। কিন্তু চীনদেশীয় পরিত্রাজক ইউয়ান চোয়াং বলেন, বঙ্গদেশ হইতে সমুদ্রযাত্রা তাঁহার সময়ে তত নিরাপদ ছিল না। পাল রাজগণের অভ্যুদয়ের পূর্বে বাংলার বৈদেশিক বাণিজ্য মাঙালী বণিকের হাতে ছিল বলিয়া মনে হয় না। সমুদ্র পথে অশান্তি জাতির আবির্ভাব ও দেশের অরাজকতা—এই অবনতির কারণ বলিয়া মনে হয়।

কবি কঙ্কনের সময়ে প্রায় ছয় সাত শত বৎসর পূর্বে সুবর্ণবণিক বাংলার আসিয়াছিলেন। যুকুন্দরাম কিন্তু এই বলিয়া গৌরব অনুভব করিতেছেন যে, সপ্তগ্রামের বণিক কোথাও যায় নাই। ঘরে বসিয়াই তাহারা নানা ধন উপার্জন করে, তাহা হইলে তখন বিদেশের বণিক আসিয়া সপ্তগ্রামে দ্রব্যাদি ধরিদ করিয়া লইয়া যাইতেছে।

সমুদ্রযাত্রা রহিত হইলে বণিকগণ বিদেশ গমন দ্বারা যে অভিজ্ঞতা, উদারতা লাভ করিতেন ও যে অর্থ উপার্জন করিতেন, তাহা ক্রমশঃ রহিত হইল, ক্রমে কুটিলতা দেখা দিতে লাগিল, যুকুন্দরামের চণ্ডীকাব্যের কালকেতুর উপাখ্যান ইহার দৃষ্টান্ত স্থল। ক্রমে স্বর্ণকারের সংসর্গে স্বর্ণ, চৌর্য্যাদি দোবে তাঁহারা পতিত হইলেন। মহারাজ বল্লালও তাঁহাদিগকে

পতিত বলিয়া প্রচার করিলেন। ব্রহ্মবৈবর্ত পুরাণমতে তাঁহাদের পতিত হইবার কারণ স্বর্ণকার সংসর্গে স্বর্ণচৌর্য্য। প্রবাদ মতে মাতার অলঙ্কারের স্বর্ণাপহরণ ও স্বর্ণধেনুচ্ছেদ। বল্লাল চরিত মতে ও দণ্ডপুরের যুদ্ধযাত্রাকালে বল্লালের সহিত বণিক বল্লভানন্দের কপট ব্যবহার। যাহা হউক, যাহারা আনন্দভট্ট কৃত বল্লালচরিত পাঠ করিবেন, তাঁহারা জানিতে পারিবেন মহারাজ বল্লাল 'ক্রিয়াহীন' এই ছল ধরিয়া সুবর্ণবণিকের জল অপ্রচলিত করিয়া এই শ্রেণীকে পতিত করিলেন। কেহ কেহ মনে করেন "বুদ্ধের সজীব সাধন পথ গ্রহণ করিলে মানুষ ক্রিয়াহীন হয় না।" বা লেখকের এই মতে তাঁহারা সার্ব দিতে পারেন না। কিন্তু এটা লেখকের কথা নহে। ইহাতে "সার্ব" দিবারও কিছু নাই। বল্লাল সেনের সময় যাহা ঘটয়াছিল লেখক তাহারই উল্লেখ করিয়াছেন মাত্র। তবে বুদ্ধ যে সজীব সাধন পথ দেখাইয়াছিলেন, তাহার দেড় সহস্র বৎসর পরে সে সাধন পথ তাহাই ছিল কি? তাহাতে অনেক আবর্জনা জন্মিয়াছিল। সুতরাং তাহার সংস্রবে মানুষের মতি গতি ও ধর্ম্যভাব কিরূপ হইয়াছিল, তাহা জানা আবশ্যিক। বুদ্ধের সময়, মৌর্য্যরাজগণের সময়, অথবা হর্ষবর্দ্ধনের সময় বৌদ্ধধর্মের যে অবস্থা ছিল বাংলায় পালরাজগণের সময় সে অবস্থা ছিল কি? এ সকল না জানিয়া টিপ্পনীকাটা সম্ভব নহে। *

যাহা হউক, ইহা লইয়া সময় নষ্ট করা অনাবশ্যক। সুবর্ণবণিকগণ সমাজে নিগৃহীত হইয়া প্রায় চারি শত বৎসর একটু সঙ্কুচিতভাবে দিনযাপন করিতেছিলেন। কিন্তু কিছু দিন পরেই অবস্থার পরিবর্তন হইল।

মহাপ্রভু চৈতন্যদেবের আবির্ভাবে বঙ্গদেশ ধন্য হইল, তাঁহার হরিনাম প্রচারে বাংলার আচণ্ডাল সকলেই ধন্য হইল। হরিনামের মাহাত্ম্যে মুর্থ, নীচ, দরিদ্র, ধনী সকলেই যেন নবজীবন লাভ করিল। এই নবধর্মের প্রধান প্রচারকর্তা প্রভু নিত্যানন্দ। তাঁহার ঞ্চার প্রেমভক্তির প্রচারক পৃথিবীর ইতিহাসে অল্পই দেখা যায়। তিনি সুবর্ণবণিককে হরিনাম মহামন্ত্রে দীক্ষিত করেন। পরম ভাগবত উদ্ধারণ দত্ত তখন সপ্তগ্রামের সুবর্ণবণিক-

* কালক্রমে মহাপুরুষের প্রবর্তিত সাধনপন্থায় "আবর্জনা" প্রবেশ করিলে তাহা "ক্রিয়াহীন" হয় না, বরং ভাবহীন হইয়া ক্রিয়া বাহুল্য হয়। দেড় সহস্র বৎসর পরে "ক্রিয়াহীন" "ছল" ধরার প্রকৃত কারণ স্বার্থপরতা এবং ক্রোধ। সুতরাং "ক্রিয়াহীন" কথাটা প্রবন্ধ লেখকের স্বমত করণা অনুযায়ী নয় কি? (সম্পাদক)

দিগের মধ্যে ধনে মানে প্রধান ব্যক্তি ছিলেন। তিনি নিত্যানন্দের কৃপায় বৈষ্ণব ধর্মে দীক্ষিত হইয়া অর্থ সম্পত্তি পরিত্যাগ পূর্বক সন্ন্যাস গ্রহণ করেন। তদবধি সুবর্ণবণিকগণ সকলেই প্রায় বৈষ্ণব। যদিও সিংহবাহিনীর পূজাও তাঁহারা করিয়া থাকেন তাহাও বৈষ্ণব মতে। এই চারিশত বৎসর মধ্যে কত কত ভক্ত ও সাধক এই শ্রেণীর মধ্যে জন্মিয়াছেন।

এই শ্রেণীর লোক সাধারণতঃ মিতব্যয়ী। কিন্তু গর্ব ও উৎসবাদি উপলক্ষে মুক্ত হুও। মিতব্যয়ী ও মিতাচারী বলিয়া পুরুষানুক্রমে জাতীয় ধন সম্পত্তি রক্ষা করিতে সমর্থ হইয়াছেন। যদিও সুবর্ণবণিকেরা সংখ্যায় অল্প, তথাপি তাঁহাদিগকে বাংলার ধনকুবের বা লক্ষ্মীর বরপুত্র বলা যায়। এই শ্রেণীর মধ্যে শিক্ষিতের সংখ্যা অল্প নহে। যাঁহারা শিক্ষিত, তাঁহারা আলস্য ছাড়িয়া নিজের চেষ্টায় জীবিকানির্ভাহ করিতে উত্তোঙ্গী। এই জন্ত প্রায় সকলেরই অবস্থা উন্নত। এই শ্রেণীর মধ্যে নিরন্ন লোকের সংখ্যা অল্প।

এই শ্রেণীর ৩রাজা রাজেন্দ্র মল্লিক বহু নিরন্ন লোককে প্রত্যহ অন্নদান করিয়া থাকেন। এই কাঙ্গালী ভোজনের সুব্যবস্থা দেখিয়া সকলেই তৃপ্তি-লাভ করেন।

সুবর্ণবণিকের উপাধি মধ্যে আঢ্য, মল্লিক, শীল, পোদ্দার, দে, বড়াল, দত্ত প্রভৃতি উপাধি দেখা যায়।

সম্বন্ধ নির্ণয় নামক পুস্তকের প্রথম খণ্ডের একস্থানে সুবর্ণবণিক প্রসঙ্গে লিখিত হইয়াছে,—

“কি কহিব নিত্যানন্দের জাতের পরিপাটী।

উদ্ধারণ দত্ত সোনারবেনে যার ডা'লে দেয় কাটী ॥”

এই বচনটি চৈতন্য ভাগবতের বচন বলিয়া উদ্ধৃত হইয়াছে। কিন্তু মুদ্রিত চৈতন্যভাগবতে এবচনটি দেখা যায় না। বোধ হয় সাধারণ প্রবাদ হইতে এই বচন সংগৃহীত হইয়া থাকিবে। গ্রন্থকার জীবিত থাকিলে এবিষয় জানিয়া লইবার সুবিধা হইত। পাঠকগণের মধ্যে কেহ যদি ইহার সন্ধান দিতে পারেন অনুগ্রহ করিয়া জানাইলে বাধিত হইব।

শ্রীচারুচন্দ্র মুখোপাধ্যায় (বি-এ)

প্রায়শ্চিত্ত

—•—

দশম

নিশ্চল প্রস্তর প্রতিমার মতো ললিতা বসিয়া ভাবিতেছিল। তাহার হৃদয়ের
তারে শত ঝঙ্কারে যেন বাজিতেছিল,—

গেল, গেল ঐ নিখিল ভুবন, আখি আগে নিলাইয়া,
দ্যালোক, ভুলোক, সব একাকার, একি ছায়া, একি মায়া।
চির ঈশিত, প্রিয়ের মুরতি, মোহন মাধুরী ধরি'
অই যে উঠিল জাগি,'
ওগো চিরদিন বিরহিনী হিয়া, তোমারি মিলন লাগি',
রয়েছে বসিয়া তব প্রতীক্ষায়
আমি তো সে-কথা বুঝিনিকো হায়,
তবে আর কেন, মিছে অভিমান, সব আজি হোক দূর,
দর্প, গরব. সরম, ভরম, সব আজি হোক চূর।

ললিতা প্রথমে মনে করিল, একথা গুলি কবির কল্পনা—ভাবের আতিশয্য
মাত্র, বাস্তবের সহিত ইহার যোগ কই? কিন্তু তাহার বুকের মধ্যে বসিয়া,
চুপে চুপে, অথচ বেশ জোরের সহিত কে যেন বলিতে লাগিল, ওগো,
ইহা রূপক নয়, মিথ্যা নয়, কিন্তু অতি সরল, সত্য কথা। আমারি বেদনার
ইতিহাসকে তুমি লজ্জা ও সঙ্কোচের আবরণ দিয়ে ঢাকবার নিষ্ফল চেষ্টা
কোরো না।

ললিতা চঞ্চল হইয়া পড়িল। তাহার চক্ষে জল আসিল, আবার তাহার
কাণে বাজিতে লাগিল,—

বাহিরে তোমার ভোলার প্রয়াস,
গোপন হৃদয়ে পূজার আয়াস,—

ইহার পরিণাম যে শুভ নয়, ইহা ক্রম সত্য। বিশ্বত, পরিত্যক্ত রতিকান্ত কেন
আবার ফিরিয়া আসিয়া তাহার সম্মুখে দাঁড়াইয়া তাহাকে বিচলিত করিল।
সে তো কর্তব্যের চরণে নিজের জীবন উৎসর্গ করিবে বলিয়া প্রস্তুত হইয়াছিল,
ইহাৎ আবার একি বাধা উপস্থিত হইল?

এই দুই দিনে রতিকান্তর সহিত যতবার তাহার দৃষ্টি বিনিময় হইয়াছে সে চক্ষে যেন কি এক বেদনার ভাষা সে পরিস্ফুট দেখিয়াছে। “ললিতা কেমন আছ” বিজ্ঞাসা করিবার সময় যেন মনে হইয়াছে, সে কণ্ঠধরে আরো কত প্রশ্ন প্রচ্ছন্ন রহিয়াছে, ললিতা কিন্তু তাহার উত্তরে একটি ছোট্ট “হ্যাঁ” কথা বলিয়াই সারিয়াছে, অথচ তাহার সে উত্তরে যে কত উত্তর লুকান ছিল, তাহা কি রতিকান্ত বুঝিতে পারে নাই ?

রতিকান্তর সহিত যদি সমস্ত জড়তা ও সঙ্কোচ কাটাইয়া সবল ভাবে সে মিশিতে পারিত—কথাকর্তা কহিত, তাহা হইলে উভয়ের মধ্যকার জটিল ভাব দূর হইয়া যাইত, কিন্তু তাহা তো হয় না।

কেন রতিকান্তকে দেখিলে ললিতার বক্ষের স্পন্দন অন্বাভাবিক দ্রুত হইয়া পড়ে, শিরার রক্ত স্রোত উপচিয়া যেন চোখে মুখে আভা ফুটাইয়া তোলে, আর সেই সঙ্গে রতিকান্ত জড়িত অতীতের খুটি নাটি প্রত্যেক ঘটনার কথা মনে পড়ে ?

ললিতা নিমেষে নিজের ভবিষ্যৎ জীবন ভাবিয়া লইল, এমনি করিয়া হৃদয়ের মধ্যে এক জনের চিন্তাকে স্থান দিয়া বাহিরে লোকসমাজে সে অপরের সহিত বিবাহবন্ধনে আবদ্ধ হইয়া তাহার গৃহের গৃহিণী—পুত্র কন্যার জননী হইবে। দাম্পত্যজীবনের অভিনয় যাহাতে সর্বসম্পূর্ণ হয়, তাহার ক্রটি করিলে চলিবে না, অথচ এ কপটতার জন্ম স্বর্গের দেবতার নিকট বড় রকম জবাবদিহি—পাপপুণ্যের দীর্ঘ কৈফিয়ৎ দিতে হইবে, সমাজ অবশ্য ইহার কোনো কৈফিয়ৎ কোনো দিন চাহিবে না। ভিতরে তোমার “যত বিরোধ, যত বড় ঘন্দই চলুক, উহার খবর সে রাখিতে চায় না, সে চায় উপরের শাস্ত ভাব, বাহিরের দিকটি সুন্দর, হইলেই চলিবে।

আর একটা মস্ত বড় কৈফিয়ৎ নিজেরই অন্তর নিবাসী অন্তর দেবতার নিকট দেওয়া চাই। তাঁহাকে ফাঁকি দিবার সাধ্য কারো নাই, অথচ তাঁর আদেশ মানিবার মতো শক্তি ও সংযম দুর্বল মানুষের আছে কই ? একি নিগূঢ় সমস্যা আজ ললিতার নিকট আসিয়া উপস্থিত হইল। ইহার সমাধান করিবার মতো বিচার শক্তি সংসারানভিজ্ঞ তরুণী কোথায় পাইবে ?

সিদ্ধিতে ছপ দাপ করিয়া তিন চারি জোড়া জুতার শব্দ, ও কলহাস্তধ্বনিতে ললিতার চমক ভাঙ্গিল। সে তাড়া তাড়ি বই খানি লুকাইয়া নিজেকে প্রকৃতিস্থ করিয়া লইল। অমিতা, শুচিতা ও জ্যাঠাইমা আসিয়া ঘরে প্রবেশ করিলেন।

জ্যাঠাইমা কহিলেন, থাকো তো খুব নাক ডাকাছি, ওঠ, ওঠ, সন্ধ্যা হোতে না হোতেই ঘুমে বেছস।

থাকো চোখ রগড়াইতে রগড়াইতে কহিল, ঘুমোব কেন জ্যাঠাইমা, ললিতে সুর কোরে ছড়া পড়ছিল। আমি শুয়ে শুয়ে তাই শুনছিলুম, একটুকু তন্দ্রার ঘোর এসেছিল মাত্র, উঠে জায়গা করি, মেয়েদের খেতে দাও।

থাকো উঠিয়া পাশের ঘরে আহারের স্থান করিতে গেল, অমিতা ললিতাকে ঠেলা দিয়া কহিল, বিত্তকে আর রতিবাবুকে ধোরে এনেছি, আমাদের সঙ্গে থাকেন।

শুচিতা কহিল, মাথা ছাড়লো ললিতা? খাবি চল।

ললিতা বলিল, সে হুধ ছাড়া আর কিছু আজ খাইবে না।

শুচিতা অমিতা আহার করিতে চলিয়া গেল। তাহাদের গল্প ও হাসির শব্দ দেয়ালের আড়াল ভেদ করিয়া, ললিতার কাণে আসিয়া বাজিতে লাগিল। সবার কণ্ঠস্বরকে অতিক্রম করিয়া রতিকান্তর কথাগুলি প্রতিবারে তাহার বক্ষের মধ্যে কি এক স্পন্দন তুলিতে লাগিল। মানুষের কণ্ঠস্বরেও কি বৈদ্যুতিক শক্তি আছে?

আহারান্তে অমিতা আসিয়া ললিতাকে তাস খেলিবার জন্য ডাকিল, জ্যাঠাইমা মেয়েকে ধমক দিয়া কহিলেন, তোর কাণ্ড জ্ঞান নেই আমি, ওর অসুখ কোরেছে ও তাস খেলতে যাবে? ভালো ধিন্দী হয়েছি য়া হোক।

অমিতা চলিয়া গেল। ললিতা, জ্যাঠাইমার এ ওকালতীতে খুসী হইল, যেহেতু পোড়াপিড়ীকে এড়াইবার শক্তি তাহার মোটেই ছিল না, অথচ তাস খেলিবার বা খেলা দেখিবার মতো মনের অবস্থাও তাহার এখন নর।

একাদশ

মানুষ আপনার দেশে ঘরের গভীর মধ্যে বসিয়া আপনার ক্ষুদ্র সংসারটির মধ্যে আত্মীয় স্বজনকে লইয়া এক রকম নিশ্চিত্ত মনে বাস করে, নিছক পরের সহিত মেল মেশার সুযোগ বা উপদ্রব তাহার দ্বারা বড় একটা আসিয়া জোটে না। কিন্তু সেই গভী ছাড়িয়া, যখন মানুষ বিদেশের পথে বাহির হয়, তখন সে আশ্চর্য্য হইয়া দেখে, এই নিছক পর চির অপরিচিত

লোকগুলোও ছু'একদিনের আলাপেই বেশ আপনার হইয়া যায়। মানুষের সহিত মানুষের এই যে সহজ স্বাভাবিক যোগ, ইহাতে কি আমরা বুঝি না যে এক পরমাখ্যা হইতেই এই প্রতি মানব আশ্রয় উদ্ভব, স্থিতি ও পরিণতি।

বিদ্যাচলের ধর্মশালার তিনটি বাঙালী ও দুইটি হিন্দুস্থানী পরিবার তীর্থ ভ্রমণে আসিয়াছেন, কয়েকদিনে সকলের মধ্যে বেশ একটি সম্ভাব স্থাপন হইল, ধনী দরিদ্রের ব্যবধান কাহারো মনে রহিল না, একত্রে গঙ্গাস্নান, দেবীদর্শন, পর্বত ও বন ভ্রমণ সকলে মিলিয়া মিশিয়া করিতে লাগিলেন। আর হরদাদার সরল হৃদয়কে, প্রাণঢালা কথাবার্তার সকলে এক অনাবিল আনন্দ অনুভব করিয়া প্রবাস ভ্রমণের স্মৃতিকে মনের মধ্যে চির মুদ্রিত করিয়া লইতে লাগিলেন। কমলা সত্যই আনন্দিত হইয়া রতিকে কহিল, অজানা, অচেনা বিদেশে বেরোবার নামে আমার বড় ভয় হতো তাই কিন্তু এখানে যে এ ত আনন্দ পাওয়া যায়—এমন কোরে সকলের সঙ্গে ভাব হোলে, মনে হয় যেন এঁরা পর নয়—আমাদেরই একটামের লোক।

রতিকান্ত কহিল, তোমাদের জগুই ভগবান এ আনন্দটা বিশেষ কোরে সৃজন কোরেছেন। আমরা তোমাদের মতো অতো সহজভাবে মিলে মিশে, পরকে আপনার কোরে নিতে পারি না, দিদি!

অমিতা আসিয়া কহিল, বেড়াতে যাবেন না কমলা দি? কাকামণি এলাহাবাদ থেকে দরওয়ানকে পাঠিয়েছেন, আনাদের কালই ফিরতে হবে, আজকের দিনটা বেড়িয়ে নিই। যা, বড়দি, সব বেরিয়েছেন, আপনারা আসুন।

নরেন্দ্র সহিত বিস্তর বনিয়াছিল বেশ, সে কুকুরটিকে লইয়া আগেই বেড়াইতে বাহির হইয়াছিল। হরদাদা সেদিন দেবীমন্দিরের প্রাঙ্গণে সাধু দর্শনে গিয়াছেন। বিদু ও ধর্মশালার আরও অনেকে মিলিয়া হরদাদার সঙ্গে লইয়াছিলেন।

কমলা রাস্তায় বাহির হইয়া অমিতাকে জিজ্ঞাসা করিল, আজ ললিতা কেমন আছে? অমিতা কহিল, ভালই আছে, ব্যাধিটা তো ঠিক শারীরিক নয়—অমিতা ধামিয়া গেল, রতিকান্ত সহিত তাহার চোখাচোখী হইল, রতিকান্তর বুকে যেন একটা মোচড় পড়িল।

কমলা রতিকান্ত সহিত ললিতার বিবাহের প্রসঙ্গ জানিত। সেদিন ললিতার জ্যাঠাইমার সহিত গঙ্গাস্নানে গিয়া কথাক্রমে তাহার নিকট নরেন্দ্র

সহিত ললিতার আগ বিবাহের কথাও তুলিয়াছিল। অ্যাঠাইয়া বলিয়াছিলেন, বেচে থাক রতি, হীরের টুকরো ছেলে, ওর ভগ্নে কনের ভাবনা কি মা। আজ কাল যে রকম পাস্তরের বাজার! অমিতার ভগ্নে আমার বড় ভাবনা, মেয়ের রং ময়লা, তাতে যে দস্তি।

কমলার তিনটি ভ্রাতাই রূপে গুণে, কুলে মানে আদরনীয়। রতিকান্তর যে পরীর জায় পাত্রী জুটিবে ইহা কিছু স্ততি বাক্য নয়, স্মৃতরাং ললিতার সহিত বিবাহ না হওয়াতে সে মোটেই ক্ষুণ্ণ হয় নাই, তবে মেয়েগুলির স্বভাবে সে মুগ্ধ হইয়াছিল, কিন্তু ললিতার ও রতিকান্তর মধ্যে যে প্রণয় বলিয়া একটা ব্যাপার ঘটয়া বসিয়া আছে এ সন্দেহ কমলার হয় নাই। ছেলেমানুষ রতি যে এই বয়সে ভালবাসার মারপ্যাচ শিখিয়াছে, মেহশীলা দিদির তাহা মনে হয় নাই। জ্যেষ্ঠা ভগ্নীদের চক্ষে, কনিষ্ঠ ভাইয়ের যৌবন সুলভ ব্যবহার সহজে বুঝি চোখে পড়ে না।

পথে সকলে একত্র হইল, একটি ক্ষেতে কয়েকজন লোক, ছোলার গাছ ও মটর গুটি তুলিতেছিল। বাবুরাম পাণ্ডা তখন ষ্টেশন হইতে কয়েকটি নূতন যাত্রী সংগ্রহ করিয়া ফিরিতে ছিল। সে কহিল, খোঁকাবাবু বুট ধাবেন? এ হামার খেত আছে, যেতনা ইচ্ছা আপ লোক ধান, তাজা বুট বড়া মিঠা লাগবে বাবুজী।

অমিতা ও বিণ্ড উল্লাসের সহিত অগ্রসর হইয়া ক্ষেতে নামিয়া পড়িল। অমিতা কহিল, কিনে তো খাই, কিন্তু ক্ষেত থেকে এমন কোরে নিজের হাতে তুলতে কি ভালই লাগছে, এস বড় দি, ছোট দি—ও, তোমাদের বুঝি লজ্জা হচ্ছে? শুচিতাও যোগ দিল। কমলা কহিল, খোলা জায়গায় এমন কোরে বেড়াতে বাস্তবিকই বড় আনন্দ হয়, না শুচিতা? শুচিতা হাসিয়া কহিল, সে কি একবার কোরে? এই তীর্থস্থান গুলি আছে বোলেই বাঙালীর মেয়েরা বেচে আছে, কালে ভদ্রে তবু এখানে এসে নিশ্বেস ফেলে বাঁচে।

অমিতা কহিল, কিন্তু পুরুষরা কি স্বার্থপর! তারা নিজেরা সমস্ত পৃথিবীর আলো, বাতাস, শোভা, সৌন্দর্য্য বা কিছু সব আশ মিটিয়ে ভোগ কোরছে, আর মেয়েদের ভগ্নে খাঁচার বন্দোবস্ত, সে খাঁচার ফাঁক দিয়ে উকি বুঝি মারলেই অমনি লগুড়ের ব্যবস্থা।

রতিকান্ত হাসিয়া কহিল, কড়াই গুটি খেতে খেতে বেশ তো সমাজ

নীতির চর্চা কোরতে লেগেছ। তা আমাদেরও ছ' চারটে ছুঁড়ে দাও, কি বলেন নরেন্দ্র বাবু ?

অমিতা ছ'একটা গাছ রতিকান্তর দিকে ছুঁড়িয়া দিয়া কহিল, 'মিষ্টার সরকার সাহেব মানুষ তিনি রাস্তায় দাঁড়িয়ে বিকট মুখভঙ্গী কোরে চর্ষণ কার্যে নিযুক্ত হোরে অসভ্যতার পরিচয় দিতে রাজী নন, ছোটদিও তাই।

রতিকান্তর সম্মুখে এ বিজ্ঞপ ললিতার যেন অসহ্য বোধ হইল, সে মনে মনে অমিতার মুণ্ডপা ত করিয়া গভীর মুখে দাড়াইয়া রহিল। কিন্তু কিছু নরেন্দ্রর জন্য যথেষ্ট ছোলা ও কড়াই শুটি সংগ্রহ করিয়া নরেন্দ্রকে উপহার দিল। নরেন্দ্রও হাসি মুখে সে গুলির সদ্যবহার করিতে পশ্চাৎপদ হইলেন না। শুচিতা কয়েকটা কড়াই শুটির ছোট ছোট নীল রঙের সুন্দর ফুল ভুলিয়া, সকলকেই উপহার দিল। এমন সময় হরদাদা আসিয়া মৌনী সাধুর কথা বলিয়া সকলকে চমৎকৃত করিলেন। তিন বৎসর যাবৎ সাধু কাহারো সহিত কথা না কহিয়া, নীরবে আপনার সাধনার নিযুক্ত আছেন, একবেলা স্বহস্তে হবিষ্যন্ন রাঁধিয়া আহার করেন, কোনো কিছু আবশ্যক হইলে কাগজে লিখিয়া মন্দিরবাসী কাহাকেও জানান। সকলেই এই সাধুর বাক্ সংঘমে বিম্বিত হইয়া পরদিন সাধু দর্শনে বাইবার অভিপ্রায় জানাইল— কেবল মুখেরা অমিতা কহিল, ইচ্ছে কোরে, কথা বলবার আনন্দ হোতে যে নিজেকে বঞ্চিত কোরেছেন তাঁকে আমি দূর থেকেই নমস্কার করি। ভগবানের দীন বাক্শক্তির এতো বড় অবমাননা শ্রদ্ধার চোখে তো আমার মতো ছুটে মেয়ে দেখতেই পারে না। শুচিতার এক ধমকে অমিতা আর বেশা কিছু বলিল না।

দ্বাদশ

একটি বড় বাগানের মধ্যে সকলে চুকিয়া চারিদিকে ছড়াইয়া পড়িয়াছিল, ললিতা ঘাসের মধ্যে হেঁট হইয়া কি যেন আগ্রহের সহিত খুঁজিতেছে দেখিয়া রতিকান্ত কাছে আসিয়া কহিল, কিছু হারিয়েছে বুঝি ?

ললিতা নত মস্তকে মুছ কণ্ঠে কহিল, আমার ব্রোচটা কোথায় পড়ে গেল।

রতিকান্ত খুঁজিতে আরম্ভ করিল, ললিতাও নিশ্চেষ্ট রহিল না। কিন্তু তার বন্ধের স্পন্দন ঠিক আর সহজ ভাবে হইতেছিল না, হঠাৎ রতিকান্ত, ব্রোচটি পাইয়া, হাসি মুখে ললিতাকে কহিল, এই দেখ, আমি পেয়েছি।

ললিতা সানন্দে হাত বাড়াইয়া গ্রহণ করিল, কাঁধের উপর গুজিবাবর জন্ম চেষ্টা করিতে লাগিল, রতিকান্ত কহিল, এসো আমি লাগিয়ে দিচ্ছি। রতিকান্ত ব্রোচটি লাগাইয়া দিল। ব্রোচটি লাগাইয়া মাত্র, ললিতা ধনুবাদ যুক্ত একটি কথাও না বলিয়া, রতিকান্তর মুখের দিকে একবার না চাহিয়া, দ্রুত পদে সে স্থান হইতে চলিয়া গেল। অমিতা ললিতারই খোঁজে আসিতে ছিল, ললিতাকে দেখিয়া কহিল, কোথা ছিলে ছোট দি? আমি আবার খুঁজতে এলাম। যে প্রকাশ বাগান, খুঁজে, বার করা দায়।

ললিতা কহিল, ব্রোচটা হারিয়ে ছিল তাই খুঁজতে এসেছিলুম। এদিক দিয়ে যাবার সময় বোধ হয় পড়ে গেছলো, রতিবাবু খুঁজে দিলেন।

অমিতা হাসিয়া কহিল, মিষ্টার সরকার সেটা জন্মদিনে উপহার দিয়েছিলেন, না?

ললিতা হাসিয়া চলিয়া গেল, কোনো উত্তর দিল না। কিন্তু সে হাসিতে চক্ষু দুটি উজ্জ্বল হইয়া উঠিল না। অমিতার তীক্ষ্ণ দৃষ্টিতে উহা এড়াইল না, সে মনে মনে কহিল “তোমার মনের কথা আমি সব বুঝতে পারছি, আমার তুমি ঠকাতে পারবে না ছোট দি. আর যে ঠকবে, সে ঠকুক।

অমিতা ললিতার অনুসরণ করিল না, রতিকান্ত যেখানে দাঁড়াইয়া অদূরে নীল আকাশে মেঘের স্তরের স্তর ধূসর বর্ণ বিক্ষিপ্ত শ্রেণীর প্রতি এক দৃষ্টে চাহিয়া সম্ভবতঃ উহার গাভীর্য অনুকরণ করিতে প্রয়াস পাইতেছিল সেই খানে আসিয়া দাঁড়াইল। প্রস্তরাসনের উপর বসিয়া পড়িয়া, কহিল, উঃ বেড়িয়ে, বেড়িয়ে পা দুটো ধরে গেছে, একটু বসে নি, আসুন রতিবাবু, দুটো গল্প করা যাক। ও হাজার পাহাড় দেখে কবির ভাবে হৃদয়কে বোঝাই কোরে তুলুন কিন্তু ছন্দ টন্দ আপনার কলম থেকে বেরুবে না।

রতিকান্তও বসিল। কহিল, অমিতা তুমি তেমনি দুষ্টুই আছ একটুও বদলাওনি! বেশ আনন্দে দিন কাটাচ্ছ—

অমিতা বাধা দিয়া কহিল, আপনার হিংসে হচ্ছে নাকি? আচ্ছা বলুন তো মশাই, আপনি এবারে এত গম্ভীর কেন? বাগানে এসেছেন বেড়াতে তা একটুও বেড়ান নি, এইখানে দাঁড়িয়ে বুকি নিভুতে প্রাকৃতিক সৌন্দর্যের উপাসনা করছিলেন? রতিকান্ত হাসিল—উত্তর দিল না, বালিকা অমিতাকে সে কেমন করিয়া বুঝাইবে, তাহার জীবনের গতি ঘটনা স্ত্রে কিরূপ ভাবে পরিবর্তিত হইয়াছে।

অমিতা আবার কহিল, আচ্ছা রতিবাবু, সেই উপাসনার মধ্যে যদি ভালবাসার পাত্র কাউকে এনে দাঁড় করানো যায়, তা হোলেনে সে উপাসনা কি খুব প্রাণস্পর্শী হয় না ?

রতিকান্ত এবার কথা কহিল, “অমিতা তুমি ঠাট্টা তামাসাটা খুব শিখেছ, কথায় তোমার সঙ্গে এঁটে উঠা ভার। জ্যাঠাইমা আমার তোমার জন্তে বর খুঁজতে বলেছেন, তুমি এক কাজ করো, আগেকার রাজকন্যাদের মতো পণ কোরে বোসে থাকো, যে তোমার কথায় হারাতে পারবে, তার গলায় মালা দেবে।”

অমিতা কহিল, এই যে আপনার মুখে বুলি ফুটেছে, আপনাকে দেখে আর সে রতিবাবু বোলেনে চেনবার বো ছিল না, স্ফূর্তি নেই মুখে সে কথার ফোয়ারা নেই, সে হাসি নেই, যেন হঠাৎ সংসারের বোঝা ঘাড়ে নিয়ে বুড়িয়ে গেছেন। তা দেখুন রতিবাবু আমি কিন্তু আর একটা নতুন বিচ্ছে শিখেছি, হাত গুণে মনের কথা বোলেনে দিতে পারি, হয় না হয় পরীক্ষা কোরে দেখুন।

রতিকান্ত যেন খত-মত খাইয়া গেল, হঠাৎ উত্তর দিতে পারিল না।

অমিতা আবার কহিল, দেখি আপনার হাত, আচ্ছা—হাত দেখতে হবে না, মুখ দেখেই বলছি; আপনি এখুনি ভাবছিলেন, ললিতার ব্রোচটা খুঁজে দিলুম, তা সে মুখের একটা সহজ সাধা বুলি, ধগুবাদটাও উচ্চারণ করলে না, মেয়েগুলো এমনি অকৃতজ্ঞ। বলুন দেখি, এই কথাই আপনি ভাবছিলেন কি না ?

রতিকান্ত ফাঁপরে পড়িল, তাহার মন, বুকের মধ্যে বসিয়া এই রকমই কি কতকগুলো ফিস্ ফাস করিতেছিল, বরং এর চাইতে আরও কত বেশী। অতীতের স্মৃতিকে বর্তমানে টানিয়া আনিয়া, তাহারও সমালোচনা করিতেছিল। সহসা একটা কোতুহল সে চাপিয়া রাখিতে পারিল না, কোকের মাথায় বলিয়া ফেলিল, আচ্ছা, ললিতার মনের কথা গুণে বলতে পারো ?

অমিতা বুলি এই সুযোগই খুজিয়া ফিরিতেছিল। বেশ গম্ভীর ভাবেই কহিল, তার মনের কথা বড় জটিল, নিজের মনের গোপন কথা সে নিজেই জানে না, কিন্তু আমি কতকটা ধবর জানি রতিবাবু, নিজেকে পোড়াবার জন্তে, নিজেরই অন্তরে সে ইন্ধন জ্বালিয়েছে—এক দিনে ছ’দিনে জলে মরবার জন্তে নয়, বছরের পর বছর ধোরে সারা জীবন জলে মরবার ব্যবস্থা। যে পরকে ঠকায় সে ভাল লোক নয়, সে জোচ্চোর প্রতারক বটে, কিন্তু বে

মানুষ আত্ম-প্রত্যাহার করে, তার কি কোনো বিশেষণ নেই, সে কি আরও ভয়ানক লোক না?

রতিকান্ত অত্যন্ত চঞ্চল হইয়া পড়িল, অধীর কণ্ঠে কহিল, কি বোলছো অমিতা, আমি তো কিছুই বুঝছি না।

অমিতা কিছুক্ষণ নীরব থাকিয়া, আবেগভরে কহিতে লাগিল, সে ভালবাসার অন্তিনয় কোরতে চায়, কিন্তু সে অস্বীকার করলেও আমি জানি সে আজও আপনাকে সেই রকমই ভালবাসে, অথচ বাবার ইচ্ছায় নরেন্দ্রকে বিয়ে কোরতে প্রস্তুত হয়েছে। বর্তব্যের দোহাই দিয়ে, হৃদয়ের বিরুদ্ধে এতো বড় অস্ত্রায় করা আমার ভাল বোলে মনে হয় না। মিষ্টার সরকারকে সে অস্ত্রের সহিত কখনো ভালবাসতে পারবে—আর আপনাকে যে একেবারে ভুলবে তা তো বিশ্বাস হয় না—অমিতা বোধ হয় আরও কিছু বলিত, কিন্তু রতিকান্তর বিবর্ণ মুখ মগল তাহাকে চমকিত করিল।

অমিতার কথা শুনা রতিকান্তর বকের শোণিত প্রবাহকে চঞ্চল করিয়া তুলিল, সে কাতরকণ্ঠে কহিল, কি পাগল'মী কোরছো অমিতা, ছেলেমানুষ তুমি, এ রকম বাজে মিথ্যা কল্পনার ফল যে কি রকম দাড়াবে—

অমিতা উত্তম ফণিনীর মত উঠিয়া দাঁড়াইল, রুদ্ধকণ্ঠে কহিল, অমিতা হুঁ চঞ্চল কিন্তু সে মিথ্যা বলে না, খুব স্পষ্ট কথা, সত্য কথাই সে বলে। তাতে যা হবার হোক—এটা মনে রাখবার চেষ্টা কোরবেন।

অমিতা দ্রুতপদে চলিয়া গেল, রতিকান্ত অমিতার দিকে চাহিয়া শুক ভাবে বসিয়া রহিল।

(ক্রমশঃ)

শ্রীসরসীবালা বসু।

পাটকেবাড়ী *

—০—

১৩১৪ সালে গোবরডাঙ্গার বাড়ীতে অবস্থিতি কালীন আমার নিকট এই ঘটনাটি উপস্থিত হয়। কত সময় ঘটনার মধ্যে ভগবানের উজ্জ্বল হস্ত দেখা

* গতবারে “একটি ধর্মবন্ধুর কথা” এবং এই “পাটকেবাড়ী” প্রবন্ধ পাঠ করিয়া পাঠক পাঠিকাগণের মনে হইতে পারে যে, ইহাতো সেই “দাসের আত্ম-কথা”রই পুনরাভিনয়। বাস্তবপক্ষে আত্ম-কথার শেষ অংশ বেরূপ সংক্ষেপে শেষ করিতে হইয়াছিল, তাহাতে কোন কোন উপকৃত ধর্মবন্ধু বা ব্যক্তি অথবা ঘটনার দ্বারা এ জীবনপথে যে উপকার ও আনন্দ লাভ করিয়াছি তাহা জ্ঞাতসারে অপ্রকাশ রাখা নিতান্ত অকৃতজ্ঞের কাৰ। দ্বিতীয়, যে ঘটনায় নিজে আনন্দিত হইয়াছি তাহারা যদি অস্ত্রের প্রাণেও সন্তান ও আনন্দের উদ্রেক করা যায় তাহার চেষ্টা করাও একান্ত কর্তব্য।

দাস—

যায়। তাঁহার ইঙ্গিত অনেক ঘটনার দ্বারা প্রকাশ পায়। অবশ্য ইহা প্রত্যেক জীবনের পক্ষেই ঘটে, কিন্তু ঈশ্বরে যাহার অটলবিশ্বাস তিনিই তাহা বুঝিতে পারেন। ঈশ্বর-দর্শন, ঈশ্বর বিশ্বাসের ফল। ইহা স্বেচ্ছা সত্য।

“ঈশ্বর-দর্শন” শব্দ শুনিয়া হয়তো অনেকে বিস্মিত হইবেন। হইবারই কথা। কিন্তু এই বিস্ময় অবিশ্বাসের নামান্তর মাত্র। বিশ্বাসী ব্যক্তিই ঈশ্বরবিশ্বাসের মহিমা দর্শন করিয়া তাহার নিগূঢ় রহস্যভেদ করিতে সক্ষম হন। বিশ্বাসবলে জগতে অসাধ্য সাধিত হইয়াছে, তাহার অসংখ্য প্রমাণ আছে।

ভগবানের দর্শন লাভ হইলে, তাহার সাক্ষ্য দান না করিয়া মানুষ নিস্তক থাকিতে পারেনা—পারা অসম্ভব। পক্ষান্তরে এই সাক্ষ্যদান কখনই ব্যর্থ হয় না। মানবাস্তুর হইতে মানবাস্তুরে বিশ্বাসের শক্তি সংক্রামিত হইয়া থাকে।

১৮ই বৈশাখ কলিকাতা হইতে আসিয়া শুনিলাম, আমাদের প্রতিবাসী পরলোকগত রাধানাথ মুখোপাধ্যায়ের পুত্র শ্রীমান্ বাদলচন্দ্র মুখোপাধ্যায় চাকরি করিতে গিয়া বৎসরাধিককাল হইল নিরুদ্দেশ হইয়াছে। বাড়ীতে তাহার অল্পবয়স্কী স্ত্রী আর একটি শিশু পুত্র আছে মাত্র। অর্থাভাবে তাহারা নিরুপায় এবং দুঃস্থায় মৃতপ্রায় হইয়া পড়িয়াছে। অনেক অনুসন্ধানের পর জানা গিয়াছে, মুর্শিদাবাদ জেলার অন্তর্গত পাটকেবাড়ী গ্রামে এক জমিদার যুবকের সহকারী কর্মচারী হইয়া বাদল সেখানে আছে। কিন্তু বারম্বার পত্র লিখিয়া কোনও উত্তর পাওয়া যায় না। স্থানীয় পোষ্টমাষ্টার বাবুকে পত্র লিখিয়া তদন্তেরে এই পর্য্যন্ত জানা গিয়াছে যে, বাদল তাহার মনিবের নিকট একবৎসর হইতে মাতিনা পায় নাই, সেইজন্য রিক্ত-হস্তে বাড়ী যাইতে পারিতেছে না।

এই অবস্থায় এখান হইতে কেহ সেখানে গিয়া স্বচক্ষে অবস্থা দর্শন এবং তাহাকে যে কোন প্রকারে হউক ফিরাইয়া আনা তিন উপায়ান্তর দেখা যায় না। কিন্তু প্রতিবাসী সকলেই নিজ নিজ কাষে ও অবস্থায় আবদ্ধ। এ কাষে যাইবার মতো কাহাকেও পাওয়া যায় না।

স্বর্গীয় রাধানাথ মুখোপাধ্যায়কে আমরা ‘রাধুদা’ বলিতাম। সূতরাং বাদল আমাকে কাকা বলে। আসল কথা নিতান্ত স্নেহ-ভাজন প্রতিবাসী। দেওয়ান বাটীর শ্রীমান্ নন্দগোপাল চট্টোপাধ্যায় (যাহাকে সকলে “ফটিক” নামেই জানেন) আমাকে আসিয়া বোটার “কায়া-কাটীর” কথা বলিয়া বলেন যে, “স্বামীনি যদি গিয়া বাদলকে আনিতে পারেন, তাহা হইলেই ঠিক হয়।”

আমি শুনিয়াই ভগবানের ইঙ্গিত বুঝিলাম, ইহা আমার পক্ষে তাঁহার ব্যবস্থা। এই উপলক্ষে তিনি আমাকে কোন নূতন আশীর্বাদ পাঠাইবেন। আমি বাইতে প্রস্তুত হইলাম। ১৯শে বৈশাখ এই কথা হয়।

২০শে বৈশাখ শুক্রবার বোঁ-মা কিছু পাথের পাঠাইয়াছেন, যাহাতে আমি আজই যাত্রা করিতে পারি। বিলম্ব না করিয়া আমি তাঁহারই প্রদত্ত পাথের লইয়াই রাত্রি ৯টার ট্রেনে যাত্রা করিলাম। গোবরডাঙ্গা হইতে বনগাঁ হইয়া রাণাঘাট গিয়া জানিলাম রেজীনগর ষ্টেশনে নামিয়া পাটকেবাড়ী বাইতে হইবে। সমস্তরাত্রি ট্রেনেই কাটিয়া গেল, ভোরে রেজীনগর পৌঁছিলাম। গোক্ররগাড়ীর সুবিধা না হওয়ায় চলিয়াই ১১টা ১১।০ টার সময় সর্কানপুর আসিলাম। সেখানে পাটকেবাড়ীর ঐ জমিদার বাবু দিগেরই তহশীলদার শ্রীযুক্ত যজ্ঞেশ্বর মুখোপাধ্যায় থাকেন। তাঁহার বাগান স্নান-আহার ও কিঞ্চিৎ বিশ্রামকরিয়া আবার চলিতে আরম্ভ করিলাম। ষাট-পথে গ্রাম হইতে গ্রামান্তরের সন্ধান লইয়া সন্ধ্যার সময় পাটকেবাড়ী পৌঁছিলাম। সমস্তদিনে ৮৯ ক্রোশের বেশী পথ চলিয়া অতিশয় পরিশ্রান্ত হইয়া জমিদার বাবু অনুকূলচন্দ্র মুখোপাধ্যায়ের বাড়ীতে আসিয়া উপস্থিত হইলাম। বাদল তখন অনুপস্থিত। গ্রামান্তরে বাবুর কার্যেই গিয়াছে। যাহা হউক সে-যে এখানেই আছে ইহাতেই পরম আশ্বস্ত হইলাম।

কিছুক্ষণ পরে জল চাহিয়া মুখ হাত-পা ধুইয়া বসিয়া রহিলাম। জল খাবার সামান্য কি আসিয়াছিল তাহা স্মরণ নাই। রাত্রি প্রায় ১০টা কি ১০।০টার সময় সাধারণ রকম অন্নব্যঞ্জন আসিল। তাহা কোন রকমে গলাধঃকরণ করিয়া ক্ষুৎপিপাসার সময় উহাই যথেষ্ট মনে হইল। কিন্তু সর্কাপেক্ষা আশ্চর্যের বিষয় যে, অনুকূল বাবু বাহিরে আসিয়া একবার আমার সহিত আলাপ—কিন্তু আমার তত্তাবধান করা আবশ্যিক মনে করিলেন না। ইহাতে অল্প বিষয় যাহা হউক, বাদলের জন্ত একটু ভাবনা হইল।

তারপূর্ব শয়নের ব্যবস্থা আরও চমৎকার রকমের হইল। অল্প দূরে এক দপ্তরখানার আটচালার বারেন্দায় একখানি ছোট সত্তরঞ্চ আর একটা বালিস দিয়া একজন ভৃত্য, স্থান ও শয্যা দেখাইয়া দিল। শুনিলাম তাহাও বাদলেরই শয্যা। কিন্তু তদুপরি আমার সন্দের চাদর বিছাইয়া শয্যা উজ্জ্বলই বোধ হইল। অধিকন্তু জায়গাটি যে খোলা মুক্ত বাতাসের মধ্যে পাইলাম—বৈশাখ মাস গরমের দিন, খোলা বাতাস পাইয়া তৃপ্ত হইলাম।

দপ্তরখানার প্রধান গমস্তা শ্রীযুক্ত অটলবিহারী বিশ্বাসের সহিত আলাপ করিয়া বড়ই আনন্দিত হইলাম। ইনি সহদয় ধর্ম্মানুরাগী ব্যক্তি। ইহার কথা আশ্রয় আমার শরণ আছে।

পর দিন বাদল আসিল। আমার জন্ম বাগান বাড়ীতে সে নিজে রাগা করিতে আরম্ভ করিয়া বলিল, অনুকূল বাবুর বাড়ী আমার যাওয়া সুবিধা হইবে না। বাদল যে রক্ষন করিতে বেশ পটু তাহার পরিচয় ২।১ দিনের মধ্যেই পাইলাম।

কিন্তু তাহার মস্তব্য শুনিয়া আমি অবাক হইয়া গেলাম—অবশ্য আমি যে তাহার অনুসন্ধানে আসিয়াছি—আমাকে দেখিয়াই সে একেবারে চমকিত হইয়া পড়িয়াছিল। কিন্তু সে বাড়ী যাইবার কথায় যখন বলিল যে, “আপনি ২।১ দিন বিশ্রামকরিয়া বাড়ী যান, আমি শীঘ্রই যাইব।”

তাহার কথা শুনিয়া প্রথমে কি বলিব, যেন আমার বাক্যফুর্তি হইতে ছিল না, কিন্তু যখন অত্যন্ত তেজের সহিত বলিলাম, “বাদল, তুমি কি বলিতেছ, তুমি কি মানুষ—না অন্য কোন রকম জীব? তোমার কিছুমাত্র কাণ্ডজ্ঞান নাই! তুমি একবৎসরের মধ্যে বাড়ী যাও নাই—একটি পয়সা পাঠাও নাই, তোমার বালিকা পত্নী, শিশু পুত্র না খাইয়া মরিল কি না ধবর লও না—এখনও তুমি বলিতেছ, আমি পরে বাড়ী যাইব? এ কথায় অর্থ কি বলতো?” তাহাতে বাদল বলিল,—

“আমি এক বৎসর মাহিয়ানা পাই নাই, আমার হাতে কিছুই নাই; ১০ ॥০ আনা খোরাকী পাই মাত্র তাও অনেক দেনা আছে। আমি মাহিয়ানা না পাইলে কিরূপে বাড়ী যাই।”

“তুমি যে মনীষের নিকট মাহিয়ানা না পাও, সে মনীষের কাষ কর কেন? এমন তেঁা কেহ কখনও শোনে নাই যে, সামান্ত কর্ম্মচারীর একবৎসর পর্য্যন্ত বেতন দেন না এবং এ অবস্থায় যে লোক তাহার কাষ করে সেই বা কিরূপ কর্ম্মচারী! তার কি আর কোনও চাকরী মেলে না? এর মধ্যে আর কিছু কারণ-কথা আছে কিনা তুমি আমাকে খুলিয়া বল।”

এইরূপ নানা তিরস্কার ও প্রবোধবাক্য বলার পর বাদল বলিল,—

“২ মাস ৪ মাস দেখিতে দেখিতে ক্রমে একবৎসর মাহিয়ানা বাকী পড়িয়া গিয়াছে, আশায় আশায় থাকিয়া এইরূপ হইয়াছে, এখন আশা ত্যাগ করিয়াই বা যাই কিরূপে।”

“গ্রামে আরো তো ভদ্রলোক আছেন, কিনা অনুকুল বাবুর আশ্রয় স্বজন আছেন, তাহাদের বল না কেন যে তুমি এই অবস্থার বিপদাপন্ন হইয়াছ, তাহার বাবুকে বলিয়া তোমাকে বাড়ী বাইবার উপায় করিয়া দিও।”

“অনুকুল বাবু কাহারো কথা শুনে না, গ্রামের কোনও লোক তাহাকে কিছু বলিতে ইচ্ছা করেন না।”

শুনিলাম বাবুটি কেবল বস্ত্রশূকর মারিয়া বন্দুক লইয়া বেড়ান, কোন ভদ্রলোক তাহার সঙ্গে বড় মেশেন না।

এইরূপ সঙ্কটের মধ্যে অনেক বাদ প্রতিবাদের পর বাদলের মনে একটু উদ্বেজন্য ভাব আসিল। তারপর কথা হইল নাহিয়ানা পাওয়া না গেলেও আর এ চাকরীতে আবদ্ধ থাকাইবে না। অতএব বাড়ী বাইবার কথা—বিশেষ তাহাকে লইতে আমি আসিয়াছি বাবুকে বলা হউক।

এই কথা বলার পর অনুকুল বাবু বাদলকে বলিলেন, তোমার হিসাব পত্র দিয়া তুমি মাইতে পার। বাদল হিসাব পত্র বুঝাইয়া দিতে আরম্ভ করিল।

হিসাব দেখিয়াই তো আমি আশ্চর্য হইলাম। কোন দিন বাবু ২৭ টাকা দিয়াছেন, তাহাতে ঘোড়ার দানা বা সহিসের খোরাকী দেওয়া হইয়াছে। এইরূপ সামান্য ২৭ ৪৭ টাকার জমা খরচ যাহা সঙ্গে সঙ্গে মিটিয়া গিয়াছে—স্থায়ী তহবিল বাদলের হাতে কোনদিন ছিল না, কিন্তু এখন তাহারই একটা হিসাব দিতে হইবে।

আচ্ছা, তাহাই হউক। যদি এই হিসাব দিলেই অব্যাহতি মিলে সেই ভাল। কিন্তু শুনিলাম সেই হিসাব ২১১ দিনে শেষ হইবে না—আজ একটু কা'ল একটু হিসাব লইতেছেন। বাবুর বেশী সময় নাই। তখন আর কি করিব কাজেই অপেক্ষা করিয়া রহিলাম। কবে বাদলের ছুটি মেলে।

পাট্কেবাড়ী গ্রামখানি নিতান্ত ক্ষুদ্র নহে। অনেক ভদ্রলোকের বাস। ক্রমে আমার সঙ্গে অনেকের আলাপ হইল। পোষ্টাফিস, স্কুল, বাজার গ্রামে আছে। জমিদারদিগের সরীকান বিষয়—একজন ম্যানেজার আছেন, তিনি শিষ্ট শাস্ত্র ব্যক্তি। জমিদার অন্য সরীক শ্রীযুক্ত পরেশচন্দ্র চট্টোপাধ্যায় মহাশয় আমার সহিত বিশেষ সদ্ভাবহার করিয়াছিলেন, গ্রামে ভদ্র মণ্ডলী আমার উদ্দেশ্যের প্রতি খুবই সহানুভূতি করিতে লাগিলেন, আমি বাদলকে ছাড়িয়া যেম না যাই সকলেই এইরূপ বলিতে লাগিলেন।

ভগবানের কৃপায় আর একদিকে আমার দিন খুব ভালই কাটিতে

লাগিল। এখানে ধড়ে নদী—বাহাকে লোকে গঙ্গা বলিয়াই মনে করে। কেবল বাণুকামর একত্রে সেই নদীর জল অতি উত্তম নির্মল। আমি প্রত্যহ প্রাতে নদী-প্রান্তে গিয়া প্রাতঃক্রিয়া-স্নানাদি শেষ করিয়া, অটল বিশ্বাস প্রদত্ত একটু নির্জনস্থানে কিছুক্ষণ বসিয়া, তারপর কিছু জলপান করিয়া (তখন চায়ের অভ্যাস এরূপ হয় নাই) বেড়াইতে বাহির হইতাম। প্রায়ই কোন না কোন ভদ্র-গৃহে সংপ্রসঙ্গ সঙ্গীতাদি পর্য্যন্ত হইত। এই স্ত্রে সাধারণের আগ্রহে একদিন স্কুল-গৃহে একটি বক্তৃতা, এক প্রাতঃকালে ছাত্রদিগকে নীতি বিষয় উপদেশ দেওয়া হয়। তন্মিন্ন একদিন জগাইপুর, একদিন চাঁদপুর গ্রামে এক একটি বক্তৃতা দেওয়া হয়। বক্তৃতার বিষয় সমাজ ও ধর্মসংস্কার সংক্রান্তই ছিল।

পাটকেবাড়ী গ্রামে ম্যানেজার বাবু ও পরেশ বাবু ও অটল বিশ্বাস মহাশয়গণ আমাকে নিমন্ত্রণ করিয়া আহ্বার করাইয়াছিলেন।

২২শে বৈশাখ হইতে ৫ ই জ্যৈষ্ঠ পর্য্যন্ত পাটকেবাড়ী থাকিয়া অনেক বাধা বিঘ্ন অতিক্রমের পর বাদলকে উদ্ধার করিতে পারিয়া একটি বিশেষ আশ্ব-প্রসাদ লাভ হইয়াছিল। বাদল এক পরসী মাহিয়ানা পাইল না, তাহার মনীষের ব্যবহারের কথা আর লিখিবার প্রয়োজন নাই কিন্তু সমস্ত ঘটনার মধ্যে ভগবানের করুণা উজ্জলরূপে দৃষ্ট হওয়ায় আমার মনে কোন ক্লেশেরই কথা স্থান পাইল না। বাদলের সামান্য জিনিষপত্র বিক্রয় করিয়া ট্রেনভাড়া দিয়া আমরা বাড়ী পৌঁছিলাম। বাদল যে প্রকার লুক্ক আশায় মোহাবিষ্ট হইয়া গড়িয়াছিল তাহাতে এত বাধা অতিক্রম করিয়া যে তাহাকে ফিরাইয়া আনা যাইবে কত সময় আমি তাহাতে সন্দেহান হইয়াছিলাম কিন্তু ভগবৎ কৃপাতেই যখন তাহার মনের সকল জড়তা মোহ কাটিয়া কর্তব্য বুদ্ধি জাগ্রত হইল, তখনই উহার বাড়ী ফিরিয়া আসা সম্ভবপর হইল। কিন্তু আমি এই ঘটনার বিলক্ষণ বুঝিলাম টাকার মোহে মানুষের কি ভয়ানক বুদ্ধি বিভ্রম ঘটয়া থাকে।

৬ ই জ্যৈষ্ঠ সোমবার বেলা ৩টার সময় পাটকেবাড়ী হইতে বাহির হইয়া ৭ ক্রোশ পথ চলিয়া রাত্রি ১১ টার সময় পলাসী ষ্টেশনে আসিয়া আমরা ট্রেন পাইলাম। রাত্রি ২।০ টার সময় রাণাঘাট পৌঁছিয়া ভোর ৪।০ টার রাণাঘাট হইতে ৬টার সময় বনগাঁও এবং ৭টার মধ্যে গোবরডাঙ্গায় পৌঁছিলাম।

বিবিধ সংগ্রহ ও মন্তব্য



যুদ্ধ কবে শেষ হইবে?—যুদ্ধ কবে শেষ হইবে, সকলেই এই প্রশ্ন জিজ্ঞাসা করিতেছেন। ক্রেশ আর সহ হইতেছে না, ভরণ পোষণের ক্রেশ অসহনীয় হইয়াছে, পৃথিবীর লোকস্বয় হইতেছে, সুন্দরদেশ সকল ঋশান হইতেছে, তাই সকলেই ইহা জানিবার জন্য ব্যাকুল হইয়াছেন, কবে যুদ্ধ শেষ হইবে। যুদ্ধ কবে শেষ হইবে, তাহা কেহই বলিতে পারে না, তবু শীঘ্র শেষ হইবে, ইহা শুনিতেও আনন্দ হয়, তাই কতিপয় প্রধান লোক যাহা বলিয়াছেন, তাহা নিম্নে উদ্ধৃত হইল।

ইংলণ্ডের সমর মন্ত্রিসভার সভ্য লর্ড কার্জুন বলিয়াছেন,—সম্ভবতঃ ১৯২০ সালের ডিসেম্বরের পূর্বে যুদ্ধ শেষ হইবে না।

ইংলণ্ডের প্রধান মন্ত্রী মিঃ লয়েড জর্জ স্পষ্টতঃ কিছু বলেন নাই কিন্তু তাঁহার বিশ্বাস এই, শীঘ্রই চরম যুদ্ধ হইবে কিন্তু যুদ্ধের জের মিটিতে দুই বৎসর লাগিবে। তিনি বলিয়াছেন, জর্জ স্মার্ট আগামী আশ্বিনমাসের পূর্বেই এমন যুদ্ধ করিবেন, যাহাতে জয় পরাজয় নির্দিষ্ট হইবে।

লর্ড মেতার হলসে বলিয়াছেন,—যুদ্ধ আরও ৩ হইতে ৫ বৎসরের মধ্যে শেষ হইবে। ইহার অগ্রে কখনও শেষ হইবে না।

ক্যানন ডরলি ইংলণ্ডের একজন প্রসিদ্ধ সাহিত্যিক। তিনি বলিয়াছেন,—ক্রমিক পতনে যুদ্ধ যে দীর্ঘকাল স্থায়ী হইবে, তাহার কোন সন্দেহ নাই।

লর্ড লোরবরণ ইংলণ্ডের ভূতপূর্ব লর্ড চেমেলার। ইনি বলিয়াছেন,—যুদ্ধ অনেক দিন হইল আরম্ভ হইয়াছে, এখন ইহা শেষ হইবে।

আরলণ্ডের হোমরুলের পরমবৈরী সার এডওয়ার্ড কারসন বলিয়াছেন,—ষত দিন জর্জনের আপনাদের অপরাধ স্বীকার না করিবে, তা এক বৎসর হউক, কি তিন বৎসর হউক, ততদিন যুদ্ধের নিবৃতি হইবে না।

অক্সফোর্ডের গ্রীকভাষার অধ্যাপক মরে বলিয়াছেন,—ভবিষ্যৎবাণী করা বুদ্ধিমানের কার্য নহে। কখন কি বিপদ ঘটে, কে বলিতে পারে? কিন্তু যদি আমরা আত্মরক্ষা করিতে পারি, যদি ক্রান্তির উত্তর অঞ্চলের এত স্থান আমাদের হাতে থাকে, যেখানে মার্কিন সৈন্য জাহাজ হইতে অবতরণ করিয়া

বুদ্ধের জন্ত প্রস্তুত হইতে পারে। তবে নিশ্চয়ই জর্জনেরা যুদ্ধে পরাস্ত হইবে।

নৌ-সেনাপতি মার্কাস বলিয়াছেন,—লর্ড কিচেনার মনে করিতেন ৩ বৎসরে যুদ্ধ শেষ হইবে। তাঁহার গণনা নিষ্ফল হইয়াছে। যুদ্ধ কবে শেষ হইবে, কেহই বলিতে পারে না। (সঞ্জীবনী।)

আমরা ভারতবাসী কি চাই?—শিক্ষিত মানব সমাজেও সকলের একমত একভাব হওয়া আজো সম্ভবপর ব্যাপার বলিয়া প্রতীয়মান হইতেছে না। কখনও যে তাহা সম্ভবপর হইবে এমন আশাও বোধ হয় কেহ করেন না। কিন্তু যে সময় এমন গুরুতর বিষয় সমাজসমক্ষে আসিয়া উপস্থিত হয়, যাহাতে বিভিন্ন মত—বিভিন্ন ভাবের সমাধান করিয়া সকলেরই একভাব অবলম্বন করা আবশ্যিক হইয়া পড়ে—অর্থাৎ একতা হইলেও চলে, না হইলেও বিশেষ ক্ষতি নাই এমন অবস্থা তখন আর থাকে না। ঐ বিষয়ের মধ্যে বর্তমান বুদ্ধের অবস্থাকে ধরা যাইতে পারে। যে যে প্রবল শক্তিগুলি যুদ্ধে লিপ্ত, তাঁহাদের প্রত্যেকেই জয় আশায় জীবন পণ করিয়া দাঁড়াইতে হইয়াছে। একজনেরও উদাসীন বা বিরোধী হইবার ষো নাই, হইলেও মঙ্গল নাই। এখন প্রত্যেকের কি ভীষণ অবস্থা! কিন্তু সে হিসাবে ভারতবর্ষ এখনও যারের পক্ষপুটে নিরাপদে নিদ্রিত বলিলেও অত্যাঙ্কি হয় না। কিন্তু ৪ বৎসর যুদ্ধ চলিয়াছে এখন ভারতবর্ষের সম্মুখেও অতি গুরুতর কর্তব্য আসিয়া উপস্থিত হইয়াছে।

সম্প্রতি বঙ্গের প্রেস সেন্সার শ্রীযুক্ত জে, এন, রায় মহাশয় “সম্মিত ধন কিরূপে জর্জাণদের সাহায্য করে” এই মর্মে একখানি ইংরাজী বর্ণনাপত্র সমস্ত সংবাদপত্রে প্রকাশার্থে প্রেরণ করিয়াছেন, আমরা স্থানাভাবে তাহা প্রকাশ করিতে না পারিলেও উহার ভাবার্থের সহিত একান্ত সহানুভূতি করি। ‘যুদ্ধে জয় লাভের জন্ত আমি কি প্রকারে সাহায্য করিতে পারি’, এই প্রশ্ন আজ প্রত্যেক ভারতবাসীর চিন্তা করা উচিত। প্রত্যেকেই যে যুদ্ধ করিতে পারিবেন এমন নয়, কিন্তু কোন না কোনও প্রকারে সাহায্য করিতে সকলেই পারেন।

যদি আমরা ইংরাজরাজত্ব অক্ষুণ্ণ দেখিতে চাই, তবে আমাদের প্রত্যেকেরই হৃদয়গত একান্ত কামনা ঐ সাহায্যের অনুকূলে না হইয়া পারে না, যদি ঐ ইচ্ছার মধ্যে কোনও রকমে অসরলতা—কপটতা থাকে তবে

আমরা বিপ্লববাদীর দলস্থ, এবং প্রকারান্তরে জাৰ্মণীর সাহায্যকারী। কোনও শিক্ষিত চিন্তাশীল ব্যক্তি বিপ্লববাদী হইতে পারেন না। বিপ্লববাদীর মত যাহাই হউক, তাহা স্থিরবুদ্ধির ও ধৰ্ম্মানুমোদিত ভাব কখনই আমরা বলিতে পারি না। জৰ্ম্মণ বা অন্যের অধীনে ভারতবর্ষের মঙ্গল হইবে ইহা যদি কেহ মনে করেন তাহা সম্পূর্ণ কাল্পনিক—অযৌক্তিক এবং ভ্রমপূর্ণ ধারণা মাত্র।

আজ আমরা ইংরাজশাসনের বিচার করিতে শিখিয়াছি—আমাদের অভাব বুঝিতেছি, তাহা প্রাপ্তির জন্ত ‘দলবদ্ধভাবে’ দাবী করিতেছি। ৬০।৭০ বৎসর পূৰ্বেকার অবস্থা কি এ দেশ ভুলিয়া গিয়াছেন? কোথায় ছিল আমাদের এই আকাঙ্ক্ষা? আমরা যে সকল রকমেই জড়বৎ হইয়া গিয়াছিলাম। তাহা ভুলিলে তো চলিবে না। আকাঙ্ক্ষা জাগিল কোন্ জাতির সংসর্গে? যে জাতির শাসন-পক্ষপুটে থাকিয়া শতছিদ্র—সহস্রখণ্ডে বিভক্ত ভারতে এতটুকু একপ্রাণতা জাগিয়াছে তাহাতে ইংরাজজাতির মহত্ত্ব প্রকাশ পায় না কি? যে পথে ভারতের এতটুকুও উন্নতি হইয়াছে সেই পথেই ভারতের কল্যাণ আশা, বুদ্ধিমান শিক্ষিত চিন্তাশীল ধৰ্ম্মানুরাগী ব্যক্তিমাত্রেই করিয়া থাকেন। সুতরাং ইংরাজরাজত্বের স্থায়ীত্ব কামী প্রত্যেক ভারতবাসীর হওয়া উচিত। এজন্য যথাসাধ্য সাহায্য করিতে হইবে। যাহারা এই অবসরে অর্থ সৈন্য ও অন্যান্য রকমে যুদ্ধের সাহায্য করিয়াছেন—করিতেছেন, তাঁহারা নিশ্চয়ই ভারত হিতৈষী, ভারতমাতার সুসন্তান।

ভারতের এ কলঙ্ক কি দূর হইবে না?—শাসন সংস্কার প্রস্তাব ব্যর্থ করিবার জন্ত যাহারা বলিতেছেন,—“ভারতের ৩৩ কোটি অধিবাসীর মধ্যে ৩২ কোটি ৮০ লক্ষ লোক শাসন সংস্কারের নামও শোনে নাই।” “অল্প সংখ্যক লোক ব্যতীত অন্য কাহারও লোকমত বলিয়া যে পদার্থ তাহার জ্ঞান নাই।” “ভারতের বিভিন্ন শ্রেণীর মধ্যে ধৰ্ম্মগত, জাতিগত, আচারগত যে দ্বন্দ্ব আছে তাহা কখনও মিটিবে না।” “যাহারা শাসন প্রণালীর সংস্কার করিতে চায় তাহারা অঙ্গধারণ করিতে জানে না।” আজ যদি ব্রিটিশ বন্দুক ভারতবর্ষকে রক্ষা না করে তবে বাংলার নারীদের সতীত্ব রক্ষা করিবে কে? মুখের কথায় কিছা সভা-সমিতির বক্তৃতায়ও নয়—চরিত্রের দ্বারায় ভারত-রাসীকে এ কলঙ্ক দূর করিতে হইবে।

মহাত্মা গান্ধির কার্য।—মহাত্মা গান্ধির যত একনিষ্ঠ-কর্মী ও অদেহ-ভক্ত একান্ত দুর্লভ। তিনি যখন যে কার্যে প্রবৃত্ত হন তখন তাহাতেই বনোপ্রাণ ঢালিয়া দিয়া সেই কার্য সাধন করিয়া থাকেন। এখন তিনি সৈন্ত সংগ্রহ কার্যে প্রবৃত্ত রহিয়াছেন। যন হইতে আর সকল প্রকার চিন্তা দূর করিয়া তিনি তাঁহার অদম্য শক্তি এককার্যে নিয়োগ করিয়াছেন। সুরাটের এক সভায় বক্তৃতা কালে তিনি বলিয়াছেন ;—“আপনারা যদি হোমরুলকে অত্যাশঙ্কক বিষয় বলিয়া মনে করিয়া থাকেন, তাহা হইলে বর্তমান সঙ্কটকালে সাম্রাজ্যকে আপনাদের সাহায্য করিতে হইবেই। এই সময় সাম্রাজ্যের আস্থানে যদি আপনারা সাড়া প্রদান না করেন, তাহা হইলে আপনারা হোমরুল লাভের একান্ত অযোগ্য।”

স্থানীয় বিষয় ও সংবাদ

গোবরডাঙ্গার জমিদারপরিবারে একটি শোকাবেগ প্রশমিত হইতে না হইতে আর একটি শোকের আঘাত আসিয়া পতিত হইল। আমরা অত্যন্ত দুঃখের সহিত প্রকাশ করিতেছি যে, গিরিজাপ্রসন্ন বাবুর দেহত্যাগের ঠিক ২৬ দিন পরে গত ৫ই শ্রাবণ রবিবার সায়ংকালে তাঁহার স্নেহের তৃতীয় সহোদর বাবু জ্ঞানদাপ্রসন্ন মুখোপাধ্যায় তাঁহার এল্‌গিল রোডস্থ ভবনে দেহত্যাগ করিয়াছেন। সকলেই জানেন, জ্ঞানদাপ্রসন্ন বাবু শারীরিক বলে একজন বিখ্যাত পালোয়ান এবং শীকারি পুরুষ ছিলেন। কিন্তু হায়! কালের দণ্ডাঘাতের নিকট সবল দুর্বলের ভেদ নাই। ইতিপূর্বে নাকি তাঁহার বহুমূত্র রোগের সূচনা হইয়াছিল, তারপর প্রায় দুই বৎসর কাল হইতে বিশেষ ভাবে তাঁহার স্বাস্থ্য ভঙ্গ হয়। মধ্যে মধ্যে পীড়ার প্রকোপে ভীতরে ভীতরে শরীর ক্ষয় করিতেছিল, তারপর সহসা সঙ্কটাবস্থা হয়। তন্মধ্যে আবার কিছুদিন ভালও ছিলেন। কিন্তু ৪।৫ মাস পূর্বে হইতে আবার রোগের নূতন নূতন লক্ষণসহ পুনরাক্রমে আক্রান্ত হইয়া দিন দিন দুর্বল হইয়া পড়েন। তখন চিকিৎসকের পরামর্শে দার্জিলিং (খারসিয়াং) শৈলে গিয়া অবস্থিতি করেন, এবং চিকিৎসাও চলিতে থাকে। কিন্তু সেখানে আর সুবিধা বোধ হইল না দেখিয়া গত ২৭শে আষাঢ় বৃহস্পতিবার তাঁহাকে কলিকাতায়

ফিরাইয়া আনা হয়। তখন আর কোন রূপেই জীবনাশা ছিল না। অতিশয় দুঃখের বিষয় যে, তিনি অকালেই ইহলোক ত্যাগ করিলেন। আরও মর্মান্তিক বেদনার কথা যে, বালিকা বিধবা রাখিয়া গেলেন। ৩ বার দ্বার পরিগ্রহ করিয়াও তাঁহার পুত্রসন্তান হয় নাই। একমাত্র কণ্ঠা এবং জামাতাই তাঁহার প্রধান শোককারী এবং সর্ববিষয়ে উত্তরাধিকারী রহিলেন। আমরা আর কি বিনীত শোকার্তের শাস্ত্রনা দিতে পারি? কিন্তু সেই শোকাপহারী বিধাতার চরণতলে কামনা করি, তিনি পরলোকস্থ আত্মার সদগতি এবং সকলের প্রাণে শাস্ত্রনা দান করুন।

জ্ঞানদাবাবু একজন বিখ্যাত শীকারি ছিলেন, হয়তো এই কথাই সকলে জানেন, কিন্তু তিনি উচ্চশ্রেণীর সঙ্গীতজ্ঞও ছিলেন; তাহা যাঁহারা নিজে সঙ্গীতশাস্ত্রের অন্তঃসন্ধান রাখিতেন তাঁহারা এই তাঁহাকে সে জ্ঞান বুদ্ধিতেন। এমন কি তাঁহার এই অভিজ্ঞতার কথা আমাদের ইংরাজ রাজকর্মচারী মণ্টেও প্রমুখ প্রধান ব্যক্তিগণও অবগত হইয়া তাঁহার প্রশংসা করিয়াছিলেন। ইহা কুশদহের পক্ষে একটি গৌরবের কথা সন্দেহ নাই।

জীবিতকালে মানুষের অন্তর্নিহিত মহত্ত্বের বিষয় লোকচক্ষে তেমন করিয়া ফুটিয়া উঠে না, কিন্তু দেহান্তে অল্পাধিক পরিমাণে তাহা যেন স্বভাবতঃ প্রকাশিত হইয়া পড়ে। সেই সঙ্গে সঙ্গে তাহার দোষ দুর্বলতার কথাও যেন মানুষের মনে ক্ষীণ হইয়া যায়। পরমাত্মার কৃপায় আমরাও যেন আমাদের প্রিয় জ্ঞানদাপ্রসন্ন বাবুর সমক্ষে সেই দৃষ্টি লাভ করিতে পারি। তাঁহার মধ্যে যাহা সম্ভাব ছিল, তাহা যেন আমাদের প্রাণে দিন দিন ফুটিয়া উঠে।

গত ১৮ই শ্রাবণ শনিবার 'কুশদহ-সমিতির' সাধারণ সভার মাসিক অধিবেশনে জ্ঞানদা বাবুর জ্ঞান শোকপ্রকাশ করা হয়, এবং সর্বসম্মতিক্রমে স্থির হয় যে, ম্যানেজার সুশীল বাবুর যোগে তাঁহার প্রিয়তমা কণ্ঠা শ্রীমতী আশালতা দেবী ও জামাতা শ্রীযুক্ত রমেশচন্দ্র বন্দ্যোপাধ্যায় ও সমগ্র পরিবারবর্গের প্রতি সমবেদনা জ্ঞাপক-পত্র প্রেরণ করা হউক।

কুশদহ-সমিতি

—•—

গত ১৮ই শ্রাবণ শনিবার সন্ধ্যা ৭টায় 'কুশদহ' কলেজগৃহে 'কুশদহ সমিতি'র মাসিক অধিবেশন হইয়াছিল। শ্রীযুক্ত নিবারণচন্দ্র ঘটক মহাশয়ের প্রস্তাবে এবং অধিকাংশস্যদের সমর্থনে শ্রীযুক্ত পতিরাম বন্দ্যোপাধ্যায় মহাশয় এ দিনকার সভাপতির কার্য করেন।

সর্বপ্রথমে গোবরডাঙ্গার অন্ততম জমিদার পরলোকগত জ্ঞানদাপ্রসন্ন মুখোপাধ্যায় মহাশয়ের জ্ঞাত শোকপ্রকাশ করা হয়, এবং তাঁহার কন্যা, জামাতা ও পরিবারবর্গের নিকট সমবেদনা জ্ঞাপক-পত্র প্রেরণ করা ধার্য্য হয়।

তৎপরে গত এক মাসের মধ্যে কুশদহ-সমিতির কার্যনির্বাহক সভার ৪টি অধিবেশনে যে কার্যকরী বিষয়গুলি আলোচিত ও স্থিরীকৃত হইয়াছে, তাহা সাধারণ সভার সমক্ষে উপস্থিত করাই এ দিনকার আর একটি প্রধান কার্য ছিল। বিষয়গুলি যথাক্রমে এইরূপে উল্লিখিত হইতে পারে।

১। কুশদহর সীমানির্ধারণ জ্ঞাত গভর্ণমেন্ট সংক্রান্ত কার্যালয়াদি হইতে (সার্ভে জেনারেল অফিস, সেন্সাস রিপোর্ট, রেভিনিউ রেকর্ড, এবং গাইঘাটা, বাহুড়ে, হাবড়া, চাকদহ ও বনগ্রাম থানার ম্যাপ সংগ্রহ করিয়া) কুশদহর সীমা নির্ধারিত বাহা হইয়াছে তাহা (উক্ত ম্যাপ) প্রদর্শন করা হয়।

২। কুশদহ পল্লীর কোথাও একান্ত জলাভাব—বা পানীয় জলের অবস্থা কিরূপ তাহার একটি তদন্ত-ফল সমিতির নিকট উপস্থিত করিবার ভার শ্রীযুক্ত নিশিভূষণ মুখোপাধ্যায় ও শ্রীযুক্ত দুর্গাদাস বন্দ্যোপাধ্যায়ের উপর অর্পিত হয়। তাঁহারা ১২ খানি গ্রাম তদন্ত করিয়া যে রিপোর্ট দিয়াছেন তাহার মর্ম্ম জ্ঞাপন করা হয়। এবং গ্রামে গ্রামে কতকগুলি ভদ্রলোককে এই তথ্য জানিবার জ্ঞাত যে সকল পত্র লেখা হয়, তাহার যতগুলি উত্তর পাওয়া গিয়াছে তাহাও পঠিত হয়। রিপোর্ট এবং পত্র গুলির সার মর্ম্ম এই যে, একান্ত জলাভাব কুশদহর প্রায় কোন গ্রামে নাই—তবে বিস্তৃত পানীয় জলের অভাব সর্বত্র।

৩। চোন্দা হইতে লোকপুল পর্য্যন্ত কাঁচা রাস্তাটি ম্যারামত করিবার জ্ঞাত ২৪ পরগণা জেলা বোর্ড, গোবরডাঙ্গা ষ্টেশন হইতে ব্রহ্মমন্দিরের উত্তর দিয়া গৈপুর ককিরপাড়া ঘাট এবং তথা হইতে ইছাপুর প্রভৃতি গ্রামের নীচে

দিয়া পাইঘাটা পর্যন্ত রাস্তাটি ম্যারামত করিবার জন্য যশোহর ডিষ্ট্রিকবোর্ড ও গোবরডাঙ্গা মিউনিসিপালিটিকে, এবং মহলন্দপুর ষ্টেশন হইতে লোকপুল কুঁচলে ও বেলিনী হইয়া মল্লিকপুর পর্যন্ত যে রাস্তাটি গিয়াছে তাহা ম্যারামত করিবার জন্য ২৪ পরগণা ডিষ্ট্রিকবোর্ডে পত্র লেখা হউক। ইছাপুর ও মাটীকোমরা গ্রামে জঙ্গল কাটার ব্যবস্থা করিবার জন্য যশোহর ডিষ্ট্রিকবোর্ডের ও বনগ্রামের সাবডিভিসনাল অফিসারের নিকট যথা ক্রমে পত্র লেখা হউক। এই পত্রগুলির খসড়া প্রস্তুত করিবার ভার শ্রীযুক্ত নিশিবাবুর উপর অর্পিত হইয়াছে।

৪। বারাণস ও বনগ্রাম মহকুমার সাবডিভিসনাল অফিসার দ্বয়ের নিকট সহায়ত আকর্ষণের জন্য শ্রীযুক্ত নিশিভূষণ মুখোপাধ্যায় ও শ্রীযুক্ত নীলাচল মুখোপাধ্যায় ও শ্রীযুক্ত সুরেশচন্দ্র পাল সমিতির পক্ষ হইতে একটি ডেপুটেশন লইয়া কোন নির্দিষ্ট দিনে বারাণস ও বনগ্রাম যাইবেন, দিন স্থির করার ভার সম্পাদকের উপর অর্পিত হইয়াছে।

৫। যশোহর ও ২৪ পরগণার ডিষ্ট্রিকবোর্ডের চেয়ারম্যান মহাশয় দ্বয়ের নিকট শ্রীযুক্ত পতিরাম বন্দ্যোপাধ্যায়, শ্রীযুক্ত দুর্গাদাস বন্দ্যোপাধ্যায়, শ্রীযুক্ত নীলাচল মুখোপাধ্যায়, শ্রীযুক্ত নিশিভূষণ মুখোপাধ্যায় ও শ্রীযুক্ত সুরেশচন্দ্র পাল মহাশয়গণ যাইবেন স্থির হইয়াছে।

এতদ্বির সমিতির জন্মকাল হইতে ছয় মাসের একটি কার্যবিবরণী সম্পাদক কর্তৃক পঠিত এবং সর্বসম্মতিক্রমে গৃহীত হয়।

প্রীতি সন্মিলন

গত ২৬শে শ্রাবণ রবিবার, রাত্রি ৭ ঘটিকার সময়, গৈপুৰ নিবাসী শ্রীযুক্ত ব্রজকিশোর মিত্র মহাশয় তাঁহার ৪নং বৃন্দাবন মল্লিকের ১ম লেনস্থ নব নির্মিত আবাস “নগেন্দ্রকুটীরে” “কুশদহ-সমিতি”কে সাদর-নিমন্ত্রণ করেন। তদুপলক্ষে তথায় সমিতির একটি বিশেষ অধিবেশন হয়। কুশদহ-সমিতির জন্মকাল হইতে এ পর্যন্ত যতগুলি সাধারণ অধিবেশন হইয়াছে, বাস্তবপক্ষে এমন আর একটিও হইয়াছে বলিয়া বোধ হয় না। যদিও সত্য সংখ্যা খুব অধিক হয় নাই কিন্তু ব্রজকিশোর বাবু ও তাঁহার পুত্রগণের আত্মীয় বন্ধু পরিবেষ্টিত হইয়া সভাটি বেশ জমকালই হইয়াছিল। প্রদীপ্ত আলোকোজ্জলে মর্মর-যণ্ডিত পরিচ্ছন্ন কুটীরাবাসখানি যেন নবসাজে সজ্জিত হইয়া সত্যই তখন এক

অপূৰ্ণ শ্ৰীধাৰণ কৰিয়াছিল—আৰ সৰ্বোপরি ব্ৰজবাবুৰ প্ৰাণঢালা আদৰ,
অভ্যৰ্থনা!

সৰ্বসম্মতি ক্ৰমে শ্ৰদ্ধাস্পদ শ্ৰীযুক্ত পতিৰাম বন্দ্যোপাধ্যায় মহাশয়
এ দিনকাৰ এই সভাৰ উপযুক্ত সভাপতিই নিৰ্বাচিত হইয়াছিলেন! এই
প্ৰীতি-আনন্দ সম্মিলনেৰ এক প্ৰধান অঙ্গ ছিল, “দেশ—মাতৃকাৰ” বন্দনা-
গাথা—স্বদেশী সঙ্গীত। স্বৰ্গীয় স্বীক্ৰেজলাল “বঙ্গ আমাৰ” “জননী আমাৰ”
কি স্মৃতি ছড়াইয়া গেলেন। প্ৰাথমিক ২৩টি সঙ্গীতেৰ ভাবে সভ্যগণেৰ
প্ৰাণ যখন ভক্তি বসে আগ্ৰত হইয়া গিয়াছে, তখন সভাৰ কাৰ্য্যারম্ভ হইল।
সমিতিৰ সম্পাদক, গৃহ-স্বামীৰ সদৰ আহ্বান সূচক সূচনা জ্ঞাপন এবং
সভাপতি মহাশয় ব্ৰজবাবুৰ সংক্ষিপ্ত পৰিচয় প্ৰদান কৰিলে ব্ৰজবাবু তাঁহাৰ
অন্তৰ্নিহিত ভাবে বিভোৰ হইয়া তাঁহাৰ অন্তৰেৰ কথাগুলি বাহা লিপিবদ্ধ
কৰাইয়া রাখিয়াছিলেন, তাহা তাঁহাৰ স্মৃতি বন্ধু শ্ৰীযুক্ত হৰিনাথ বিশ্বাস
পাঠ কৰেন। ব্ৰজবাবুৰ প্ৰাণস্পৰ্শী প্ৰেমাগ্নুত অন্তৰেৰ কয়েকটি কথা শুনিয়া
প্ৰত্যেক সভোৰ প্ৰাণ তখন স্বদেশপ্ৰেমে যথ হইয়া উঠিয়াছিল। তাই “বঙ্গ
আমাৰ” কথাগুলি উচ্চাৰণ কৰিতে গিয়া সভাপতি মহাশয় অশ্রুসম্বৰণ কৰিতে
পারিলেন না। তাই বলিতে ছিলাম ‘অঙ্ককাৰ উপযুক্ত সভাপতি’ নিজে
কাঁদিয়া সকলকে কাঁদাইলেন। যথার্থই আজ মাতৃপূজা হইল—সমিতিৰ
অধিবেশন আজ বহু হইল!

তাৰপৰ শ্ৰীযুক্ত পতিৰাম দে, শ্ৰীযুক্ত নিশিভূষণ মুখোপাধ্যায় বি-এল,
শ্ৰীযুক্ত নীলাচল মুখোপাধ্যায় বি-এল, এবং কুশদহ সম্পাদক বক্তৃতা দ্বাৰা
কেবল স্বদেশপ্ৰীতি—জন্মভূমিৰ সেবা, একপ্ৰাণতাৰ কথাগুলি উচ্চাৰণ
কৰিয়া যেন বাস্তবিক জগত অধি উদ্গীৰণ কৰিয়াছিলেন। বড়ই দুঃখেৰ
বিষয় আমাৰ স্থানাভাবে ঐ সকল বক্তৃতাৰ কিছুই প্ৰদান কৰিতে
পারিলাম না। কেবল এ দিনকাৰ উপস্থিত সভ্যগণেৰ প্ৰাণে এক প্ৰাণপ্ৰদ
স্বৃতি জাগৰুক রহিল। কিন্তু যাঁহাৰা অঙ্ককাৰ সম্মিলনে উপস্থিত হইতে
পাৰেন নাই, তাঁহাদেৰ নিকট এই প্ৰসাদী-মূল কিৰূপে উপস্থিত কৰা যাইতে
পাৰে? আশায় বুক বাঁধিয়া প্ৰাৰ্থনা কৰি বিধাতা সে বিধান কৰুন।

শ্ৰীযুক্ত ব্ৰজকিশোৰ বাবুৰ সভাষণটি অত্যন্ত হৃদয়গ্ৰাহী হওয়ায় নিজে
তাঁহা প্ৰকাশিত হইল।

অবশেষে কুশদহ-সমিতিৰ হিতৈষী সভ্য শ্ৰীযুক্ত রাখালচন্দ্ৰ ভট্টাচাৰ্য্য

এবং ব্রজকিশোর বাবুর প্রতিবাসিনী একটি মহিলা সঙ্গীত করিয়া সকলের প্রাণে অত্যন্ত আনন্দ দান করিয়াছিলেন।

ব্রজকিশোর বাবুর অভিভাষণ

আজ এই প্রাবৃত সন্ধ্যায়, যাহার অপার করুণায়, যাহার অসীম মঙ্গল বিধানে, আমার পরম স্নেহ ও ভক্তির পাত্র 'কুশদহ-সমিতি'র সভ্যগণকে এখানে প্রাপ্ত হইয়াছি, সর্বাঙ্গে সেই বিশ্বপতির চরণে বার বার প্রণিপাত করি।

কুশদহ-সমিতির সভ্যগণ যাহারা আবশ্যকীয় কর্ম পরিত্যাগ করিয়া কত অনুবিধা লঙ্ঘন করিয়া এখানে উপস্থিত হইয়াছেন, তাঁহাদিগকে আমি পাশ্চাত্য রীতি অনুসারে ধন্যবাদ দিতে চাহি না, কারণ ধন্যবাদ দূরত্ব জ্ঞাপক। ভাইয়ের সমীপে ভাইয়ের, আত্মীয়জন সমীপে আত্মীয়ের, বন্ধুর সমীপে বন্ধুর আগমনে, বন্ধুর মিলনে ধন্যবাদের ভাব মনে আসে না, সেখানে এক অনাবিল স্নেহরসে হৃদয় আপ্লুত হয়, প্রেমানন্দে মন ভরিয়া উঠে। যাহারা আমার বয়ঃজ্যেষ্ঠ তাঁহাদিগকে আমি ভক্তির সহিত প্রণাম করিতেছি, আর যাহারা আমার বয়ঃকনিষ্ঠ তাহাদিগকে প্রাণ ভরিয়া আশীর্বাদ করিতেছি, দেশ-কল্যাণে তাঁহাদের মতি থাকুক। আজ আমার এ কুটীর পবিত্রীকৃত, আজ আমি সগোষ্ঠী ধন্য—আমার অকিঞ্চিৎকর জীবনের ক্ষুদ্র ইতিহাসে আজিকার এ মিলন স্বর্ণাকরে অঙ্কিত থাকিবে।

ক্ষুদ্র পল্লিগ্রামের কথা যখন মনে পড়ে, তখন হৃদয় এক অনির্কচনীয় আনন্দ-রসে ভরিয়া উঠে। আমার পূর্বপুরুষগণের অস্থি যাহার মাটিতে মাটি হইয়া আছে—আমার স্বর্গগত স্বগণ গণের নিশ্বাস প্রশ্বাস যাহার বায়ুতে মিশিয়া রহিয়াছে, আমার পিতামহগণ যাহার জলে অবগাহন করিয়াছেন, যাহার বটতলে বিশ্রাম করিয়াছেন, সে দেশ বড় পবিত্র, বড় আদরের, বড় গৌরবের। তথায় কাক-কণ্ঠের কর্কশধ্বনি, খাঁচার পোষা সছর-কোকিলকণ্ঠের পঞ্চম রাগ হইতে অনেক মিষ্ট। তথায় কুলে কুলে ভরা পুকুরের জল নগরীর শোধিত জল হইতে যেন আরামের। কেমনে বুঝাইব শত-শ্রুতি বিকল্পিত সেই গ্রাম্য পথ,ঘাট,মাঠ, আমার কত আনন্দের—কত শ্রদ্ধার, কত গৌরবের!

যখন জ্যোৎস্না-মুখরিত শারদ-সন্ধ্যায় শেফালি তলে প্রকৃতির মহহাস্ত ফুটিয়া উঠে, যখন গভীর নিশীথে হরি-সঙ্কীর্ণনের হুরাগত ধ্বনি স্রবুপ্তি ভাঙিয়া দেয়, তখন মনে হয় জগতে এমন কোনও আমোদ প্রমোদ নাই, যাহাতে এমন নির্মল আনন্দ দিতে পারে।

কিন্তু হায় ! সেই চির আদরের পল্লির আজ কি অবস্থা !

বলিতে বুক কাটিয়া যায়, আজ বেখানে হ্রস্ব ম্যালেরিয়া-রাক্সসী তাহার বদন ব্যাদান করিয়া রহিয়াছে—আর দিনের পর দিন শিশু, যুবা, প্রৌঢ় সকালে তাহার কবলে গমন করিতেছে—সোণার দেশ ছাড়াই যাইতে বসিয়াছে। পুত্রহীনের ক্রন্দনে—বাল-বিধবার নীরব অশ্রুপাতে, দরিদ্রের উচ্চ্বাসে, দেশের শান্তি সুখ, দূরে পলায়ন করিয়াছে, দেশ বিরাট শ্মশানে পরিণত হইয়াছে—আর সেই শ্মশানের উপরে ম্যালেরিয়া-রাক্সসী তাণ্ডব নৃত্য করিতেছে।

কিন্তু ইহার উপায় কি ?

এক নূতন যুগ আসিয়াছে ; পৃথিবীময় এক নবীন জীবনের স্পন্দন—এক নব অভ্যুদয়ের সূচনা, এক নব জাগরণের সাজা পড়িয়া গিয়াছে। প্রত্যেক দেশ, প্রত্যেক জাতি, প্রত্যেক মানব আজ নিজ নিজ অবস্থার উন্নতি—নিজকে সুপ্রতিষ্ঠিত ও আত্মরক্ষা করিবার জ্ঞান সংগ্রাম করিতে উৎসাহিত হইতেছে। আমার মনে হয়, এই ‘কুশদহ-সমিতি’ সেই নব জাগরণেরই সূত্র। বিশ্বব্যাপী মহাসমর চারি বৎসর ধরিয়া শোণিত স্রোতে যেদিনী ভাসাইতেছে, তাহারই কলে প্রত্যেক জাতি, প্রত্যেক মানব, প্রত্যেক দেশ বুঝিয়াছে, আত্মরক্ষা করা কি বিষম ব্যাপার, প্রত্যেক সমাজকে প্রত্যেক দেশকে প্রতিকূল ঘটনার সঙ্গে সংগ্রাম করিয়া নিজের পায়ে দাঁড়াইতে হইবে, আত্মপ্রতিষ্ঠা করিতে হইবে।

‘কুশদহ-সমিতি’ মহান উদ্দেশ্য লইয়া কৰ্মক্ষেত্রে অগ্রসর হইতেছে। বড়ই আনন্দের বিষয় এই শিশু-সমিতি ইতিমধ্যে অনেকগুলি সংকারণ্যে হস্তক্ষেপ করিয়াছে। কবে দেখিব এই সমিতি দেশের দলাদলি দূর করিয়া, হিংসাত্মক দূরে তাড়াইয়া এক ‘মহা-মিলন-মন্দিরের’ প্রতিষ্ঠা করিয়াছে। দেশের স্বাস্থ্য, দেশের কৃষি-বাণিজ্য, দেশের ধন দেশে ফিরাইয়া আনিবে, প্রতিবেশী প্রতিবেশীর হৃৎথে কাঁদাবে—হর্ষে হর্ষ-প্রকাশ করিবে। আর থাকিবে গোলা ভরা ধান, মাছ ভরা পুকুর, গাই ভরা গোমাল, আর সকলের চেয়ে বড় ধর ভরা মাগুৰ।

কিন্তু সে শক্তি কোথায় ?

ক্ষুদ্রবীজ যখন অঙ্কুরিত হয়, তখন কে জানে তাহার মধ্যে কি শক্তি লুক্কায়িত রহিয়াছে, সে বীজ যদি উপযুক্ত ক্ষেত্রে রোপিত হয় এবং তাহাতে নিয়মিত জল সিক্ত হয়, তবে তাহাতে একদিন অঙ্কুর উদ্গত হইবেই, একদিন সে বাড়িবেই, একদিন সে ডালপালার সুশোভিত হইবেই। তখন তাহার

শাখার শাখার পাখীরা গান গাহিবে, তাহার শ্যামল-ছায়ায় রৌদ্র-তপ্ত কত শ্রান্ত-পথিক বিশ্রাম লাভ করিবে। তেমনই উপযুক্ত যত্ন করিলে এই শিশু সমিতি অশেষ কল্যাণকর হইতে পারে এবং ইহারই পছা অনুসরণ করিয়া কত নব নব সমিতি নব নব উদ্দেশ্য লইয়া সংস্থাপিত হইতে পারে।

উপসংহারে এই সমিতির উদ্যোগী শ্রদ্ধাস্পদ শ্রীযুক্ত পতিরাম বন্দ্যোপাধ্যায়, শ্রীযুক্ত নীলাচল মুখোপাধ্যায়, শ্রীযুক্ত নিবারণচন্দ্র ঘটক, শ্রীযুক্ত ষোণীন্দ্রনাথ কুণ্ডু প্রভৃতি মহাশয়গণকে ও সম্পাদক শ্রীযুক্ত নগেন্দ্রনাথ মুখোপাধ্যায় ও সহঃ সম্পাদক শ্রীযুক্ত গিরিজানাথ মুখোপাধ্যায় মহাশয়দিগের প্রতি আমি আমার আন্তরিক শ্রদ্ধা জ্ঞাপন করিতেছি, এবং সমিতির অন্যান্য উদ্যোগীগণকেও আমার শুভাকাঙ্ক্ষা জানাইতেছি।

সমিতির উদ্দেশ্য সফল হউক, দেশের ম্যালেরিয়া, জনশূন্যতা নিবারণ করিয়া একতাবন্ধনে দেশকে এক সুখময় পরিবারে পরিণত করুক। দেশের শোকের হাহাকার দারিদ্র্যের নিষ্পেষণ দূরে অন্তর্হিত হউক, ঘরে ঘরে হাসির রোলে—আনন্দের কোলাহলে, উৎসবের ঝঙ্কারে দেশ মুখরিত হউক, ভগবানের রূপায় আমাদের সেইদিন আসুক।

বিনীত শ্রী ব্রজকিশোর মিত্র।

কুশদহ-পঞ্জী

—০—

ভ্রম সংশোধন। বৈশাখ সংখ্যায় প্রকাশিত “যজ্ঞেশ্বর চৌধুরীর বিবাহ গৈপুর বেচারাম ভট্টাচার্যের কন্যা” নহে। প্রকৃত পরিচয় অপ্রাপ্ত।

আষাঢ় সংখ্যায় প্রকাশিত ৩সারদাপ্রসন্ন বাবুর ৪র্থ পুত্র ৬প্রমদাপ্রসন্ন, ৫ম পুত্র ৬কুলদাপ্রসন্নর স্থলে, ৪র্থ ৬কুলদাপ্রসন্ন ও ৫ম পুত্র ৬প্রমদাপ্রসন্ন হইবে।

৩গিরিজাপ্রসন্ন বাবুর ৬ষ্ঠ কন্যা পদ্মিনীর স্বামী বহুবাজার নিবাসী শ্রীযুক্ত হেমচন্দ্র চট্টোপাধ্যায়, স্থলে ৬ হইবে, অর্থাৎ পদ্মিনী দেবী বিধবা।

৩সারদাপ্রসন্ন বাবুর কন্যা ৩য়া (অবর্তমান) নিশামণি দেবীর স্বামী ৬অন্নদাপ্রসাদ চট্টোপাধ্যায়, স্থলে, শ্রীযুক্ত হইবে। অর্থাৎ অন্নদাবাবু সূহ শরীরে কানীতে বাস করিতেছেন।

৩ শ্রীধর মুখোপাধ্যায়

৩ খোলারাম মুখোপাধ্যায়ের কন্যা উমাময়ী, ধর্মদেহের ৩ রামকিশোর চট্টোপাধ্যায়ের পত্নী। রামকিশোরের কন্যা “রাধী ঠাকুরাণী” শান্তিপুত্রের বাইগাছির ৩ শ্রীধর মুখোপাধ্যায়ের পত্নী। শ্রীধর মুখোপাধ্যায় গোবরডাঙ্গায় আসিয়া বাস করেন। ইহার দুই পুত্র, ৩ সারদাচরণ ও ৩ বসন্তকুমার।

৩ সারদাচরণ মুখোপাধ্যায়ের—খণ্ডরায় হুগলি জেলার ত্রিবেণী। সারদা বাবুর দুই পুত্র—শ্রীযুক্ত চাক্রচন্দ্র ও শ্রীযুক্ত পঞ্চানন মুখোপাধ্যায়।

শ্রীযুক্ত চাক্রচন্দ্র মুখোপাধ্যায়ের—শ্রী শ্রীমতী ত্রৈলোক্যমোহিনী, যেদিনীপুর জেলার জাড়া গ্রামের ঈশ্বরচন্দ্র রায়ের কন্যা।

চাক্র বাবুর ৩ পুত্র—৩ আশুতোষ, শ্রীযুক্ত সুশীলচন্দ্র, শ্রীযুক্ত সুবোধচন্দ্র।
কন্যা—সরসীবালা, সরযুবালা, আর একটির নাম অপ্রাপ্ত (বুড়ী ডাক নাম)

৩ আশুতোষের ঋগুর কলিকাতা সারপেনটাইন লেনস্থ বিষ্ণুধন চট্টোপাধ্যায়।

সুশীলচন্দ্রের ঋগুর সাতক্ষীরার শরৎচন্দ্র বন্দ্যোপাধ্যায়।

সুবোধচন্দ্রের ঋগুর শিবপুরের শরৎচন্দ্র বন্দ্যোপাধ্যায়।

শ্রীমতী সরসীবালার স্বামী, রিমড়ার ক্ষিতিশচন্দ্র বন্দ্যোপাধ্যায়।

সরযুবালায় স্বামী, চারঘাটের কালিদাস বন্দ্যোপাধ্যায়।

বুড়ীর স্বামী বর্ধমান জেলার—পুরের শ্রীযুক্ত রাধিকাপ্রসাদ বন্দ্যোপাধ্যায়।

শ্রীযুক্ত পঞ্চানন মুখোপাধ্যায়ের—শ্রী শ্রীমতী জয়াবতী দেবী, হুগলী জেলার বেলে শিকুরের বিপিনবিহারী বন্দ্যোপাধ্যায়ের কন্যা।

পঞ্চানন বাবুর কন্যা শ্রীমতী রাধারাণী দেবীর স্বামী মল্লিকপুরের শ্রীযুক্ত ভূষণচন্দ্র বন্দ্যোপাধ্যায়ের পুত্র শ্রীযুক্ত চণ্ডীচরণ বন্দ্যোপাধ্যায়।

৩ বসন্তকুমার মুখোপাধ্যায়ের ঋগুর চারঘাটের ৩ রামভারণ চৌধুরী।

বসন্ত বাবুর পুত্র পটলের (নাম পাওয়া যায় নাই) ঋগুরায় রিমড়ায়।

বসন্ত বাবুর জ্যেষ্ঠা কন্যা, শ্রীমতী কাত্যায়নী দেবীর স্বামী ইছাপুরের শ্রীযুক্ত কালাচাঁদ বন্দ্যোপাধ্যায়। কনিষ্ঠা কন্যা (বিধবা) ভানুমতী দেবীর স্বামী ইছাপুরের ৩ বিহারীলাল চট্টোপাধ্যায়।

কুশাধহ

“জননী জন্মভূমিষ্ট স্বর্গাদপি গরীয়সী”

“সত্যম্ শিবম্ সুন্দরম্”

“তোমার জগতে প্রেম বিলাইব,
তোমারি কার্য বা সাধিব ”

দশম বর্ষ

ভাদ্র, ১৩২৫

পঞ্চম সংখ্যা

আত্ম-নিবেদন

দয়াল প্রভু ! আজ কি বলে কোন সুরে তোমার চরণে হৃদয়ের কৃতজ্ঞতা প্রকাশ করিব ! তুমি সত্য ! তুমি প্রত্যেক কাতর প্রার্থনা শোনো । . দয়াল, তোমার সিংহাসন-তলে দাসের ডাক পৌঁছিয়াছে । তুমিই ডাকিবার প্রবৃত্তি দাও আবার তুমিই তাহা পূরণ করো -- তোমার এ-কি খেলা ! দেশের জ্ঞাত বেদনা-বোধ তুমিই দিয়াছিলে, আজ ৩২ বৎসর পর্যন্ত সে সুর তুমিই রক্ষা করিয়াছ । আজ সমগ্র দেশবাসীর মিলনের জ্ঞাত “সমিতি” যোগে তাহার একটু পূর্বাভাস দেখাইলে । কৃতার্থ করিলে । তবে সেই প্রকৃত মিলন -- যাহা তোমার চরণতলেই সম্ভব, তাহারই আয়োজন করো । বাহিরের মিলন তো প্রকৃত মিলন নয় -- সেতো ক্ষণিক, তাহাতে প্রাণ তো শুদ্ধ হয় না । তোমার প্রেমে ভাইয়ে ভাইয়ে স্বার্থ ত্যাগের যে মিলন, সেই তো বিগুহ মিলন । প্রভু এখন তাহার আয়োজন ক'রে দাও । তোমার চরণ-তলে সেই পবিত্র মিলন আশা করিয়া ভক্তিতরে প্রণাম করি । তোমার ইচ্ছা পূর্ণ হউক । দাস—

কুশদহের ইতিহাস



বারুই—ব্রহ্মবৈবর্ত পুরাণ মতে বারুই সংশ্লিষ্ট মধ্য পরিগণিত। বারুজী বা বারুই নবশায়ক শ্রেণীর অন্তর্গত। ব্রহ্মবৈবর্ত পুরাণ মতে বারুজীর পিতা ব্রাহ্মণ, মাতা শূদ্রা। কোনও মতে পিতা ক্ষত্রিয়, মাতা শূদ্রা। জাতিমালা বা অন্যান্য মত আমরা উল্লেখ করিতে চাহি না। বারুজীর উৎপত্তি সম্বন্ধে প্রবাদ এই যে, পূর্বে কেবল ব্রাহ্মণগণ পানের চাষ করিতেন। তখন তাঁহাদের এতদ্বারা ধর্মাস্থানের বিশেষ ব্যাঘাত হইত, কাজেই তাঁহারা সৃষ্টিকর্তার শরণাপন্ন হইয়া এ ব্যবসায় হইতে অব্যাহতি লাভের প্রার্থনা জানাইলেন। ব্রহ্মা বারুজীর সৃষ্টি করিয়া ব্রাহ্মণকে অব্যাহতি দিলেন। তদবধি পানের চাষ বারুজীর জাতীয় ব্যবসায় হইল।

যাহা হউক, বারুজীর জন্ম বঙ্গদেশের মুখ উজ্জল হইয়াছে। সরকার সদয় হইয়া বাঙালীকে সৈন্য শ্রেণীভুক্ত হইবার অধিকার দিলে, বারুজী শ্রেণীর উচ্চ-শিক্ষিত ব্যক্তিগণ প্রথমেই, এই শ্রেণীভুক্ত হন। বিশেষ লাভ জনক আইন ব্যবসায় পরিত্যাগ করিয়া বারুজী যুবকগণ এগার টাকা বেতনের সৈন্য হইয়া অক্ষয়কীর্তি লাভ করিয়াছেন। বাংলার আদর্শ স্থানীয় হইয়া স্বদেশের কলঙ্ক দূর করিয়াছেন। তাঁহাদের ধর্মনীতে যে মধ্যার্থ ক্ষত্রিয় রক্ত প্রবাহিত হইতেছে তাহা দেখাইয়াছেন। শিক্ষা, সভ্যতা, ধন সম্পত্তিতে বারুজী আজ বিশেষ উন্নত। উচ্চশ্রেণীর কায়স্থ, বৈষ্ণব হইতে তাঁহারা এখন বেশী দূরে নহেন।

হিন্দু সমাজের অন্যান্য শ্রেণী হইতে বারুজী গৃহাচারী। প্রত্যয়ে স্নান না করিয়া বারুজী বরোজে প্রবেশ করেন না। বরোজ তাঁহাদের নিকট দেবায়তন বিশেষ। পান রোপণের সময় মৃত্তিকা কর্ষণ আবশ্যিক। এজন্য নিম্ন শ্রেণীর মজুর নিযুক্ত করিতে হয়। কিন্তু বরোজে প্রবেশ করিবার পূর্বে তাহাদিগকে স্নান করাইয়া আর্দ্র বস্ত্র পরিত্যাগ করাইয়া তবে প্রবেশ করিতে দেওয়া হয়। অণ্ডচি স্ত্রী কখনও বরোজে প্রবেশ করে না। করিলেই বিপদ ঘটে। ব্রাহ্মণকেও কখনও বরোজে প্রবেশ করিতে দেওয়া হয় না। বৃদ্ধকেও নহে। অনাচারের শাস্তি বহু জন্তুর উপদ্রব—বরোজে বাঘের উৎপাত বলিয়া বোধ হয়, তাই এত পবিত্রতা রক্ষার কড়াকড়ি।

পানের ব্যবসায়ের উন্নতি ও লাভ দেখিয়া অপর শ্রেণীর অনেক লোক

এ ব্যবসায় ধরিয়াকে। চাষাধোপা, চাঁড়াল, কৈবর্ত, গুঁড়ী প্রভৃতি অনেক শ্রেণীর লোক এ ব্যবসা করিতেছে। তাহাদের বরোজে সনাক্ত পবিত্রতা রক্ষিত হয় না। চাষও ভাল হয় না। যে সকল পর্ণকার পূর্ণকালে সন্দীপে বা সাগরদ্বীপে মুসলমানধর্ম গ্রহণ করিয়াছিল তাহারা এখনও সেখানে ঐ ব্যবসা করে। তাহারা বরোজ পবিত্র রাখে না। কিন্তু আউলিয়া বা পীরের মানসিক করিয়া বরোজ প্রবেশ করে এবং বস্ত্র ছস্তর উপদ্রব হইতে আত্মরক্ষা করে।

এই শ্রেণীর মধ্যে জমিদার, তালুকদার, পত্তনিদার অনেক আইনজ্ঞ ও অন্যান্য স্বাধীন ব্যবসায়ের লোক অনেক। এই শ্রেণীর শিক্ষিত ব্যক্তি সংস্কৃত কলেজে অধ্যাপকের কাজ করেন এবং কাজেও প্রতিষ্ঠা লাভ করিয়াছেন। কেহ কেহ বোম্বাই চেসারম্যানও হইয়াছেন। এই শ্রেণীর প্রধান ব্যক্তি রায় বহুনাথ মজুমদার বাহাদুর বেদান্ত বাচস্পতির চেষ্টায় যশোভরে নবম সাহিত্য সম্মিলন হইয়াছিল। সমাগত সাহিত্যিকগণ ষড় বাবুর অমায়িক ব্যবহারে আপ্যায়িত হইয়াছিলেন।

বারুজী সম্প্রদায় চারি শ্রেণীতে বিভক্ত। যথা—রাঢ়, বারেন্দ্র, নাদাস ও কোটা। এই শ্রেণীর মধ্যে স্বগোত্রো বিবাহ হয়। তবে সমানোদক হইলে হয় না। ইহাতে মনে হয় উচ্চ বর্ণের অনেক ক্ষুদ্র ক্ষুদ্র সম্প্রদায় পূর্ব ব্যবসায়ে রহিয়া গিয়াছেন।

বারুজীর বিবাহে কণ্ঠা পণ গৃহীত হইয়া থাকে। তবে উচ্চ শিক্ষিতগণের মধ্যে এ প্রথার প্রচলন কমিতেছে। গোপ জাতির মধ্যেও কণ্ঠা-পণ গ্রহণ প্রথা আছে কিন্তু শিক্ষিতেরা তাহা রক্ষিত করার চেষ্টা করিতেছেন। বারুজীর বিবাহে কুশণ্ডিকা নাই। তবে সম্প্রদানের পর মপ্তপদী গমন ও অগ্নিতে লাক্ষাঞ্জলি নিক্ষেপ ও অগ্নি-প্রণাম আছে। বর বধুর গৃহে আগমন সময়ে কোন কোন স্থানে বিভিন্ন অমুষ্ঠান আছে, তবে সাধারণতঃ প্রচলিত নিয়মে তাহা শুনিতে পাওয়া যায় না।

বারুজী সাধারণতঃ সকলেই শাক্ত—অনেক বৈষ্ণবও আছেন। নবশায়ক-যাজি ব্রাহ্মগণ বারুজীর পৌরহিত্য করিয়া থাকেন। তবে আশ্বিন মাসের কৃষ্ণপক্ষের নবমী তিথিতে যে উষা পূজা হইয়া থাকে তাহাতে ব্রাহ্মগণ পুরোহিতের প্রয়োজন হয় না। বরোজের মধ্যে এই দেবীর পূজা হয়। কোন মূর্তি গঠিত হয় না। কেবল নৈবেদ্য প্রদত্ত হয়, এবং এই নৈবেদ্য পল্লীর বালকদিগকে দেওয়া হইয়া থাকে। বিক্রমপুরে উষাকে সংগাই নামে পূজা করা হয়। সংগাই ভগবতীর

নামাস্তর। এই উষা পূজা হইতে বুঝিতে পারা যায় যে বৈদিককালের আচার বাকুই মধ্যে কতকটা রক্ষিত হইতেছে। এক সময়ে যে ব্রাহ্মণ, ক্ষত্রিয়, বৈশ্য, কায়স্থ প্রভৃতি সকলেই পর্ণকার ছিলেন এবং এখনও কেহ কেহ সেই বৈদিক আচার আংশিক ভাবে রক্ষা করিতেছেন তাহা অনুমান করিতে পারা যায়।

ধুলনা, যশোহর, ঢাকা, বাথরগঞ্জ, ফরিদপুর প্রভৃতি স্থানে বাকুজীর সংখ্যা যত অধিক, নদীয়া, ২৪ পরগণায় তত নহে। কুশদহে বাকুজী যাঁহারা আছেন, তাঁহাদের মধ্যে গাঁতিদার এবং অগ্ৰাণ্য ব্যবসায়ীও আছেন। ইঁহাদের আর্থিক অবস্থা ভাল। ধর্মমঙ্গল গ্রন্থ পাঠ করিয়া যাঁহারা বাকুজী সম্বন্ধে একটা ধারণা ধারণা করিয়া রাখিয়াছেন, তাঁহাদের শিক্ষিত বাকুজীর সহিত পরিচিত হওয়া আবশ্যিক। ধার্মিক ও চরিত্রবান ব্যক্তির সংখ্যা এই শ্রেণীর মধ্যে যথেষ্ট দেখা যায়।

কেহ কেহ বলেন তামুলী ও পর্ণকার মূলে একই শ্রেণীর—দুইটি শাখা মাত্র। যাঁহারা পাণের চাষ করেন তাঁহারা বাকুজী আর যাঁহারা পাণ বিক্রয় করিতেন তাঁহারা ই তামুলী নামে পরিচিত। আমরা তামুলী প্রবন্ধে এ বিষয়ের যথাসাধ্য আলোচনা করিব।

বেহারাবলে যে সকল বাকুই দেখিতে পাওয়া যায় তাহারাও পাণের ব্যবসা করে। কিন্তু বাংলার বাকুয়ের মত তাহারা শিক্ষিত, উন্নত ও সদাচারী নহে। বেহারে বাকুইদিগের উপাধি রাউত এবং মঘাইয়া, চৌরাশিয়া, সেমেরিয়া প্রভৃতি পাঁচ শাখায় বিভক্ত। তাহাদের মধ্যে বিধবা বিবাহ প্রচলিত আছে। বাংলার বাকুই মধ্যে তাহা নাই। বেহারের বাকুয়ের গোত্র কাশ্যপ ও নাগ।

বাংলার বাকুইদের গোত্র ভারদ্বাজ, শাণ্ডিল্য, কাশ্যপ ও বাৎস্ত, গৌতম, আলম্যল, মৌদগল্য, জৈমিনী, চন্দ্র, বাস, বিষ্ণু প্রভৃতি। কায়স্থের ঞ্চায় বাকুয়েরও উপাধি যথা—মিত্র, দত্ত, গুহ, নাগ, দে, দাস, ধর, কর, সেন, রুদ্র, শুদ্র, চন্দ, কুণ্ড, হোড় প্রভৃতি এবং আধুনিক উপাধি মজুমদার, সরকার, হালদার, বড়াল, মল্লিক, খাস, বিশ্বাস, ভৌমিক প্রভৃতিও দেখা যায়। তবে গোষ্ঠীপতি বাকুয়ের উপাধি চৌধুরী।

বাকুজী শ্রেণীর মধ্যে যেরূপ দীর্ঘজীবী লোক দেখা যায় অগ্ৰাণ্য শ্রেণীতে ততো দেখা যায় না। তাহার কারণ আলস্য কাহাকে বলে বাকুই জানে না। নিজের কাজ, শ্রমসাধ্য কাজ লইয়া সর্বদা থাকিতে হয়, এজন্য কপটতা শিথিলতার অবসর হয় না। এরূপ সরল ও নিরীহ শ্রেণীর যে উত্তরোত্তর উন্নতি হইবে তাহাতে সন্দেহ নাই।

শ্রীচারুচন্দ্র মুখোপাধ্যায়।

স্বর্গীয় প্রকাশচন্দ্র চৌধুরী

(বর্ষভঙ্গ হইতে গৃহীত)

ইংরাজি ১৮৯৮ সালে কলিকাতা গিরীশবিহারজি মেনে প্রকাশচন্দ্রের জন্ম হয়। জন্মের সময় সরকারি কার্যোপলক্ষে আমি অগ্ৰে ছিলাম। অভিভাবক স্বরূপ বালকের দাদা শ্রীমান্ জগন্মোহন ছিলেন। এই বালকের জন্মের পূর্বে, আমাদের প্রথম পুত্রের মৃত্যু হয়। এই পুত্রের জন্মে এই পরিবারের প্রতি বিধাতার বিশেষ দয়া প্রকাশ মনে হওয়ায় ইহার নাম প্রকাশচন্দ্র রাখা হইয়াছিল। যখন বালকের বয়স দু' বৎসর তখন সে কঠিন বক্রতের রোগে (Infantile liver) আক্রান্ত হয়। প্রায় ৬ মাসকাল বালক রাত্রি ১২টা হইতে প্রায় ৫টা পর্যন্ত ক্রন্দন করিত, ক্রমে সে জীর্ণ শীর্ণ হইয়া উঠিল। চিকিৎসকগণ তাহার জীবন সম্বন্ধে নিরাশ হইলেন। কিন্তু ভগবানের কৃপায়, এ যাত্রা বালকের জীবন রক্ষা পায়।

এই কঠিন রোগ হইতে আরোগ্য লাভের পর ক্রমে তাহার শরীর সুস্থ হইতে থাকে এবং সঙ্গে সঙ্গে স্মৃতিশক্তিরও বিকাশ পায়। তাহার বয়স যখন ৪ বৎসর, তখন প্রায় প্রচলিত সমস্ত ইংরাজি কথা সে আয়ত্ত করিয়াছিল। চূয়াডাঙ্গার অন্তান্ত কর্মচারীগণ তাহার এই শক্তি দেখিয়া আশ্চর্য হইতেন, এবং তাহাকে লইয়া খুব আমোদও করিতেন। তাহার স্মৃতিশক্তি এত প্রবল ছিল যে, কোনও একটি বিষয় একবার মাত্র পাঠ করিয়া আবৃত্তি করিতে পারিত। ময়মনসিংহে অধ্যয়নকালে তাহার একজন শিক্ষক তাহার দাদাকে বলেন, আমি প্রকাশের পরীক্ষার কাগজে নম্বর কাটার কিছুই পাই নাই, তবুও ১ নম্বর কাটিয়া ১০০ নম্বরের মধ্যে ৯৯ দিয়াছি।

তাহার জ্ঞানপিপাসা এত প্রবল ছিল যে, তাহাকে অনেক অল্পরোধ করিয়াও কোন প্রকারের খেলাতে সম্মত করান যাইত না। বার্ষিক পরীক্ষায় প্রতিবৎসর উচ্চ স্থান অধিকার করিয়া পুরস্কার প্রাপ্ত হইত। একবার ময়মনসিংহ জিলাস্কুলে একলব্যের অভিনয় হয়, বালক প্রকাশ একলব্য সাজিয়া এমন সুন্দর অভিনয় করে যে, স্থানীয় মাজিষ্ট্রেট বিশেষ সন্তুষ্ট হইয়া তাহাকে ১০১ টাকার বিশেষ পুরস্কার প্রদান করেন। ম্যাট্রিকুলেশান ক্লাসে উঠিয়া সমস্ত বৎসর কঠিন জরুরোগে অসুস্থ

ধাকে। সে বৎসর তাহার পরীক্ষা দেওয়া কাহারও তেমন অভিপ্রেত ছিল না। নির্বাচনা পরীক্ষার অতি অল্পদিন পূর্বে গিরিধি স্কুলের হেডমাষ্টার মহাশয়কে বালক বিশেষ অনুরোধ করে যে, তিনি যেন দয়া করিয়া তাহাকে নির্বাচনা পরীক্ষায় উপস্থিত হইতে অনুমতি প্রদান করেন। হেডমাষ্টার মহাশয় দয়াপরবশ হইয়া তাহাকে পরীক্ষা দিতে অনুমতি প্রদান করেন। মোটে ১৫ কি ২০ দিন পাঠ করিয়া সে নির্বাচন পরীক্ষায় উচ্চ স্থান অধিকার করে। পরে কয় সপ্তাহ মাত্র পাঠ করিয়া সে ম্যাট্রিকুলেশান পরীক্ষায় প্রথম বিভাগে উত্তীর্ণ হয়।

ম্যাট্রিকুলেশান পরীক্ষার পরে তাহার শরীর বিশেষ অসুস্থ হয়। অসুস্থ শরীরেই সে একাকী সুদূর ব্রহ্মদেশের মিথিলা সহরে তাহার দাদা শ্রীমান্ জগন্মোহনের নিকটে গমন করে। মিথিলা সহরে তাহার গলদেশে কঠিন রোগ হয় এবং তাহার দাদা স্বয়ং অস্ত্র করিয়া আরোগ্য করে। মিথিলার স্বাস্থ্যকর বায়ু ও হৃদের জলে তাহার শরীর অনেক সবল হয়, কিন্তু সম্পূর্ণরূপ সুস্থ হইবার পূর্বে সে আবার একাকী ব্রহ্মদেশ হইতে আসিয়া হাজারিবাগ কলেজে অধ্যয়ন আরম্ভ করে। তাহার জ্ঞানপিপাসা এত প্রবল ছিল যে, কেহ তাহাকে জ্ঞানচর্চা করিতে নিষেধ করিলে অত্যন্ত বিরক্ত হইত। হাজারিবাগে অবস্থানকালে তাহার শরীর বার বার অসুস্থ হয়। যদিও I.A. পরীক্ষা দেওয়ার জন্ত সে অতি সানাত্ন মাত্র অধ্যয়ন করিয়াছিল, তবুও পরীক্ষাতে সে প্রথম বিভাগে উত্তীর্ণ হয়।

ভাষা শিক্ষা সম্বন্ধে তাহার অসাধারণ ক্ষমতা ছিল। তাহার দাদার কর্মস্থান নেপাল ও ব্রহ্মদেশে অতি অল্প সময় থাকিয়া সে পার্শ্বভাষা, নেওয়ারি ও ব্রহ্মদেশের ভাষার মনোভাব প্রকাশ করিতে অভ্যাস করিয়াছিল। এতদ্বির সাঁওতালি, গুরুমুখী, হিন্দি প্রভৃতি ভাষাতেও সে সহজে মনের ভাব প্রকাশ করিতে পারিত। কোনও ভাষার যে কোনও শব্দ সে একবার শুনিয়াই মনে রাখিতে পারিত।

বন্ধুতা স্থাপন করিবার তাহার অসাধারণ ক্ষমতা ছিল। যে কোনও অপরিচিত লোকের সহিত সে আলাপ করিয়া বন্ধুতা স্থাপন করিতে পারিত। তাহার জীবনের অতি অল্প বয়সে সে ভারতবর্ষ ও ব্রহ্মদেশের নানা স্থান ভ্রমণ করিয়াছিল এবং সর্বত্রই সে নানাশ্রেণীর লোকের সহিত বন্ধুতা স্থাপন করিয়াছিল। তাহার বন্ধুগণ তাহাকে সময় সময় উপহার পাঠাইয়াছেন।

দরিদ্রদিগকে সে বড় ভাল বাসিত। দরিদ্র ভৃত্য, মেথর প্রভৃতিকে সে অনেক সময় তাহার শক্তির অতিরিক্ত পুরস্কার দিত। জিজ্ঞাসা করিলে সে বলিত, বড়লোকদের তো সকলে ভালবাসে, কিন্তু দরিদ্রদিগের দুঃখের কথা কে ভাবে? ধরমপুর হইতে আসার সময় তাহার আরাম চেয়ার প্রভৃতি দরিদ্রদিগকে দান করিয়া আসিয়াছিল। অনেক সময় তাহার দানের জন্য আমাদিগকে একটু অসুবিধায়ও পড়িতে হইয়াছে।

তর্ক করিবার তাহার অসাধারণ ক্ষমতা ছিল। কলেজের পুস্তক ভিন্ন সে অনেক অতিরিক্ত পুস্তক পাঠ করিত। তাহার দাদার বিজ্ঞানের অনেক পুস্তক পাঠ করিয়া সে অনেক বিষয় আরম্ভ করিয়াছিল। I. A. পাশ করিয়া শারীরিক অসুস্থতার জন্য তাহাকে বিশ্ববিদ্যালয় পরিত্যাগ করিতে হইয়াছিল, কিন্তু গৃহে বসিয়া সে বিভিন্ন ভাষার বিবিধ গ্রন্থ পাঠ করিয়া জ্ঞানার্জন করিতেছিল। যে কোনও বিষয় সে অতি অল্প সময়ের মধ্যে আয়ত্ত করিতে পারিত। একবার গ্রীষ্মের ছুটিতে সে একজন টেলিগ্রাফ মাষ্টারের সহিত আলাপ করিয়া টেলিগ্রাফে সংবাদ প্রেরণ করিতে শিক্ষা করিয়াছিল। শরীর যখন নিতান্ত অসুস্থ হইল, তখন সে ফটোগ্রাফি শিক্ষা করিয়া সময় অতিবাহিত করিত।

তাহার অসাধারণ মানসিক বল ছিল। তাহার বয়স যখন মাত্র ৪ বৎসর, আমি তখন চুয়াডাঙ্গায়। একদিন তাহাকে লইয়া নদীতে স্নান করিতে যাই। তাহাকে জলের নিকটে রাখিয়া আমি যেই ক্ষণে ডুব দেই, বালকও আমার অনুকরণ করিতে গিয়া জলে ডুবিয়া যায়। অল্পক্ষণ সঙ্কানের পর তাহাকে জল হইতে তুলিয়া নানা প্রক্রিয়াতে তাহার জ্ঞান সঞ্চার করি। জ্ঞান প্রাপ্তি মাত্রই সে হাসিয়া ফেলে।

একবার তাহাকে একটি খুব বড় ঘোড়াতে চড়াইয়া ভৃত্যগণ খেলিতেছিল, হঠাৎ অখটি ক্ষিপ্ত হইয়া অতি বেগে দৌড়াতে থাকে। উপস্থিত সকলে ভাবিল যে, বালকের বিপদ অনিবার্য। বালক ঘোড়া হইতে পড়িয়া যাইবার সময় ঘোড়ার গলদেশ ধরিয়া বুলিতে থাকে। অনেক দূর পর্যন্ত গিয়া ঘোড়াটি ক্রান্ত হইয়া যায়, এবং অত্যাগ্র লোক আসিয়া ধরিয়া ফেলে। বালক কিছুতেই ঘোড়ার গলদেশ পরিত্যাগ করে নাই। কোনও প্রকারের বিপদে তাহাকে ভীত হইতে দেখা যাইত না।

• তাহার বয়স যখন ১৪ বৎসর, সে সময়ে সে নেপালে গমন করে। নেপাল

হইতে আসিবার সময়, চন্দ্রগিরি অতিক্রম করিলে, তাহার ভাঞ্জানের বেহারাদের একজনের ওয়াউঠার মতন হওয়াতে, বেহারারা তাহাকে সেই অরণ্যে পরিত্যাগ করিয়া পলায়ন করে। তাহার সঙ্গে মাত্র একজন ভৃত্য ছিল। এই স্থানে আর বেহারাও পাওয়া গেল না। বালক তখন নেপালে প্রত্যাভর্তন না করিয়া, সেই ভৃত্যটিকে সঙ্গে লইয়া, সেই ভয়াবহ দুর্গম পথ পদব্রজে অতিক্রম করিয়া ৪৫ দিন পরে ইংরাজ সীমার আসিয়া উপস্থিত হয়। ব্রহ্মদেশেরও নানা স্থান সে একাকী ভ্রমণ করিয়াছিল।

যে কার্য্যকে সে নিজের কর্তব্য মনে করিত, শত প্রকারের বাধা হইলেও সে তাহা সমাধা করিতে প্রাণপণে চেষ্টা করিত। অনেক সময় তাহার এই অতিরিক্ত স্বাধীনতা দেখিয়া আমরা বিরক্তও হইয়াছি। গিরিধিতে যখন রোগশয্যায় সে নিতান্ত দুর্বল হয়—এমন কি তাহার চলিবার পর্য্যন্ত শক্তি ছিল না, এরূপ অবস্থায় একদিন আমি হঠাৎ অজ্ঞান হইয়া যাই। বালক আমার অবস্থা দেখিয়া, জানি না কোথা হইতে বল সংগ্রহ করিয়া সাইকেল চড়িয়া দুই মাইল পথ যাইয়া ডাক্তার লইয়া আসে।

বিগত ষ্টিমাসের সময় একদিকে তাহার রোগ, আর এক দিকে আমার চক্ষু দুটি অন্ধ হয়। তাহার দাদা শ্রীমান্ জগন্মোহনের চিকিৎসায় সে অনেক আরোগ্যলাভ করে। কিন্তু দুর্বল দেহেই সে আমার চক্ষুর চিকিৎসার জন্য আমাকে লইয়া কলিকাতায় আসে এবং চক্ষুর অস্ত্র চিকিৎসা পর্য্যন্ত, আমার সেবা শুশ্রূষা করে। আমি অন্ধ হইয়াছিলাম, তাহার অসাধারণ যত্নে ও ভগবানের বিশেষ রূপায় দৃষ্টিশক্তি প্রাপ্ত হইয়াছি।

তাহার রোগ যখন ক্রমে কঠিন হইতে লাগিল এবং চিকিৎসকগণ তাহার জীবন সম্বন্ধে সম্পূর্ণরূপে নিরাশ হইলেন, তখনও সে একটুও ভীত বা চঞ্চল না হইয়া ধৈর্য্য ও সাহসের সহিত সমস্ত কষ্ট বহন করিয়াছে। তাহার মৃত্যুর পূর্বদিন রাত্রিতে তাহার দাদা কর্মস্থান হইতে তাহাকে দেখিতে আসেন। দাদাকে দেখিয়া তাহার অপার আনন্দ। মৃত্যুর দিন তাহার দাদা স্বয়ং তাহার চিকিৎসার ভার গ্রহণ করিয়া নানাবিধ প্রক্রিয়াতে ও ঔষধ প্রয়োগে তাহার শরীর রক্ষা করিতে চেষ্টা করিতেছিলেন। বালক প্রকাশ বুঝিতে পারিয়াছিল, যে তাহার সময় নিকট, সে দাদাকে নিকটে ডাকিয়া দাদার বুকে হাত রাখিল। তাহার দাদা তাহাকে বলিলেন, স্থাই, ঈশ্বর অনন্ত, তাঁহার দয়া প্রেম অনন্ত, আমাদের জীবনও অনন্ত।

উদ্ভাসিত, এই শরীর বহন করিয়াও আমরা ঈশ্বরের বুকেই আছি, এবং এই শরীর বিনষ্ট হইলেও আমরা ঈশ্বরের বুকেই থাকিব। কোনও ভয় করিওনা ভাই, দয়াময় বন্দো।

তখন বালক “দয়াময়, দয়াময়” বলিতে লাগিল। সে দক্ষিণ পার্শ্বে শয়ন করিয়া তাহার দাদা জগন্মোহনের বুকে হাত রাখিয়া কেবল “দয়াময়, দয়াময়”, উচ্চারণ করিতে লাগিল। ক্রমে তাহার গলার স্বর ক্ষীণ হইয়া আসিতে লাগিল, ক্রমে সে চক্ষু বুজিল, যতক্ষণ তাহার গলার অস্পষ্ট স্বঃ ও শূন্য গিয়াছে, ততক্ষণ তাহার মুখ হইতে কেবল ‘দয়াময়’ নাম উচ্চারণ হইতে শুনা গিয়াছে। এইরূপ ভাবে সে অনন্ত লোকে বাত্রা করিল। পৃথিবীর দেহ পৃথিবীতে পড়িয়া রহিল।

তাহার বয়স যখন আট বৎসর, তখন তাহার মাতা এই বালকের সমস্ত ভার আমার উপরে দিয়া ইহলোক পরিত্যাগ করেন। আমি এই বালকের অসাধারণ মানসিকশক্তি দেখিয়া, সংসারের কত কি আশা মনে পোষণ করিতেছিলাম; কিন্তু বিধাতার ইচ্ছা অন্তরূপ। তাঁহার বিধান মঙ্গল বিধান। তাই এই পুত্রের পরলোক গমনেও তাঁহার দয়াময়, মঙ্গলময়, আনন্দময় রূপ দেখিয়া তাঁহাকে ভক্তিভরে বার বার প্রণাম করি। এই সংসারে যাহা কুটিতেছিল, তাঁহার অনন্তবক্ষে তাহা কুটিবে—আরও সুন্দর হইবে, এই মহাসত্যে বিশ্বাস করি*।

* বালক প্রকাশচন্দ্রের পিতা শ্রীযুক্ত প্রসন্নচন্দ্র চৌধুরী মহাশয় আমার ধর্মবন্ধু। ৩০ বৎসর পূর্বে ইনি যখন বনগ্রামে কোর্ট সাব-ইনস্পেক্টর ছিলেন, তখন তাঁহার ধর্ম বিখ্যাসে পরিচয় পাই। আজ পুত্র-বিয়োগে তিনি কেমন অটল—স্থির! তাহা দেখিয়া প্রাণে যে আনন্দ হইতেছে তাহা প্রকাশ না করিয়া এবং এমন সুন্দর দেবকুমার প্রকাশচন্দ্রের জীবন কুশল-বাসীর বিশেষতঃ যুবকগণের জ্ঞান ও উপহার না দিয়া থাকিতে পারিলাম না। বিশেষতঃ পূর্ণ জীবনগুলি মানুষ সাধারণের সম্পত্তি—যাঁহার অনুরাগ আছে তিনিই এমন জীবন কুসুমের সৌরভ আশ্রয় করিয়া পরিভ্রম হইবেন। দয়াল নাম ধন্য হউক, তাঁহার মহিমা যেমন স্বর্গে, তেমন পৃথিবীতে পূর্ণ হউক।

(কৃঃ সম্পাদক)

প্রায়শ্চিত্ত

—•—

ত্রয়োদশ

প্রাতঃকালে মহেশ বাবু টেবিলের কাছে বসিয়া পাইওনিয়ার পড়িতেছিলেন, মাঘ মাসের দারুণ শীতে, এতগুলো ওয়েষ্টকোট, কোট ও ওভারকোটেও তাঁহার হাড়ের ভিতর শীতে ঘেন কন্ কন্ করিতেছিল। ঘরের মেঝেতে মাটির গাম্ভায়, কাঠ কয়লার আগুন গন্ গন্ করিয়া জ্বলিতেছিল। সিরকীর কুটারের ফাঁকে ফাঁকে রাতের হিম-শীতল বাতাস অবাধে প্রবেশ করিয়া ষরখানিকে বরফের মতো ঠাণ্ডা করিয়া রাখিয়াছিল, অত্যধিক শীতে এবারে কয়দিন হইতে ভুষ্কার-পাত আরম্ভ হইয়াছে। বাংলা দেশে আজন্ম কাল লালিত পালিত মেয়েরা খুব আমোদের সহিতই ভোরের এ দৃশ্যটি উপভোগ করিতে চাহিত, কিন্তু এ সময়ে সহরে প্লেগের উৎপাত আরম্ভ হইয়াছিল। সেই জন্য মহেশ বাবুকে সহর ছাড়িয়া কুটারে আশ্রয় লইতে হইয়াছে, ঠাণ্ডা লাগিয়া এই বিদেশ বিভূঁয়ে পাছে মেয়েরা আবার এক বিপদ ঘটাইয়া বসে, এজন্য জ্যাঠাইমা বড় বেশী টিক্ টিক্ করিতেন, গুতরাং ভোরের বেলা ঘুম ভাঙিলেও লেপ মুড়ি দিয়া পড়িয়া থাকি ভিন্ন মেয়েদের আর কোনো উপায় ছিল না। সেই অবস্থাতেই যা গল্প স্বল্প ও হু' একটা গান চলিত। তবে অমিতাকে সব দিন আঁটিতে পারা যাইত না।

আজ অমিতা সূর্যোদয়ের পূর্বেই শয্যা ত্যাগ করিয়া, গায়ে রূপার ধানা জড়াইয়া, কুটারের বাহিরে আসিয়া দাঁড়াইল। উন্মুক্ত প্রান্তরে, একদিকে পেম্বারা-বাগান, আর একদিকে যতদূর দৃষ্টি চলে বিস্তীর্ণ অড়হর ক্ষেত্র। সবারি উপর ভুষ্কার-পাত হইয়া যেতাভ দেখাইতেছে, বিষয়ে পুলকিত নেত্রে, চঞ্চল দৃষ্টিতে এদিক, ওদিকে চাহিবা মাত্র, পূর্বাংশে তাহার দৃষ্টি পড়িল। আকাশে উষার রক্তিম-রাগ ফুটিয়া উঠিয়াছে, পূর্ব তোরণদ্বার খুলিয়া ভগবান মরীচিমালীর সপ্তাশ্ব রথ বাহির হইবার আর বিলম্ব নাই। দেখিতে দেখিতে কুহুম আভায় চারিদিক সমুজ্জ্বল হইয়া উঠিয়া পৃথিবীর বক্ষে শতধারে কিরণচ্ছটা বিকীর্ণ করিয়া অরুণোদয় হইল। সেই সোনালী আলোকদীপ্তিতে শুভ্রোজ্জ্বল ভুষ্কার রাশি একবার কিক্ মিক্ করিয়াই গলিতে আরম্ভ হইল।

অমিতা পরমানন্দে এ সুন্দর দৃশ্য উপভোগ করিতেছিল, মহেশ বাবু হঠাৎ কাগজ হইতে চোখ তুলিয়া, অমিতাকে এত সকালে, দারুণ শীতের সময়ে, চটি পায়ের ভিজা ঘাসের উপর দাঁড়াইতে দেখিয়া, শশবাস্তে ডাকিলেন, খুকি, তুই তো বড় হুটু, শীগ্গীর ঘরে আর ঠাণ্ডা লেগে এখুনি অশুখ কোরবে। অমিতা সে আস্থান উপেক্ষা করিতে পারিল না, অনিচ্ছা-সত্ত্বেও ঘরের মধ্যে আসিয়া দাঁড়াইল। পীতম চাকর চায়ের জল তৈয়ার করিয়া টেবিলের উপর আনিয়া রাখিল। মহেশ বাবু কহিলেন, এক পেয়লা চা ঢেলে খেয়ে নে খুকি, যে ঠাণ্ডা লাগিয়েছিল এই ভোরে। না, না, আমার দিতে হবে না, তুই আগে এক পেয়লা খেয়ে নে।

অমিতা হাসিয়া কহিল, আমার অশুখ হবে না কাকামণি, আপনি ঠাণ্ডাকে যত ভয় করেন, সে ততটা ভয়ের জিনিষ নয়, এই বলিয়াই অমিতা চায়ের পেয়লায় চুমুক দিতে লাগিল, নচেৎ সকাল বেলায় কাকামণির নিকট যে তিরস্কার বাক্যগুলি শুনিতে হইত, তাহা আদৌ শ্রুতিসুখকর হইত না।

মহেশ বাবুর জল চা ঢালিয়া হাতের কাছে দিয়া, অমিতা কহিল, রতিবাবুকে চা খাবার জন্মে বোলে দিয়েছিলুম, সাড়ে সাতটায় আসবেন বোলেছেন, তা সাতটা তো বাজে।

মহেশ বাবু কাগজ ফেলিয়া দিয়া পেয়লা হাতে লইয়া চিন্তিত ভাবে বলিলেন, তা খুকি রতিকে আবার আসতে বোলে এলি কেন? ললিতার সঙ্গে তো—যাক্ সে সব কথা।

অমিতা কহিল, কাকামণি, রতিবাবুর সঙ্গে কি শুধু সেই সম্পর্কেই যাওয়া আসা ছিল? তিনি তো আমাদের ঘরের লোকের মতো আপনার হোরে গেছেন। এতদিনের পর হঠাৎ দেখা, কাল আবার এক সঙ্গেই এলাহাবাদে এলুম, তাঁর দিদির প্রয়াগে মাঘ-মেলা দেখতে এসেছেন, কি বোলে তাঁকে আমাদের কুটীরে আসতে না বলি? সেটা কি ভাল দেখাত?

মহেশ বাবুর চা পান শেষ হইল। তাঁহার উদ্বিগ্ন ভাব মুখে বেশ স্পষ্টই ফুটিয়া উঠিয়াছিল, তিনি কহিলেন, খুকি, তুই ছেলে মানুষ, না বুকে গুকে কাজ কোরে বসিস, আমরা সরকারের চাকর, যাকে তাকে—

অমিতা বাধা দিয়া, ক্র-কুণ্ঠিত করিয়া কহিল, যাকে তাকে কি বোলছেন কাকামণি? রতি বাবু কি এখন নিতান্তই বাজে লোক হোরে গেলেন?

মহেশ বাবু এই এক রোখা মেয়েটিকে খুবই চিনিতেন, তিনি বিরক্ত ভাবে

কহিলেন, এই সব রাজদ্রোহী যুবকগুলো, এরা আমাদের জাতির কলঙ্ক, এদের কোনও সংশ্রব রাখা আমাদের উচিত নয়, এই-টেই বলা আমার উদ্দেশ্য।

মহেশ বাবুর একথা শুনিবার বহুপূর্বেই অমিতা তাহা বুঝিতে পারিয়াছিল, এবং এই কথাই একটা মীমাংসা করাই তাহার অভিপ্রায়। সে ধীরকণ্ঠে কহিল, কিন্তু মানুষ কি ভুল করে না? একবার যদি কেউ একটা অশ্রদ্ধা করে, সে অশ্রদ্ধার কি ক্ষমা নেই কাকামণি? আপনিই একটু বিবেচনা কোরে বলুন দেখি। আমরা যাকে যতটা দোষী বলে মনে করি হয় তো ততটা দোষ তার না হতেও পারে।

কথাগুলি মহেশ বাবুর বিবেককে বেন জাগাইয়া তুলিল, মহেশ বাবু মুখে বাহাই বলুন না কেন, অমিতা তাহার কাকামণির সরল, স্নেহপূর্ণ হৃদয়খানি ভাল করিয়াই চিনিত, এবং কেমন করিয়া, কোন্ সময়ে, কোন্ ভাবে কথা কহিয়া, তাঁহার চিত্তকে আয়ত্ত করিতে হয় উহা সে বেশ বুঝিত।

অমিতার কথায়, মহেশ বাবু বিরক্ত ভাবে—অথচ বেশ স্নিগ্ধ-কণ্ঠে কহিলেন, কিন্তু মা, আমরা রাজকর্মচারী, রাজার শুভাশুভের জন্য আমাদের দায়িত্ব বড় বেশী, আর সে দায়িত্ব খুবই বিশ্বস্তভাবে পালন করাই আমাদের প্রধান কর্তব্য, কাজেই বেশ হিসেবী হোয়েই আমাদের চোমতে হয়।

অমিতা সুযোগ বুঝিয়া উৎসাহের সহিত বলিতে লাগিল, কাকামণি, এই বিশ্বব্রহ্মাণ্ডের রাজা যিনি, তিনি যদি আমাদের শত শত দোষ ক্রটি মার্জনা কোরতে পারেন, তা হোলে মানুষ কেন মানুষের দোষ, ক্রটি, ভুল মাপ কোরবে না? আপনিই তো আমাদের 'লা মিজারেবল' পড়িয়েছেন, জীন ভল্‌জীনের চুরির অপরাধ, সেই সাধু পাদরীটি প্রাণের সহিত ক্ষমা কোরে ছিলেন বোলেই তো এক দিনের ঘটনায় সে অত ধানি মহৎ হোতে পেরে ছিল। সে দিন যদি সে আবার চুরীর অপরাধে ভেলে যেতো তা হোলে তার মহৎ অন্তঃকরণের পরিচয় পৃথিবীতে কেউ জানতে পারতো না, মানুষের আদালতের বিচারে সে একজন পলাতক আসামী হোলেও ঈশ্বরের চোখে সে একজন ক্রিমাসী ও কর্মী পুরুষ বোলেই প্রতিভাত হোয়েছিল। আপনিই বিশেষ কোরে আমাদের এ বিষয়টি বুঝিয়ে দেন নি কি কাকামণি?

মহেশ বাবু ইহার উত্তরে কিছু বলা আবশ্যিক বোধ করিলেন না, অমিতার মাতা গৃহের মধ্যে আসিয়া কহিলেন,—

সকাল বেলাই লেকচার আরম্ভ করেছিল খুকি, আচ্ছা মেয়ে বা হোক। ঠাকুরপোও যেমন আস্ত পাগল, তাই ওর সঙ্গে আবার তর্ক করেন। রতি আর বিত্ত যে এসে বাইরে দাঁড়িয়ে রয়েছে, ও মেয়েদের তো এখনও যুম ভাঙার নামটি নেই।

মহেশবাবু শশব্যস্তে কহিলেন, খুকি, তুই চেয়ার ছ'খানা এই দিকে টেনে দে, বৌ, তুমি শুচিতাকে তুলে দাও গে, নবেন্দুরও* কি আজ এখনও যুম ভাঙে নি ?

অমিতার সহিত খুঁটি নাটি বিষয়ে তর্ক করা মহেশ বাবুর নিত্য নৈমিত্তিক অভ্যাস, হার জিতের সাক্ষী শুচিতা ও ললিতা। অমিতা বড় সাক্ষীর ধার ধারে না, হার মানিবার উপক্রম হইলে, তাহার চক্ষু বাষ্পাকুল হইবানাত্ম, মহেশ বাবুর সকল তর্ক ও যুক্তি নিফল হইয়া যায়।

চতুর্দশ

দুপুর বেলায় চিন্তামণি কাজ কর্মের অবসরে রতির চিঠিখানি পড়িতেছিলেন। চিঠি কাল আসিয়াছে, রতিকান্ত এলাহাবাদে গিয়াছে, সেখানে মহেশবাবুদের সহিত সাক্ষাতের কথা উল্লেখ করিয়াছে, ইতিপূর্বে শ্রীকান্ত বাবুর চিঠির উত্তরে মহেশবাবু জানাইয়াছেন যে, ললিতার বিবাহ ঘটনা-ক্রমে নবেন্দু নামে একটি ব্যারিষ্টারের সহিত ঠিক হইয়াছে, তবে তিনি আশা করেন, রতিকান্তের গায় পাত্রের জন্য সৎ পাত্রীর অভাব হইবে না। শ্রীকান্ত বাবুর, কিন্তু আশ্চর্যক ইচ্ছা নয় যে, এমন সময়ে রতিকান্তের বিবাহ দেন, কেবল গৃহিনীর পীড়াপীড়িতেই তিনি চেষ্টা করিতেছিলেন। মহেশবাবুর প্রত্যাখান তাঁহার অপমান বলিয়াই মনে হইয়াছিল। যে পুত্রগণের পৌরবে তিনি আপনাকে সৌভাগ্যবান্ পিতা বলিয়া মনে করিতেন, অদৃষ্ট-চক্রে আজ বৃদ্ধ বয়সে সেই পুত্রের জন্য তাঁহার গায় মাগু গণ্য সম্ভ্রান্ত ব্যক্তিকে লোকের নিকটে অপমানিত হইতে হইতেছে, এই সকল নানা দুশ্চিন্তায় তাঁহার চির-শান্ত-স্বভাব কিছু চঞ্চল ও নীরস হইয়া উঠিয়াছিল, আর সে নীরসতার সংস্পর্শে চিন্তামণির চিন্তাদগ্ধ হৃদয় দিনে দিনে নিতান্তই বিক্ষুব্ধ হইয়া উঠিতেছিল।

* পূর্বে ভ্রম-ক্রমে নবেন্দু হইয়াছে, প্রকৃত নাম নবেন্দু।

চিন্তামণি, এই চিঠিখানি পড়িয়া যখন স্বামীকে বলিলেন, ওগো রতি কমলাকে নিয়ে এলাহাবাদে গেছে, সেখানে মহেশ বাবুদের সঙ্গে দেখা হয়েছে। রতির খুব ইচ্ছে ছিল যে, ললিতার সঙ্গেই বিয়ে হয়, আর সে মেয়েও তো ছেলে মানুষ নয়, সেও তো রাজী হয়েছিল, তবে বোধ হয় বাপের হুকুমে নবেন্দুকে বিয়ে কোরতে চেয়েছিল, রতির সঙ্গে যখন দেখা হয়েছে তখন হয় তো মহেশবাবু সে সম্বন্ধ ভেঙে দিতেও পারেন।

শ্রীকান্ত বাবু অদূরদর্শী স্ত্রী-বুদ্ধিকে ধিক্কার দিয়া গম্ভীরভাবে কহিলেন, এ ছেলে খেলা কি না, তাই ব্যাপারটাকে তোমার মনগড়া মতো গড়ে নিচ্ছ, আমি কিন্তু আজ স্পষ্ট কথা বলে দিচ্ছি, ছেলের বিয়ের আর এখন নাম কোরো না, অন্ততঃ আমার আছে ধরা দিও না। নিজে কোনো জোগাড় কোরতে পারো, বিয়ে দিয়ে। আর ছেলেকে চিঠি লেখো, সে যেন পত্র পাঠ এখানে চলে আসে। তাকে পাঠানো হোলো কমলাকে দেখতে, সে আবার সেখান থেকে তীর্থ ভ্রমণে রওনা হোলো। একবার আমাকে একখানি চিঠি লিখেও জানাতে পারলে না, লেখা পড়া শিখে চিনির বন্দ হইছে।

মোট কথা রতিকান্ত কারামুক্তির পর, হঠাৎ বাড়ী ত্যাগ করিয়া বিদেশে যাওয়ার, শ্রীকান্ত বাবুকে কৈফিয়ৎ দেবার জন্য পুলিশ হইতে তলব হইয়াছিল, অবশ্য ইহা কিছু অন্তায় হয় নাই, এবং শ্রীকান্ত বাবুর উত্তরে তাঁহারা সন্তুষ্ট হইয়াছিলেন, কিন্তু জনরবে সে কথা গুলা ডাল পালার বিস্তৃতি লাভ করিয়া লোকের দিবা অবসরে—সাক্ষ্য-সত্যর আলোচনার সামগ্রী হইয়া দাঁড়াইয়াছিল, উহার আঘাতে শ্রীকান্তবাবুর মস্তিষ্ককে যেন বিকৃত করিয়া তুলিতেছিল।

চিন্তামণি আজ চিঠিখানি লইয়া, স্বামীর তিরস্কার সত্ত্বেও ভাবিতেছিলেন, রতির সহিত ললিতার বিয়েটি হোলে বেশ হয়। ললিতার বাপের সাহেবী চাল চলন সত্ত্বেও, ললিতার লাজ-নম্র, শাস্ত স্বভাব ও কথাবার্তায় এবং দিব্য শ্রীখানিতে চিন্তামণির মন খুবই সন্তুষ্ট হইয়াছিল। ললিতা পিতার একমাত্র কন্যা,—চিন্তামণি পুত্রের বিবাহ দিয়া টাকার আকাঙ্ক্ষা না করিলেও, একত্রে আপনা হইতে যখন টাকার আগমন সম্ভাবনা আছে, তখন তাহা উপেক্ষা করাই বা চলে কি প্রকারে? চিন্তামণি ভাবিয়া চিন্তিয়া পুত্রকে বাড়ী ফিরিবার জন্য পিতার আদেশ জানাইলেন, এবং সেই সঙ্গে ললিতার কথা জিজ্ঞাসা না করিয়া থাকিতে পারিলেন না। মনে করিলেন, রতিকান্তর উত্তরে আসল কথাটা তিনি জানিতে পারিবেন। পুত্র-সেহাঙ্গ

জননী বুঝি ভাবিতেছিলেন, তাঁহার পুত্রের জায় পাত্রকে হাতের কাছে পাইয়া মহেশ বাবু কখনই অন্য পাত্রের সহিত কন্যার বিবাহ দিবেন না।

এমন সময় পাড়ার নেতা নাপ্তিনী, তাহার বেঁটে খাট খর্ক বিপুলায়তন দেহখানি লইয়া হেলিতে ছলিতে আসিয়া উপস্থিত হইয়া কহিল, কি হচ্ছে মা, রতিদাদার চিঠিপত্র এলো কিছু ?

চিন্তামণি কহিলেন, হ্যাঁ ম', তাকে শীগ্গীর কোরে আসতেও লিখলুম। তুমি একটি ভাল দেখে কোনে খোঁজ করো, মহেশ বাবুর মেয়ের সঙ্গে বোধ হয় বিয়ে হবে না।

নেতা উৎসাহের সহিত কহিল, তা না হোক, ও সব স্লেচ্ছ ঘরের মেয়ে আমাদের হিঁদুর ঘরে না আসুক; আপনার ভয় কি মা, সোণার চাঁদ ভাইটির সঙ্গে পরীর মতো মেয়ে আনবো, তোমার বড় বোঁ, ছোট বোঁ, সবাইকে টেকা দেবে এমন মেয়ে আনবো, তবে আমি ছাড়বো।

বড় বোঁ সেই সময়ে খাণ্ডীকে পান দিতে আসিয়াছিল, নেতার কথায় হাসিয়া কহিল, কি নেতা ঠাকুরঝি, কিসের টেকা আনবে—চিড়িতনের না ইক্কাবনের ? আমরা কিন্তু হরতনের বিবি না হোলে নেবোই না।

পঞ্চদশ

অমিতা, হরদাদাকে এক পেয়লা চা আনাইয়া দিবামাত্র, হরদাদা কহিলেন, ওটি হবে না দিদি, আমি গরমের মোটে পক্ষপাতী নই, কিন্তু নরমের ভক্ত। আমায় এক গ্লাস চিনির পানা এনে দাও খুসী হোয়ে খাবো। আর এ সব কেক্ বিস্কুটও আমার পেটে সহাবে না, দেশী বিস্কুট মুড়ি বরং হোলে আর সন্দেশ ছ' একটা পেলেও মন্দ হবে না।

বিশু কহিল, দুটো সন্দেশে তোমার কি হবে দাদা ? তুমি যে বলো দুগুণা না খেলে আর জল খাবার কি ?

হরদাদা কিছুমাত্র অপ্রতিভ না হইয়া কহিলেন, তা আমার দিদিবা আমায় দু গুণাই খাওয়াবে—কি বলো অমিতে দিদি ?

শুচিতা কহিল, মা কাল ঘরে সন্দেশ তৈরি করেছেন, আপনি যত ইচ্ছা খান্ না কেন ? কিন্তু সরবৎ এই শীতের সময়ে আপনার খাওয়া ঠিক হবে না।

মহেশ বাবু কহিলেন, তোরাও যে ক্ষেপেছিস্ ? এখন সরবৎ খেলে সঙ্গে সঙ্গে সর্দি হবে। আপনি এক পেয়লা গরম চা খান্ মশাই, কাল সন্দের সময় যে জল খেঁটেছেন।

রতিকাঙ্ক হাসিয়া কহিল, দাদা আমাদের চাতে বড় নারাজ। হতুকীর জল, আর সববৎই ওঁর প্রধান পানীয়।

মহেশ বাবু কহিলেন, মিষ্টি খাবারগুলো বড় খারাপ, ডিম্বেপ্পসিয়ার গোড়াই হচ্ছে ওরা—

বাধা দিয়া হরদাদা কহিলেন, আমি তো মশাই তা স্বীকার করতে পারি না, বরং আপনার চাতে ও কথা বোলতে পারেন। উপস্থিত সকলেরই অতি প্রিয় জিনিষটির এত বড় অপবাদ কেহই সহিতে পারিলেন না, কিন্তু কেহ কিছু উত্তর দিবার পূর্বেই থাকমণি আসিয়া বলিল, কুম্বার বাবা একবার দাদাঠাকুরকে ঘেতে বোলে গেল।

অমিতা কহিল, আচ্ছা, জল খেয়ে যাবেন এখন। গত কল্যা একটা ব্যাপার ঘটয়াছিল, হরদাদা সন্ধ্যার সময় বেড়াইতে আসিতেছিলেন, এমন সময় দেখিতে পাইলেন, একটি বছর পাঁচেকের ছেলে কুম্বার ধারে দাঁড়াইয়া বালতি নামাইয়া জল তুলিতে যাইতেছে, বালতি জলে পড়িবামাত্র উহার হেঁচকানীর ঝোক সামলাইতে না পারিয়া বালক কুম্বার পড়িয়া গেল, হরদাদার সঙ্গে বিণ্ডুও আসিতেছিল, সে চীৎকার করিয়া উঠিল, এবং হরদাদা মুহূর্ত মধ্যে নিজের জামা জুতা টান দিয়া খুলিয়া ফেলিয়া কুম্বার নামিয়া পড়িলেন, কুম্বারটি খুব গভীর, যাহা হটক, হরদাদা অবিলম্বে উঠিতে পারিলেন। ততক্ষণে কুম্বার পাড়ে মহাজনতা জমিয়া গিয়াছিল, এবং বালকের পিতা মাতা কাঁদিয়া অস্থির হইয়াছিল। সৌভাগ্যবশতঃ বালক জল খায় নাই, কিন্তু তাহার মাথায় চোট লাগিয়াছিল। হরদাদার সাহস ও কৃতিত্বে সকলেই বিস্মিত হইয়া গেল, এবং সকলে দুই হাত তুলিয়া হরদাদার মঙ্গল কামনা করিতে লাগিল। ছেলেটির কোনও ভয় নাই, কিন্তু মাথার আঘাতের দরুণ একটু কাবু হইয়া পড়িয়াছে, হরদাদা সকালে আসিয়া খোঁজ লইবেন বলিয়াছিলেন, সেই জগুই ছেলেটির পিতা হরদাদাকে ডাকিতে আসিয়াছিল।

হরদাদার সহিত মহেশ বাবুর পূর্বে আরও অনেকবার দেখা শোনা হইয়াছে, তবে মেয়েদের সহিত আলাপের সুযোগ ঘটে নাই, কিন্তু বিদ্যাচলে কয়দিনেই আলাপ বেশ জমিয়া গিয়াছে এবং হরদাদার স্বভাবের গুণে সকলেই তাঁহার প্রতি আকৃষ্ট হইয়াছে। মহেশ বাবু কল্যকার ঘটনা উল্লেখ করিয়া কহিলেন, আপনার সাহসও খুব এবং শরীরে শক্তিও আছে, নইলে কুম্বার নামা বড় কঠিন, বিশেষ এখানকার কুম্বা ভয়ানক গভীর।

হরদাদা কহিলেন, রত্নির সাহস কিছু কম নয়। আপনারা সেবারে নদী থেকে সেই একটি স্ত্রীলোককে ওর উদ্ধার করার কথা শোনেন নি বোধ হয়, একটি স্ত্রীলোক স্নান করছিল, এমন সময়ে 'কুমীর কুমীর' কোরে সকলে টেঁচিয়ে উঠলো, স্ত্রীলোকটি ভয় পেয়ে উঠতে যাবে কি ডুব জলে পড়ে গেল, কুমীরটা এসে পোড়লো আর কি? আমি আর রত্নি স্নান কোরে উঠে ঘাটে দাঁড়িয়ে মাথা যুচ্ছি, রত্নি ঝপ কোরে জলে ঝাঁপিয়ে পড়লো, সকলে হায় হায় কোরে উঠলো, কেন না কুমীর একটাকে তো নেবেই, তা একটা বুড়া, শাকওরালীর প্রাণের চাঙতে, একজন বিদ্বান, বুদ্ধিমান যুবুর জীবনের মূল্য চের বেশী, কিন্তু রত্নি চক্ষের নিম্নে, এক হাতে বুড়ীকে ধোরে নিয়ে এক হাতে জল ঠেলে কিনারার দিকে আসতে লাগলো, আমিও জলে পড়েছিলাম, ওদিকে লোকেরা বড় বড় ইঁট পাথর ছুঁড়ে কুমীরের গায়ে মারতে লাগলো, আর সে বোধ হয় ততো মতো খেয়ে আর এগুতে সাহস করলে না, কিন্তু দেখে শুনে, সেই কালান্তক যমের মুখের গ্রাস ছিনিয়ে আনা কি কম সাহসের কথা?

নিজের প্রশংসায় রত্নিকান্ত যেন সঙ্কোচ অনুভব করিতে লাগিল, কিন্তু মেয়েদের প্রশংসা দৃষ্টি তাহাকে যে অস্তঃকরণেব সহিত অভিনন্দন করিতেছে ইহাতে তাহার আনন্দও হইল, তবে মহেশ বাবুর মুখের ভাবে মনে হইতেছিল তিনি যেন ভাবিতেছেন, এতো যদি বুদ্ধি ও সাহস তা হোলে এতো বড় অন্ডায় কাজটা করে বসলে কেন বাপু?

নবেন্দু এ সকল কথাবার্তার দিকে আদৌ মন না দিয়া নিবিষ্টচিত্তে বুঝি খবরের কাগজ দেখিতেছিল, কিন্তু তাহার ঘন ঘন দৃষ্টি পড়িতেছিল সেই দিকে, যেখানে শুচিতা ও অমিতার মাঝখানে ললিতা বসিয়া শুচিতার হাতের চুড়ি কয়গাছি বারবার নাড়াচাড়া করিতেছিল। হরদাদার কথায় যখন তাহারও প্রশংসমান দৃষ্টি রত্নিকান্তের উপর পতিত হইল, উহা নবেন্দুর দৃষ্টি এড়াইল না, এবং তাহার মন অপ্রসন্ন হইয়া উঠিল। মোট কথা কয়দিন হইতে নবেন্দুরও মন ভাল ছিলনা। তাহার বেশ ধারণা হইয়াছে, রত্নিকান্তকেই ললিতা ভালবাসে। সে মনে করিয়াছিল, অমিতা বা শুচিতাকে ছ' এক কথা জিজ্ঞাসা করিবে, কিন্তু পাছে মহেশবাবু ঝাঁকিয়া বসেন, সেজন্য সাহস করে নাই, যেহেতু অমিতার কানে কোনো কথা গেলেই সে গোলমাল করিয়া বসিবে, এবং মহেশবাবুরও অগোচর থাকিবে না। চতুর নবেন্দুরও স্বভাবতঃ বিষয়-বুদ্ধির অভাব ছিল না। সে এটা বেশ জানিত, খামকা এতো

টাকা হাত ছাড়া করা বুদ্ধিমানের কাষ নয়, আর স্ত্রীলোককে একবার স্বামীর অধিকারে পাইলে, পরে তখন তার নভেলিয়ানা প্রণয়-স্বপ্ন ভাঙিয়া দেওয়া কিছু কঠিন হইবে না, তবে মিছামিছি একটা গোলমাল সৃষ্টি না করিয়া বরং বিবাহের চেঁচা শীঘ্র শীঘ্র করাই ভাল। (ক্রমশঃ)

শ্রীসরসীবালা বন্দু।

করুণা

—:~:—

যে দিন জননি, বিশ্বের কোলে আপন করুণা ছড়িয়ে দিলে,
আপনার হাতে বিশ্ববাসীর স্বেদ অশ্রু-জল মুছিয়ে নিলে।
সে দিন তোমার করুণা-কণা বিশ্ব-ভবনে ভাঙিয়া উঠিল,
বিশ্বের মাঝে তৃপ্তির স্বাস নীরবে যেন গো বহিয়া গেল।

সে দিন যেন গো তরুণ তপন কণক কিরণে আবরি' দেহ,
উষার ললাটে ভাঙিয়া উঠিল, উজলি' এই বিশ্ব গেহ !
সে দিন যেন গো মলয় সমীর শীতলি' দেহ বিশ্ববাসীর,
পুষ্প-পরাগ মাখিয়া গায় বহিয়া গেল নীরব ধীর।

সে দিন যেন গো পূর্ণ চাঁদিমা রোপ্য আভা মাখিয়া দেহে,
বিশ্বের মাঝে আপন গরবে উঠিল ফুটিয়া কি এক মোহে।
সে দিন যেন গো এ মর ভুবন জোছনা তরঙ্গে গেল গো ভাসি',
মৃহল মধুর কাহার পরশে ফুটিল গো সব কুসুম রাশি !

সে দিন যেন গো কল কল নাদে ছুটিল তটিনী সাগর আশে,
গভীর-মল্লৈ গরজি' উঠিল জীমূতরাজি দিগন্ত পাশে.
সে দিন যেন গো প্রকৃতির মাঝে মিলনের সুরে গেল সব মিশি',
সারাটি বিশ্বে আপনা হারিয়ে ভেদ গেল মিশি অভেদে আসি'।

শ্রীহাজারীলাল বন্দ্যোপাধ্যায়।

বিবিধ সংগ্রহ ও মন্তব্য

বঙ্গ-সমস্যা—সম্প্রতি বঙ্গ-সমস্যা সম্বন্ধীয় একটি প্রবন্ধে লেখক দেশের অবস্থা বর্ণনা করিতে করিতে এক স্থানে বলিয়াছেন, “একটা ধূয়া উঠিলেই সমগ্র দেশ সেই ছজুগে মাতিয়া উঠিবে, ঘোরতর বক্তৃতা এবং সংবাদপত্রাদিতে আলোচনা হইবে, কিন্তু একজনও আদর্শ দেখাইতে অগ্রসর হইবে না, এই হইল দেশের মামুলী চাল।”

সংবাদ পত্রে আন্দোলন করা সকল সভ্যদেশের রীতি। আমাদের দেশের শিক্ষা ও সভ্যতা বৃদ্ধির সঙ্গে সঙ্গে সেই ভাব বৃদ্ধি হইতেছে, ইহা যে অস্বাভাবিক কিংবা অনাবশ্যকীয় তাহা আমরা বলি না। কাজে আদর্শ দেখান শক্তির কাজ, শক্তির অভাবে আদর্শ দেখাইতে না পারিলেও অভাব-জনিত পীড়ন-ক্লেশে চীৎকার করিতে কেহ বিরত হয় না। শক্তির অভাব যেমন হঠাৎ হয় না, শক্তি সঞ্চয়ও তেমন হঠাৎ হয় না।

বঙ্গ-ক্লেশ চরমে উঠিয়াছে বলিলেও অত্যাক্তি হয় না। এখন চারিদিকে “চরকা বসাও” “তুলার চাষ কর” রব উঠিয়াছে—উঠিবেই তো। এর মধ্যে আমাদের একটি কথা মনে পড়িয়া গেল। কিছুকাল পূর্বে আমাদের একটি বন্ধুর আসন্নকালে যখন তাঁহার আত্মীয় স্বজনগণ তাঁহাকে ঘেরিয়া অপেক্ষা করিতেছিলেন আর ১০।১৫ মিনিট পরেই তাঁহার শেষ নিশ্বাসটুকু পড়িবে, এমন সময় তাঁহার পত্নী ব্যাকুল হইয়া বলিলেন, “ওগো, তোমরা একটু আশ্বাস করে ওঁর বুকে সেক্ দাও।”

বর্তমান বঙ্গ-সমস্যায় আমাদের যাহা মনে হইয়াছে তাহা এতদিন আমরা কাগজে কলমে প্রকাশ করি নাই। অবশ্য অনুমান যদি সত্য হয়, সময় তাহা নির্দেশ করিবেই। তখন সে কথার অর্থ হয় তো কেহ কেহ বুঝিতে আরম্ভ করিবেন।

সম্প্রতি একখানি প্রসিদ্ধ সংবাদ পত্রের একটি প্রবন্ধ মধ্যে আমাদের ধারণার অনুকূলে একটু আভাস দেখিতে পাইলাম। তা ছাড়া আমাদের মন্তব্য প্রকাশের আর একটি প্রয়োজন সন্মুখে অনুভব করিতেছি, তাই আমাদের “বঙ্গ সমস্যা” মন্তব্যটুকু প্রকাশ করিতেছি।

আমাদের বিশ্বাস এ দেশের দ্বারা এদেশের বঙ্গাভাব দূর করা কখনই

সম্ভবপর হইবে না। বস্ত্রের জন্ম বিদেশের প্রতি নির্ভর করিতেই হইবে তাহার অনেক প্রত্যক্ষ প্রমাণ আছে। প্রয়োজন হইলে স্বতন্ত্র প্রবন্ধে তাহা বলা হইবে।—এখন উপস্থিত বস্ত্রের মূল্য বৃদ্ধি যদি আরও হইতে থাকে, তবে গভর্ণমেন্টের সাহায্য ব্যতীত তাহার প্রতিকার হইবে না। দেশী চরকার প্রচলন হউক—তুলার বীজ বপনের চেষ্টা হউক, আমরা তাহার প্রতিবাদী নহি। তবে ইহাতে আমাদের ঐ বস্ত্রের আসন্ন মৃত্যুকালে বন্ধে অগ্নিতাপ দেওয়ার কথাই মনে পড়ে। ফলে যত দিন যুদ্ধ না মিটিবে—যত দিন জাহাজ চলাচল নিরাপদ না হইবে, তত দিন বস্ত্রের মূল্য কমিবে না। বয়োরুদ্ধ লোকে যেমন বলেন, 'যতকাল বেঁচেছি আর ততো দিন বাঁচিব না' সেইরূপ যুদ্ধ যত দিন চলিয়াছে, আর ততো দিন কখনই চলিবে না। ইতিমধ্যে দেশের গরীব লোকদিগের বস্ত্র-ক্লেশ নিবারণের দায়িত্ব স্বভাবতঃ দেশের ধনী, দয়ালব, সমাজ-হিতৈষীগণের উপর পতিত হইতেছে। বস্ত্র-ক্লেশ আরো চরমে উঠিলে গভর্ণমেন্ট এবং দেশবাসীর দ্বারা তাহার প্রতিকার চেষ্টা না হইলে দেশে অশান্তির সম্ভাবনা।*

শেষে একটি অপ্রিয় সত্য বলিব। ৬ টাকা ছোড়া কাপড়, তথাপি দেশের বহু লোকে দামী মিহি কাপড় পরা ছাড়িতেছেন না কেন? মোটা কাপড় পরিতে কষ্ট হয়? গরীবের দুঃখে তদপেক্ষা কষ্ট বোধ হয় না? বাড়ীর ১০ ছোড়া কাপড়ে ১০ টাকাও দাম কমানিয়া ছিন্ন বস্ত্র—নিঃবস্ত্র প্রতিবাসীর অভাব পূরণের ইচ্ছা হয় না? দেশের চিন্তাহীন আচরণ দেখিলে মনে হয় না কি যে, কষ্ট যাহাদের হইয়াছে, তাহাদেরই হইয়াছে, কিন্তু দেশের বহু লোকের বুদ্ধি এখনও তেমন কষ্ট হয় নাই। হাহাকারটা মুখেই বেশী; চাপ পড়িলে মানুষ কতদূর বহন করিতে পারে সে নিজেই তাহা জানে না।

স্বাস্থ্য—“কুশলহতে” আমরা বরাবরই কিছু কিছু স্বাস্থ্য-তত্ত্ব আলোচনা করিয়া আসিতেছি—আমরা স্বাস্থ্য সম্বন্ধে যাহা বলি, তাহা কেবল পুস্তকে পড়া জ্ঞানের কথা নহে, উহার সঙ্গে কিছু কিছু পরীক্ষিত সত্যও থাকে। আমাদের বিশ্বাস, শরীর সুস্থ রাখা বহু পরিমাণে মানুষের আয়ত্তাধীন। অর্থাৎ আয়ুর্বিদ্য বা আয়ুর্কর মানুষ নিজেই করিতে পারে। এই মহাসত্যে বিশ্বাসও স্বাস্থ্য সাধনের পরম সহায়। কেবল স্বাস্থ্য-তত্ত্ব পাঠ করিয়াই

* কলিকাতার দালাহাঙ্গার ৩১ দিন পূর্বে এই প্যামফ্লেটটি লিখিত হয়। (সম্পাদক)

কেহ সূস্থ শরীর লাভ করিতে পারেন না। সূস্থ শরীর লাভ করিতে হইলে এক প্রকার সাধক ব্রত অবলম্বন করিতে হয়। জ্ঞান এবং মানসিক সম্ভাবনিচয়ের সহিত স্বাস্থ্যের অক্ষুণ্ণ যোগ। অবত্য়াকে অক্ষুণ্ণ করিয়া লইতে হয়। নতুবা কোন সাধনাই হইতে পারে না। শরীর সূস্থ রাখিতে হইলে জ্ঞানের সঙ্গে মানসিক বলের আবশ্যক। দৃঢ়তা ভিন্ন কোন সাধনেই সিদ্ধি লাভ করা যায় না।

স্বাস্থ্য-তত্ত্ব সম্বন্ধে সকল দেশের সকল জ্ঞানী, সাধক, এবং চিকিৎসকগণ বহু উপায় প্রদর্শন করিয়াছেন, আশ্চর্য্য হইতে হয় যে, তাহার মধ্যে মূল সূত্রের ঐক্য পরিদৃষ্ট হয়। যাহারা সাধক তাঁহারা অবাস্তুর কথা ছাড়িয়া ঐ মূল সত্যেই উপনীত হইয়া থাকেন। স্বাস্থ্যের প্রধান সহায়, মৃত্তক বিগুন্ধ বায়ু, নির্ম্মল জল, ব্যায়াম এবং সর্বোপরি প্রসন্ন চিত্ততা। এই কথা সকলেই বলিয়াছেন। এখনও ভারতের শত সহস্র সাধক, যোগীগণ ঔষধ এবং চিকিৎসকের সম্বন্ধ বিবাহিত হইয়া কি উপায়ে সূস্থ দেহে দীর্ঘায়ু সম্ভোগ করিতেছেন, সে কথা এখানে বলিতেছি না। কতকগুলি পাশ্চাত্য জ্ঞানী ও চিকিৎসকের মত নিয়ে উদ্ধৃত করিতেছি, পাঠক পাঠিকাগণ ইহা হইতেও কিছু সাহায্য গ্রহণ করিবেন কি ?

“স্যার এডওয়ার্ড রিচার্ডসন, এম্-ডি, বলিয়াছেন—“মানুষের স্বাভাবিক পরমাযু ১১০ বৎসর। যদি কেহ সাস্থিকভাবে উপদ্রব শূন্য হইয়া জীবন অতিবাহিত করে, তাহা হইলে নিশ্চয়ই ততদিন বাঁচিতে সক্ষম হয়, তাহাতে সন্দেহ নাই।

“বেঞ্জামিন ফ্রাঙ্কলিন বলিয়াছেন—“পীড়ার (গতিরোধ) জন্ম ধর্ম্ম এবং মিতাচারই প্রকৃষ্ট গুণী। অধর্ম্ম এবং অমিতাচার করিবামাত্র রোগ সেই গুণী পার হইয়া আক্রমণ করে।”

প্রফেসার জোসেফ এস্‌মাইল, এম্-ডি, বলিয়াছেন—“ঔষধে (প্রকৃত পক্ষে) রোগ আরোগ্য হয় না, রোগ আরোগ্য হয় (Nature's) প্রকৃতির আরোগ্যকারী ক্ষমতায়।”

মেডিকেল কাউন্সেলের ডাক্তার পল নিমেষার বলিয়াছেন—“মানুষের যখন পীড়া হয়, তখন ঔষধ যে দিন হইতে বন্ধ হয়, সেই দিন হইতেই প্রকৃত আরোগ্যের সূত্রপাত হয়।”

বেকন বলেন,—“যাহারা পান স্তোত্রনে মিতাচারী, ঔষধ তাহাদের অনাবশ্যক বস্তু।”

রিচার্ড বলিয়াছেন,—“আমি বলি, তুমি তোমার অর্ধেক ডাক্তারকে বিদায় দিয়া কেবল বায়ু, আকাশ, এবং জল, এই তিন চিকিৎসকের চিকিৎসায় থাকো, আরোগ্য হইবে।”

কবি লংফেলো বলিয়াছেন,—“মিতাচারী হও, এবং ডাক্তারের নাকের উপর দরজা বন্ধ করিয়া দিয়া বসিয়া থাকো।”

ডাক্তার এস্লি কুপার বলিয়াছেন,—“অনুমান হইতে ভেষজ সমূহের উৎপত্তি, এবং নরহত্যা দ্বারা তাহার উৎকর্ষতা সাধিত হইয়াছে।”

নেপোলিয়ন যখন সেন্ট হেলেনায় পীড়িত, তখন মৃত্যুর পূর্বে তাঁহার চিকিৎসকগণকে বলিয়াছিলেন, “এই ঔষধপত্র গুলা ফেলিয়া দাও, ইহা না ব্যবহার করাই মানবের পক্ষে মঙ্গলজনক, কারণ মানব জীবন একটা দুর্গবৎ, সেই দুর্গের তুমিও কিছু জানো না, আমিও কিছু জানি না, তবে কেন তাহার আত্ম-রক্ষার পথে বাধা দাও, আত্ম-রক্ষার্থে তাহারই মধ্যে যে শক্তি, বল, উপায় আছে, তাহা তোমাদের সমুদয় সন্ত্র, শস্ত্র অপেক্ষা শ্রেষ্ঠ।”

এইবার একখানি সাময়িক পত্রের একটি প্যারা উদ্ধৃত করিয়া উপস্থিত বস্তু শেষ করিব।

“বস্তু ইতর প্রাণীদের বিষয় পর্যালোচনা করিলেও দেখা যায়, স্বভাবের উপর নির্ভর করিয়া তাহারা সুন্দরভাবে আত্ম-রক্ষা করিয়া থাকে। সাঁওতাল, ভীল প্রভৃতি অসভ্য জাতিগণের নরনারীর স্বাস্থ্য দেখিলে কি মনে হয়? যত চিকিৎসা হইতে দূরে থাকা যায়, ততই স্বাস্থ্য ভাল থাকে। পরমেশ্বর এই দেহেই এমন সকল দ্রব্য দিয়াছেন যে, তাহা দ্বারায় স্বভাবের নিয়মে চলিলে স্বাস্থ্য রক্ষা হইতে পারে।” (কাজের লোক)

যুদ্ধের অবস্থা—যুদ্ধের অবস্থা বেশ ভাল বলিয়াই বোধ হয়। মিত্র-সৈন্য সর্বত্রই অগ্রসর হইতেছে। ইংরাজ সৈন্য, ফরাসী সৈন্য, মার্কিন সৈন্য সকলেই পূর্ণবেগে অগ্রসর হইতেছে। গত সপ্তাহেও অগ্রগমনের বেগ বৃদ্ধি পাইয়াছে। অনেকে বলিতেছেন, এবার শীতের পূর্বেই যুদ্ধের শেষ হইবে। তুরকের কর্তারাও যেন সেই মতে মত দিতেছেন। তাঁহারাও বলিতে আরম্ভ করিয়াছেন, আর যুদ্ধ করিয়া লাভ নাই।—বলা বাহুল্য এখনও যুদ্ধ কবে শেষ হইবে, তাহা নিশ্চিত করিয়া বলা অসম্ভব। তবে একথা বলা

বাইতে পারে যে, আগামী দুই মাসের কার্যের উপর যুদ্ধ শেষ হওয়া না হওয়া অনেক পরিমাণে নির্ভর করিবে। (বাক্সানী)

বস্ত্র-ক্লেশ-নিবারণী-সভা—বরিশালে কয়েকটি বস্ত্র-ক্লেশ-নিবারণী সভা সংস্থাপিত হইয়াছে। এই সভার সভ্যগণ পটুয়াখালী ও বরিশালের পল্লীগ్రামে ঘুরিয়া দীন দরিদ্র স্ত্রীলোকদিগকে বস্ত্র দান করিতেছেন। (এডুঃ গেজেট)

মাতৃ-নিকেতন—অসহায় বালকবালিকা ও নিরাশ্রয়া, বিপন্ন অবলাদিগকে আশ্রয় দিবার উদ্দেশ্যে একবিংশ বর্ষ অতীত হইল এই আশ্রম প্রতিষ্ঠিত হইয়া চলিতেছে। এ পর্য্যন্ত শতাধিক বালিকা ও বয়স্ক আশ্রয় প্রাপ্ত হইয়া ২৬টি বিবাহিতা হইয়াছে। কেহ কেহ ভাল হইয়া স্ব স্ব গৃহে প্রত্যাগমন করিয়াছে এবং কেহ কেহ ধাত্রী ও চিকিৎসা শিক্ষাদি লাভ করিয়া স্বাধীনভাবে কার্য করিতেছে। অধুনা আশ্রমের সেবকসেবিকাদিসহ সর্বসমেত ১১ জন নিকেতনে থাকিয়া প্রতিপালিত হইতেছে।

মাতৃ-নিকেতনের সংশ্লিষ্ট ও পল্লীবাসী বালিকাগণের শিক্ষার জন্য একটি বালিকা বিদ্যালয় আছে। উহাতে প্রাথমিক শিক্ষা হইতে উচ্চশ্রেণীর ইংরাজী স্কুলের ৭ম শ্রেণীর অর্থাৎ মধ্যবাক্সালা ও ইংরাজী উচ্চশ্রেণীর পাঠ্য পর্য্যন্ত শিক্ষা দেওয়া হয়। বোর্ডিং ও শিক্ষার ব্যয় বালিকা প্রতি মাসিক ৬ টাকা মাত্র। বালিকাদিগকে ধর্মনীতি ও গৃহস্থালী সমুদয় কার্যকর্ম শিক্ষা দেওয়া হয়।

দীনজনাশ্রয় পরম পিতামাতা পরমেশ্বর এই নিকেতনের প্রতিষ্ঠাতা ও একমাত্র প্রতিপালক ও সহায় সম্বল। তাঁহার প্রেরণায় ইহার সাহায্যার্থে দয়া করিয়া যিনি যাহা প্রদান করিবেন, তাহা সাদরে সক্রতজ্ঞ হৃদয়ে গৃহীত হইবে।

মাতৃ-নিকেতন,
ধিলগ্রাম,
পোঃ রমনা, ঢাকা

বিনীত নিবেদক
দাস শশিভূষণ মল্লিক
সেবক।

প্রাপ্তি-স্বীকার

সেবাত্রত শ্রীযুক্ত শশিপদ বন্দ্যোপাধ্যায় মহাশয় দ্বারা প্রতিষ্ঠিত “দেবালয়ের” নাম ও তাহার মহৎ উদ্দেশ্যের কথা আজ জগতময় প্রচারিত। এই দেবালয়ের মুখপত্র স্বরূপ “দেবালয়” নামে একখানি বাংলা মাসিকপত্র প্রথমাবস্থায় কিছুদিন প্রকাশিত হইয়াছিল। পরে ইংরাজী বাংলা পুস্তকাদি দ্বারা সে উদ্দেশ্য সাধন হওয়ার বোধ হয় মাসিক পত্রের প্রকাশ বন্ধ হয়। আমরা দেখিয়া সুখী হইলাম যে, সম্প্রতি জুলাই মাস হইতে ইংরাজী ভাষায় “দেবালয় রিভিউ” নামে একখানি ত্রৈমাসিক পত্র আবার প্রকাশিত হইতেছে। কোনো স্বতন্ত্র মত গঠনের জ্ঞে দেবালয়ের জন্ম নয়, কিন্তু জগতে যত ধর্ম-মত বা মণ্ডলী আছে, অবিরোধে সকলের সারতত্ত্ব আলোচিত, সমাহৃত এবং সাদরে গৃহীত হইবার উদ্দেশ্যে এবং সর্ববিধ সংকাজে সহায়ত্ব দানার্থেই দেবালয়ের প্রতিষ্ঠান। এই সার্বভৌমিকতা প্রচারই আবার দেবালয়ের বিশেষত্ব। জগতবাসীর নিকট এই মহান্ ভাব প্রচারের জ্ঞে বাংলা মাসিক পত্রের পরিবর্তে বর্তমান সময়োপযোগী ইংরাজী ভাষায় পত্রিকাই উপযুক্ত। এই জ্ঞেই আমরা “দেবালয় রিভিউ”য়ের জন্মে আনন্দ প্রকাশ করিতেছি। তবে রিভিউয়ের কলেবর আরো কিছু পুষ্ট হইলে যেন ভাল হয়। দেবালয় ২১ নং ৩২, কর্ণওয়ালিস স্ট্রীট, কলিকাতা।

আমরা আর একখানি সুন্দর উপাদেয় গ্রন্থ উপহার প্রাপ্ত হইয়াছি। এখানি ‘মাঠকেল চরিত’ ও ‘পৃথ্বীরাজ কাব্য’ প্রণেতা শ্রীযুক্ত যোগীন্দ্রনাথ বসু বি-এ প্রণীত ভক্ত “তুকারাম চরিত।” দুঃখের বিষয় সময়ভাবে পুস্তকখানি আছোপাস্ত্র নিবিষ্টচিত্তে পাঠ করিতে পারি নাই। তবে যতটুকু দেখিয়াছি, তাহাতে বলিতে পারি যে, ভক্ত তুকারামের জীবনী একেই তো মিষ্ট-মধুর— তাহাতে ভাবুক ভক্ত-কবি স্নলেখক যোগীন্দ্র বাবুর লেখনী স্পর্শে কোনরূপ ক্রটি না ঘটয়া বরং সংযত ও সরস ভাষায় সমাবেশে সুন্দরই হইয়াছে। ভক্ত জন মাঝেই এই গ্রন্থখানি পাঠ করিয়া নিঃসন্দেহে তৃপ্ত হইবেন। ইহার আর একটি বিশেষত্ব এই যে, চরিত্র অঙ্কণটি সম্পূর্ণ অসম্প্রদায়িক ভাবের হইয়া সর্বজনপ্রিয় হইয়াছে।

“সতুর মা’। এখানি গল্প পুস্তক। শ্রীমতী চাক্ৰবর্তী সরস্বতী প্রণীত। প্রকাশক শ্রীযুক্ত অনাথনাথ মুখোপাধ্যায়, ১১ নং ক্লাইভ রো, কলিকাতা। মূল্য ১০ এক টাকা চারি আনা। বাধাই, ছাপা, ও ভাল কাগজ। সতুর মা গল্পটি ১৩২০ সালের ‘কুশদহতে’ প্রথম প্রকাশিত হইয়াছিল। বার বার ইহার প্রফ দেখিবার সময় আমরা অশ্রু সংবরণ করিতে পারি নাই। বস্তুতঃ যিনিই উহা পাঠ করিবেন, তিনিই আমাদের এই কথাব সাক্ষ্য প্রদান করিবেন। ইহাতে সর্বসমেত সাতটি গল্প আছে। তাহার মধ্যে পাঁচটি ‘কুশদহে’ প্রকাশিত হইয়াছিল।

স্থানীয় বিষয় ও সংবাদ

—:—:—

আমরা এবার উপস্থাপিত করিতে বাধ্য হইলাম। গত ২রা ভাদ্র সোমবার খাঁটুরা দত্ত-বাটীর সর্গায় বসন্তকুমার দত্ত মহাশয়ের ধর্মশীলা পত্রা—পরম শ্রদ্ধেয়া পতিতপাবনী দেবী, সপ্ততিবর্ষাধিক বয়সে, তাঁহার কলিকাতা আধিরীটোল শঙ্কর হালদার লেনস্থ নিজ ভবনে পরলোকগতা হইয়াছেন। কুশদহ-খাঁটুরা-গোবরডাঙ্গার তাশুণী সমাজের মধ্যে স্ত্রী শিক্ষা, অথবা উন্নতমনা উচ্চ সংস্কারপত্রা মহিলার সংখ্যা একান্ত অভাব বলিলে অতুক্তি হয় না, কিন্তু বোধ হয় গনেকেই অবগত নহেন যে, আশ্রম ৫০ বৎসর পূর্বে এই শ্রীমতীর মধ্যে খাঁটুরা দত্ত-পরিবারে একটি নবোদ্যোগ হৃদয়ে কি আশ্চর্য্য ধর্ম বিশ্বাসের বল এবং স্বদেশ-হিতৈষণা প্রকাশ পাইয়াছিল। যাহারা “কুমুদিনী-চরিত” পাঠ করিয়াছেন, তাঁহারা ই তাহা জানেন। ৫০ বৎসর পরে ভগবৎ প্রসাদে আজ কুশদহর এতটুকুও অবস্থার পরিবর্তন আসিয়াছে যে, যাহার জীবনী বন-কুমুম সদৃশ, বনে ফুটিয়া বনেই ঝরিয়া পড়িয়াছিল, —যে বিশ্বাসের মর্যাদা বুঝিতে না পারিয়া সমাজ তর্কপরি কত নিন্দা-নির্যাতন-কালিমা দিয়া নিশ্চিন্ত করিয়া রাখিয়াছিল, আজ সেই স্বর্গীয়া দেবী কুমুদিনীর নাম আমরা পরম গৌরবের সহিত উচ্চারণ করিতেছি। আজ যাহার নখর-দেহের অবসান-বার্তা পত্রস্থ করিতেছি, ইনি সেই দেবী কুমুদিনীর সহোদরা। ইনি নীরবে দীর্ঘকাল ধর্মসাধন করিয়াছেন, ধর্ম জীবনের আরম্ভ এক প্রকার অপ্রকার অহুর্ভবনেই হয়। কিছুকাল পরে ইনি

মহাত্মা বিজয়কৃষ্ণ গোস্বামী মহাশয়ের শিষ্যা হইয়া শেষ জীবন পর্যন্ত অটল বিশ্বাসে লোক-চক্ষুর অন্তরালে বসিয়া ভক্তি-সাধন করিয়াছিলেন। নিজের পুত্র কণ্ঠা ইহার কিছুই ছিল না, কিন্তু জ্যেষ্ঠা ভগিনীর বিধবা পুত্রবধু, পৌত্র, পৌত্রী, নিজ ভাগিনের প্রভৃতি আত্মীয়বর্গ লইয়া যেন তাঁহার একটি বড় সংসার ছিল। আমরা এই গরীয়সী মহিলার জীবনী সম্বন্ধে এখন আর অধিক কিছু বলিতে পারিলাম না, তবে মনে হয় ইহার পবিত্র স্মৃতি রক্ষার্থে ইহার আত্মীয়বর্গ যদি কোনো চেষ্টা করেন, যাহাতে অনন্ত কুশদহ তাম্বুলীশ্রেণীর বালিকা-শিক্ষা কল্পেও কিছু ব্যবস্থা হইতে পারে। তাঁহারা তাহা করিতে ইচ্ছুক হইবেন কি ?

দ্বিতীয়টি অত্যন্ত মর্মান্তিক—বেড়গুম নিবাসী শ্রীযুক্ত আশুতোষ মুখো-
পাধ্যায় মহাশয়ের ৩৯ বৎসর বয়স্ক জ্যেষ্ঠপুত্র রাজেন্দ্রনাথ সহসা নিমোনিয়া
রোগে গত ৯ই ভাদ্র সোমবার দেহত্যাগ করিয়াছেন। মুখোপাধ্যায় মহাশয়
বহুদিন বিপন্নিক। পুত্রবধু এবং একটি মাত্র শিশু পৌত্রী লইয়া তাঁহার
বেড়গুমের বাস এবং সংসার। রাজেন্দ্র বাবু খিদিরপুরে কর্ম করিতেন।
মুম্বু অবস্থায় সেখান হইতে তাঁহার খুল্লতাত শ্রীযুক্ত ক্ষেত্রনাথ মুখোপাধ্যায়
মহাশয়ের ৩৭নং দুর্গাচরণ মিত্রের ষ্ট্রিটের বাসায় আসেন, এবং সেই দিনই
সন্ধ্যার সময় মৃত্যুমুখে পতিত হন। যখন বেড়গুমে এই সংবাদ পৌঁছায়
তখনকার অবস্থার কথা ভাবিয়া বাস্তবিক আমরা মর্মান্বিত হইয়াছিলাম। কিন্তু
পরে শুনিলাম, বৃদ্ধ আশুবাবু অন্ততঃ বাহ্যত ততো অধীর হন নাই। কিন্তু বধু
মাতাকে কি বলিয়া সাঙ্গনা দিবেন? সাধুভক্তগণ বলেন, “যিনি রণজয়
করেন, তিনি প্রকৃত বীর নহেন, যিনি শোক-মোহ-বেগ সম্বরণ করিতে
পারেন তিনিই প্রকৃত বীর।” মাতঃ বিশ্ব-জননী পরলোকস্থ আত্মাকে স্নেহ-
ক্রোড়ে এবং ইহলোকস্থ শোকাক্ত নরনারীর প্রাণে সাঙ্গনা দান করুন।

এতদিন আর দুইটি মৃত্যু-সংবাদ আমরা অবগত হইয়াছি—একটি
বালিয়ানীর জমিদার শ্রীযুক্ত হরিদাস বসু। অপরটি গোবরডাঙ্গার কানাই
নাটশাল পাড়ার শ্রীযুক্ত হাজারীলাল মুখোপাধ্যায়। হরিদাস বাবু সম্বন্ধে
উল্লেখযোগ্য কথা কিছুই পাওয়া যায় নাই। তবে হাজারীলাল বাবু শাস্ত্র
জ্ঞান, ধার প্রকৃতির পোষ হিণেন। গোবরডাঙ্গার জমিদার বড় তরফে

বর্তমানে তহশীলদারী কার্যে ধীরে ধীরে অগ্রসর হইতেছিলেন, সহস্রা তাঁহার অভাবে তাহার পরিবারবর্গ সত্যই অবসন্ন হইয়া পড়িয়াছেন। ভগবান্ সকলের প্রাণে বল ও বিশ্বাস দান করুন।

খাঁটুরা বালিকা-বিদ্যালয়টি সম্পাদকের ঐকান্তিক যত্নে ধীরে ধীরে যেন একটু উন্নতির আকার ধারণ করিতেছে দেখিয়া আমরা বাস্তবিকই সুখী। তবে বালিকা-শিক্ষা কার্যে শিক্ষয়িত্রী যেমন উপযোগী, পুরুষ শিক্ষক দ্বারা সে কার্য কখনই তেমন হইতে পারে না। অবশ্য পল্লীগামে অল্পে অল্পে শিক্ষয়িত্রী পাওয়া অত্যন্ত কঠিন, কিন্তু বর্তমান সময়ে যতটুকু স্ত্রী-শিক্ষার প্রসার বৃদ্ধি হইতেছে, তাহাতে একটি গরীব হিন্দুমহিলা অথবা শিক্ষা প্রচারে বঙ্গশীলা কোনও মহিলা পাওয়া একেবারে অসম্ভব বলিয়া মনে হয় না। এজন্য গ্রাম-বাসীর সচেষ্টি হওয়া একান্ত আবশ্যিক।

কুশদহের মধ্যে তাম্বুলী সমাজ প্রসিদ্ধ। এই সমাজের প্রসার বৃদ্ধি ও সংস্কার উদ্দেশ্যে খাঁটুরার স্বর্গীয় ভূতনাথ পাল, বি-এ, মহাশয় একটি সন্মিলনী সভা স্থাপন করেন, এবং তাহার মূখপত্র “তাম্বুলী-সমাজ” নামে মাসিক-পত্র প্রকাশিত হয়। তাহার সম্পাদন ভার স্বর্গীয় রাজকৃষ্ণ পালের উপর দীর্ঘকাল ব্রহ্ম ছিল। রাজকৃষ্ণ বাবুর পরলোক গমনে “তাম্বুলী-সমাজ” পত্রিকাখানি বন্ধ ছিল, কিন্তু ইতিপূর্বে ঐ সন্মিলনী সমাজের মধ্যে মতভেদ হওয়ার আর একখানি “তাম্বুলী পত্রিকা” নামে মাসিকপত্র প্রচার হইতে থাকে। আমরা দেখিয়া অত্যন্ত সুখী হইলাম যে, তাম্বুলী সমাজের পরমহিতৈষী কর্মী, উৎসাহী বাবু সুরেশচন্দ্র পাল গত বর্ষ হইতে পুনরায় “তাম্বুলী-সমাজ” প্রকাশ করিতেছেন। তবে পত্রিকাখানি নিয়মিত বাহির হইতেছে না। দুইমাস তিনমাস পর্য্যন্ত একত্রে বাহির হইয়াছে। আমাদের মনে হয়, এই পত্রিকাখানি যে ভাবে পরিচালিত হইতেছে, তাহাতে উহা দ্বারা উক্ত সমাজের বিশেষ হিত সাধন হইবার সম্ভাবনা। যদি একান্ত পক্ষে নিয়মিতরূপে মাসে মাসে বাহির না হয়, তবে উহা ত্রৈমাসিক করিয়া বাহাতে উপযুক্ত প্রবন্ধ বাহির হয় তাহা করিলে মন্দ হয় না।

কুশদহ-সমিতি

—:—

১। গত ২২এ শুভ রবিবার অপরাহ্ন ৫টার সময় খাঁটুরা স্কুল-গৃহে 'কুশদহ-সমিতি'র এক বিশেষ অধিবেশন হইয়াছিল। এই অধিবেশনের প্রধান উদ্দেশ্য খাঁটুরাগ্রামে সমিতির একটি "শাখা-কার্যালয়" স্থাপন করা। ঈশ্বর-রুপায় এই দিনের কাণ্ড অতীব সন্তোষজনক হইয়াছিল। আজ কাল বাদলা বৃষ্টির দিনে একরূপ পল্লীগামে শতাধিক লোকের সমাগম কম কথা নয়। সভার কার্যে আছোপান্ত সকলেই স্থির ভাবে আন্তরিকতার সহিত যোগদান করিয়াছিলেন বলিয়া বোধ হইল। কুশদহ-সমিতির কার্যানির্বাহক সভার অন্ততম সভ্য খাঁটুরা-নিবাসী (কলিকাতা প্রবাসী) শ্রীযুক্ত বাবু সুরেশচন্দ্র পাল পূর্ব হইতে অক্লান্ত পরিশ্রম করিয়া এই অধিবেশনের আয়োজন করেন। সর্বসম্মতিক্রমে বাবু প্রমথনাথ দত্ত এ দিবস সভাপতির কার্য করেন। কলিকাতা হইতে সমিতির ৬ জন সভ্য ও বনগ্রাম হইতে ২ জন সভ্য আসিয়া এই অধিবেশনে যোগ দেওয়ার সভার কার্য খুবই জমাট হইয়াছিল।

প্রথমে সুরেশবাবু সমিতির উদ্দেশ্য ও আবশ্যিকতা সম্বন্ধে সর্বসাধারণকে বিশদভাবে বুঝাইয়া দিলে, তাহার সমর্থন ও পোষকতা করে কুশদহ-সম্পাদক, নীলাচল বাবু, নিশি বাবু, দুর্গাদাস বাবু প্রভৃতি যথাক্রমে অত্যন্ত সরলভাবে তাঁহাদের মন্তব্য প্রকাশ করেন। তৎপরে গ্রামবাসীগণ সর্বসম্মতিক্রমে "শাখা কার্যালয়" স্থাপনে অনুমোদন করিলে প্রস্তাব ধার্য্য হয়। এবং সভার নির্বাচন অনুসারে বাবু প্রমথনাথ দত্ত সম্পাদক, ও শ্রীযুক্ত প্রহ্লাদচন্দ্র চট্টোপাধ্যায় সহকারী-সম্পাদক নিযুক্ত হন। তৎপরে বনগ্রাম স্কুলের হেডমাষ্টার এবং খাঁটুরা স্কুল-কমিটির সভাপতি, গৈপুর নিবাসী শ্রীযুক্ত বাবু চারুচন্দ্র মুখোপাধ্যায় বি-এ, ছ' এক কথা বলেন। অবশেষে সভাপতিকে ধন্যবাদ দিয়া সভাভঙ্গ হয়।

'কুশদহ-সমিতি'র শাখা কার্যালয় যোগে উক্ত গ্রামে কি প্রণালীতে কার্যাদি হইবে, তাহা প্রথমে কার্যানির্বাহকসভা স্থির করিয়া সাধারণসভা সমক্ষে যথাসময়ে উপস্থিত করিবেন।

অবশেষে আমরা আর একটি কথা উল্লেখ না করিয়া থাকিতে পারিলাম।

না। দস্তবাটীর শ্রীযুক্ত বাবু যোগীন্দ্রনাথ দত্ত এই অধিবেশন কার্যের আয়োজন সম্বন্ধে অসুস্থ শরীরেও আগাগোড়া উৎসাহপূর্বক যে প্রকার পরিশ্রম এবং কলিকাতা, বনগ্রাম হইতে আগত সভ্যগণকে আদর-অভ্যর্থনা করিয়াছিলেন তাহা অশ্রী ব্রহ্মসেনীর সন্দেহ নাই এবং সুগায়ক শ্রীযুক্ত বীরেশ্বর চৌধুরী, এই সভার নিতান্ত সময়োপযোগীভাবে আদি ও অন্তে দুইটি সঙ্গীত করিয়া সভাকে অত্যন্ত সরস করিয়া ছিলেন।

২। এতদ্ভিন্ন এই ও ১০এ তার কার্যনির্বাহকসভার অধিবেশন হইয়াছিল। তাহাতে যে সকল বিষয় আলোচিত ও নির্ধারিত হইয়াছিল, তাহার মধ্যে একটি গুরুতর বিষয়ের আলোচনা চলিয়া শেষ দিন উক্ত প্রস্তাব ধার্য হইয়াছে। বিষয়টি বহু সমস্যা—অর্থাৎ কুশদহ-সম্পাদক দাস যোগীন্দ্রনাথ কুণ্ডু প্রভৃতি ৪ জন সভ্য প্রথম প্রস্তাব উত্থাপন করেন যে, বর্তমান সময়ে কুশদহবাসী দুঃস্থদিগের বিশেষত দরিদ্রা স্ত্রী-জাতির বস্ত্রাভাব দেখিয়া কুশদহ সমিতির নীরব থাকার কোনোই সঙ্গদয়তার পরিচায়ক নহে। এ বিষয়ে কি সমিতির কোনও কর্তব্য নাই? এই প্রশ্নের আলোচনার ফলে ধার্য হয়, বস্ত্র-ক্লেশ নিবারণ জন্ত কার্য নির্বাহক সভার সভ্য বা অপর উৎসাহী সভ্য যাহারা স্বতঃপ্রবৃত্ত হইয়া অর্থসংগ্রহে প্রস্তুত হইবেন, একরূপ সভ্য দ্বারা একটি সাব-কমিটী গঠিত হউক।

তারপর দাস যোগীন্দ্রনাথ কুণ্ডু, শ্রীযুক্ত পতিরাম বন্দ্যোপাধ্যায়, নীলাচল মুখোপাধ্যায়, সুরেশচন্দ্র পাল, নিশিভূষণ মুখোপাধ্যায়, হুর্গাদাস বন্দ্যোপাধ্যায়, সহায়নারায়ণ পাল ও খগেন্দ্রনাথ পাল প্রভৃতি উক্ত সাব-কমিটীর সভ্য নিযুক্ত হইলেন—অর্থাৎ ভিক্ষার বুলি স্বন্ধে লইলেন। প্রয়োজনমতে এই কমিটির সভ্য সংখ্যা বৃদ্ধি করিতে পারিবেন।

আমরা বলি যাহারা ভগবানের মুখের দিকে তাকাইয়া, তাঁহার পবিত্র নাম স্মরণ করিয়া জন সেবার ভার গ্রহণ করেন, তাঁহাদের জন্ত তাঁহার আশীর্বাদ সঞ্চিত আছে, তাহাতে কিছুমাত্র সন্দেহ করিবার কারণ নাই। আসুন দয়াবান্, হৃদয়বান্, সমাজহিতৈষী, কুশদহবাসী, বা অপর যিনিই হউন সহায়তা করুন—উপযুক্ত সময় আসিয়াছে। “কুশদহ সমিতি” এ আহ্বান অবহেলা করিতে পারেন না। এইবার আসুন, কথায় নয়—কাজে, স্বার্থ ত্যাগের দৃষ্টান্ত দেখাইতে হইবে। এ যে ভগবানের ইচ্ছিত।

৩। গত ৭ই ভাদ্র শনিবার প্রাতে কার্যানির্বাহক সভার সভ্য শ্রীযুক্ত পতিরাম বাবু, নীলাচল বাবু, সুরেশ বাবু ও সম্পাদক, ইঁহারা পাঁচজনে একটি ডেপুটেশন লইয়া বারাণসত সাবডিভিসাঞ্চাল অফিসারের সহিত গোবরডাঙ্গার সাক্ষাৎ করেন এবং গত ২২এ ভাদ্র রবিবার প্রাতে নিশি বাবু, সুরেশবাবু ও সম্পাদক, এবং বনগ্রাম হইতে সমিতির সাধারণ সভ্য শ্রীযুক্ত বঙ্কিমচন্দ্র মুখোপাধ্যায় বি-এম্ কে লইয়া তাঁহারা ৪ জনে বনগ্রামের সাবডিভিসাঞ্চাল অফিসার মহোদয়ের সহিত সাক্ষাৎ করেন। এ সাক্ষাতের উদ্দেশ্য কুশদহ-সমিতির প্রতি তাঁহাদের অনুকূল-দৃষ্টি ও সহানুভূতি আকর্ষণ করা। আমরা শুনিয়া সুখী হইলাম যে, তাঁহারা কুশদহ সমিতির উদ্দেশ্যের প্রতি যথেষ্ট সহানুভূতি প্রকাশ করিয়া বলিয়াছেন যে, তাঁহারা সাধ্যানুসারে আনুকূল্য দান করিবেন। তবে বারাণসত-অফিসার মহোদয় নাকি একথাও বলিয়াছেন যে, সমিতির সমবেত শক্তির সাহায্যে যতদিন গ্রামবাসীদিগের কর্তব্যবুদ্ধি ও আত্ম চেষ্টার ভাব জাগাইয়া তুলিতে না পারিবেন, ততদিন বিশেষ সফলের আশা করা যায় না।

৪। গত ৫ই ভাদ্রের কার্যানির্বাহকসভার নির্ধারণ অনুসারে কুশদহের বর্তমান সংগৃহীত ম্যাপ ২৫০ কপি প্রস্তুত করিতে দেওয়া হইয়াছে। সম্ভবত ৪০ টাকার অধিক তাহাতে ব্যয় হইবে। কুশদহ-সমিতির সভ্য যাত্রাই উহা মূল্যে পাইবেন।

মাসিক অধিবেশনাদির সংবাদ স্থানাভাবে এবারে প্রকাশিত হইল না।

কুশদহ-পঞ্জী

গত শ্রাবণ সংখ্যায় প্রকাশিত ৮সারদাচরণ মুখোপাধ্যায়ের বংশ বিবরণে কয়েকটি নাম অজ্ঞাত এবং অসম্পূর্ণতা দোষ রহিয়া গিয়াছে। তাহা সংশোধিত আকারে নিম্নলিখিতানুরূপ হইবে: প্রথমে ৮সারদা বাবুর পুত্র শ্রীযুক্ত পঞ্চানন বাবু হইতে প্রাপ্ত বিবরণ, সংগ্রহকার শ্রীযুক্ত পঞ্চানন চট্টোপাধ্যায় যেরূপ পাঠাইয়াছিলেন, তদ্রূপ মুদ্রিত হইয়াছিল, তৎপরে ৮সারদা বাবুর দ্ব্যেষ্ঠপুত্র শ্রীযুক্ত চারুবাবু নিম্নলিখিতানুরূপ সংশোধিত কাপী পাঠাইলেন অবশ্য ইঁহার মধ্যে মারাত্মক ভুল কিছু নাই। অতঃপর আমাদের সান্নয়ন নিবেদন যে, নিজ নিজ বিবরণ প্রদান কালে বাহাতে কোনও নাম বাদ না

যায় এবং সংগ্রহকারক মহাশয় অনুগ্রহ করিয়া যেন সতর্কতা সহকারে বিবরণ লিপিবদ্ধ করিয়া পাঠান, নচেৎ প্রত্যেকবার ভ্রম সংশোধন করিতে হইলে অত্যন্ত লিপি বাহুল্য হইয়া পড়িতেছে। (সম্পাদক)

সংশোধন : ৬সারদাচরণ মুখোপাধ্যায়ের পত্নী সিন্ধেশ্বরী দেবী, হুগলি জেলার জয়পুর গ্রাম নিবাসী ৬রমেশচন্দ্র চক্রবর্তীর কন্যা। ৬সারদা বাবুর চারিটি পুত্র। শ্রীযুক্ত চাক্রচন্দ্র, শ্রীযুক্ত পঞ্চানন ও অপর দুইটি বাল্যকালে মৃত্যুযুখে পতিত। ৬সারদা বাবুর কন্যাও চারিটি।

প্রথমা, উপেন্দ্রমোহিনীর স্বামী, যশোহর-সারসী গ্রাম নিবাসী ৬শ্রীকৃষ্ণ বন্দ্যোপাধ্যায়।

দ্বিতীয়া, মহেন্দ্রমোহিনীর স্বামী, ফরিদপুর—বাটিকামারি গ্রাম নিবাসী ৬বেনীমাধব বন্দ্যোপাধ্যায়।

অপর দুইটি কন্যা অবিবাহিত অবস্থায় পরলোকগতা।

চাক্রবাবুর তিন পুত্র ব্যতীত আর একটি সুদীনচন্দ্র বাল্যকালে পরলোকগত। কন্যাও পাঁচটি—অপ্রাপ্ত (বুড়ী) নামা ব্রজবালার স্বামী বর্জমান জেলার সিলামপুর নিবাসী শ্রীযুক্ত রাধিকেশ্বর বন্দ্যোপাধ্যায় আর দুইটি অবিবাহিতা, নাম সুরবালা ও দেববালা।

শ্রীযুক্ত পঞ্চানন বাবুর দুই পুত্র শ্রীযুক্ত ভোলানাথ ও বিশ্বনাথ। তিন কন্যা অর্থাৎ রাধাবাণী ব্যতীত আর দুইটি—রাণী ও শিবি।

৬বসন্ত বাবুর প্রথম পুত্র ললিতকুমার বাল্যকালে পরলোকগত। দ্বিতীয় পুত্র (যাহার নাম বলা হইয়াছিল পটল) শ্রীযুক্ত শরৎচন্দ্র মুখোপাধ্যায়।

শ্রীযুক্ত গোপালচন্দ্র মুখোপাধ্যায়

৬খেলারাম মুখোপাধ্যায়ের জামাতা, ধর্মদহের ৬রামশিশোর চট্টোপাধ্যায়। তাঁহার এক কন্যা উজ্জ্বলা দেবী শান্তিপুরের ঘুরপেকে পাড়ার ৬কৃষ্ণীকান্ত মুখোপাধ্যায়ের পত্নী। কৃষ্ণীকান্ত গোবরডাঙ্গার আসিয়া বাস করেন।

ইঁহার দুই পুত্র, এক কন্যা। জ্যেষ্ঠ শ্রীপাত্ররাম মুখোপাধ্যায় নিকুদ্দেশ। অপর শ্রীযুক্ত গোপালচন্দ্র মুখোপাধ্যায়। ইঁহার পত্নী, হুগলি জেলার পূর্ব নপাড়া নিবাসী ৬ভোলানাথ বন্দ্যোপাধ্যায়ের প্রথমা কন্যা শ্রীমতী ভুজঙ্গিনী দেবী।

৬কৃষ্ণীকান্তের একমাত্র কন্যা ৬নৃত্যকালী দেবী, এড়দহর ৬হেমচন্দ্র চট্টোপাধ্যায়ের পত্নী।

গোপাল বাবুর দুই পুত্র। শ্রীযুক্ত সুরেন্দ্রনাথ ও শ্রীযুক্ত ডাক্তার দেবেন্দ্রনাথ ও এক কন্যা। শ্রীমতী শরৎকুমারী দেবীর স্বামী, বসিরহাট মহকুমার কাঁকড়া কচুরা নিবাসী শ্রীযুক্ত রাধাগচন্দ্র চট্টোপাধ্যায়।

সুরেন্দ্র বাবু ডেপুটি একাউন্টেন্ট জেনারেল টেলিগ্রাফ অফিসের একজন কর্মচারী। ইঁহার স্ত্রী (পরলোকগতা) মিহিরবালা দেবী, ২৪ পঃ এড়দহর

শ্রীযুক্ত দেবেন্দ্রনাথ চক্রবর্তীর কন্যা। সুরেন্দ্র বাবুর দুই পুত্র, শ্রীমান্ হরেন্দ্রনাথ ও শ্রীমান্ মণীন্দ্রনাথ, এককন্যা শ্রীমতী তপবাল।

শ্রীমান্ হরেন্দ্রনাথের খণ্ডর শ্রীযুক্ত নীলরতন গঙ্গোপাধ্যায়, নিবাস ২৪ পঃ বারাসাতের অন্তর্গত খেতপুর। মণীন্দ্রনাথ অবিবাহিত।

শ্রীমতী তপবালার স্বামী বেহাল। নিবাসী (পূর্ব নিবাস বেজুড়) শ্রীযুক্ত চন্দ্রকিশোর গঙ্গোপাধ্যায়ের পুত্র শ্রীযুক্ত যতীন্দ্রনাথ গঙ্গোপাধ্যায়।

ডাক্তার দেবেন্দ্রনাথ মুখোপাধ্যায়ের স্ত্রী, শ্রীমতী অর্দ্ধরাণী দেবী গোবরডাক্তার স্বর্গীয় হরিশ্চন্দ্র চট্টোপাধ্যায়ের পৌত্রী, স্বর্গীয় নগেন্দ্রনাথ চট্টোপাধ্যায়ের কন্যা। ইহার তিন পুত্র, শ্রীমান্ নৃপেন্দ্রনাথ, মৃগেন্দ্রনাথ, ভূপেন্দ্রনাথ ও তিন কন্যা—শ্রীমতী ননীবাল।, শৈলবাল। আর একটি অপ্রাপ্ত নামা শিশু।

সুপারিন্টেণ্ডেন্ট

৩গোপালচন্দ্র মুখোপাধ্যায়

৩কালীপ্রসন্নবাবুর জামাতা ৩বেণীমাধব চট্টোপাধ্যায়। ধর্মদেহের ৩হরিশ্চন্দ্র মুখোপাধ্যায়। ইহার ভগিনীপতি। ইহার দুই পুত্র, ৩রজনীকান্ত ও ৩গোপালচন্দ্র। বেণীবাবুর ভাগিনের ৩গোপালবাবু বাল্যে মাতুলালর আসিয়া গোবরডাক্তার বাস করেন এবং গোরডাক্তার জমিদার সরকারে কিছুকাল সুপারিন্টেণ্ডেন্ট ছিলেন। ইহার পত্নী শ্রীমতী অগস্তারিণী দেবী, ইছাপুরের ৩প্রাণকৃষ্ণ চৌধুরীর পৌত্রী।

৩গোপালবাবুর সাত পুত্র ও এক কন্যা। প্রথম পুত্রের অল্প বয়সে মৃত্যু হয়। দ্বিতীয় পুত্র শ্রীযুক্ত শরৎচন্দ্র মুখোপাধ্যায়ের স্ত্রী, শ্রীমতী নিকুঞ্জবাল। দেবী, হুগলী জেলার মাহেশ বরগুপ্তের ৩পূর্ণচন্দ্র চক্রবর্তীর কন্যা। ইহার দুই পুত্র, শ্রীমান্ দীনেশ ও শৈলেশ, (অবিবাহিত)। এক কন্যা শ্রীমতী শেফালিকাও বালিকা। ৩গোপাল বাবুর তৃতীয় পুত্র বাসুদেবচন্দ্র—অবর্তমান।

চতুর্থ পুত্র শ্রীমান্ পুলনবিহারী মুখোপাধ্যায়ের স্ত্রী, শ্রীমতী সরস্বতী, চুঁচড়ার শ্রীযুক্ত মহেন্দ্রনাথ চট্টোপাধ্যায়ের কন্যা।

পঞ্চম পুত্র শ্রীযুক্ত বিনোদবিহারী মুখোপাধ্যায়ের স্ত্রী, শ্রীমতী নন্দরাণী, সাতক্ষীরার ৩রামেশ্বর বন্দ্যোপাধ্যায়ের কন্যা।

ষষ্ঠ, শ্রীমান্ নারায়ণচন্দ্র, ও সপ্তম শ্রীমান্ কণীন্দ্রচন্দ্র বালক—অবিবাহিত।

৩গোপাল বাবুর একমাত্র কন্যা (বিধবা) কিরণবালার স্বামী কোরগরের ৩পূর্ণচন্দ্র বন্দ্যোপাধ্যায়ের পুত্র ৩সত্যচরণ বন্দ্যোপাধ্যায়।

যোগীন্দ্রনাথ কুণ্ডু দ্বারা কলিকাতা ১২১ নং লোয়ার সারকুলার রোড উইলকিন্স প্রেসে মুদ্রিত ও ২৮১ স্কিকিয়া স্ট্রীট হইতে প্রকাশিত।

কুশাধহ

“জননী জন্মভূমিষ্ট স্বর্গাদপি গরীয়সী”

“সত্যম্ শিবম্ সুন্দরম্”

“তোনার জগতে প্রেম বিলাইব,
তোনারি কারী বা সাধিব ”

দশম বর্ষ

আশ্বিন, ১৩২৫

ষষ্ঠ সংখ্যা

সঙ্গীত

—ঃঃ—

ভাব সেই একে ।

জলে স্থলে শূন্ডে যে সমভাবে থাকে ।
যে রছিল এ সংসার, আদি অন্ত নাহি যাঁর,
সে জানে সকলে, কেহ নাহি জানে তাঁকে ।

“তমীশ্বরাণং পরমং মহেশ্বরং
তং দেবতানাং পরমঞ্চ দৈবতং
পতি পতীনাং পরমং পরস্তাং
বিদাম দেবং ভুবনেশ মীড়াং ।”

রাজা রামমোহন রায় ।

রামমোহন-স্মৃতি

—:—

ভারতে ইংরাজরাজত্ব এবং মহাত্মা রামমোহন রায়ের আবির্ভাব বিধাতার বিধান। রাষ্ট্রবিপ্লব ও মহাপুরুষের আবির্ভাবে দেশে যুগান্তর উপস্থিত করে। উহা তাহার পূর্ব লক্ষণ মাত্র। প্রয়োজনানুসারে সকল দেশে সকল জাতির মধ্যেই তাহা দৃষ্ট হয়। ইতিহাস তাহার সাক্ষী। নব্যভারতের পক্ষে রামমোহনের ঞায় মহাপুরুষের আগমন প্রয়োজন হইয়াছিল। তিনি বর্তমান সকল উন্নতির মূল মন্ত্রদাতা। ইহা বিধাত্ব শক্তিরই বিকাশ। বিধাতার বিধানেই মহাপুরুষের আগমন, মূলে এই সত্যে বিশ্বাস না করিতে পারিলে, ঐ সকল মহাজীবনী বুদ্ধিবাব পক্ষে সহজ হয় না।

২৭ শে সেপ্টেম্বরে মহাত্মা রাজা রামমোহন রায় বৃষ্টলনগরে দেহত্যাগ করেন। প্রতিবৎসর এই দিনে কলিকাতায় ও অন্যান্য স্থানেও রাজার স্মৃতি-সভা হয়। তাহাতে সাধারণতঃ রাজার বিবিধ কার্যের কথা আলোচিত হয়, কিন্তু শক্তিশালী মহাপুরুষদিগের জীবনে অনেক কার্য থাকিলেও একটি মূল ভাব হইতেই সকল কার্য গুলির সূত্রপাত হয়। সেই মূল ভাবটি আশু সকলেই গ্রহণ করিতে পারেন না। সেটী গভীর ও গূঢ় ভাবাত্মক। সাধারণতঃ মানুষ সহজ বিষয় লইয়াই আলোচনা করিয়া থাকে।

বর্তমান ভারতের সামাজিকনীতি, নৈতিকচরিত্র, ইংরাজীশিক্ষার ঘারোদ্যাটন, বাঙ্গালা ভাষার সংস্কার, রাষ্ট্র সম্বন্ধীয় বিহিত বিধি এবং জ্ঞীজাতির দুর্গতি দূর প্রভৃতি সকল হীনতার দিকেই রাজার দৃষ্টি পড়িয়াছিল সত্য, কিন্তু তাঁহার সর্বপ্রথমে দৃষ্টি পড়িয়া ছিল ধর্মের দিকে। তিনি এক ধর্ম বিশ্বাসের বলে সকল সংস্কারের সূচনা করিয়া ছিলেন। তিনি স্পষ্ট দেখিয়া ছিলেন, ভারতের ধর্মবিশ্বাসের মূলেই গলদ দাঁড়াইয়াছে। এত ধর্মভেদ লইয়া কোনও দেশ কোনও জাতি উন্নতিপথে অগ্রসর হইতে পারে নাই, ধর্মের মূলভাব ছাড়িয়া শাখা প্রশাখায় এতদূর পরিণতি হইয়াছে যে, এ অবস্থায় সকল ধর্মের মূল এক—সকল মানুষ একজীবনের সম্মান, একথা কেবল একটা কথার কথা মাত্র হইয়া দাঁড়াইয়াছে। ফলতঃ জাতিতে জাতিতে—সম্প্রদায়ে সম্প্রদায়ে ঘোর বিদ্বেষ বিবাদ ঘটিয়াছে। এই বিচ্ছিন্নতা

হইতে একতা সাধন করিতে হইলে মূলে সেই এক-ঈশ্বর-জ্ঞান—“ব্রহ্মজ্ঞান” তাহার একমাত্র পথ। এই পথের সমাধান জ্ঞাত তিনি সকল ধর্মশাস্ত্র তন্ন তন্ন করিয়া দেখিলেন এবং জগদ্বাসীকে দেখাইলেন যে, সকল ধর্মের মূল এক। একটি গভীর মৌলিকতা সকল ধর্মের মূলে বিদ্যমান। সুতরাং ঐ একতা সাধন, অসম্ভব নহে, বরং অত্যন্ত স্বাভাবিক সহজ ও পরম কল্যাণপ্রদ।

এই মহাসত্যে রাজার মন-প্রাণ যে শুভমূহর্ত্তে ভরিয়া গেল, তখন হইতেই তিনি তাহা প্রচারে সমস্ত জীবন ঢালিয়া দিলেন। রাজা রামমোহন আমাদের ভারতবাসী বলিয়া আমরা গৌরব করিতেছি সত্য, কিন্তু তিনি যে বাণীপ্রচার করিয়া গিয়াছেন, তাহা বাস্তবিক কেবল ভারতের জ্ঞান নহে, কিন্তু সমস্ত পৃথিবীর ধর্মসম্বন্ধের মূলমন্ত্র। যথাসময়ে জগতের ধর্মভেদ তিরোহিত হইয়া রাজা জগন্নাথ হইবেন। ইহা স্বপ্নের কথা নহে। বরং সম্মুখে সে আশার আলোক দিন দিন উজ্জ্বল হইতেছে। সকল প্রকার ভেদ নীতি দূরীকরণ করিয়া সামান্যতির প্রতিষ্ঠানে জগতে বিধাতৃর শক্তির কাজ যেন মহা দ্রুতবেগে চলিয়াছে। দীর্ঘকালব্যাপী মহা সমরানলে যেন মানুষের ব্যক্তিগত কর্তৃত্বাভিমান, স্বার্থ, অহঙ্কার, যত কিছু ভেদবুদ্ধি দগ্ধ হইয়া যাইতেছে। ক্রমশঃ জগদ্বাসী এক মহাসাম্যের দিকেই চলিয়াছে।

ভারতে ইংরাজাধিকারের সহিত রামমোহনের আবির্ভাব অবিচ্ছিন্ন সম্বন্ধে সম্বন্ধ, কিন্তু যদি কেহ জিজ্ঞাসা করেন যে, ভারতে ইংরাজরাজত্ব বিধাতার বিধান, একথা কেবল বিশ্বাসমূলক কিংবা যুক্তিসঙ্গত। আমরা বলিব, বাহা সত্য তাহা কেবল বিশ্বাসমূলক নহে, তাহা যুক্তিসঙ্গত। তবে সত্য, যুক্তিসঙ্গত হইলেও বিশ্বাস ব্যতীত তাহার ধারণা হয় না। যেমন সূর্যের প্রকাশ থাকিলেও চক্ষুহীন ব্যক্তি তাহা দেখিতে পায় না।

ধর্ম ধর্ম সম্প্রদায়ে সম্প্রদায়ে জগতে কি ঘোর বিরোধ ছিল এবং তজ্জন্ম কত রক্তপাত হইয়া গিয়াছে, তাহা শিক্ষিত ব্যক্তি মাত্রেই অবগত আছেন। কিন্তু যে দিন হইতে একমেবাদ্বিতীয়ং মন্ত্র ও সমন্বয়বাক্তা ভারতে ঘোষিত হইয়াছে, সেই দিন হইতে সাম্প্রদায়িকধর্মের মূলে কি কঠিন কুঠারাঘাত না পড়িয়াছে। অবশ্য রাষ্ট্র সংক্রান্ত বিরোধ আজও জগতে চলিতেছে বটে কিন্তু তাহার যে একটা ঘোর পরিবর্তন এবং মীমাংসা সম্মুখে আসিতেছে তাহা কল্পনা বলিয়া মনে হয় না। এই মহামিলন বৃটীশ পতাকাতেই সম্ভবপর হইয়াছে। ধর্ম ধর্ম চিরবিরোধ থাকিতেই পারে না, তাহা

মানবজাতির পক্ষে কল্যাণকর নহে; তাহা হইলে মানবজাতি ধ্বংস যুখে পতিত হইবার সম্ভাবনা হইত। অতএব ইহা নিঃসংশয়ে প্রমাণিত সত্য যে, জগদ্বাসীর কল্যাণার্থে ধর্মবিরোধ তিরোহিত হওয়া একান্ত আবশ্যিক হইয়াছিল। তাই যথাসময়ে ধর্মসম্বরণ না হইয়া পারে না। সম্বরণসাধনের পরমসহায় উদারইংলণ্ডীয় জাতির প্রতিই তাহা নির্ভর করিতেছিল। তাই তাঁহারা বিধাতৃ শক্তিবারা পরিচালিত হইয়া ভারতে উপস্থিত হইয়াছিলেন। কিন্তু অস্বধারণ করিয়া ইংরাজ ভারতে আসেন নাই। যে দিন অবসন্ন—পীড়িত ভারত, ইংরাজজাতিকে সাদরে আহ্বান করিয়াছিলেন, সে দুর্দিনের কথা কি নব্যভারত ভুলিয়া গেলেন? না, সে কথা তো ভারতইতিহাস হইতে আজও মুছিয়া যায় নাই।

আজ ভারতবাসী আপন পারে দাড়াইতে চাহিতেছেন, ভারতবাসীর আত্ম সম্মানবোধ—তাহা-নির্ভরের ভাব জাগিতেছে, ইহার মূলে কি ইংরাজজাতির কোন শক্তির পরিচয় নাই? কে একথা অস্বীকার করিবেন? আমরা ভারতের সকল আন্দোলনের মূলে ঐ বিধাতৃ শক্তির দিকেই অঙ্গুলী সঙ্কেত করিয়া বলিব, “ভারতে ইংরাজরাজত্ব এবং রাজা রামমোহনের আগমন বিধাতার বিধান।”

কেহ কেহ বলেন, মহাত্মা রাজা রামমোহন রায় “বিরোট-পুরুষ,” বিরোট-পুরুষের লক্ষণ, বহু বিষয়ে কর্ম করিয়াও তিনি নিজে নিঃশেষ হন না। দ্বিতীয় লক্ষণ, বাঁহার অনুর্তিত বিষয় বা হৃদয়ের ভাব, ভবিষ্যৎবংশ একাকী ধারণ করিতে পারে না। ভিন্ন ভিন্ন দলে তাঁহার ভিন্ন ভিন্ন অনুর্তানগুলি অনুর্তিত হইতে থাকে। আজ নব্যভারতে যত রকমের উন্নতির চেষ্টা, ইহার মূলে রাজার হস্ত-চিহ্ন দেখা যায়। অথচ তাঁহার মূলভাব এখনও অতি অল্পই গৃহীত হইয়াছে। তিনি যে এক ঈশ্বরঅমুরাগে সকল হিতানুর্তানে রত হইয়াছিলেন, সে-ভাব সাধনের এখনও অনেক বাকী।

আজ রাজনৈতিক ক্ষেত্রে ভারতবাসী অগ্রসর, ইহাও আশা ও আনন্দের কথা, কিন্তু মূলে ধর্ম বিশ্বাসের অভাবেই এত বিরোধ—মতভেদ হইতেছে ইহাই আমাদের বিশ্বাস। রাজার গায় একহাতে ঈশ্বরপ্রীতি, অপর হস্তে জনসেবা ইহা যতদিন ভারতবাসীর হৃদয়ে হৃদয়ে গৃহীত না হইবে, তত দিন সম্যক উন্নতির পথ সহজ হইবে না। ভারতবাসীকে এক দিন রাজার পদানুসরণ করিতেই হইবে। ভারতের পক্ষে ইহা বিধাতার বিধান।”

রামমোহন-স্মৃতি

—:0:—

(বিশেষজ্ঞলালের অঙ্কুরণে)

ভারত আমার, ভারত আমার, জাগিয়া উঠেছে মেলিয়া নিম্নলি নেত্র,
আপনার ভাল বুঝেছে সে আজি চিনেছে আপন কর্মক্ষেত্র ।
দিয়াছে জানায়ে জগত মাঝারে সে নহেতো কভু তুচ্ছ,
আপন গরিমা-স্মৃতির মাঝারে তার শির কত উচ্চ ।

(কোরাস)

রামমোহনের জন্মভূমি সে তাঁহারই কর্মক্ষেত্র,
ভারত আজি গো জাগিয়া উঠেছে মেলিয়া নিম্নলি-নেত্র :

রবীন্দ্র যথা বিতরি' আলোক আজি গো জগত বন্দ্য,
বিশ্বজ্ঞে যথা ধরিয়া সূতান জলদ-গম্বীর মন্দ :

জগদীশ যথা দেখাল জগতে জগত-ছোড়া একই প্রাণ,
তুচ্ছ ভারত নহে কভু আর ধরী নহে গো তাহার মান

রামমোহনের জন্মভূমি সে তাঁহারই কর্মক্ষেত্র,
ভারত আজি গো জাগিয়া উঠেছে মেলিয়া নিম্নলি-নেত্র ।

পূজিছে যে জাতি রাজার চরণ বুকের রক্ত করিয়া দান,
যে জাতি আজি গো ঢালিছে অর্থ রক্ষা করিতে রাজার মান ।
যাঁহার মঙ্গল অঙ্গুলি হেলনে জেগেছে ভারতে জাতীয় প্রাণ,
মোরা সবে আজ মিলেছি হেথায় করিতে তাঁহার সম্মান দান ।

রামমোহনের জন্মভূমি সে তাঁহারই কর্মক্ষেত্র,
ভারত আজি গো জাগিয়া উঠেছে মেলিয়া নিম্নলি-নেত্র ।

সতীর চিতায় একদা যে জন ঢালিয়া আপন সর্ব-শক্তি,
বৈদিক-ধর্ম নূতন করিয়া জাগাল ভারতে দিতে গো মুক্তি ।
ভারতে যে জন লভিল জনম বৃটন যাঁহার সমাধি ক্ষেত্র,
যাঁহার জ্ঞানের পুণ্য আলোকে ভারত আজি গো মেলেছে নেত্র ।

রামমোহনের জন্মভূমি সে তাঁহারই কর্মক্ষেত্র,
ভারত আজি গো জাগিয়া উঠেছে মেলিয়া নিম্নলি-নেত্র ।

শ্রীহাজারীলাল বন্দ্যোপাধ্যায় ।

প্রায়শ্চিত্ত

ষোড়শ

ঝনুয়াকে দেখিয়া হরদাদা যখন ফিরিলেন, তখন রতিকান্ত চলিয়া গিয়াছে। বিত্ত, নবেন্দুর কুকুরটির সঙ্গে আনন্দের সহিত গুলি খেলিতেছে; হরদাদার সহিত ঘাইবে বলিয়া মানার সহিত ফিরিয়া যায় নাই।

নবেন্দু বেড়াইতে গিয়াছে, মেয়েরা বসিয়া কথাবার্তা কহিতেছে। মহেশ বাবু হরদাদাকে দেখিয়া কহিলেন, কেমন আছে ছেলেটা? হরদাদা কহিলেন, জ্বর হয়েছে বটে কিন্তু কোনো ভয় নেই, ওদের ভারী ভর পাছে পিলেগ হয়। আজ কাল ঐন্টের ভারী উপদ্রব হয়েছে দেখছি।

মহেশ বাবু কহিলেন, সেই ভয়েই তো বাঙ্গলো ছেড়ে এখানে এসেছি। এসেছিলুম ছুটিতে হাওয়া খেতে, তা হ'মাস বেশ ছিলুম, শেষ কালে এই উপদ্রবে পড়লুম, আমি তো সহর থেকেই চাকরী স্থানে যেতে চাইছিলুম, তা অমিতার কোঁককে তো পারুবার যো নেই, আবার লট বহর যাড়ে নিয়ে এখানে আসতে হোলো। ছুটিও শেষ হোয়ে এসেছে, এ ক'টা দিন বাদে চাকরীতে join করতে হবে।

“তা আছেন বেশ, কুঁড়ে তো বড় কম বাধা হয় নি, রীতিমত একখানি গ্রাম বসানো হয়েছে, কঁাকা জায়গার আছেন ভাল”।

অমিতা কহিল, দেখলেন কাকামণি, সে দিন আপনার বন্ধুও বেড়াতে এসে ঐ কথা বললেন, আমার তো বড় ভাল লাগে।

হরদাদা ললিতার দিকে চাহিয়া কহিলেন, ললিতেদির মাথা ধরা কেমন আছে? ক'দিনে চেহারাটা বড় সুকিয়ে গেছে দেখছি।

মহেশবাবু কহিলেন, মেয়েটার শরীর আর সার্বল না। ছ'দিন ভাল থাকে, আবার কি রকম কি হয়। ওর জন্মে আমার বড় ভাবনা। খুকি, তুই তবে আবার ওকে স্তানাটোঙ্গেন খেতে দে, ও তো ওষুধপত্র নিয়মিত খাবে না, স্বাস্থ্যের দিকে মন না দিলে নিজেকেই যে কষ্ট পেতে হয়, এ আর তোদের কত বোঝাবো। অমিতা মনে মনে কি বলিল জানি না, প্রকাশে কহিল, ওর ওষুধ খেয়ে কিছু হবে না কাকামণি, যে গুলো খেয়েছে সেই গুলোই হজম হোক।

‘অই তো তোদের বোকামী ওষুধকে তোরা অগ্রাহ করিস, না খেতে খেতেই কি ফল হবে? তুই যা তো খুকি একটা বোতল নিয়ে আস, আমি খুলে দিচ্ছি, এখুনি দুধের সঙ্গে এক চামচে গুলে খাইয়ে দে।

ললিতা কহিল, আজ থাক না বাবা, পাঁচ বোতল স্তানাটোজেন খাওয়া তো হোলো, আমার কিছু অসুখ হয় নি, ক’দিন থেকে শুধু মাথাটা ধরেছে।

মহেশবাবু ব্যস্তভাবে কহিলেন, পাঁচ বোতল খেয়েছ বোলে কি আর খেতে হবে না? এখনও আরও কিছু দিন continue কোরে যাও।

অমিতা কহিল, কাকামণি, হরদাদার কাছে একটা খুব ভাল পেটেণ্ট ওষুধ আছে। ললিতাকে সেইটে দিন কতক খাওয়ালে হয় না? হরদাদার মনে সম্ভবত সেই কথার উদয় হইয়াছিল, কিন্তু বলি বলি করিয়া মুখ কুটিয়া বলিতে পারেন নাই।

মহেশবাবু আগ্রহের সহিত জিজ্ঞাসা করিলেন, আপনার ওসব দিকেও বিগ্ণে আছে না কি? তা বেশ তো, ললিতার স্বাস্থ্যটা যাতে বেশ সেরে যায়, তা যদি কোরে ঝান বড় উপকৃত হই—মেয়েটার বে delicate health, আগে এ রকম ছিল না, আপনি কি প্রেস্ক্রিপসন্ দেবেন. না ওষুধ আপনার কাছে আছে?

হরদাদা কহিলেন, ওষুধই দেবো, কিন্তু ললিতেদি যদি শ্রদ্ধা কোরে নিয়মিত খায়, তা হোলে ড’মাসে ওর শরীর একেবারে ব্যাধি শূন্য হবে, এ আমি জোর কোরে বলতে পারি। অমিতে দি, তুমি হাস্ছ, তা হাসো আর যাই করো আমার এ ওষুধ অব্যর্থ।

মহেশবাবু কহিলেন, আপনি তা হোলে আজ বিকেলেই দেবেন, স্তানাটোজেন এখন দিন কতক বন্ধ থাক, কি বল্ খুকি। খুকি সম্মতি জানাইয়া কহিল, হরদাদার আর একটি বিগ্ণে আছে কাকামণি, উনি বেশ গান গাইতে পারেন।

মহেশবাবু কহিলেন তাই না কি? তা আমি গান শুন্তে খুব ভালবাসি খুকী তোদের গান ওঁরে শুনিয়ে দিস?

অমিতা ধরাইয়া দিতে গিয়া নিজে ধরা পড়িল। হরদাদা কহিলেন, অমিতেদি, তোমরা তো আমার খুব ফাঁকীতে ফেলেছিলে, তা হোলে নাও এখন তিন জনে আমার গান শোনাও। আমিও গানের একজন পক্ষপাতী।

অমিতা কহিল, আচ্ছা, আপনিই আগে এক আধটা শোনান, তারপর না হয় আমরাও গাইব। আপনার গলা কি মিষ্টি।

হরদাদা গভীরভাবে মাথা নাড়িয়া কহিলেন, আসল কথা তো জানো না দিদি, আমার পুঁজি পাটার খবর তোমাদের দিগ্নে আমি নিজেকে খেলো করতে রাজি নই।

ললিতা কহিল, সেই যে গানটি আপনি সে দিন বিজ্ঞাচলের ঘরে বোসে গাইছিলেন,—

“বধির যবনিকা তুলিয়া মোরে প্রভু
দেখাও তব চির আলোক লোক,
ও পারে সনি-ভালো কেবল সুখ আলো
এ পারে সবি ব্যথা অধার শোক।”

সেটা আমার খুব ভাল লেগেছিল আপনি সেই গানটা গান।

হরদাদা কহিলেন, সর্কনাশ! ললিতে দি, ও আমার ঐ টুকুই মাত্র জানা আছে, তোমরা হাটের মাকে হাঁড়ী ভেঙে আমাকে অপদস্থ কোরতে চাও যে?

অমিতা ছাড়িবার পাত্রী নয়, সে কহিল, ভয় নেই দাদা, আমার গোটা গানটা জানা আছে, দাঁড়ান খাতা খানা আনি।

হরদাদা কাঁপরে পড়িলেন, মহেশবাবু হাসিয়া কহিলেন, ওদের আপনি পারবেন না, আজ কালকার যত ভাল গান সব ওদের মুখস্থ! এই বলিয়া একটু গর্ক মিশ্রিতভাবে মেয়েদের মুখের দিকে চাহিলেন। শুচিতা কহিল, কাকামণি, আপনি মনে করেন, আপনার মেয়েরা খুব ভাল গাইতে পারে, কিন্তু হরদাদা শুনলে কখনো আপনার সঙ্গে একমত হোতে পারবেন না, তালের জায়গায় কত সময় আমাদের কেটে যায়, দয়া কোরে শ্রোতার মাপ করেন তাই।

অমিতা খাতা আনিয়া হরদাদার সামনে গানটি বাহির করিয়া ধরিল। হরদাদা নিরুপায় হইয়া ধূমপানে গলাটা সরল করিয়া লইলেন, তারপর কহিলেন,—

তোমরা আমার সঙ্গে ধরো অমিতে দি। নইলে গানটা যদি মনে রাখতে না পারি, ধারাপ হয়ে যাবে। শুচিতা, ললিতা ইতস্ততঃ করিতে লাগিল, অমিতা হার্মোনিয়াম লইয়া বাজাইতে বসিয়া কহিল, আপনি ধরুন, আমি গাইব।

হরদাদা গান ধরিলেন, অমিতাও যোগ দিল। সকাল বেলায় শান্ত সময়টিকে যাদুঘর রসে পরিপূর্ণ করিয়া হরদাদার উচ্চমধুর কণ্ঠস্বর গৃহকে কাঁপাইয়া বাতায়ন পথে ছুটিয়া চলিল, অমিতা ধামিরা গেল। সকলকার চিত্তকে নিবিড় ভাবে স্পর্শ করিয়া সংসার ভারাক্রান্ত ভক্তের প্রাণনা-গীতি অতি করুণভাবে ধ্বনিত হইতে লাগিল,—

পিপাসা দিলে তুমি, তুমিই দিলে সুখ,
তোমারি কাছে আছে শান্তি সুখ সুখ,
পাবে অধীর ব্যাকুলতা, তোমারে সফলতা,
হউক তব সনে অমৃত যোগ।

সপ্তদশ

বেলা অপরাহ্ন, যমুনার তীরে দিনের অসংখ্য জনতা ক্রমেই বিরল হইয়া আসিতেছে। রতিকান্ত বেড়াইতে বাহির হইয়াছিল, কিন্তু হরদাদার সঙ্গেই ছিল, বিন্দু ও কমলা কল্লবাস যাত্রীদের কুটীরে, নানারূপ কথা-বার্তায় নিযুক্ত। বিস্তর এদিক ওদিক বেড়ানো চাইতে অমিতাদের কুটীরে যাওয়াটাই খুব ভাল লাগে। নবেন্দুর নেপালী কুকুরটার সহিত তাহার এক রকম বন্ধুত্বের বন্ধন হইয়াছিল, সেও তার এই ছোট খাট নুতন বন্ধুটিকে ভালবাসিতে শিখিয়াছে, সুতরাং কিন্তু হরদাদাকে কহিল, চলুন হরদা, অমিতাদিদের ওখানে বেড়াইতে যাই। হরদাদা আজ সকালে সেখানে যান নাই, সুতরাং এখন যাইতে অনিচ্ছা হইল না, সেখানে গান, গল্প জমিবেও ভাল, আর তামাকটাও বারে বারে নুতন ঢেলে মাঝে পাওয়া যাইবে। রতিকান্ত কিন্তু যাইতে চাহিল না, সে যমুনার বাবেই একটু বেড়াইবে, অগত্যা হরদাদা বিণ্ডকে লইয়া চলিয়া গেলেন।

রতিকান্ত অবশ্য নয়, মহেশবাবুদের বাড়ীতে আগে তাহার যাওয়া আসায় যে একটা হৃদয়তা জন্মিয়াছিল, তাহার বন্ধন যে একেবারেই ভাঙিয়া গিয়াছে, তাহা সে বুঝিতে পারিয়াছিল। ললিতার আশা ত্যাগ করিয়াও, সে বন্ধুত্ব সূত্রে, পুনরায় এ পরিবারে প্রতিষ্ঠিত হইবার ইচ্ছা করিতেছিল, কিন্তু এক অমিতা ছাড়া কেহই তাহাকে হৃদয়ের সহিত গ্রহণ করিতে পরিতোছে না, তাহা সে শীঘ্রই বুঝিতে পারিল। মহেশবাবু তাহার যাওয়া

আসায় অস্বস্তি বোধ করেন, ললিতা তো কথাই কহে না। নবেন্দুর চোখে মুখে যেন একটা অপ্রীতির ছায়া ঘনাইয়া উঠে, রতিকান্ত ইহাতে অত্যন্ত ব্যথা পাইল। তাহার আশ্র-সহমে আঘাত লাগিল, মহেশবাবুর মৌখিক শিষ্টাচার পূর্কেরণায় থাকিলেও উহাতে আর প্রাণের আভাস নাই। বাহিরে সৌজন্য দেখাইবার জন্য আর কতকগুলি ভাল লাগিতে পারে? সে তো এতো নীচ নয় যে, ললিতা, নবেন্দুর বাগদত্তা জানিয়াও মনে মনে তাহাকে কামনা করিবে?

ললিতা নবেন্দুর স্ত্রী হউক, সে পতিপ্রেমে সৌভাগ্যবতী হউক, আয়ুশ্রী হইয়া সুখে স্বচ্ছন্দে বাস করুক, এখন হইতে ইহাই তাহার প্রাণের কামনা, অন্তর্ধামী ভগবান ভিন্ন এ কথা অপরে কি জানিবে? কিন্তু কি ভয়ানক কথাই অমিতা সে দিন উপাশন করিয়াছিল, স্বরণ করিলেও দেহ কণ্টকিত হয়, সে কি মিথ্যা পরিহাস? না, না, এমন প্রাণঘাতী কথা লইয়া কেহ কি কখনো পরিহাস করিতে পারে? অন্তত অমিতার সে স্বভাব নয়, ইহা রতিকান্তর ভালরূপ জানা ছিল। তাহা হইলে ইহার পরিণাম কি হইবে? রতিকান্তর হৃদয়ে এ প্রশ্নে অনেক সমস্যা রচনা করিতেছিল, এবং সেই সকল দুর্কহ সমস্যার জটিলতায় তাহার মন অত্যন্ত ভারাক্রান্ত হইয়া উঠিয়াছিল।

অনেকক্ষণ নতমস্তকে পাদচারণা করিতে করিতে শান্তভাবে রতিকান্ত যমুনার ঘাটে বসিয়া পড়িল, কত কথা তাহার মনে হইতে লাগিল। শৈশব, কৈশোর ও যৌবনের কত কাহিনী স্মৃতির সাগর মথিত করিয়া তাহার হৃদয় তটে আঘাত করিল, শৈশবের সেই নির্মলক্রীড়া কোতুক, কৈশোরের জ্ঞান স্পৃহা ও পাঠানুরাগ, যৌবনের কত উচ্চ আকাঙ্ক্ষা ও গভীর অধ্যবসায়, চার চারিটি পরীক্ষায় সে সম্মান ও কৃতিত্বের সহিত উজ্জীর্ণ হইয়া পিতা মাতা আত্মীয় স্বজনের গৌরব ও আনন্দ বর্ধন করিয়াছে, সে কিছু তো স্বপ্নের কথা নয়, জীবনের দু'দিনের ক্রটিতে কি সে সকল লোপ পাইবার কথা? কখনই নয়। সে ধনী সন্তান, অনন্ত দুর্ভাগ পিতা মাতার নয়নের মণি, ভ্রাতাদের অত্যন্ত স্নেহের পাত্র, অক্ষুণ্ণ তাহার দৈহিক স্বাস্থ্য, এ সংসারে কিসের অভাব, কিসের দুঃখ তার, তবে কেন তার বুক জুড়িয়া একটা বিরাট হা-হাকার, তার তপ্ত-নিখাসে অন্তরের সকল প্রকার সুখ শান্তি ভস্ম করিয়া ফেলিতে চায়? কে সে ললিতা, এত দিন কোথায় ছিল?

যৌবনের স্বর্ণ-মন্দিরে একদিন তাহার জন্ম আরতির প্রদীপ জ্বলিয়াছিল, সত্য, তারপর, কোথায় সে প্রদীপের জ্যোতিঃ ? আর কোথায় সে বরণীয়া প্রতিমা ? যে প্রদীপ জীবনে হঠাৎ কোন্ এক নাহেলক্ষণে জ্বলিয়া উঠিয়াছিল, তাহার নির্বাণে এমন কি বিশ্বব্যাপী অন্ধকারে তাহার জীবন ভরিয়া উঠিল যে, সে এতো অস্বস্তি বোধ করিতেছে ? ছি, ছি, এতো দুর্ভাগ্য কি পুরুষের জীবনে কলঙ্কের ও অগৌরবের কথা নয় ?

কিন্তু মহেশবাবু সে দিন কথা প্রসঙ্গে যে কয়েকটা চোখা চোখা বাক্যবাণ বর্ষণ করিলেন, সে কি তাহাকেই উপলক্ষ করিয়া নয় ? সে কথা শ্রুতার অর্থ কি ? যে সকল নির্যোধ যুবক, ভ্রমেও একবার রাজদ্রোহিতা-পরাদে অভিযুক্ত হয়, তাহারা নিতান্ত হতভাগ্য তাহাদের পাপের প্রারম্ভিক স্বরূপ, তাহারা যেন তাহাদের অভিশপ্ত জীবন লইয়া একটু দূরে দূরেই থাকে, সাধারণের শাস্তির সংসারে ধূমকেতুর নতো প্রবেশ করিয়া, অশাস্তির আগুন ছড়াইয়া বেড়ায় না।

কি কঠোর সাবধান বাণী ! সত্যই কি তাহার জীবন এমনি অভিশপ্ত হইয়াছে যে, তাহার সংস্পর্শে যে আসিবে তাহাকেই বিপদগ্রস্ত হইতে হইবে ? মিথ্যাইবা কেমন করিয়া বলা যায়, দেশে ক্লাবের সকল রকম খেলার ছাত্রেরা তাহাকে captain পাইতে কি রকম উৎসুক ছিল. দুই দলের মধ্যে রতিকাস্তকে লইয়া কাড়াকাড়ি পড়িয়া যাইত, অথচ সে কারাগৃহ হইতে বাহির হইবার পর, ছেলেদের মধ্যে আর সে উৎসাহ দেখা যায় নাই, বরং অভিভাবকগণের অত্যন্ত সতর্ক দৃষ্টি ছেলেদের সর্বদা অনুসরণ করিত যেন তাহারা রতিকাস্তের সংস্রবে কোনো রকমে না আসিতে পায়। হায় হায়, সে এখন এমনি ঘৃণিত, ভয়ানক জীব হইয়াছে যে তাহার সঙ্গ বিভীষিকার গায় সকলেই পরিহার করিতে সচেষ্ট। এমন কি, ভাই, বন্ধু, পিতা, মাতা কেহই আর তাহার জন্ম নিরাপদ নহেন। ছি, ছি, এই অভিশপ্ত, লজ্জিত জীবন সে বোকার গায় কত আর বহিয়া বেড়াইবে, এ বোঝা— এ দুর্ভাগ্যের ভার, পৃথিবী হইতে নামিয়া গেলে কার কতটুকু ক্ষতি ? কিন্তু তাই বা কেন, সে পুরুষ, সে বিদ্বান, চরিত্রবান্, সুস্বকায় যুবা, সে কেন কাপুরুষের গায় জীবনসংগ্রামে ভঙ্গ দিয়া পলাইবে ? আপনার লুপ্ত গৌরব ও প্রতিষ্ঠাকে পুনরায় ফিরিয়া পাইবার জন্ম কেন সে প্রাণপণ চেষ্টা করিবে ? আর সে কিরিয়া পাওয়াই কি একেবারে অসম্ভব ? কখনই

নয়। পিতা মাতার বড় আদরের সর্ব কনিষ্ঠ সন্তান, সে কিসের জন্ম জীবনকে দুর্ভিক্ষ মনে করিতেছে? যুগাকরে এ কথা তাঁহাদের কর্ণগোচর হইলে তাঁহাদের আক্ষেপের সীমা থাকিবে কি?

রতিকান্তর মনের বল ফিরিয়া আসিল, সে স্থির করিল, যে আর কোনো-রূপ দুশ্চিন্তায় নিজকে অভিভূত হইতে দিবে না, চিন্তকে দূর করিয়া অতীতের দিকে যবনিকা টানিয়া দিয়া, নববলে বলীয়ান হইয়া, নবোৎসাহ পূর্ণ হৃদয়ে সে আবার জীবন-পথে যাত্রা করিবে। ভগবান তাহার সে যাত্রাকে জয়যুক্ত করিবেনই করিবেন আশার আলোকে সুদূর ভবিষ্যৎ, যুবার তরুণ চক্ষে আবার উদ্ভাসিত হইয়া উঠিল, পৃথিবীকে পুনরায় রমণীয় বলিয়া মনে হইতে লাগিল।

গভীর চিন্তা হইতে জাগিয়া রতিকান্ত যখন উঠিয়া দাঁড়াইল, তখন সন্ধ্যা হইয়া গিয়াছে। নিশ্চল আকাশে সন্ধ্যাতারা ক্বিক্বিক্ করিতেছে, উহার পুণ্য দৃষ্টি রতিকান্তকে যেন প্রতিজ্ঞাস্তে প্রথম অভিনন্দন করিয়া আনন্দিত করিল। রতিকান্ত পুলকিত হৃদয়ে চারিদিকে দৃষ্টিপাত করিল, সন্ধ্যার কালো ছায়া চারিদিকে ঘনাইয়া আসিতেছে, যমুনার নীল জল সে ছায়ায় নিবিড়তর দেখাইতেছে। গাছতায় সাধু সন্ন্যাসীরা পুনি জ্বালিয়া কেহ বা ভজন গাহিতেছেন, কেহ স্তোত্র পাঠ করিতেছেন, চারিদিকে বেশ একটি শান্ত ও পবিত্র ভাবের সমাবেশ। বিশ্বপ্রকৃতি যেন সানন্দে গভীর ভাবে সেই অনন্দময়ের ধ্যানে পুলকিত হইয়া সাক্ষ্য-বন্দনায় তাঁহার আরাতি করিতেছে। রতিকান্তর মনের অবসন্ন ভাব দূর হইয়া গেল। তাহার চিন্তাক্রিষ্টে চিন্ত সল্পমে ভগবদ্দেশে নত হইয়া আসিল, সে কুটীরের দিকে চলিতে লাগিল। একজন সাধু তখন ভক্তিভরে রামায়ণ পড়িতেছিলেন, অনেকে দাঁড়াইয়া শুনিতেন, সাধু তখন পড়িতেছিলেন,—

‘কাম, ক্রোধ, মদ লোভরত, গৃহাসক্ত হুঃখরূপ
তে ক্ষিপি জানহী রঘুপতিহি, মৃত পরে তমকূপ।
নিগুণ রূপ সুলভ অতি, সগুণ ন জানৈ কোই,
সুগম আগম নানা চরিত, শুনি যুনি মনসম হোই।’

রতিকান্তের হৃদয় তন্ত্রীতেও একটি গানের দুটি ছত্র বার বার ঘুরিয়া ফিরিয়া বাজিতেছিল,—

“আমার মাথা নত কোরে দাও হে, তোমার চরণ পূজার তলে,
সকল অহঙ্কার হে আমার, ডুবাও চথের জলে।”

অষ্টাদশ

অমিতা বলিতেছিল, আপনি কোথা কোথা বেড়ালেন? এই ক’দিনেই
আপনাদের এতো বড় সহোদের সব জায়গা বেড়ানো হলো?

রতিকান্ত কহিল তা হোয়েছে এক রকম, এখানকার বাগান গুলোই
বৈশিষ্ট্য দেখবার জিনিস, ইংরেজরা এখানাবাদকে City of gardens বলে
সেটা খুব ঠিক। আবার যদি কখনো আসিস, ভাল কোরে দেখবো,
এবারে এই পর্য্যন্ত। খসকরাগটা কেবল বাকী আছে, আজি দিদিদের
সেইটে দেখিয়ে আনবো।

অমিতা কহিল, আপনার মা আপনাব জন্তে এতো ব্যস্ত হচ্ছেন কেন?
আরো দু’চার দিন থেকে থেকেই পারেন, আপনি তো ছোট ছেলে ননু যে
আপনার জন্তে ভাবছেন।

রতিকান্ত হাসিয়া কহিল, এটেই তো মারদের দোব বা গুণ, যাই বলা।
এর উত্তর আমি আর কি দেবো অমিতা, তোমার মাকেই জিজ্ঞেস
কোরে দেখো।

শুচিতা কহিল, অমিতা তুই পাগলের মতন কি যে যা তা বোলে বসিস্ তার
মাথা যুঁধু থাকে না। কাকামণির কাপড় চোপড় যে গুলো ধুয়ে এসেছে সব
বেছে ঠিক কোরে রেখেছিস্ তো? উনি কোথায় বেরুবেন বলছিলেন।

অমিতা কহিল, তোমার আর তা বলতে হবে না বড়দি, সব ঠিক রেখেছি।

এই সময় থাকমণি আসিয়া কহিল, জেঠাই মা ডাকছেন গো বড় দিদিমণি,
একবার আসুন এদিকে।

শুচিতা চলিয়া গেল যাইবার সময় বলিয়া গেল, আমার সঙ্গে দেখা না
কোরে যাবেন না রতিবাবু, কাল পরশু দু’দিন আপনি আসেন নি, আজ সেটা
পুষিয়ে দিয়ে যাবেন। আবার কবে দেখা হবে তার ঠিক নেই।

রতিকান্ত চুপ করিয়া বসিয়া রহিল, উভয়েই নিস্তর, কিন্তু বেশীক্ষণ এভাবে
বসিয়া থাকা অমিতার স্বভাব নয়, সে নিস্তরতাকে ভঙ্গ করিয়া রতিকান্তর
এদিকে কৌতূহলী নেত্রে চাহিয়া কহিল, কি ভাবচেন আপনি? রতিকান্ত যেন

চমকিয়া উঠিল, সে কি কিছু ভাবিতেছিল? কিছু অল্প মনস্ক হইয়াছিল বটে।
ঈশ্বর হাসিয়া রতিকান্ত উত্তর দিল, তুমিতো গুণ্ডিতে জানো, বলো না?

অমিতা মুখ গম্ভীর করিয়া কহিল, একদিন বোলে এক সিকি পরস্যাও
পাই নি, এবারে যে পাবো তারও ভরসা নেই, বিনি পরস্য গনৎকারেরা
গুণে বলে না।

রতিকান্ত কহিল বেশ, বোলো না, আমি নিজেই বলছি। আমার যুদ্ধ
শিখতে সাধ হয়েছে, মার সঙ্গে দেখা কোরে পল্টনে ভর্তি হবো। বেশ
হবে না কি?

অমিতা এ সবেই বেশ পক্ষপাতী ছিল, কিন্তু রতিকান্তের প্রস্তাবে
উৎসাহ প্রকাশ করিল না, বরং চিন্তার ছায়া তাহার মুখে ফুটিয়া উঠিল।

অমিতা কহিল, হঠাৎ এ সাধ আপনার চাপলো কেন? একদিনও তো
বলেন নি?

রতিকান্ত কহিল, কালকেই স্থির করেছি, একটা কিছু করতে তো হবে,
বেকার বোসে থাকতে ভাল লাগবে কেন?

রতিকান্ত যুদ্ধে যাইতে চায়, অতি উদ্ভয় কথা, তাহার জায় নির্ভীক
বলশালী যুবার পক্ষে ইহা গৌরবের বিষয়, কিন্তু সত্যই কি সে, মনে প্রাণে
ললিতার দাবী ত্যাগ করিয়া চলিল? আভাসে অমিতা তাহা ষতটা জানাই-
য়াছে, উহা জানিয়াও সে কাপুরুষের জায় কোনো প্রতিকার করিল না?
কেন সে অকুণ্ঠিত চিত্তে, দৃঢ়তার সহিত মহেশবাবুর নিকটে গিয়া তাঁহাকে
তাঁহার পূর্ব অঙ্গীকার স্বরণ করাইয়া দিল না? যুদ্ধে যাইতে হয় যাইবে
বিবাহ করিয়া যাইতে ক্ষতি কি ছিল?

নবেন্দুর উপরও অমিতার আজ রাগ হইতে লাগিল, এত দিন ধরিয়া
দেখিয়া গুনিয়া সে কি কিছুই বুঝিতে পারে নাই? তাহার জায় সুচতুর
লোকের না বোঝা অসম্ভব, কিন্তু সে কিস্তি মাং করিবার জন্ত ওৎপাতিয়া
আছে। কিন্তু ললিতাই তো ষত নষ্টের গোড়া, শাস্ত শিষ্টটির মতো সে
পিতৃ ভক্তির পরাকাষ্ঠা দেখাইবার জন্ত যে আত্ম বলিদান দিতে প্রস্তুত হইয়াছে
সে কথা মন্দ নয়, কিন্তু দাম্পত্য-আদর্শ তাহাতে প্রশংসার যোগ্য নয়। অমিতার
মনে হইতে লাগিল, যাহাদের মন এতো দুর্বল তাহারা ভাল বাসেই বা কেন?
সে বুঝিয়াছে যে, ঐ জিনিসটা ঠিক মানব হৃদয়ের আয়ত্তাধীন নয় এবং
উহার মূলরহস্য চিরদিনই প্রচ্ছন্ন বলিয়া সে মাধুর্য চির নূতন, চির সুন্দর।

যাহা হউক, অমিতার মনে ইহাদের কাহারও প্রতি শ্রদ্ধা ছিল না, সকলেই যেন ব্যাপারটাকে উড়াইয়া দিয়া, চাপিয়া যাইতে চায়, অথচ উপরে যে ষতখানিই শৈর্ষ্য প্রকাশ করুক, মনের মধ্যে সকলেরই একটা হুল চলিতেছে, অমিতা ইহা স্পষ্ট বুঝিতে পারিয়াছিল।

অমিতাকে নিস্তরু দেখিয়া রতিকান্ত বিস্মিত হইল, অমিতার চিন্তাস্রোতে বাধা দিয়া কহিল, কি ভাবছ অমিতা? তোমার এতখানি নিস্তরু ভাব ঝটিকার পূর্বলক্ষণ বোলে মনে হয় যে!

অমিতা কহিল, কিছু ভাবছিলাম বটে, সে কথা যাক। আপনি একটু বসুন আমি ছোটদির কাছে একবার যাই, তাকে ওবুধ খাওয়াবার সময় হোয়েছে।

রতিকান্ত কহিল, কেন? তার কি অসুখ করেছে না কি?

অমিতা কহিল, আপনি কি হরদাদার কাছে শোনেন নি? ছোটদির আজ তিন দিন থেকে জ্বর হয়েছে, আপনি দেখতে আসবেন তো আসুন? রতিকান্তর বৃকের মধ্যে তোলপাড় করিয়া উঠিল, কেন এ প্রলোভন? কিন্তু প্রলোভনই বা কি, যাহার দাবী সে চিরদিনের জ্ঞা ছাড়িয়া দিয়াছে, তাহাকে চোখের দেখা দেখিতে, দু'টা কুশল প্রশ্ন করিতে কি তাহার কোনও অধিকার নাই?

এই সময় ঈশ্বর হাসিয়া অমিতা কহিল, এমন একদিন ছিল, যখন ললিতার খোঁজ আপনি সর্বদাই করতেন, এখন একবার তার মরা বাঁচার ধবর নিতে ইচ্ছে হয় না, আপনারা এই রকমই নিষ্ঠুর বটে!

কথা শুলা রতিকান্তর বৃকে বড় বাজিল, রতিকান্তর মনের গোপন কথা কি জানাইবার? ললিতা তাহার নিকট হইতে যতই দূরে সরিয়া যাউক, তাহার মঙ্গলাকাজ্জ্বা সবু যে, সে প্রাণের সহিতই করিতেছে, তাহার সুখের জ্ঞা সে যে কতখানি দিতে পারে, তাহা অথো কি বুঝিবে?

অমিতা উত্তর না পাইয়া কহিল, দাঁড়িয়ে ভাবছেন কি, আসুন তবে, ছোটদি ও ঘরে শুয়ে আছে। অমিতার বড় ইচ্ছা, খোঁচা দিয়া রতিকান্তর মনের কথা কিছু জানিয়া লয়, কিন্তু রতিকান্তর নিকট কোনও কথা ছলে কোশলে জানা যে অত্যন্ত কঠিন, তাহা সে বুঝিয়াছিল। অথচ ললিতার প্রতি রতিকান্তর পূর্বানুরাগ এখনও যে সেইরূপ প্রবল আছে, এ পরিচয় সে পাইয়াছিল, অথচ কোনো পক্ষ হইতে এসম্বন্ধে কেহ মীমাংসা করিল না, ইহাতে অমিতাই বেন সর্বাপেক্ষা অস্বস্তি বোধ করিতেছিল। (ক্রমশঃ)

শ্রীসরসীবালা বসু।

বিবিধ সংগ্রহ ও মন্তব্য

রাধানগরে-স্মৃতি মন্দির—মহায়া রাজা রামমোহন রায়ের জন্মস্থান (হুগলি) রাধানগর গ্রামে গত ৩ বৎসর হইতে যে একটি বিস্তৃত সদস্য-ষ্ঠানের আরম্ভ হইয়াছে, আমরা দেখিয়া সুখী হইলাম যে, বিশেষ তৎপরতার সহিত এবার তাহার কার্য চলিয়াছে। প্রথমতঃ একটি আধুনিক ধরণের মন্দির হইবে, এবং তন্মধ্যে রাজার পূর্ণাকৃতি প্রস্তরমূর্তি থাকিবে। স্মৃতি-মন্দিরের চারি পার্শ্বে বিচিত্র দৃশ্যোচ্চান (Park) থাকিবে। তৎপরে অতিশি-অভ্যাগতদিগের জন্য অতিথিশালা (Guest House) ও একটি পাঠাগার থাকিবে যাহাতে প্রায় এবং প্রতীচা, দর্শন শাস্ত্রাদি এবং তাহার প্রচারের জন্য একটি বিশিষ্ট অধ্যাপকের আসন প্রতিষ্ঠিত হইবে। এতদ্বিন্ন “রামমোহন” সরোবর নামে একটি বিস্তৃত জলাশয় হইবে। এজন্য হুগলি ডিষ্ট্রিক্ট বোর্ড ৭৫০০ টাকা মঞ্জুর করিয়াছেন। স্মৃতি-মন্দির নির্মাণ কার্য আরম্ভ হইয়াছে এবং আর সকল কার্যগুলি যাহাতে শীঘ্র সম্পন্ন হইয়া উঠে তাহার বিশেষ চেষ্টা চলিয়াছে। প্রতিবৎসর জ্যৈষ্ঠ মাসে রাজার জন্মোৎসব উপলক্ষে রাধানগরে এক মেলা বসিবে। ফলত এই স্থান এক পবিত্র তীর্থক্ষেত্রে পরিণত হইবে। সকল প্রকার সাম্প্রদায়িক ভাব বর্জিত, সকল ধর্মের—সকল জাতির—সকল সম্প্রদায়ের মিলন মন্দির—এক উন্নত তীর্থক্ষেত্রে এই রাধানগরে হইবে, ইহা কিছু আশ্চর্যের বিষয় নহে। যাহারা এই কার্যের উদ্যোক্তা, তন্মধ্যে সম্পাদক শ্রীযুক্ত বাবু হিরেন্দ্রনাথ পাল প্রভৃতির নাম স্বাক্ষরিত ১৪নং বিদ্যাসাগর স্ট্রীট (বাহুড়বাগান) কলিকাতা হইতে এক আবেদন পত্রে সদস্যসভার নিকট সহায়ত্ব ও সাহায্য প্রার্থনা করা হইয়াছে।

রামমোহন-স্মৃতি সভা ২৭শে সেপ্টেম্বর মহায়া রাজা রামমোহন রায়ের স্বর্গারোহণ দিবস উপলক্ষে কলিকাতা রামমোহন লাইব্রেরীতে এবং সিটী-স্কুল বাটীতে স্মৃতি-সভা হইয়াছিল, প্রথমোক্ত সভায় শ্রীযুক্ত বাবু হিরেন্দ্রনাথ দত্ত এবং দ্বিতীয় স্থলে শ্রীযুক্ত বাবু হেরম্বচন্দ্র মৈত্রেয় সভাপতির কার্য করিয়াছিলেন। উভয় সভাতেই সকল সম্প্রদায়ের বিশিষ্ট সদস্যগণ বক্তৃতা দ্বারা রাজার মহোজ্জ্বলীর বিষয় আলোচনা করিয়াছিলেন। এতদ্বিন্ন ঐ দিবস এই উপলক্ষে হুগলিতে এক বিরাট সভা হইয়াছিল। শ্রীযুক্ত দেবপ্রসাদ সর্কারাধিকারী মহাশয় তথায় সভাপতির আসন গ্রহণ করিয়াছিলেন।

সমসাময়িক — অজ্ঞানতা, অস্বাস্থ্য ও অর্ধহীনতা বঙ্গদেশের তিন প্রধান শত্রু। আমরা ওনিরা অত্যন্ত আনন্দিত হইলাম যে, আসনালি লিবারেল লীগ পল্লীর অজ্ঞানতা ও অস্বাস্থ্য দূর করিবার জন্ত উদ্যোগী হইয়াছেন। তাঁহারা অল্প দিনের মধ্যে ৩০টা পাঠশালা স্থাপন করিয়াছেন এবং ক্রমে বঙ্গের নান্য স্থানে বহুশত পাঠশালা স্থাপন করিতে চেষ্টা করিবেন। ম্যালেরিয়া প্রভৃতি ব্যাধিতে বঙ্গের সর্বনাশ করিতেছে। বঙ্গদেশের বহু গ্রাম সমূহে “কো-অপারেটিভ মেডিকেল ও এন্টিম্যালেরিয়াল সোসাইটি” স্থাপন করিয়া অনিবার্য ঝুঁকির হস্ত হইতে পল্লীবাসীদিগকে রক্ষা করিবার কল্পনা করিয়াছেন। বঙ্গদেশে ২ হাজার হইতে ৫০০০ লোকের অধিবাস এমন ১৭৫৮টা গ্রাম এবং ৫০০০ এর উপর লোকের বাস এমন ১২৫টা গ্রাম আছে। ঐ উভয় শ্রেণীর গ্রামে প্রায় ৬০ লক্ষ লোক বাস করে। ঐ সকল বর্ধিত গ্রামে কো-অপারেটিভ সোসাইটি স্থাপন করিয়া এবং লীগ হইতে ২৫৩০ হাজার টাকা ধার দিয়া চিকিৎসার ব্যবস্থা, জঙ্গল পরিষ্কার, পরঃপ্রণালী নির্মাণ; পুরাতন পুকুরিণীর পুকোঁছার, ডোবা ভরাট ও নির্মল পানীয় জলের ব্যবস্থা করিতে ইচ্ছা করিয়াছেন। লীগ অবিসম্মে এই শুভকার্যে প্ররত্ত হইবেন, আমরা এইরূপ আশা করি। (সঞ্জীবনী)

আমরা বলি, যদি ১০ বৎসরেও এই মহাকাব্যের কতক পরিমাণেও অসিক হয় তবে অত্যন্ত তৎপরই এই কার্য হইয়াছে বলিতে হইবে।

বস্ত্র-দুর্ভিক্ষ ভাণ্ডার — বস্ত্রাভাবে বাহারা বেশ পাইতেছে তাহাদের বেশ দূর করিবার জন্ত সিটি ও রিপন কলেজের ছাত্র ও অধ্যাপকগণ অর্থ ও বস্ত্র সংগ্রহ করিতেছেন, এই প্রশংসনীয় কার্যের জন্ত আমরা তাঁহাদিগকে ধন্যবাদ দিতেছি।

ব্রাহ্মসমাজ হইতে বস্ত্র দান — প্রায় ২ মাস হইল, ব্রাহ্মসমাজ বস্ত্র বিতরণ আরম্ভ করিয়াছেন। বঙ্গদেশের বহু পল্লীতে সাধারণতঃ ডাকঘোষে ঐ সকল বস্ত্র প্রেরিত হইয়াছে। গতকল্য পুনরায় ২ হাজার টাকার বস্ত্র প্রেরণ করা হইয়াছে। পল্লীবাসী যে সকল নর নারী বস্ত্রাভাবে বেশ পাইতেছেন, তাঁহারা কলিকাতা-২১১, কর্ণওয়ালিস ষ্ট্রীট সাধারণ-ব্রাহ্মসমাজের সাধারণ ডাকঘর প্রাপকক আচার্য্য মহাশয়কে পত্র লিখিলে তিনি বস্ত্র

সহিত বস্ত্র প্রেরণ করিবেন। রায় সাহেব রাজমোহন দাস মহাশয় ২১১ দিনের মধ্যে বগুড়া, ঢাকা ও ত্রিপুরা জেলার বস্ত্র বিতরণের জন্য গমন করিবেন, ব্রাহ্মসমাজ যে মহৎ কার্যে ব্রতী হইয়াছেন, দয়ালু নরনারীর সাহায্য বচীত তাহা নির্বাহ করা সম্ভব নয়। আমরা পরদুঃখকাতর নরনারীদের নিকট এই নিবেদন করিতেছি, তাঁহারা যেন এই সময়ে যথাসাধ্য নরসেবা করিতে চেষ্টা করেন। (সঞ্জীবনী ২রা আশ্বিন)

কাহারও গঙ্গাজল পান করা উচিত নয়—বাংলা সেনেটারী কমিশনার ডাক্তার বেটলী লিখিয়াছেন যে, গঙ্গাজলে অহরহ পুরীত এত অধিক পতিত হয় যে, পরীক্ষা দ্বারা জানা গিয়াছে, ঐ জল পান করিলে কলেরা, উদরাময় প্রভৃতি রোগ হইবার অত্যন্ত সম্ভাবনা। প্রত্যেক নৌকার এবং বোটের মালী মালারা গঙ্গাজলে মল ত্যাগ করে। তদশয় অনেক কল কারখানার মল গঙ্গায় আসিয়া পড়ে, সম্প্রতি সহরের উপকণ্ঠে ২টা চট কলের কুণীদের ময়লা গঙ্গাজলে ফেলিবার আয়োজন করা হইতেছে—ইহার বিরুদ্ধে প্রবল প্রতিবাদ করা উচিত। যদি কোথাও একান্ত পক্ষে গঙ্গাজল পান করিতেই হয়, তবে তাহা সিন্দ এবং পরিষ্কার করিয়া পান করা উচিত।

স্থানীয় বিষয় ও সংবাদ

আমরা শুনিয়া সুখী হইলাম যে, গৈপুর নিবাসী—রাঁচি প্রবাসী সুবিখ্যাত শ্রীবুদ্ধ প্রমথনাথ বসু মহাশয়, গৈপুরগ্রামে পানীয় জলের জন্য গোবিন্দডাঙ্গা মিউনিসিপালিটি হইতে যে নতন পুষ্করিণী (রিজার্ভ ট্যাঙ্ক) খনন করা হইয়াছে তাহার পাকা ষাট নির্মাণার্থে ৬০০০ টাকা উক্ত মিউনিসিপালিটির হস্তে প্রদান করিয়াছেন। এজন্য বসু মহাশয় গ্রামবাসীর নিকট ধন্যবাদার্থ হইয়াছেন সন্দেহ নাই।

শারদীয় আশ্বিনের আগমনে বঙ্গবাসী মাত্রেই হৃদয়ে এক নবানন্দ জাগিয়া উঠে। আমাদের মনে হয়, পূর্বে এই আনন্দ সর্বসাধারণের মনে যে ভাবে জাগিয়া উঠিত, বর্তমান সময়ে শিক্ষাদির পরিবর্তনে তাহা শিক্ষিত বঙ্গবাসীর

প্রাণে একটু অল্প ভাবে উপস্থিত হয়। পূর্বে ছিল বেধানে ~~ধর্ম~~ ভাব—শ্রদ্ধা এবং ভক্তির ভাব, এখন আর দেখানে সে ভাব নাই—না থাকিবারই কথা, কেন না এখন আর সাধারণতঃ অন্ধ বিশ্বাস ততটা লোকের মনে নাই। এখন একটা জ্ঞানের ভাব সর্বত্রই ছড়াইয়া পড়িয়াছে। কিন্তু মধ্যযোগে নানা কারণে সেই নব-জ্ঞানযোগের পথে আসিয়া পড়িয়াছে, বিতর্ক—সন্দেহ, আর সর্বনাশী অবিদ্যান! মাজিত জ্ঞান, নবরসাত্তিসিক্ত ভক্তি, দেশবাসীর প্রাণে কতটুকু স্থান পাইয়াছে? সুতরাং খাঁটী ভক্তি শ্রদ্ধার স্থান আর নাই খুলিলেই হয়। তবে সেই জাগরণ আর একটু আনন্দের ভাব আসিয়াছে। 'আত্রক স্তম্ভ পর্য্যন্ত' চাকুরে বাঙালীর সম্মুখে 'পূজার অবকাশ' যখন আসে, তখন সে আনন্দ ক্ষণিক হইলেও তাহাতেই শ্রদ্ধা বঙ্গবাসী কয়েক দিনের জন্তও একটু আরাগমের নিশ্বাস ফেলিতে চায়, কিন্তু তাই বা কতটুকু হয়।

কুশদহ-সমিতি

— ৩০ঃ০ঃ০ঃ —

গত ২০শে ভাদ্র, কুশদহ-সমিতির কার্যনির্বাহক সভার নির্ধারিত মতে বঙ্গ ক্রেশ নিবারণ জন্ত যে সাব-কমিটী গঠিত হয়, গত ২৮শে ভাদ্র শনিবার অপরাহ্ন ৫টার সময় ৩৭নং দুর্গাচরণ মিত্রের ষ্ট্রীট কুশদহ-সমিতির কার্যালয়ে উক্ত কমিটীর এক অধিবেশন হয়। তাহাতে প্রথমে সভ্যদিগের মধ্যে বঙ্গবিতরণ সম্বন্ধে কিছু মতভেদ উপস্থিত হইয়া কার্যের বিশৃঙ্খলা ঘটিবার সম্ভাবনা হয়, কিন্তু যিনি সমিতির স্থাপন কর্তা—বিধাতা ভগবান, তাহার দ্বারা পরিচালিত হইয়া সমিতির জনৈক সভ্য—খাঁটুরা নিবাসী শ্রীযুক্ত সহায়নারায়ণ পাল এই সাবকমিটীতে উপস্থিত হন, তিনি এই মতান্তর দেখিয়া বলেন, বঙ্গ বিতরণ সম্বন্ধে কিছু অপ্রায়কার্য্য নহে, এবং যখন এই কার্য্য করা ধার্য্য হইয়া গিয়াছে তখন তাহা বন্ধ করা যাইতে পারে না—তৎপরে তিনি এই কার্য্যের জন্ত ১০০ একশত টাকা দিবেন প্রতিশ্রুত হন। এই ঘটনার সভ্যগণের মধ্যে উৎসাহের সঞ্চার হইয়া অর্থ সংগ্রহ কার্য্যের ব্যবস্থা চলিতে থাকে। সংগৃহীত অর্থের পরিমাণ বঙ্গ যাহাতে পূজার মধ্যে বিতরিত হইতে পারে তাহার ব্যবস্থা করা হয়।

• তৎপরে গত ২৯শে ভাদ্র রবিবার সন্ধ্যা ৭ ঘটিকার সময় সেন্ট্রাল-

কলেজ ভবনে সমিতির সাধারণ সভার মাসিক অধিবেশন হয়। খাঁটুরা নিবাসী—কলিকাতা আহিরিটোলা প্রবাসী স্বর্গীয় মহানন্দ পাল মহাশয়ের কনিষ্ঠ পুত্র, (চাউল এবং লবণ ব্যবসায়ী) বাবু ধর্মেজনাথ পাল এই সভার সভাপতির কার্য করেন। প্রথমে সম্পাদক কর্তৃক মাসিক কার্য বিবরণী পঠিত হইয়া বঙ্গ বিতরণ সম্বন্ধে সাব-কমিটী গঠন পর্যন্ত কার্যের উল্লেখ করিয়া সভার অভিমত জানিবার জন্য প্রস্তাবের ভাবে সম্পাদক কিছু বলেন, তৎপরে শ্রীযুক্ত বাবু সুরেশচন্দ্র পাল, শ্রীযুক্ত পতিরাম দে শ্রীযুক্ত যোগীন্দ্রনাথ কুণ্ডু প্রভৃতি বক্তৃতা দ্বারা প্রস্তাবের সম্বন্ধে মত প্রকাশ করেন এবং সর্বসম্মতিক্রমে বঙ্গবিতরণ প্রস্তাব গৃহীত হয়। অবশেষে সভাপতি মহাশয় নিজ মন্তব্যে সমিতির হিসাবকল্পে একটি উৎকৃষ্ট চিন্তাপূর্ণ নমুনা প্রকাশ করেন। তিনি বাহা বলেন তাহার মত এই যে, দেশবাসীর সাধারণশ্রেণীর মধ্যে কিছু কাজ করিতে না পারিলে সভা-সমিতির প্রকৃত উন্নতি সাধন করা সহজ হয় না। সুতরাং সাধারণ শ্রেণীর মধ্যে কোনও কাজ করিতে হইলে, সর্বপ্রথমে তাহাদিগের মধ্যে কিছু কিছু শিক্ষা বিস্তারের প্রয়োজন হইয়া পড়ে। শিক্ষা ভিন্ন কোন সম্বন্ধে বুঝিবার এবং বুঝাইবার উপায়ই নাই। অতএব অত্যাগ কার্যের সহিত যদি সমিতি সাধারণের মধ্যে শিক্ষা বিস্তারের দিকে দৃষ্টি করিতে পারেন তাহা হইলে আমার মনে হয় কাজ খুব ভাল হইতে পারে।

অতঃপর সভাপতিতে ধন্যবাদ দিয়া সভাভঙ্গ হয়।

ইতি মধ্যে বঙ্গ বিতরণ র্থে অর্থ সংগ্রহ কার্যে সমধিক লিপ্ত থাকায় সমিতি অত্যাগ কার্যে বিশেষ হস্তক্ষেপ করিতে পারেন নাই, তবে খাঁটুরা শাখা কার্যালয় স্থাপন দিনে ঐ গ্রামের একটি রাত্তা মেরামত সম্বন্ধে যে একখানি দরখাস্ত সমিতির হস্তে আসিয়াছিল, তাহার জন্য গোবরডাঙ্গা-মিউনিসিপালিটিকে স্থানীয় কমিসনার এবং শাখা কার্যালয়ের সম্পাদক বাবু প্রমথনাথ দত্তের যোগে পত্র লেখা হইয়াছে। তিনি রাস্তাটির নাম এবং বিবরণ চাহিয়া পাঠাইয়াছেন।

কুশদহ পঞ্জী

—:০:—

ডাক্তার কেশবচন্দ্র মুখোপাধ্যায়

গোবরডাঙ্গা

ডাক্তার কেশবচন্দ্র মুখোপাধ্যায়ের বৃদ্ধ প্রপিতামহ ৬কৃষ্ণরামের ৬রামনারায়ণ ও ৬রামবল্লভ নামে দুই সহোদর ছিলেন। এই ৬রামবল্লভ গোবরডাঙ্গার পণ্ডিত বরদাকান্ত মুখোপাধ্যায়ের পূর্ব পুরুষ।

কৃষ্ণরামের পুত্র ৬নসিরাম। নসিরামের দুই পুত্র ৬কাশীনাথ ও ৬বালকরাম। এই বালকরামের বংশধর হাজারিলাল মুখোপাধ্যায় গোবরডাঙ্গার জমিদারদিগের আনিম ছিলেন। সম্প্রতি তিনি মৃত্যুমুখে পতিত হইয়াছেন।

কাশীনাথের ৫ বিবাহ।

১ম পত্নী মাটিকোমরার ৬ঈশানচন্দ্র ভট্টাচার্য্যের কন্যা। এই বিবাহে ইনি কুল ভঙ্গ করেন।

২য় পত্নী ইছাপুরের পূর্বপাড়ার স্বর্গীয়া দেবী ঠাকুরাণী। দেবী ঠাকুরাণীর পৈতা দেশ বিখ্যাত ছিল। (দেবী ঠাকুরাণীর জীবন বৃত্তান্ত এই লেখক কর্তৃক এডুকেশন গেজেটে লিখিত হইয়াছিল।)

৩য় বিবাহ বেড়গুম গ্রামে।

৪র্থ বিবাহ চাকদহের নিকট কামারপুল গ্রামে।

৫ম বিবাহ অজ্ঞাত।

কাশীনাথের দুই পুত্র, ৬মধুসূদন ও ৬রামপ্রাণ।

মধুসূদনের পত্নী, গোবরডাঙ্গার দেওয়ানজী বাড়ীর ৬তারাতাঁক চট্টোপাধ্যায়ের কন্যা মৃত্যু ইন্দ্রমণি দেবী।

৬রামপ্রাণের পত্নী, উক্ত তারাতাঁদের জ্যেষ্ঠা কন্যা মৃত্যু আনন্দময়ী।

মধুসূদনের ৩ পুত্র, ৬ক্ষেত্রমোহন, ৬কালীপ্রসন্ন ও শ্রীকেশবচন্দ্র।

৬ক্ষেত্রমোহনের দুই বিবাহ।

১ম পত্নী, নবীনকালী দেবী ছন্নঘরিয়ার ৬অভয়াচরণ চট্টোপাধ্যায়ের কন্যা।

২য় পত্নী, কামিনী দেবী পুঁড়ার ৬হরিচরণ মল্লিকের কন্যা।

• ক্ষেত্রমোহনের ২য় বিবাহের পুত্র শ্রীপ্রসন্নকুমার। প্রসন্নকুমারের দুই বিবাহ।

১ম স্ত্রী, মৃত সুনীলাবালা দেবী গোবরাপুরের ৩৮ বরদা প্রসাদ বন্দ্যোপাধ্যায়ের কন্যা ।

২য় স্ত্রী, শ্রীমতী মহামায়া দেবী ধর্মদহের শ্রীদেবেশচন্দ্র বন্দ্যোপাধ্যায়ের কন্যা ।

৩ কালীপ্রসরের দুই বিবাহ ।

১ম পত্নী, ইছাপুরের (কথক) ৩ রাজনারায়ণ বন্দ্যোপাধ্যায়ের কন্যা মৃত নবীনকালী দেবী ।

২য় পত্নী, ধলিদপুরে ৩ মহেশচন্দ্র গঙ্গোপাধ্যায়ের কন্যা মৃত কামিনী দেবী ।

কালীপ্রসরের ২য় স্ত্রীর কন্যা মৃত পাঁচীর স্বামী হুগলি জাহানাবাদের শ্রীপ্রিয়নাথ চট্টোপাধ্যায়, (কটক জজ কোর্টের উকীল ।)

শ্রীকেশবচন্দ্র মুখোপাধ্যায়ের পত্নী মৃত রাখালদাসী দেবী পারমাজদিয়ার ৩ রামদাস বন্দ্যোপাধ্যায়ের কন্যা ।

কেশব বাবুর দুই পুত্র ও দুই কন্যা ।

১ম পুত্র ৩ শৈলেন্দ্রকুমারের স্ত্রী মৃত বাহুমণি দেবীর পিত্রাজয় বারুইপুর ।

শৈলেন্দ্রকুমারের একটি পুত্র ও দুইটি কন্যা । পুত্র শ্রীবীরেন্দ্রকুমার ।

কন্যা—শ্রীমতী প্রভাবতী দেবী ও শ্রীমতী লাবণ্যলতা দেবী ।

প্রভাবতীর স্বামী শান্তিপুুরের শ্রীহরিদাস ভট্টাচার্যের পুত্র শ্রীঅশ্বিনী কুমার ভট্টাচার্য ।

লাবণ্য লতার স্বামী মতিহারীর শ্রীরামনারায়ণ বন্দ্যোপাধ্যায় ।

কেশব বাবুর ২য় পুত্র ডাক্তার বিমলেন্দ্রকুমারের স্ত্রী, শ্রীমতী বীণাপাণি দেবী বেহালা বরিশার সাহিত্যিক ও মাইনপুরের উকিল, ৩ ননিলাল বন্দ্যোপাধ্যায়ের কন্যা ।

বিমলেন্দ্রের একটি পুত্র শ্রীপারিজাত কুমার, কন্যা ৩টি—প্রতিভা, প্রতিমা ও প্রমীলা সকলেই অবিবাহিতা ।

কেশব বাবুর ১ম কন্যা—লীলাবতীর স্বামী ফরিদপুরের বঙ্গেশ্বরাদি

গ্রামের ৩ নবকুমার বন্দ্যোপাধ্যায়ের পুত্র শ্রীশ্রীশচন্দ্র বন্দ্যোপাধ্যায় ।

(ফরিদপুরের জজ কোর্টের উকীল ।)

শ্রীমতী সুনীলাবালার স্বামী বেহালা বরিশার ৩ অবিনাশচন্দ্র বন্দ্যোপাধ্যায়ের (সবজন্মের) পুত্র ৩ সুনীলচন্দ্র বন্দ্যোপাধ্যায় (ইনি আলিগড় ডিঃ জজ ছিলেন)

লীলাবতীর একটি পুত্র শ্রীসমিলকুমার ও ৩ কন্যা ।

১ম কন্যা সরসীবালায় বিবাহ গৈপুৰে হয়।

২য় কন্যা শ্ৰীমতী বিজন বাণ্যায় স্বামী গৈপুৰে ৩স্বৰ্গ্যকুমার গঙ্গো-
পাধ্যায়ের পুত্র শ্ৰী কালিদাস গঙ্গোপাধ্যায়।

৩য় কন্যা শ্ৰীমতী বিজনীবাণ্যায় স্বামী, বিখ্যাত গ্রন্থকার ৩নৃসিংহ
প্রসাদ মুখোপাধ্যায়ের পুত্র শ্ৰী প্রভাত কুমার মুখোপাধ্যায়।

শ্ৰীসলিলকুমারের স্ত্রী, কলিকাতা বাগবাছারের ৩কালীপদ মুখোপাধ্যায়ের
কন্যা শ্ৰীমতী লতিকা দেবী।

৩হাজারিলাল মুখোপাধ্যায়

ডাক্তার কেশব বাবুর বংশাবলীতে ৩বালকরামের যে উল্লেখ আছে,
তিনি এই বংশের পূর্বপুরুষ। বালকরাম হইতে এই বংশ পৃথক হইয়াছে।
হাজারিলাল কুলিন। বালকরামের পুত্র ৩ভগবান। ভগবানের পুত্র
৩মতিলাল।

৩মতিলালের পত্নী রামনগরের ৩উত্তমচন্দ্র চট্টোপাধ্যায়ের ভ্রাতৃপুত্রী।

মতিলালের দুই পুত্র হাজারিলাল ও ৩মাখন লাল।

হাজারিলালের স্ত্রী মল্লিকপুরে শ্ৰীভৃষণচন্দ্র বন্দ্যোপাধ্যায়ের কন্যা
শ্ৰীমতী হিরণবালা দেবী।

হাজারিলালের দুই পুত্র ও এক কন্যা।

পণ্ডিত

বরদাকান্ত মুখোপাধ্যায়

এই বংশ কেশবাবুর বংশে যে ৩রামবল্লভের উল্লেখ আছে, তিনি এই
বংশের পূর্বপুরুষ। রামবল্লভ হইতে এই বংশ পৃথক।

রামবল্লভের পুত্র রূপরাম, রূপরামের পুত্র রূপারাম। রূপারামের পুত্র
নন্দকুমার। নন্দকুমারের পত্নী ৩সরস্বতী দেবীর পিত্রালয় খসিদপুর।
নন্দকুমারের পুত্র ৩দীননাথ।

৩দীননাথের পত্নী রাণাবাটের নিকট বৈষ্ণবপুর গ্রামের ৩উদয়চাঁদ
বন্দ্যোপাধ্যায়ের কন্যা মৃত্যু আশ্রয়শক্তি দেবী।

৩দীননাথের পুত্র শ্ৰীবরদাকান্তের একটি কন্যা মৃত্যু মহেশ্বরী দেবী।

• শ্ৰীবরদাকান্ত মুখোপাধ্যায়ের ৩ বিবাহ।

১ম পত্নী, মৃত্যু হৈমবতী দেবী ছয়বরিকার ৩৭মনারায়ণ বন্দ্যোপাধ্যায়ের
কন্যা।

২য় পত্নী, মৃত্যু কাদম্বিনী দেবী ইছাপুর--শ্রীপুরের ৩ উমেশচন্দ্র বন্দ্যো-
পাধ্যায়ের কন্যা।

৩য় পত্নী, শ্রীমতী দীনভারিনী দেবী ইছাপুরে ৩ বাণীধর বন্দ্যোপাধ্যায়ের
কন্যা।

২য় বিবাহের পুত্র শ্রীঅবনীকান্ত ও দুই কন্যা শ্রীমতী যোগমায়া দেবী ও
শ্রীমতী পঞ্চোজিনী দেবী।

অবনীর দুই বিবাহ।

১ম পত্নী, মৃত্যু পঞ্চাননী দেবী ইছাপুরের ৩ঈশানচন্দ্র বন্দ্যোপাধ্যায়ের
কন্যা।

২য় পত্নী, শ্রীমতী চাকমতী দেবী নারায়ণপুরের শ্রীপঞ্চানন ভট্টাচার্যের কন্যা।

অবনীর দুই পুত্র ও ৩টি কন্যা।

শ্রীমতী যোগমায়া দেবীর স্বামী ভৈরবী শ্রীহারিচন্দ্র চট্টোপাধ্যায়।

বরদাকান্তের তৃতীয় বিবাহের চারি পুত্র ও দুই কন্যা।

১ম পুত্র শ্রীক্ষনার্দনের স্ত্রী রাম নারায়ণপুরের শ্রীমহেন্দ্রনাথ চট্টোপাধ্যায়ের
কন্যা শ্রীমতী শৈলবাসিনী দেবী।

২য় পুত্র শ্রীমধুসূদনের স্ত্রী কলিঙ্গের শ্রীকুঞ্জবিহারী চট্টোপাধ্যায়ের কন্যা
শ্রীমতী সোহাগিনী দেবী।

৩য় শ্রীভূপেন্দ্র, ৪র্থ শ্রীভবানীপ্রসাদ (উভয়েই অবিবাহিত)

১ম কন্যা শ্রীমতী ইন্দুমতী দেবীর স্বামী বারাকপুরের শ্রীকালীপদ
চট্টোপাধ্যায়ের পুত্র শ্রীউপেন্দ্রনাথ চট্টোপাধ্যায়।

২য় কন্যা শ্রীমতী উর্গিলা দেবীর স্বামী বারাসতের শ্রীযুক্ত মধুসূদন
বন্দ্যোপাধ্যায়।

শ্রীপঞ্চানন চট্টোপাধ্যায়।

যোগীন্দ্রনাথ কুণ্ডু দ্বারা কলিকাতা ১২১ নং লোয়ার সারকুগার রোড

ইন্ডিয়ান প্রেসে মুদ্রিত ও ২৮১ স্কিয়ার্ট্রীট হইতে প্রকাশিত।

কুশাধহ

“জননী জন্মভূমিষ্ট স্বর্গাদপি গরীয়সী”

“সত্যম্ শিবম্ সুন্দরম্”

“তোমার অগতে প্রেম বিলাইব,

তোমারি কার্য যা সাধিব ”

দশম বর্ষ

কার্তিক, ১৩২৫

সপ্তম সংখ্যা

জাতীয় সঙ্গীত

—:0:—

বেহাগ-খাওয়াজ—একতাল।

শক্তি পূজা কথার কথা না।

যদি কথার কথা হ'ত,

চিরদিন ভাবত,

শক্তি পূজে শক্তি হীন হ'ত না।

কেবল ডাকের গহনার,

ঢাকের বাজনার,

শক্তি পূজা হয় না ;

এক মন বিশ্বদল,

ভক্তি গঙ্গাজল,

শতদল দিলে হয় সাধনা। (হৃদয়ে)

দিলে আতপায়,

কি মিষ্টায়,

যা যে তাতে ভোলেন না ;

কেবল জ্ঞান দীপ জ্বলে,

একান্ত ধূপ দিলে,

ব্রহ্মময়ী পূর্ণ করেন কামনা। (মা)

বনের মহিষ অজ্ঞা,

বারের বাছা,

মা সে বলি লন না ;

যদি বলি দিতে আশ,

স্বার্থ কর নাশ,

বলিদান দাও বিলাস বাসনা।

কাঙাল কর কাতরে,

জাত বিচারে,

শক্তি পূজা হয় না,

সকল বর্ষ একহ'য়ে,

ডাক মা বলিয়ে,

নটলে মায়ের দয়া কত হবে না।

—কাঙাল ফিকিরটান ককির।

সত্যের পূজা

—:0:—

অচেতন জড়—অসত্যের পূজা করিয়া কোনও দেশ—কোনও জাতি কখন সজীব-একপ্রাণতা লাভ করিতে পারে নাই। ইতিহাস তাহার সাক্ষী। কত দুর্বল পতিত জাতিও উত্থানের পথে তখনই দাঁড়াইতে পারিয়াছে, যে পর্যন্ত তাহারা আধ্যাত্মিক-জগতের কোনও একটি সত্যের রেখা স্পর্শ করিতে পারিয়াছে। বস্তুগত সত্য, গৃহীতার গ্রহণীয় শক্তি, ছয়ের সমবায়ের সত্য লক্ষ হয়। আলোক এবং দৃষ্টি-শক্তি দুইটির মধ্যে কোনটির অভাবে দর্শন-কার্য সম্পন্ন হয় না। হরিকে রাম বলিয়া ডাকিলে উত্তর পাওয়া যায় না, যে হরিকে চায়, রামের দ্বারা তাহার সে কাজ হইতে পারে না। একথা যদি সত্য হয়, তবে বলিতে পারা যায়, এই যে বঙ্গের শারদীয় দুর্গোৎসব বাহা এত বড় একটি জাতীয় মহোৎসব—বাহা বহুকাল চলিয়া আসিতেছে, ইহার দ্বারা জাতীয় জীবনগতই বলি—আর ব্যক্তিগত জীবনের দিক দিয়াই বলি—বাস্তবিক আধ্যাত্মিকতা লাভের পক্ষে কি সাহায্য হয় ?

বোধ হয় এই কথাটির অবতারণা মাত্রেরই অনেকে খড়গ-হস্ত হইয়া বলিবেন, “পৌত্তলিকতা বিরোধী কথা ও-ত জানাই আছে, ও কথা আর শুনিবার প্রয়োজন কি ?”

আমরা প্রথমেই বলিতেছি, বাস্তবিক আমাদের সে উদ্দেশ্য নয় যে, এই দেশব্যাপী একটি জাতীয় অনুষ্ঠানের বিরুদ্ধে অথবা প্রতিবাদ করা ; আমাদের উদ্দেশ্য বাহাতে দেশবাসীর মধ্যে যথার্থ সজীব-একপ্রাণতা আসে ; প্রাণহীন—অনুষ্ঠানগুলির মধ্যে ভাব ও শক্তি সঞ্চারিত হয়, তাহার দিকে যদি একজনেরও দৃষ্টি পতিত হয়, তবে তাহারাও দেশের কল্যাণ হইবে, ইহাই আমাদের বিশ্বাস।

একটি সর্বশ্রেষ্ঠ কথা আমাদের সর্বপ্রথমেই স্মরণ হয় যে, প্রকৃত পূজা-উপাসনা জিনিষটা কি ? তাহা আন্তরিক না বাহ্যিক ? উপাসনা বাহ্যিক হইতে পারে না, তাহাতে কোনই উপকার হয় না। জ্ঞানগত আন্তরিক উপাসনাই যথার্থ সত্যের সাধনা। জ্ঞানের উদয় না হইলে অনুতাপ আসে না, অনুতাপ না আসিলে পাপ ত্যাগ হয় না। মিথ্যা আচরণ—অভ্যাসগত পাপ পরিত্যাগ

করিতে হয় না, অথচ পূজা-পার্বণে মস্ত হওয় চলে, এ প্রকার পূজাদির মধ্যে কি সত্যের পূজা হয় ? ইহা স্পষ্টে গাছিক ব্যাপার নয় কি ?

দ্বিতীয় কথা, সত্য পূজা কাণ্ডকে বলে ; সত্য কি ? তাহার সহজ সংজ্ঞা কি ? সত্য—বাহ্য যথার্থ, স্বরূপ স্ব, অর্থাৎ বস্তুর যথার্থ রূপ—কিন্তু কোনও প্রকার কল্পনা নয় নিছা উপমাগত বস্তুও নয়। জ্ঞানযোগে ভগবানের স্বরূপ অবগত হইয়া—প্রেমযোগে—বাধ্যতায়োগে তাহার নাম করিয়া যে আনন্দ—সে আনন্দেই ত চরিত্র শুদ্ধ হইয়া যায়, নতুবা কেবল বাহিরে উ সবে যা তায়াত—কেবল বাহিরের আনন্দ—অবশ্য বাহারা তাহার অধিক আর কিছু জানে না, তাহারা তাহাকেই যথেষ্ট মনে করিতে পারে কিন্তু তাহা তা বস্তুক আনন্দ নয়, উহা এণ্টী সাময়িক ভাব মাত্র। চরিত্রের সঙ্গে, পন্থজীবনের সঙ্গে উহার কোন সঙ্গ দেখা যায় না, তাহা হইলে এক উৎসবের মধ্যেও মানুষ হীনতির কাজ করিতে পারে ? তাই পূজা আসিল, আবার চলিয়া গেল, জন প্রবাহ আবার স্রোতে ভাসিয়া চলিল—হুঃখ তাপ মোহ কিছুই কাটিল না। জানী ভক্তগণ ঐ জাতীয় আনন্দের প্রতি অমুরাগ প্রদর্শন করিতে পারেন না। তাই দেশব্যাপী বা হক পূজার ভীতরকার অবস্থা চিন্তা করিয়া দেশ-ভক্ত—সত্যের সাধক—কাগাল ফিকিরচাঁদ ফিকির গাহিয়া গেলেন—

“শক্তি পূজা কথার কথা না।” ইত্যাদী (প্রথম পৃষ্ঠা দ্রষ্টব্য)

ভগবানকে বিন্দু মাত্রও ভালবাসিতে পারিলে প্রাণ কত পবিত্র হয়—প্রাণে কত নির্মল আনন্দ লাভ হয়, তাহা যে কখন অনুভবও করে নাই, তাহাকে কি তাহা বুঝান যায়। অতএব যে বাহ্যিক পূজায় জ্ঞানোদয় হয় না, চরিত্র শুদ্ধি আনয়ন করে না—কয়েক দিনের বাহ্যিক আনন্দেই পর্য্যবসিত মাত্র, তাহা প্রাণ-প্রদ একপ্রাণতা দান করিবে কিরূপে। এইজন্য দেশবাসীর নিকট আমাদের বিনীত নিবেদন, এখন আর সোদিন নাই—এখন জাগিবার দিন আসিয়াছে, সকলে চিন্তা করুন জাতীয় উৎসবদির ভিতর হইতে কি উপায়ে প্রকৃত ধর্মজীবন লাভ হইতে পারে, নচেৎ কোনও হুঃখ দুর্গতি দূর হইবে না।

যদি কেহ বলেন, “দেশবাসীর মধ্যে ব্যক্তিগত জীবনে কি সত্যের সাধনা একেবারেই নাই, এ কথা কি কেহ বলিতে পারেন ? সত্যের সাধনা দেশব্যাপীভাবে একদিনেই যে হইবে ইহা কি কখনও সম্ভব ? ধর্মজীবন লাভ

করা কি কাহারও হাত ধরা, যে ইচ্ছা করিলেই আজ দেশভুক্ত লোক সত্যের সাধনা করিবে? এই জগুই ত সমবেত ভাবে জাতীয় উৎসবদির সৃষ্টি।

আমরা বলি এ কথাই মধ্যে অবশ্য কিছু সত্য আছে। ব্যক্তিগত সাধনা— যেমন নাম জপ, নাম সঙ্কীর্ণন অথবা ক্রিয়া যোগ প্রভৃতি সাধন আছে। কিন্তু উৎসবক্ষেত্রে আমরা এখানে সত্যের অনুরোধে একটি ইঙ্গিত করিতে বাধ্য হইতেছি যে, ঐ সকল সাধনার মধ্যে জ্ঞানের উৎকর্ষ, কার্যোপায়, একপ্রাণতা, জন-সেবার ভাব তেমন পরিস্ফুট দেখা যায় না। সুতরাং ঐ সকল ধর্মবিধানের মূলে সংকীর্ণতা বদ্ধমূল হইয়া যাহা আছে, তাহারও পরিবর্তন হওয়া আবশ্যিক।

ভারপর দেখিতে হইবে এই যত প্রকার পূজানুষ্ঠানাদি চলিয়া আসিতেছে, তাহাতে কত অর্থ ব্যয়—কত পরিশ্রম স্বীকার করিতে হয়, কিন্তু তাহাতে কয় জনের প্রাণে প্রকৃত ধর্ম-চিন্তা—তত্ত্ব জ্ঞানোদয়, বিবেক বৈরাগ্যের সঞ্চার হয়—সম্ভবতঃ একজনেরও নয়। যে পরিমাণ অর্থ ব্যয় হয়, তাহাতে বর্তমান সময়োপযোগী দেশের কতটুকু উপকার হয়। অল্পদিকে দিন দিন শিক্ষিত বাঙ্গালী এই সকল অনুষ্ঠানের প্রতি ভিতরে ভিতরে আস্থাশূন্য হইয়া পড়িয়াছেন। তাই পূর্বে যে পরিমাণে এই সকল অনুষ্ঠান অনুষ্ঠিত হইত এখন আর তাহা হয় না। যদি বলেন, অর্থাভাবে এখন এইরূপ হইতেছে,—না, তাহা বলা চলে না, আগে ইহাপেক্ষা সামান্য অবস্থার মধ্যেও অনেক পূজা-পার্বণ হইত, এখন তাহা হয় না। তাহার একমাত্র কারণ অনুরাগ এবং বিশ্বাসের অভাব। তাই শিক্ষিত বাঙ্গালী পূজার অবকাশে দেশ ভ্রমণে তৃপ্ত। আমরা বলি ইহা দুঃখনীয় বা অস্বাভাবিক নহে। কিন্তু এমন করিয়া জাতীয় ধর্ম-জীবন “যবস্থব” অবস্থায় কি চিরদিন চলিতে পারে? একটা অবস্থার অবস্থা লইয়া একটা জাতীয় কখনই উন্নতি হইতে পারে না। উন্নতির পথে সর্বশ্রেষ্ঠ সম্বল খাঁটি ধর্মবিধানের বল। আমাদের বিশ্বাস এই বাঙ্গালী জাতীয় নাম যদি ইতিহাসের পৃষ্ঠা হইতে মুছিয়া যাইবার হেতু না থাকে, তবে অবশ্যই বিধাতার বিধান-শক্তিতে একদিন জাতীয়জীবনে প্রকৃত খাঁটি ধর্মবিধানের বল আসিবেই। বিধাতা সেই দিন আনয়ন করুন।

ভ্রমণের সার্থকতা

—:—

আমাদের দেশের লোক যেমন কুপ-মণ্ডুক হইয়া বাস করিতে ভালবাসেন, অধুনা পৃথিবীর অন্ত্র কুত্রাপি এমন দেখা যায় না। যদি কেহ কথা পাড়েন, তবে আমাদের পূর্বপুরুষের কেহ কেহ তিব্বত, চীন, জাপান, সিংহল প্রভৃতি স্থানে উপনিবেশ করিয়াছিলেন, তাহারই বড়াই করিয়া থাকি— কিন্তু নিজেরা যে ঐ সকল স্থান মানচিত্রে ব্যতীত দেখি নাই, তাহাতে আদৌ লজ্জিত হইনা।

বাঙ্গালী বিহারে গেলে, বা পূর্ববঙ্গের লোক পশ্চিমবঙ্গে আসিলে তাহাই বিদেশ হইয়া পড়ে, বিহারী বাঙ্গালার আসিলে ভয়ানক পরদেশ হইয়া পড়ে; কিন্তু আজকাল পৃথিবীতে যাহারা মানুষ বলিয়া খ্যাতি লাভ করিয়াছেন, তাহারা স্বদেশ ছাড়িয়া, কত ভয়ঙ্কর নদ, নদী, সমুদ্র অতিক্রম করিয়া, কত স্বাপদসঙ্কুল বনভূমিকে অবজ্ঞা করিয়া, জীবনসংগ্রামে জয়ী হইয়াছেন, আপনাকে ধন ও মাতৃভূমির মুখোজ্জল করিয়াছেন, একথা প্রকৃতভাবে এদেশের লোক করজন ভাবেন বলিতে পারি না। স্বপ্নের চিন্তার মত এ সকল কাহারো মনে উঁকি খুঁক না মারে এমন নয়, কিন্তু স্বপ্নের ভাব স্বপ্নেই মিলাইয়া যায়, তাহা কাহারো বাস্তব জীবনে দেখা যায় না।

ঘরমুখো কেবল বাঙ্গালী নয়, আসমুদ্র হিমাচল সমস্ত ভারতের লোকের প্রকৃতিই এই। যদিও বোম্বের পার্শ্ব, ভাটিয়া, সিন্ধি প্রভৃতি জাতিকে ব্যবসায়-কল্পে আজকাল জাভা, সিঙ্গাপুর, হংকং, কলোম্বো, মরিসস, ইয়োকোহামা, কোবে, এডেন, সুয়েজ, এলেকজান্দ্রিয়া ও ইউরোপের কোন কোন স্থানে বাস করিতে দেখা যায়, কিন্তু ভারতের গায় একটা প্রকাণ্ড দেশের লোকসংখ্যা হিসাবে দেখিতে গেলে তাহাদের সংখ্যাও নগণ্য।

ভ্রমণ সম্বন্ধে যে জাতি আপনার সমাজে উৎসাহ না পায়, সে জাতি কল্পিন্‌কালে জগতে মাথা তুলিয়া চলিতে পারে না—কোনও কালে সে জাতির উন্নতি সম্ভব হয় না। শাস্ত্রীয় শাসন বা যুক্তি হইতে আরম্ভ করিয়া আবহমান কাল সাধারণ চলিত কথায়ও বিদেশ ভ্রমণকে তুচ্ছ জ্ঞান করা হইয়াছে। সমুদ্র যাত্রা করিলে সপ্তম পুরুষের সমস্তে বন্ধিত জাতি (Caste)

নষ্ট হয়, এমন কি বিদেশে না যাইয়া স্বদেশের ভিতর বেড়াইলেও সমাজ “ভবঘুরে” উপাধি দিয়া থাকেন, সুতরাং এমন স্বর্গীয় (Home comforts) গার্হস্থ্যসুখ বিসর্জন দিয়া কে অর্থ ব্যয় ও অজস্র কষ্ট স্বীকার করিয়া সমাজের অপ্রিয় হইবেন? বলা বাহুল্য, তাহার ফলে ভারতের উদার আধ্যাত্মিকতার আকাশ মেঘে ঢাকিয়া আছে, জাতীয় জীবন (Life instinct of a nation) সম্পূর্ণ অপরিষ্কৃত রহিয়াছে, শিল্প, বাণিজ্য আদৌ উন্নতি লাভ করিতে পারে নাই যদিও ভারতবর্ষের এ সকল অন্নুন্নতির অন্য বধেই কারণ আছে—তথাপি ভ্রমণশীলতার অভাব যে তন্মধ্যে একটি প্রধান বিষয়, শিক্ষিত ব্যক্তি মাত্রই তাহা সহজে বুঝিতে পারেন।

ভ্রমণে আধ্যাত্মিকতা—ভ্রমণের বিমলানন্দ অনির্কচনীয়। যদি বিধাতার রাজ্যে স্বর্গীয় উপভোগের বস্তু কিছু থাকে, তবে একমাত্র ভ্রমণ হইতেই তাহা পাওয়া যায়। যদি স্বর্গরাজ্যের সুষমা স্বচক্ষে নিরীক্ষণ করিয়া পরিতুষ্ট হইতে চাও, যদি গমন-সম্ভব অপরিসীম জল, স্থল ও বায়ু-মণ্ডলের যেখানে বিশ্বশিল্পীর যে সকল অত্যুৎকৃষ্ট রচনাবলী আছে, তাহা দেখিয়া ক্ষুদ্র মানব জীবনকে ধন্য করিতে চাও, তবে বিভিন্ন দর্শন বিভিন্ন দেশের প্রকৃতির মনোহারিণী মূর্তি, গিরি, নদ, নদী, শ্রবণ, জলোধি-কল্লোল ও অনিল-পথ দেখিয়া আইস—সম্পূর্ণ আত্মহারা হইয়া যাইবে। এখন গৃহ হইতে বাহির হইতে ইচ্ছা হইতেছে না—তখন গৃহে ফিরিতে ইচ্ছা করিবে না, দূর হইতে দূরান্তরে ছুটিয়া যাইবে।

তুমি বাঙ্গালী—সম্ভবতঃ বলিয়া বলিবে, ‘বিদেশে যে কষ্ট—কি করিয়া যাইব?’ মনে রাখিও, এই ভীকৃতাই তোমার জীবনের ভীষণ শত্রু। এক বার গৃহ হইতে নিষ্ক্রান্ত হইয়া দেখ—তোমার কষ্ট নিবারণ করিতে কিরূপ দয়ার্জ চিন্তে, তোমার শ্রান্তি দূর করিতে কিরূপ স্নানীতল বায়ুর ব্যজন হস্তে, তোমার প্রাণের আকাঙ্ক্ষা পূর্ণ করিতে কিরূপ অপূর্ণ মনোহারিণী বেশে প্রকৃতি তোমাকে অভ্যর্থনা করিতে দণ্ডায়মানা রহিয়াছেন। তুমি শ্রীকৃষ্ণ, নানক, চৈতন্য, মহম্মদ, যীশু, বুদ্ধ প্রভৃতি যে মহাত্মারই শিষ্য (follower) হওনা কেন, যাহার অবর্ণনীয় ঐশী শক্তির প্রভাবে স্ভাবের সৌন্দর্য্যে তুমি অপরিসীম কষ্টের ভিতরেও এই প্রকার বিমলানন্দ উপভোগ করিতেছ, তখন তাহার চরণে তোমার মস্তক আপনাআপনি বিলুপ্ত হইবে।

আগ্রার তাজমহল, সাইপ্রাসের কলোসাস, টেমসের তলবন্দ, চীনের

প্রাচীর, আদি অদ্ভুত অচিন্তনীয় কৌতুকলাপ বা লগুন, প্যারী, ইয়োকোহামা, নিউইয়র্ক প্রভৃতি মনোরম আধুনিক প্রধান প্রধান সহর সকল দেখিলে মানবাত্মার ভিতর দিয়া বিধাতার অসীম শক্তির পরিচয় পাইয়া তুমি নিশ্চিত বিশ্বাস হইবে। অথবা নাগায়ার জল প্রপাত, আঞ্জেয়গিরির অগ্নোৎসব, সাগরের অহর্নিশি উদ্বেলন দেখিয়া স্রষ্টার সৃষ্টি রহস্যের বৈচিত্র্য তোমার প্রাণ বিশ্বয় রসে আপ্নত হইয়া যাইবে।

শান্ত ভূমি, নিরাময় ভূমি, নির্বিকার ভূমি, তোমার প্রাণ বিশাল প্রকৃতির গভীরতা ও নিস্তরুতায় মিলিত হইয়া ভগবানে বিলীন হইতে চায় না— কিরূপে বিশ্বাস করিব? সৌন্দর্য্য অশেষী, রূপ রস-গ্রাহী, সজ্ঞান, সহৃদয় ভূমি, তোমাকে বিদেশ ভ্রমণে উদ্বুদ্ধ করিতে হইবে? কি আশ্চর্য্য! “নারে সুখমস্তি— যো ভূমান্ তৎ সুখম্” এই ঋষি-বাক্য শুনিয়াও ঐ নীলাকাশের অসীম সীমানায় স্বাধীনতা-পাখা লইয়া তোমার প্রাণপাখী উড়িয়া বেড়াইতে চায় না, তোমার সমাজ তোমার পাখা কাটিয়া পিঞ্জরাবদ্ধ করে, তোমার কুসংস্কার তোমায় কুঠারাঘাতে পঙ্কু করিয়া দেয়, তুমি গয়া, কানী পর্য্যন্ত যাইয়া গৃহে ফিরিয়া আইস— তুমি এই ক্ষুদ্র স্বভাবের দাস হইয়া ক্ষুদ্র গভীর ভিতর সেই অচিন্ত্য বস্তুকে লাভ করিবে, এই কি তোমার বিশ্বাস?

দশ মাইল দূর সমুদ্র হইতে বিরহুশমান পুরীর অত্যাচ্চ ভুবনেশ্বরের চূড়া; বিশালগগনস্পর্শী, স্বর্ণকায় ব্রহ্মদেশের বৌদ্ধ পগোদা সকল; প্রাসাদ সদৃশ, প্রকাণ্ড গম্বুজ বিশিষ্ট বিভিন্ন দেশে ইসলামীয় মসজিদ; ইংলণ্ডের ওয়েস্ট মিনিষ্টার এবে, জেরুজেলামের চার্চ, সেণ্ট হেলেনার ক্যাথিড্র্যালস্ প্রভৃতি অত্রভেদী চূড়া-বিশিষ্ট, স্মশোভন, অতিকায় ধর্ম্মমন্দির সকল স্বচক্ষে দেখিলে অবিশ্বাসীর প্রাণেও ভগবৎ-ভক্তির উদ্রেক হয়। ধর্ম্ম-বিশ্বাস পৃথিবীতে এষাবৎকাল মানব প্রাণকে কিরূপ আয়ত্ত করিয়া আছে, এ সকল তাহার অলস্ত দৃষ্টান্ত। ভগবৎ-শক্তি মানুষের প্রাণে সহজে ক্রিয়া না করিলে, তাহার প্রাণকে উদ্বুদ্ধ না করিলে, কখনো এই প্রকার স্বর্ণরোপ্য ষচিত, সুবিশাল ধর্ম্ম মন্দির সকল প্রচুর অর্থ ব্যয়ে, অশাবনীয় শিল্পনৈপুণ্যে নির্মিত হইত না।

ইউরোপ যাইবার সময় আমরা একবার সমুদ্র গর্ভে প্রচণ্ড ঝড়ের ভিতর পড়িলাম। বিশাল সমুদ্রের তুলনায় একখানা বড় জাহাজ অতিকুদ্র। জাহাজে করেকজন ইউরোপীয় প্রবীণ জ্ঞানী প্যাসেঞ্জার ছিলেন; ইঁহা বা আমেরিকা হইতে স্বদেশে যাইতেছেন। একজন আমেরিকান মেথডিস্ট

মিসনের পাদরী ও অপর জন কোন পাশ্চাত্য বড় কলেজের প্রফেসর, হারবার্ট স্পেনসরের বর্তাবলম্বী, ঈশ্বরের অস্তিত্বে সন্দেহান (agonostist)। বড়ের পূর্বে ইহাদের উভয়ে ঈশ্বরের অস্তিত্ব সম্বন্ধে বাদানুবাদ চলিতেছিল। প্রফেসর কিছুতেই স্বীকার করিবেন না—ঈশ্বর আছেন। পাদরী কিছুতেই মানিবেন না—ঈশ্বর নাই। অবশ্য দুইজনই শিক্ষিত, জ্ঞানী পুরুষ, সুতরাং ইহাদের তর্কবুদ্ধি ও নিতে সন্ধান প্যাসেঞ্জারগণ জড়ীভূত হইয়া গেল। স্পেনসার যে বলিয়াছেন Invincible force working on our head “এই অদৃশ্য শক্তিকে যদি ঈশ্বর বলা হয়, তবে ঈশ্বরের অস্তিত্ব স্বীকার করিতে আমার আপত্তি নাই, কিন্তু তাহা সম্পূর্ণ প্রকৃতিরই (nature) ক্রিয়া, প্রকৃতিকে বাদ দিলে ঈশ্বর বলিয়া একটা স্বতন্ত্র বস্তু পাওয়া যায় না” ইহা প্রফেসর যুক্তিতে দেখাইলেন। “প্রকৃতির আপনার কোন শক্তি নাই যে সে ঈশ্বরের শক্তি ভিন্ন চলিতে পারে; সেই অনন্ত শক্তির দ্বারাই প্রকৃতির শক্তি পরিচালিত হইতেছে।” পাদরী নিবেদন করিলেন। “বিশেষ শক্তি (force) কথা দ্বারা অনন্তরূপী ভগবানকে উপলক্ষ করা যায় না। তিনি দয়ার সাগর, গুণের সাগর, কেবল শক্তির সাগর নহেন। তাঁহার করুণা ব্যতীত আমরা এক মুহূর্তও বাঁচিতে পারি না।” এ সকল কথা পাদরী যখন বলিতেছিলেন, দার্শনিক প্রফেসর “কবির কল্পনা” বলিয়া মনে মনে তাঁহাকে উপহাস করিতেছিলেন।

দেখিতে দেখিতে সহসা আকাশ প্রগাঢ় মেঘাচ্ছন্ন হইয়া আসিল, সুনীল সমুদ্রের জল প্রথমে কৃষ্ণবর্ণ হইয়া উঠিল। জাহাজের মাস্তলে danger signal (বিপদ-পতাকা) উঠিল। প্রচণ্ড বড় জাহাজ খানাকে প্রতি মিনিটে ডুবাইয়া, ভাসাইয়া, নাচাইয়া ইহার ধ্বংসের চেষ্টা করিতে লাগিল। ধ্বংসোন্মুখ জাহাজের কাপ্তানের আজ্ঞায় যাত্রীর প্রাণ রক্ষার্থ (life boat) লাইফ বোট সকল জলে নামান হইল, কিন্তু পর্বত প্রমাণ উন্মি-রাশির অত্যধিক ঘাত প্রতিঘাতে লাইফ বোট জলে নামাইবার পূর্বেই সীমার হইতে কতগুলি প্যাসেঞ্জার হঠাৎ ভূমধ্যসাগরের অতল জলে পড়িয়া গেলেন। হুঃখের কথা তন্মধ্যে সেই সন্দেহবাদী প্রফেসর মহাশয়ও ছিলেন। “ভগবান ত নাই—তবে এই ভীষণ বিপদ সময় সমুদ্র গর্ভ হইতে কে তোমার রক্ষা করিবে,” তেমন মুখের লোকেরা সমুদ্রের স্বাভাবিক অবস্থা হইলে নিশ্চয় তখন

তাহাকে ডাকিয়া জিজ্ঞাসা করিত ; কিন্তু সকলেই তখন আপনাপন প্রাণ লইয়া ব্যস্ত—কাহ্নেই এ প্রশ্ন উঠিল না।

সমুদ্রে ষত প্রচণ্ড ঝড়ই হউক না কেন আধুনিক জাহাজকে ডুবান বড় শক্ত ব্যাপার ; ফলতঃ হাজার গুণা হাঁবুড়ুবু ধাইয়াও জাহাজ ডুবিল না—কতগুলি যাত্রী অসাবধানতা বশতঃ জলে পড়িয়া কোথায় কোন্ দিকে পর্কত প্রমাণ চেউর মুখে ভাসিয়া গেল, নাবিকেরা (Officers) দূরবীক্ষণ দিয়াও সহসা ঠিক করিতে পারিলেন না। অবশেষে সমুদ্রের স্বাভাবিক ভাব হওয়ার পরে প্যাসেঞ্জার লিষ্ট ধরিয়া ঠিক করা গেল, পাঁচ জন লোক জলে পড়িয়াছে। তাহারা পড়িতে না পড়িতে life boa (লাইফ বোয়া) সমুদ্রে ছাড়িয়া দেওয়া হইয়াছিল যেন তাহারা সাতার না জানে, বা তাহারা সাতারে ক্লাস্ত হইয়া পড়ে, তাহারা তাহার উপর ভর করিয়া জীবন বাঁচাইতে পারে। কিন্তু তাহা কাহারো ভাগ্যে জুটিল—কাহারো ভাগ্যে আদৌ জুটিল না—কেহ স্রোতের মুখে দশ মাইল অন্তর ভাসিয়া গেল। কিন্তু দিবা ভাগে এই ঘটনা হওয়ার তবু অনেক চেষ্টায়—কাপ্তানের অক্লান্ত পরিশ্রমে চারিজনকে লাইফ বোট সাহায্যে সুদূর হইতে তুলিয়া আনিয়া তাহাদের প্রাণ বাঁচান গেল। সঙ্ঘ্যার অঙ্ককার ঘনাইয়া আসিল, কিন্তু আর একজনের কোন সন্ধানই পাওয়া গেল না। অবশেষে সকলেই প্রায় তাঁহার সম্বন্ধে নিরাশ হইয়া গেলেন—তিনি আমাদের সেই প্রফেসর !

প্রাণপণে কর্তব্য সাধন করিয়া কাপ্তান জাহাজ গন্তব্য পথে চালাইলেন, কিন্তু রাত্রি প্রায় ৮টার সময় সমুদ্রগর্ভে দেখিলেন একটা উজ্জ্বল আলো (flash light) জ্বলিতেছে। দেখিয়া স্থির করিলেন, তাঁহার (life boa) লাইফ বোয়া যুক্ত বাতি ছাড়া আর কিছু নহে, (আধুনিক বোয়াতে এক প্রকার টিনে বাতির বন্দোবস্ত থাকে, তাহাতে সজোরে ধাক্কা দিলে তাহা হইতে আলো নির্গত হইয়া সমুদ্রে ভাসিতে থাকে) কাপ্তানের তাহা দেখিয়া বুদ্ধিতে বিলম্ব হইল না, সেখানে সমুদ্রে পতিত কোন বিপদগ্রস্থ জীবন আছে। কাপ্তান দিক ফিরাইয়া সমুদ্রে সেই বোয়ার ভাসমান অর্ধমৃত মানুষকে আপনার জাহাজে তুলিলেন। কাপ্তান কিছুতেই মনে স্থান দিতে পারিলেন না—এই লোক তাঁহারই জাহাজের প্যাসেঞ্জার ; তাঁহার ধারণা এ লোক কোন জাহাজের যাত্রী। তাঁহার জাহাজের পতিত প্যাসেঞ্জারের এতদূরে জীবিতাবস্থায় ভাসিয়া আসা অসম্ভব।

অকিসারগণ কাণ্ডানের আজ্ঞাসারে খালসীদের দ্বারা বোয়া সংলগ্ন উদরে রাশিকৃত সমুদ্রের জলপূর্ণ, সেই অর্ধমৃত জীবনকে অতি যত্নে জাহাজের ডেকে তুলিলেন। জাহাজের ডাক্তার সাহেব তৎক্ষণাৎ তাঁহাকে জনতা হইতে পৃথক ক্যাবিনে লইয়া বাইয়া নানা প্রকার বৈজ্ঞানিক প্রক্রিয়াদ্বারা তাঁহার উদরস্থ জল নির্গত করিবার চেষ্টা করিলেন। প্রায় এক ঘণ্টা কাল তাঁহার কোন জ্ঞান ছিল না; তারপর যখন তিনি অর্ধফুটস্থরে ছ' এক কথা বলিতে আরম্ভ করিলেন, তখন তাঁহার সহযাত্রীরা (যাঁহাদের সঙ্গে কথোপকথন হইতেছিল) তাঁহাকে চিনিলেন যে তিনি সেই সন্দেহ বাদী প্রফেসর। প্রফেসরও তাঁহার সহযাত্রীদের চিনিয়া ধীরে ধীরে বলিলেন—My friends, let me tender my hearty thanks to God that He gave me an opportunity to be convinced of His greatness and omnipresence through this calamity that befell me quite unexpectedly and through Whose grace I have been saved. (বহুগণ, আজ আমি সর্কান্তঃকরণে ভগবানকে ধন্যবাদ দিতেছি যে, তিনি তাঁহার মহত্তা ও সর্বব্যাপকতা বুঝাইবার জন্য অভাবনীয় দুর্ঘটনার আমাকে কেলিয়াছিলেন—আবার তিনিই দয়া পরবশ হইয়া আমাকে বাঁচাইয়াছেন)।

“ত্রমণে জাতীয় জীবনের বিকাশ” সম্বন্ধে বারাস্তরে আলোচনা করিতে চেষ্টা করিব।

শ্রীনগেন্দ্রনাথ বসু।

কীর্তির ডাকাতি

(ছোট গল্প)

—:—

কীর্তি, আজ তোর ডাকাতির গল্প বস, চুণীদি, শুন্বে।

কীর্তি কহিল, রোজই তো বলি দিদি, শুনে তোদের ভয় লাগে না? আমার একটা নাতনী ছিল, সে তো শুন্তে শুন্তে আমার মুখে হাত চাপা দিয়ে আমার বুকে মুখ লুকুতো।

চুণীর বরস বছর বারো, সে একটু পিছু হটিয়া কহিল, আর শান্তি, ও গল্প আর শুন্বে না, তোর ছোট্ট ঠান্ডির কাছে বেজমা বেজমীর গল্প শুনিগে চল।

শান্তি ভয় পাইবার মেয়ে নয়, ঠাকুরমার কুলির আর রেজমা বেকমীর গল্পে তার অকুচি ধরিয়া গিয়াছে, তার চাইতে কীর্তির গল্পে বেশ মতনই আছে। আর এতো গল্প নয়, এ একেবারে সত্যি ঘটনা। কীর্তির অতীত জীবনের কাহিনী। শান্তি চুণীর হাত ধরিয়া টানিয়া কহিল, ভয় করছিঁসু কেন চুণীদি, কীর্তি ডাকাত হোলেও এখন তো আর ডাকাতি করে না, এখন ও খুব ভাল হয়েছে ও আমাদের কত ভালবাসে, ওরা যাদের বাড়ীতে একদিন হুন খায়, তাদের কণ্ঠনো অনিষ্ট করে না, না কীর্তি ?

কীর্তি নিঃশ্বাস ফেলিয়া হাতের চেটোয় তামাকুর পাতায় চুণ দিয়া বলিতে লাগিল। তাহার মনে হইল একদিন সে ঐ ডাকাতি করিয়াই পরম গৌরব অনুভব করিয়াছে, তাহার ভয়ে দেশের ধনী জমীদার সকলেই ভীত, ব্রহ্ম থাকিত, তাহার সাক্ষরদী কবিবার জন্ম দেশ বিদেশ হইতে কত লোক আসিয়া শরণাপন্ন হইত, অথচ আজ একটি বালিকার শক্তি ভীত ভাবে তাহার মনে আধাৎ করিল কেন ?

আট বছরের মেয়ে শান্তি, এই বিশাল বপু, সুদৃঢ় বক্ষঃ কৃষ্ণকায় লাঠিয়াল কীর্তিকে খুব ভালবাসিত। পুরাতন দস্যুর পাথরের কলিয়ার যে এই কুসুম সুকুমার বালিকাটির জন্ম একটি স্নেহের উৎস সৃষ্ট হয় নাই তাহাও বলিতে পারি না। শান্তি দেউড়ীর ভিতরে বেঞ্চিতে বসিয়া কহিল, শুনে নে চুণীদি, এমন মজার গল্প আর শুন্তে পাবি না, আমি তে রোজই শুনি। তোরা তো ৩দিন পরে চলে যাবি। বলনা কীর্তি—তোর গল্প আরম্ভ কর, চুণীদির শুন্তে খুব মন আছে, কেবল ভয় ভয় করছে।

মুখের মধ্যে দোক্তা পুরিয়া হাত ঝাড়িয়া ফেলিয়া ভূমি হইতে মোটা চক্চকে লাঠিটা তুলিয়া লইয়া কীর্তি কহিল, এই লাঠি আমার গুরু দেওয়া, এই লাঠি আমার চিরদিনের সাথী, এই হাতিয়ার নিয়ে কত দেশ বিদেশে ডাকাতি করে বেড়িয়েছি, কতজনার মাথা ফাটিয়েছি, পা ভেঙেছি, তারপর যখন আমার পৃথিবীতে আপনার বলতে আর কেউ রইল না তখনও এই লাঠিই আমার সঙ্গী—একে নিয়ে আবার তাদের হুমোরে চাকরী করতে এসেছি।

চুণীর ভয় ক্রমশ ভাঙিয়া আসিতেছিল, উৎসুক্যও বাড়িয়া চলিতেছিল, সে ধীরে ধীরে কহিল, তুমি ভারী নিষ্ঠুর ; মানুষের হাত পা মাথা ভাঙতে খতমার একটুও মনে ব্যাধা লাগতো না ?

কীর্ত্তি জীবৎ হাসিয়া কহিল, বড় বড় কুই কাতলা মাছ ছিপে উঠলে তোমাদের মন কত খুসী হয়, মনে ব্যথা লাগে কি ?

চুণী তাড়াতাড়ি কহিল, “বাঃ ওরা যে মাছ—খাবার জিনিষ।

কীর্ত্তি কহিল, তোমাদের দরকার পড়ে বলে ঐ বাহানা করুছ, আমাদের সেই রকম বাহানা য় নিষ্ঠুর কাজ গুলো অক্লেশে করুতে মনে ব্যথা লাগতো না। কিন্তু আমার এক মাতনী এসে সে সব গোলমাল করে দিলে। আবাগীর বেটা নিজেও বাঁচলো না, আমাকেও পথে বসিয়ে গেল।

শান্তি অসহিষ্ণু ভাবে কহিল, গোড়া থেকে বলনা কীর্ত্তি, তা না হোলে চুণী দি বুঝবে কি করে ?

ছোট বেলা থেকে খুব ডাকাবুকা হয়ে পড়ে ছিলাম। আমাদের গাঁয়ে তখন অনেক ঘর হিঁচ মুসলমানের বাস ছিল। মহরম আর কালী পূজোর সময় ভারী লাঠি খেলার ধুম হোতো, তিন বছর উপরি উপরি যে লাঠি খেলায় জিততে পারত, সে সবার বড় হোতো। আমি যখন লাঠি খেলায় কবারই জিততে পারলুম, আমার খুব কদর বাড়লো। তারপর সে অনেক কথা—তোরা অতো শুনে কি করুবি দিদি; আমি একজন পাকা ডাকাতি হোয়ে দাঁড়ালুম। দলের মধ্যে, আমার সবাই খুব মেনে চলতো। সর্দারও আমার খুব ভাল বাসত।

একবার একটা খুব বড় ডাকাতিতে সর্দারের হাতে একজন স্ত্রীলোক মারা পড়ে, সর্দার সেবার থেকে কেমন যেন হয়ে গেল, আর ডাকাতি করুতে যেতে চাইত না, আমাদের তখন যোগান বয়েস ঘরে বসে থাকতে ভাল লাগত না। বন জঙ্গল কোপের মধ্যে লুকিয়ে থেকে সময় বুঝে ডাকাতি করুতে যেতে খুব উৎসাহ বোধ হোতো। একবার একটা খুব দাঁও বুঝে আমরা সকলে গিয়ে সর্দারকে ডাকাতি করুতে যাবার জন্তে ধরলুম। সর্দার কিছুতেই রাজী হোলো না, অনেক পীড়াপীড়িতে বিরক্ত হয়ে বললে, ছাথ আর তোরা আমার বিরক্ত করিস না, আমি ও কাজ ছেড়ে দিলুম। যা রোজগার করিছি, ঐ রেখে যেতে পারলে সাত পুরুষ থাকবে। তোরা কীর্ত্তিকে সর্দার করে নে। কিন্তু একটা কথা মনে রাখিস, এ বড় পেছল রাস্তা, সামলে চলিস কোপ বুঝে কোপ মারিস, আর পুঁটি মাছের লোভ করিস না, বড়

কাংলা রুই যখন পারুবি ধরুবি, মেয়ে মানুষের গায়ে ধবরদার হাত দিস্ না, ছোট ছেলেপিলেদের মারিস্ না। আর একটা কথা, আপোষে দলের মধ্যে মিল রেখে চলুবি—বগড়া বাঁটি রাধালেই সর্বনাশ। এই বুড়ো সর্দারের শেষ কথা শুলো মনে রেখে কাজ করিস্। আমার কাছে আর কেউ আসিস্ না, আমি এখন বুড়ো বয়েসে হরি নাম করবো। অনেক পাপ করিছি, আর না।

গল্পের গতিকে বাধা দিয়া চুণী প্রশ্ন করিল, হ্যাঁ কীর্তি, পরের ধন কেড়ে নিলে পাপ হয়, এটা কি তোমাদের মাথায় আস্ত না?

কীর্তি কহিল, মাথায় এলেও সে কথা মান্ছে কে দিদি! এক রাজা যখন আর এক রাজ্যের প্রজাদের ধনে প্রাণে মেরে ফেলে রাজ্য কেড়ে নেয় তখন সেটাকে বলে যুদ্ধ জয়! আর আমরা যা করতুম তোরা তাকে বলুছিস্ ডাকাতি। যে যত যুদ্ধ কর্তে পারবে, যতগুলো মানুষ মারতে পারবে, তার খুব সুখ্যাতি হবে, সে বড় বীর বোলে, সবাই তাকে মানবে, তা তোরা আমার ডাকাত বলে স্বর্ণা করলেও দলের লোক আমায় খুব খাতির করত, তারপর শোন।

আমি বিয়ে থা করলুম্ আমার একটা মেয়ে হোলো। গাঁওে রাজমিস্ত্রীর কাজ করতুম, আমার বাবা খুব পাকা মিস্ত্রী ছিল। আমারও হাত খুব ভাল হোলো। আমার গাঁথনি সবাই পছন্দ করত, অনেকে আমার কাছে রাজমিস্ত্রীর কাজ শিখত। অনেক দূরে দূরে বড় বড় পাকা ইমারৎ মেরামত করিবার জন্তে আমার ডাক আসত।

আমি আবার কিছু কিছু ঝাড় ফুকও জানতুম, ছেলে বুড়ো কারো ওপর, ওপর নজর হোলো ভাল করে দিতুম, সবাই আমার মান্তও খুব। ভদর লোকের বাড়ীর গিল্লিরাও ছেলেদের অসুখ বিসুখ করলে আমাকে ডেকে নিয়ে গিয়ে ঝাড়তে বলতেন।

হুটো বড় বড় ডাকাতিতে গিয়ে প্রায় পঞ্চাশ বাট হাকার টাকা লুটে আনলুম্, আমরা গয়না পাতি আনতুম্ না, কেবল নগদ টাকা আর গিনি, মোহর এই সব আনতুম। আমার স্ত্রী বুদ্ধি ছিল ভারী ভালমানুষ আর বোকা, কাজেই তাকে কখনো কিছু বলতুম না, ডাকাতি কর্তে বাবার সময় বলতুম কাজে যাচ্ছি, যে দিন ফিরতুম, তাকে মদ খাইয়ে নেশায় ভোর কোরে রেখে তবে মাটি খুঁড়ে টাকা কড়ি পুঁতে রাখতুম। নিজেরা খুব বুকে চলতুম, পাছে কেউ সন্দেহ করে, সে জন্তে খুব ভাল খেতুম না ভাল পরতুম

না, মেয়েটাকে গরনা কাপড় বখন বা চাইত তাই দিতুম, সেটার নাম ছিল খুকনী, আমাকে ভারী ভাল বাসত তাকে ছেড়ে এদানীং বড় বেশী কোথাও থাকতে পারতুম না।

গর শুনিতে শুনিতে ডাকাতের প্রতি চুণীর বগই অশ্রদ্ধা ও ভয় বাড়িয়া চলিতেছিল, তাহার কৌতূহলও সেই পরিমাণ বাড়িতেছিল, ভয়ের স্বভাবই এই যে ভয়ানক বস্তুটিকে বার বার ফিরিয়া নিরিখ পরখ করা। চুণী আবার তাই প্রশ্ন করিল, পাড়ার লোকের বাড়ী সিঁদ দিতে না?

কীর্ত্তি অবজ্ঞার হাসি হাসিয়া কহিল, আমরা তো চোর নই যে সিঁদ দোবো। আমরা লুকিয়ে কোনো জিনিষ নিতুম না, আগে থাকতে চিঠি পাঠিয়ে তবে আমরা ডাকাতী করতে যেতুম। আমরা গাঁ বরে কখনো লুটপাট করতুম না, দূর দূরান্তরে ডাকাতি করতে যেতুম। যাদের সঙ্গে এক সঙ্গে বাস করি, হাসি কথা কই, উঠি বসি, তাদের কখনও সর্কনাশ করতে পারি? তবে এক জনের বাড়ী অনেক টাকা আছে ওন্লেই আমাদের লোভ হোতো। হুঁলাখ দশলাখ জমিয়ে রাখবে আর কেউ বা একটা টাকার মুখ দেখতে পাবে না, সে আমাদের বরদাস্ত হোতো না। অমনি সাঙ্গ গোঙ্গ করে লুটতে যেতুম। ফেরবার পথে হুহাতে বিলিয়েও কিছু দিতুম। আমার দলের কেউ কেউ আবার সেটা পছন্দ করতো না, তবে মুখ ফুটে আমায় কেউ কিছু বলতেও পারত না।

আমাদের গাঁয়ে মিস্তির বাবুরা আর বোস বাবুরা মামা ভাগ্নে সম্পর্ক ছিল। তাদের দুই দলে ভারী একটা আড়াআড়ি চলতো। সাম্না সাম্নি কেউ কিছু না কোরে আড়ালে আব্‌ডালে কত কেলেকারীই করতো। রাতের বেলা কেউ ওদের পুকুরে জল ফেলে মাছ ছেঁকে নিত। কেউ বা তার ওপোর রাস্তিরে একাটি গিয়ে তাদের পুকুরের জলে এমন জিনিষ ফেলে দিত যাতে তার পরদিন সমস্ত পুকুরের মাছ ভেসে উঠে খাবি খেতো। কেউবা ওর পুকুরের মুখ কেটে মাছ বের করে দিত, আবার কেউ বা তার শোধ নেবার জন্য ওপকের ধান জমীর বাধা আল ওলো রাস্তিরে সব কেটে দিয়ে জল বের কোরে ফসল যারবার চেঁটা করতো। হুঁ দলেই যাইনে করা সব লেঠেল ছিল। একবার খানিকটা ধান জমীর দখল নিয়ে কি লাঠালাঠিই না হোলো। ব্যাপার দেখে আমার হাসি আসতো। মনে মনে একটু সাধনাও পেতুম, ওদের চাইতে আমরা বেশী কিছু নীচু কাজ করিনা, আপন রক্তের সম্পর্কের

লোকের সঙ্গে তুচ্ছ স্বার্থ নিয়ে, লেখা পড়া জানা ভদ্র লোকেরা যদি এই কাণ্ড করছে, তখন আমরা যুধ খু ছোট লোক আর কত ভাল হব ?

আমাকে তো দু দল থেকেই লেঠেল রাখতে জেদ করেছিল। আমি কিন্তু কোনো দলেই যেঁিনি, একবার যখন দু দলে খুব লাঠালাঠি হচ্ছে শুনলুম, তখন আমার এই সর্দারের দেওয়া লাঠিটি নিয়ে গিয়ে হাজির হলুম, লাঠি লুফে নিয়ে বুক ঠুকে বললুম, তোরা দুই দলে লাঠি চালা, আমি মাঝখানে লাঠি চালাবো।

দুই দলে ভাল ঠুকে, বুক ফুলিয়ে লাঠি চালাতে শুরু করলে মাঝখানে দাঁড়িয়ে আমি লাঠি খেলা আরম্ভ করলুম। লাফিয়ে নেচে, ঘুরে ফিরে ডাইনে বায়ে এমন লাঠি শুরুতে আরম্ভ করলুম, যে আমার লাঠিকে ডিঙিয়ে কেউ কারো লাঠিকে মারতে পারলে না, অবাক হোয়ে সবাই আমার লাঠি খেলা দেখতে লাগল, বড় বড় লেঠেলরা লাঠি মাটিতে ফেলে, আমার সামনে জোড় হাত করে দাঁড়িয়ে বললে, সাবাস লাঠি ধরেছ কীর্তি, এমন লাঠি খেলা কখনও দেখিনি, তোমার সামনে লাঠি ধরে আমরা ছেলে খেলা করিছি। ছোট বড় সবাই বাহবা দিতে লাগল, কেউ কেউ বললে ও যে জাহু জানে, ওতো খেলার বাহাহুরী নয়, বাহুর ৩৭।

দু চারটে বড় বড় ডাকাতীর পর আর কোথাও যেতুম না। কিন্তু দলের লোকগুলো ছিল ছিনে জোক, ব্যাটারদের খাঁই আর কিছুতে মিটতে চাইত না। আমি যেতে না রাজী হওয়ায় তাদের মধ্যে দলাদলি শুরু হোলো। একদল আমাকে বাদ দিয়েই ডাকাতীতে যেতে চাইত আর একদল এগুতে চাইত না। আমার তখন সর্দারের কথা মনে হোলো। কিন্তু উপায় কি ? তারপর হঠাৎ শুনলুম, এক জারগার ডাকাতী করতে গিয়ে দু জন ধরা পড়ে গেছে। তাদের কপাল জোর ছিল, কি রকম কোরে খালাস পেয়ে গেল। তারপর হঠাৎ একদল আমার নামে পুলিশের কাছে বেনামীতে চিঠি দিতে শুরু করলে, পুলিশ হঠাৎ একদিন আমার বাড়ী খানাতরাসী করতে এলো, আমি আমার লাঠি নিয়ে যেমন দাঁড়ালুম, ৪।৫টা কনেষ্টবলই রণে ভঙ্গ দিলে, শুধু লাঠি হাতে কীর্তিরে ধরতে এমন বীর এখনও জন্মান নি। পাড়ার লোক স্বপ্নেও জানত না যে আমি ডাকাতের সর্দার, তারা আমার পক্ষ হোলো।

তারপর দিন তিন চার পরে একদিন সকালে পেট ভরে ভাঙ খেয়েছি, এমন সময়ে একটা লোক এসে দৌড়ে খবর দিলে, কীর্তি তোর ঘরে পুলিশ আসছে, সেদিন আমার কজীতে জোর ছিল না, লাঠি তুলতে পারলুম না, নইলে সব ব্যাটাকে এক হাত দেখে নিতুম। ব্যাটারা এসে আমার ঘরের মেঝে, রান্নাঘর, আঙ্গিনে খুঁড়ে একসা কোরে ফেললে, কিন্তু কিছুই কিছু সন্ধান পেলে না। আমি হাঁক দিয়ে বললুম, সব খুঁড়ে দেখো, কিন্তু আমার গাছ একটিও ঘেন নষ্ট না হয়, তা হোলেই মজা দেখাবো। বড় বড় বেগুণ গাছ গুলিতে দু'চারটে তখন বেগুণ ধরতে শুরু হয়েছে, তারই তিন হাত নীচুতে আমার সন্ধান পোঁতা ছিল। ব্যাটারা মুখ চূণ করে ফিরে গেল, বুধি তো রাস্তার দাঁড়িয়ে দু'ঘনকে লক্ষ্য কোরে গলাগালি শুরু করেছিল।

আমি তারপর দিন দলের লোকদের সন্ধানে গেলুম, তারা তো কেউ কবুল জায় না, তবে দেখলুম এ ওকে সন্দেহ কোরছে, এর আড়ালে এ ওর নাম কোরছে। আমি বললুম জাখ, একজন ধরা পড়লেই অপর জনেরও সন্ধান হবে, তারা নিজের বিপদ নিজেই ডাকুতে গেলি ক্যান ?

দু'দিন পরে ফিরে এসে দেখি, আমার ঘরের সামনে লোকে লোকারণ্য, আমার আঙ্গিনায় পুলিশ সাহেব নিজে এসে লোক লাগিয়ে ধোঁড়াচ্ছে, আমার বেগুণের গাছগুলো খুঁড়িয়ে একষড়া টাকা পেয়েছে, গাঁ উজাড় কোরে ছোট বড় সবাই ভিড় কোরে অবাক হোয়ে দেখছে। আমি হতভম্ব হোয়ে দাঁড়িয়ে রইলুম। বন্দুক নিয়ে চারজন লোক আমার ঘিরে ফেললে। সাহেব জিজ্ঞেস কোলে, তুমি ডাকাতী করো ? এতো টাকা তুমি কোথায় পেলে ? আমি বললুম, আমার কোনও কথা জিজ্ঞেস কোরো না। আমার নিয়ে যা খুসী করতে হয় কর। পাঁচ ষড়া টাকা বের কোরে আরও খুঁড়তে লাগলো। আর ছিল না, তা পাবে কি ? বুধি আর মেয়েটা আছাড় কাছাড় কোরে কাঁদতে লাগলো, আমার চোখ দিয়ে ঘেন আঁশুণ ছুটতে লাগলো। হাতে হাত কড়ি দিয়ে আমার ধানায় নিয়ে গেল।

জেলায় চালান কোরলে, উকীল কত জেদ কোরলে, ম্যাজিষ্ট্রেট কত কথা জিজ্ঞেস কোরলে, আমি সেই এক কথা বলে চললুম, আমি কিছু বোলবো না, তোমরা যা হয় আমার নিয়ে করো। দশ বছর জেল হোলো। দশ বছর জেলে পাথর ভাঙলুম। মেয়েটার মুখ মনে পড়ে বুকের কল্জে ঘেন জলে বেতো। এক একবার পালিয়ে যাব মনে করতুম, কিন্তু তা কয়লুম না।

পাপের শাস্তি দশবছরে যদি ক্ষমা হয় তা হোলে তাই হোক। মনকে প্রবোধ দিয়ে দশবছর পাথর ভাঙলুম।

জেলার সাহেবের ছোট ছোট ছেলে মেয়েগুলো খেলা কোরে বেড়াইত চেয়ে চেয়ে দেখতুম, মনে মনে ভাবতুম যদি আমি ওদের চাকর হোতে পেতুম। তা হোলে আশ মিটিয়ে ওদের ভালবাসতুম,—আদর স্বত্ব করতুম। মেয়ে গুলো আমার দিকে ঘেঁসতো না। সাহেবের একটি ছেলে ছিল—তার নাম টম। সে এক একবার চক্ষু বুজিয়ে আমার সামনে এসে দাঁড়িয়ে জিজ্ঞেস কোরতো, “তোম ডাকু হায়?” আমি বলতাম “আগে ছিলুম, এখন তো আমি ডাকু না, কয়েদী।” টম বোলতো: “তোম বদমাস হায়। রোজই সে আমার ঐ রকম দু একটা কথা বোলতো, আমার কাণে তাই মিষ্টি লাগতো।

ক্রমে দশবছর শেষ হোয়ে এল। আমি আশায় আশায় দিন গুণতে লাগলুম, দশবছরের পর মেয়েটি আমার কত বড় হোয়েছে। সে আমার আর চিনতে পারবে কি না, এই রকম কত কথাই মনে হোতে লাগলো, কিন্তু একবার এ কথা মনে হোলো না যে, সে বেঁচে আছে কি মরে গেছে।” হায় রে বাপ মার মায়া!

দশবছরের পর গাঁয়ে এসে দেখলুম আমার ঘর ভেঙ্গে চুরে মাটির টিপী পড়ে রয়েছে। বৃষ্টি মরে গেছে। যে মেয়েকে দেখবার জন্য ছুটে এলুম, সে বেটিও আমার ফাঁকী দিয়ে চোলে গেছে, তবে সবাই বোমতে লাগলো, সে রাতদিন আমার কথা বোলতো। তার ডাকাতি বাপকে আর সবাই বেন্না কোরলেও সে সদাসর্বদা বাপের নাম কোরতো, বাবা ফিরে এলে আবার বাবাকে দেখবে এই তার বড় আশা ছিল।

সে আমার জন্মে কিছু রেখে গেছে, সে কিছু কি? একটি বছর ছরেকের মেয়ে। পরাণ মোড়লের বাড়ীতে মেয়েটা আছে। তার মাকে তার বাপ ভাত দিত না। খুকনী গাঁয়ের লোকের ঘান ভেনে নিজের আর মেয়ের পেট চালাতো। মরবার সময় গাঁয়ের লোকের হাতে ধোরে বলেছিল, আমার মেয়েকে একমুঠো ভাত কেউ দিও, একটু বড় হোলে সে কাজ কোরে থাকবে, তিন্কে যেন কারু ছয়ারে করে না। তারপর ওর দাদা ফিরে এলে একটা কিছু গতি করবে।

আমার ছ চোখ দিয়ে জলের ধারা ছুটতে লাগলো, আমি পরাণ মোড়লের বাড়ী ছুটলুম। কানী (স্কুল বস্ত্র খণ্ড) পরে একটি মেয়ে নাচছয়ারে দাঁড়িয়ে যুড়ি খাচ্ছে। একি? ঠিক আমার সেই খুকনৌ। আমি দৌড়ে গিয়ে কোলে নিলুম মেয়েটা কিন্তু সচ্ছন্দে গলা জড়িয়ে ধরে বললে “তুমি দাদা”? তার মা তাকে দাদার কথা এমন কোরে রোজ শোনাতে, যাতে তার ছোট প্রাণটি তার দাদাকে চোখে না দেখলেও মনের মধ্যে চিনে রেখেছিল। আমি তাকে কত আদর করলুম, সে বারবার কোরে কেবল এই কথাটি বলতে লাগলো, আমায় ছেড়ে তুই আর যাস্নি দাদা।

ছোট খুকনৌকে নিয়ে আবার ঘরকন্না পেতে বসলুম, এতটুকু কচি মেয়ে একেবারে আমায় যেন শত পাকে জড়িয়ে ফেললে। সে বাঁধন কাটিয়ে এক পা নড়বার আমার ক্ষমতা রইল না। আবার রাজমঞ্জীর কাজ করতে লাগলুম। খুকনৌ আমার সঙ্গে মসলার পাত্তর নিয়ে ফিরতে লাগল। সন্ধ্যা হোলে ছজনে বাড়ী এসে রান্না কোরে খাই, খুকনৌ কুটনো কুটে দেয়, ঘর ঝাঁট দেয়, কত ভারীকী চালে কাজ করে, খেলুড়ী মেয়েরা ডাক্তরে এলে বলে, এখন কি আমি ঘর ছেড়ে যেতে পারি? রাত্রি বেলা খাওয়া দাওয়া হোলে সে আমার কোলে বোসে বলত, দাদা, তুই ডাকাতী করতিসু? কি করে বন্না, দাদা শুনি। তার আগ্রহে এক একদিন বলতে শুরু করতুম, সে কিন্তু শুন্তে না শুন্তেই ভয়ে আমার মুখে তার ছোট হাত চাপা দিয়ে আমার বুকে মুখ লুকুতো।

এমনি কোরে আমার দিন কাটতে লাগল। ছোট খুকনৌর বিয়ে দেবার জন্তে সবাই বলতে লাগল, আমি কিন্তু তাকে বিদেয় দিয়ে থাকতে পারব না, সে জন্তে সে কথা কাণে নিতুম না। বরং দেখে শুনে এর পরে, মা বাপ মরা একটা ছেলের সঙ্গে বিয়ে দিয়ে তাকে ঘর জামাই করে রাখব, এইটে মনে করতুম। খুকনৌকে বিদেয় দিলে আমার আর রইল কি? না, না, তাকে আমি প্রাণ ধরে পরের ঘরে যেতে দিতে পারুব না। কিন্তু আমার ভাগ্যে আমার শেষ বয়সের এ সুখটুকুও রইল না, তাই খুকনৌ আমার চারদিকে কুচি হাতে যে সব বাঁধন খুবই শক্ত করে বেঁধেছিল, নিজেই আবার সে বাঁধন কেটে দিয়ে কোথায় পালিয়ে গেল। আমার মুক্তি হোলো, জন্মের মতন ছুটি হোলো।

কীর্তির স্বর ধরিনা আসিয়াছিল, সে ধামিল। তাহার পাথরের মতন

চিত্ত্রব হইয়া নয়ন পথে অশ্রুধারা নামিল। চুনী ও শান্তি স্তব্ব হইয়া কীর্তির মুখের দিকে চাহিয়া ছিল। কীর্তির বেদনায় তাহাদের হৃদি কোমল প্রাণ সহানুভূতিতে পূর্ণ হইয়া উঠিতেছিল, তাহাদেরও চক্ষু অশ্রু বিন্দু টল টল করিতেছিল।

একটু পরে কীর্তি আবার আরম্ভ করিল। তারপর পাগলের মতন, হেথায় সেথায় ছুটে বেড়ানুম! লোকে আমার দিকে চেয়ে জিসারায় বলাবলি করত, দেখছ, হাতে হাতে কেমন পাপের শাস্তি, মাথার উপর ভগবান রয়েছেন। একি সহজ কথা!

আমার মনে হতো, ভগবান এক চোখো; নইলে কত জনা তো কত পাপ কোরেও কেমন সাত ব্যাটার বাপ হয়ে যুথ সম্মোগ করুছে, আমার বেলায় অমনি বুঝি জায় বিচার দেখান হোলো? কেন? আমি যুসু দিতে পারিনে বলে? বছর বছর মানসিক কোরে, জোড়া পাঁঠা, মোষ এ সব বলি দিতে পারি নি বলে? আচ্ছা এইবার তো আমার সব রকমে ফকীর করেছ, আর আমার কি কেড়ে নেবে? আবার দল বাঁধবো, আবার ডাকাতী কোরবো, কি করে আমার তোদের ভগবান হাতে হাতে আর জঙ্গ করেন, দেখব।

চির দিনের সাথী এই লাঠিটাকে হাতে নিয়ে পুরনোসঙ্গী সাথীদের খোঁজে বেরুনুম, কতজন মরে গেছে। সর্দার তখন খুব বুড়ো হয়েছে। কিন্তু কোনো অভাব নেই, নাতি পুতি নিয়ে সুখে স্বচ্ছন্দে শেষ বয়েসে হরিনাম করছে! বাই হোক তার সুখে আমি হিংসে করি না। শীগগীরই আবার আমার চারদিকে লোক জড় হয়ে উঠলো কিন্তু রাত্রি বেলা স্বপ্ন দেখনুম খুকনৌ এসেছে, যেমন তাকে কোলে নিতে যাব, সে ভয়ে সরে যাচ্ছে, আর বলছে তুই ডাকাত? না দাদা, তোর কোলে যেতে আমার ভয় লাগছে।

আমার মন বিগড়ে গেল, রাতারাতি দলের কাউকে কিছু না বলে সরে পড়লুম। এ-দেশ ও-দেশ ঘুরতে ঘুরতে শেষকালে তোদের ঘরে এসে চাকরী নিলুম। এই বেশ আছি দিদি, তোদের নিয়ে অনেকটা আরাম পাই। ভগবানের মর্জি তো বুঝতে পারলুম না, সে এক মহা খামখেয়ালী লোক, কিন্তু উপায় নেই, তার রাজস্বিতে সে যা করছে তার উপর কথা কইতে গেলে কোনো ফল নেই। যদি কখনও সাম্না সাম্নি হাতে পারি, তবে তাকে একবার জিজ্ঞেস করি, এ খামখেয়ালের অর্থ কি।

চুনী গম্ভীর ভাবে কহিল, তুমি তো খুব পাপ করেছ, মলে পরেও তাঁর দেখা তো পাবে না।

কীর্তি— লাঠিটা মাটিতে ঠুকিয়া কহিল “পেতেই হবে, সাধ্য কি তার, যে আমার লুকিয়ে থাকবে, আমি তাকে একবার ধরবই দিদি, তা বেঁচেই হোক আর মোরেই হোক। আমি পাপী হই, বাই হই, তারই হাতের গড়া তো বটে।

কীর্তির মুখে একটি দৃঢ় প্রতিজ্ঞার ভাব ফুটিয়া উঠিল। তখন সন্ধ্যা উত্তীর্ণ হইয়া গিয়াছে, আকাশের আঙ্গিনায় দেববালাদের পদ্মহস্তে শত শত মালিকের বাতি জ্বলিয়া উঠিয়া চারিদিকে স্নিগ্ধ দীপ্তি ছড়াইয়াছে। শরত লক্ষীর গলার শিউলী ফুলের মালার বাতাসে সন্ধ্যার বাতাস ভরিয়া উঠিয়াছে। চুনী ও শান্তির ভাব-নিমগ্নচিত্ত এই সময় বুড়ী ঝির ডাকে চমকিয়া উঠিল। বুড়ী ঝি বলিতেছিল, ওমা, দিদিমণিরা তোমরা সব এখানে। আমি সারা মূলুক খুঁজে বেড়াচ্ছি। এক গা গয়না পরে, ভর সন্ধ্যাবেলা দেউড়ীর দোরে বোসে কি হচ্ছে তা জানি নে। যে দিন কাল পড়েছে, হু হুবার বাড়ীতে চুরী হয়ে গেল। এস এখন, মা ঠাকরুণ ডাকাডাকি করছেন।

শান্তি ও চুনী উঠিয়া দাঁড়াইল যাইতে যাইতে শান্তি কহিল, আর আমাদের বাড়ী চোর ডাকাত কেউ মাথা গলাতে পারবে না তা জানিস্ চুনী দি? কীর্তি বলে, যে বাড়ীতে কীর্তি লেঠেল আছে, চোর কি ডাকাতরা শুমবে, তারা দশ কোশ দূর থেকে নমস্কার কোরে পালিয়ে যাবে, সে দিকে আর এগবে না।

শ্রীসরসীবালা বহু।

কুশদহর রক্ষার্থে অবতীর্ণ বাণী

যখন প্রাকৃতিক নিয়মে সৃষ্টির কোন অংশ ধ্বংসমুখে পতিত হয়, তখন তাহার রক্ষা মনুষ্য সাধ্যের যেন অনায়ত্ত্ব হইয়া দাঁড়ায়। কিন্তু যদি তাহার অস্তিত্বের প্রয়োজনভাব না হইয়া থাকে, তবে তাহার ক্ষয় নিবারণ অন্ত বাধিতা প্রেরিত প্রতিবিধান আসে। বিধাতার বিধান মানব-হস্ত-সিক্ত

কলের শ্রায় নহে—তাহা শ্রোতের আকারেই আসে। যেন সকলেরই অন্ত কলশালী হয়।

আমরা ম্যালেরিয়া প্রদীড়িত ক্লীষ্ট কুশদহবাসী মাঝেই কুশদহর পুনর্জীবন প্রাপ্তি সম্বন্ধে একরূপ নিরাশ হইয়া পড়িয়াছি। কুশদহ রক্ষার জন্য বিধাতা কোন বিধান ব্যবস্থা করিয়াছেন কি না, এত দিন আমরা তাহারও কোন অনুধাবন করিতে পারি নাই। কিন্তু আশ্চর্য্য তাঁহার লীলা রহস্য! যাই কুশদহ-বাসীগণ সমবেত ভাবে কুশদহ রক্ষার চিন্তায় মিলিত হইতে কেবল মাত্র সঙ্কল্প-বুক্ক হইয়াছেন, অমনি তাঁহার মৃত-সঞ্জীবনী-মন্ত্র প্রকাশ করিয়া ধংশমুখীন সম্ভান সম্ভতিগণের রক্ষার জন্য তিনি বহুপূর্ব হইতে যে ব্যবস্থা করিয়াছেন তাহার রহস্য ভেদ করিয়া তাঁহার সেই মহাবাণী শুনাইতে প্রবৃত্ত হইয়াছেন। তিনি গম্ভীর—সুমধুর স্বরে বলিতেছেন :—

“হে আমার কুশদহ-বাসী সম্ভানগণ, আমি তোমাদের রক্ষার জন্য বহু পূর্ব হইতে বিধান-ব্যবস্থা করিয়াছি, তোমরাও অনেকে তাহা অনুসরণ করিয়াই এখন পর্য্যন্ত তোমরা তোমাদের অস্তিত্ব রক্ষা করিয়াছ, কিন্তু তোমরা তাহা অনুধাবন করিতে পার নাই যে, তাহা আমারই ব্যবস্থা। এক্ষণে প্রকৃত প্রস্তাবে সজ্ঞানে-সচৈতন্যে তাহারই পূর্ণতা সাধন তোমাদের করিতে হইবে।”

“তোমরা যাহারা পূর্ব হইতে সপরিবারে কুশদহর বাস ছাড়িয়া বাহ্যকর স্থানে—সহরে, প্রবাসে আসিয়া, স্বাস্থ্যে, ধনে, বিদ্যায়, উন্নত হইয়াছ—হইতেছ, তাহারাই আপনাপন ব্যক্তিগত জীবন বাঁচাইয়া জনভূমির নাম রক্ষা করিয়াছ। আজ তোমরাও যদি ঐ স্থানে পড়িয়া থাকিতে তবে তোমাদের দশাও ঐ দেশবাসীর শ্রায় হইত না কি? অতএব এক্ষণে বাহাতে তোমাদের প্রতিবাসীগণ যাহারা এখনও ভাল স্থানে আসিয়া তোমাদের শ্রায় আত্মরক্ষা করিয়া উন্নত হইতে পারিতেছে না; পল্লীতেই দিনের পর দিন ম্যালেরিয়া ক্লীষ্ট দেহ লইয়া ধংশমুখে অগ্রসর হইতেছে, তজ্জন্য পরস্পর পরস্পরকে ভাল স্থানে আসিয়া বাস করিতে, উৎসাহিত এবং সাহায্য কর।”

“তোমরা যাহারা কল্পনা বশতঃ মনে করিতেছ, দেশ ছাড়িয়া যেন অন্তায় করিয়াছ, এবং তজ্জন্যই গ্রাম জনশূন্য ও শ্রীহীন হইয়াছে, কিন্তু তাহা নহে, উহা ভালই করিয়াছ, উহাতেই দেশ রক্ষা হইয়াছে।”

• • “দ্বিতীয় বাহারা একান্তই দেশ ছাড়িয়া আসিতে পারিতেছেন, তাহাদের

মঙ্গলের জন্ম এবং তোমাদের বংশাবলীর বর্তমান ও ভবিষ্যৎ মঙ্গলের জন্ম তোমাদের পল্লীর পরিত্যক্ত গৃহাবলী ও নিবিড় জঙ্গলাবৃত্ত বাগানগুলি পরিষ্কার কর। তাহাতে প্রাকৃতিক নিয়মেই নষ্ট স্বাস্থ্যের উদ্ধারের পথ পরিষ্কার হইবে। তোমাদেরও তাহাতে আবার দেশের প্রতি আকর্ষণ হইবে।”

“বাসস্থানের বাগানের সম্পূর্ণ আকার নূতন কর। নূতন স্থানে নূতন ফল-মূল্যাদিযুক্ত ক্ষেত্র কর। সাধ্যানুসারে সকলে তন্মধ্যে এক একটি পানীয় জলের ইঁদারা কিম্বা পুষ্করিণী কর।”

“তৃতীয় ; যাহারা দেশের কৃষক - যাহারা তোমাদের অন্ন যোগায়, তাহাদের প্রতিও ভালবাসার কাজ কর। প্রথমতঃ তাহাদের নিরক্ষরতা দূরের জন্ম গ্রামে গ্রামে—পাড়ায় পাড়ায় পাঠশালা (শিক্ষালয়) কর। তৎপরে অজ্ঞান কৰ্ত্তব্য সাধন করিতে চেষ্টা কর।”

“সমস্ত কুশদহবাসীর একতা স্থাপন দ্বারা এই সকল কার্য ও ভবিষ্যৎ বংশকে বলে ও চরিত্রে মানুষ্যত্বের পথে অগ্রসর হইবার জন্ম গঠন কর”।

“কুশদহ রক্ষার জন্ম ইহাই আমার আদেশ। ইহা ভিন্ন আর অন্য উপায় নাই জানিবে। ইহাই মূল ভাব জানিবে। বিশেষ বিশেষ ভাব সকলেই কার্যক্ষেত্রে আপনাপন হৃদয়ে উপদেশ প্রাপ্ত হইবে। মূল লক্ষ্য রাখিবে, দেশ রক্ষার জন্ম সকলে প্রেমে মিলিত হও। ব্যক্তিগত ভাবেও প্রত্যেকে সুখী ও পুষ্ট হইবে। এই সত্য তোমাদের মধ্যে প্রতিষ্ঠিত হইয়া, কেবল কুশদহবাসীর রক্ষার উপায় হইবে তাহা নহে, সকল পল্লীর রক্ষার্থেও এই প্রণালীই গৃহীত হইবে। এক্ষণে যাহারা এই সত্য গ্রহণ করিতে পারিবেনা—প্রতিবাদ, অবিশ্বাসও করিবে, তাহারাও পরে বুঝিতে পারিবে।”

ভগবদ্বাণী, মানবভাষার মধ্যদিয়া বর্ণিত হওয়ায় তাহাতে যে কোন অপূর্ণতা ক্রটি না থাকে তাহা নহে ; কিন্তু প্রত্যেকের অন্তরে তাহা পূর্ণতা লাভ করিয়া প্রকাশিত হইতে থাকে। আবার কালে মূলভাব হইতে মানববংশ যখন সরিয়া পড়িতে থাকে তখন তাহাতে বিকৃতি ঘটয়া থাকে।

বিবিধ সংগ্রহ ও মন্তব্য

—:০:—

জগদ্ব্যাপী শান্তি—মানবের আত্মাস্তিক “দুঃখ নিবৃত্তি” জ্ঞানে, ইহা আধ্যাত্মিক রাজ্যের ব্যাপার। সেই অবস্থা হইতে পৃথিবী এখনও বহু দূরে। তৎপরে মানবে মানবে প্রেমের সদ্ভাবেও এক প্রকার শান্তি রাজ্য আছে। বিবাদ বিদ্বেষ যুদ্ধবিগ্রহে এই রাজ্য ছিন্ন ভিন্ন হইয়া যায়। জগতের অষ্টা মঙ্গলময়। মানবের যত কিছু মানবীয় মনবৃত্তি আছে তদ্বারা মানব কখন সুখ কখন দুঃখ ভোগ করিতেছে, কিন্তু বিধাতা বাস্তবিক জীবনে বা সমষ্টিগত জীবনে সকল ঘটনার মধ্য হইতে জগতের মঙ্গল বিধান করিতেছেন। মানব পাপ করিয়া শান্তি পায় তাহা মঙ্গলের জ্ঞ। যাহা হউক এ সকল কথায় জন সাধারণের একপ্রকার মোটামুটী বিশ্বাস আছে। কিন্তু ভবিষ্যতে এই পৃথিবীতেই সমস্ত মানবের পক্ষে এক শান্তিরাজ্য আসিবে। এই সত্যে বোধ হয় জগতের সকল লোকের স্থির বিশ্বাস নাই। জাগতিক মানবের অবস্থা দেখিয়া এ প্রকার বিশ্বাস না থাকারও অবশ্য কারণ আছে। তবে মানব-চিত্ত স্বভাবতই বিশ্বাসী, আজ আমার যে বিশ্বাস নাই, কল্যা তাহা আসিতে পারে।

এই প্রলয়ঙ্করী যুদ্ধের শেষ ফল যে মঙ্গলে পরিণত হইবে, এ বিশ্বাসে কেবল সাধারণের মধ্যে নয়, অনেক জ্ঞানী বিদ্বান লোকের মনেও সন্দেহ আসিয়াছিল। ণ্ডায় সত্যের জয় হইবেই এ কথা মৌখিক স্বীকার করিয়াও ণ্ডায় সত্যের নির্বাচনে সকল মানুষের জ্ঞান বিশ্বাস সমান দেখা যায় না। মঙ্গলময় ঈশ্বরের স্বরূপে স্থির বিশ্বাস না থাকিলে সত্য দৃষ্টি লাভ করা যায় না। জগত-ব্যাপী মঙ্গলের রাজ্য আসিবে এ বিশ্বাসও বিধাতার মঙ্গল স্বরূপে বিশ্বাসের ফল মাত্র। মহাযুদ্ধে পৃথিবীর যত পাপ ক্রয় হইল, যত সত্যের দৃষ্টি জাগিল—তাহার একমাত্র কারণ বিধাতা মঙ্গলময়।

কৃতজ্ঞতা দান—জগতে ওতপ্রত ভাবে অবিরত বায়ু প্রবাহিত হইতেছে, কিন্তু মানুষ তজ্জন্ম চমকিত হয় না, চমকিত হয় তখন যখন প্রবল ঝটিকা প্রবাহ প্রবাহিত হইতে থাকে। মঙ্গলময় বিধাতা অবিরাম অশেষরূপে জীবের কল্যাণ বিধান করিতেছেন, কিন্তু অকৃতজ্ঞ মানুষ আমরা তাহা দেখি না। তবে যখন বিশেষ কোন অশুকল ঘটনা ঘটে, তখন হয় ত একটু আধটু অনুভব

করি। বিশ্বাসী ভক্তগণ ভগবানের করুণা অক্ষুণ্ণ অক্ষুব্ধ করিয়া কৃতজ্ঞতা রসে আপ্ত হন। সাধারণ মানুষ অজ্ঞানতা মোহ বশতঃ নিয়ত নিজ কামনা স্রোতে ভাসিয়া থাকে। কামনাই যে দুঃখের কারণ—যতদিন দিব্যজ্ঞানের সঞ্চারণ না হয়, ততদিন শতবার দুঃখ ভোগ করিয়াও সে কথা মানুষ বুঝিতে পারে না, তাই সংসার সর্বদাই দুঃখ ময় বোধ হয়। এই দুঃখ অশান্তি ভোগ করিতে করিতে ভগবানকে মঙ্গলময় বলিয়া বিশ্বাস করা অজ্ঞানী মানুষের পক্ষে কঠিন সমস্তার বিষয় হইয়া রহিয়াছে। কিন্তু জ্ঞানীর নিকট তাহা হয় না—মঙ্গল-দৃষ্টি মঙ্গলময় হইতে তাঁহারা লাভ করেন।

আজ যুদ্ধ নিবৃত্তিতে যে ঘটনা ঘটিল—পৃথিবী রক্ষা হইল—কখন কি হয় ভাবিয়া লোকের মনে যে আশঙ্কা ছিল—দিনের পর দিন নূতন নূতন হুঁতুক্য উপস্থিত হইতেছিল—সর্বোপরি রক্তস্রোতে ধরণী প্রাবিত হইতেছিল, তাহার নিবৃত্তি হইল। চারিবৎসর যুদ্ধে মানুষের মন কত কঠিন হইয়া গিয়াছিল, প্রতিদিন সহস্র সহস্র মানব-জীবনের ক্ষয়ে আমরা এতটুকুও যেন কষ্ট বোধ করিতাম না, কিন্তু আজ সহসা অভাবনীয় রূপে দান্তিকের পরাভব ঘটিল। চিন্তাশীল মানব-হৃদয় আরামের নিঃশ্বাস ফেলিয়া ভগবানের করুণা স্মরণ করিতেছেন, ঈশ্বর-বিশ্বাসী ভক্তগণ প্রাণ ভরিয়া ভগবানের শ্রীচরণে কৃতজ্ঞতা অর্পণ করিতেছেন, মাতৃভূমির সেবকগণ আশার চক্ষে ভবিষ্যৎ ভারতের উন্নতি বর্তমানেই বিশ্বাসচক্ষে দর্শন করিয়া আনন্দিত হইতেছেন। উদারহৃদয় মনীষীবৃন্দ ভবিষ্যৎ জগতে এক অভিনব সাম্রাজ্যের সূচনায় কত আশা করিতেছেন। ধন্য বিধাতার বিধান, আজ প্রাণ ভরিয়া তাঁহার চরণে কৃতজ্ঞতা দান করিয়া ধন্য হই।

কুশদহ-সমিতি

(প্রাণ)

(বস্ত্র বিতরণ কার্যবিবরণী)

এই দীর্ঘ অবকাশ কালে সমিতির কি কি কাজ হইল তাহা আনিবার জন্য সকলেই ব্যগ্র। ৬পূজার অবকাশে সমিতি বস্ত্র বিতরণ কার্যেই এক প্রকার ব্যাপ্ত ছিলেন। এই মহৎ কার্যে সমিতি যে হস্তক্ষেপ করিয়াছেন গত মাসের কার্য বিবরণী হইতে তাহার কিছু আভাস পাওয়া যায়। অতঃপর

সমিতি ভিকার কুলি করে ঘারে ঘারে ঘুরিয়াছেন। যে সকল মহানুভব ব্যক্তি এই বক্তৃতাগারে সাহায্য করিয়াছেন তন্মধ্যে খাঁটুরা নিবাসী পরজুঃখ কান্তর শ্রীবৃক্ষ সহায়নারায়ণ পাল মহাশয়ের নাম বিশেষ উল্লেখ যোগ্য। তাঁহারই উৎসাহে সমিতি এই কার্যে বিশেষ শক্তি লাভ করিয়াছে সন্দেহ নাই। তিনি এককালিন একশত টাকা বক্তৃতাগারে দান করিয়া গরীব মাতৃ জাতির লজ্জানিবারণ ক্রেশ দূরের কল্প যেটুকু চেষ্টা করিয়াছেন; তাহাতেই যে পরমমাতার আশীর্বাদ ভাঞ্জন হইয়াছেন তাহাতে আর কোন সন্দেহ নাই। এত অল্প সময়ের মধ্যে এরূপ দান সংগ্রহ হইবে তাহা অনেকেরই হৃদয় মনে হয় নাই; কারণ “শুভ যার ইচ্ছা, ঈশ্বর তার সহায়” এ কথা আমরা অনেক সময় ভুলিয়া যাই। আমরা স্বরূতজ্ঞ হৃদয়ে দাতৃগণের প্রতি নমস্কার জানাইয়া তাঁহাদের দান প্রাপ্তি স্বীকার করিতেছি।

নাম	নিবাস	কলিকাতার ঠিকানা	পরিমাণ
শ্রী কৈলাসচন্দ্র বসু	...	সুকিয়া ষ্ট্রীট	২৫১
শ্রী বাহাদুর হরিরাম গোএনকা	...	বড়বাজার	২৫১
শ্রীবৃক্ষ গোপালদাস চৌধুরী	...	দর্জিপাড়া	১৫১
„ নকরচন্দ্র নন্দী	...	„	১৫১
„ নরেন্দ্রনাথ পাল	...	সুকিয়া ষ্ট্রীট	২১
„ হৃদয়কৃষ্ণ দে বি, এ, (প্রফেসর)	...	মেট্রপলিটান কঃ	২১
নববিধান ব্রাহ্মসমাজ মাঃ শ্রীনাথ দত্ত	...	কলিকাতা	১০১
হাকিম মাসীহর রহমান সাহেব (বেগম বাহার)	হদয়পুর	চিংপুর রোড	৫১
শ্রীবৃক্ষ সহায়নারায়ণ পাল	খাঁটুরা	পটলডাঙ্গা	১০০১
ষ্টেট্ ৮ মহানন্দ পাল—			
মাঃ সুরেন্দ্রনাথ ও খগেন্দ্রনাথ পাল	„	আহিরিটোলা	২৫১
শ্রীবৃক্ষ কুশচন্দ্র ও অভূলচন্দ্র ভট্টাচার্য্য	„	বড়বাজার	১০১
„ মহামূল্য আশ	„	„	১০১
„ সুরেন্দ্রনাথ ভট্টাচার্য্য— (৮সারদাপ্রসাদ ভট্টাচার্য্যের পুত্র)	„	নন্দরাম সেনের গলি	২১
„ খগেন্দ্রনাথ পাল	হরদাদপুর	বাগবাজার	১০১
„ শিবদাস রক্ষিত	„	বড়বাজার	৫১

„ সুবোধচন্দ্র কুণ্ড	গোবরডাঙ্গা	রামবাগান	১০১
„ কুবুদবিহারী রায়	খাঁটুরা-‘মঙ্গলাগর’	কর্ণওয়ালিস্ ট্রীট	৫১
„ হুর্গীদাস বন্দ্যোপাধ্যায়	ইছাপুর	টালা	১০১
„ গিরীন্দ্রনাথ বন্দ্যোপাধ্যায় বি-এল	„	„	৫১
„ অমিনাশচন্দ্র চট্টোপাধ্যায়	„	„	২১
„ বতীন্দ্রমোহন মিত্র	নৈপুৰ	হেমকরের লেন	২১

স্বয়ংক্রমে সম্পাদক, বটকুঞ্চ বন্দ্যোপাধ্যায় প্রভৃতি সুবকগণ দ্বারা

কয়েকটি স্থল কলেজের আদার ১নং নং ৫নং বহি—

মোট—২২১৬০

৩১১৬০

ব্যয়

কাগজ খরিদ । ১০ হাত ৪৬ ইঞ্চি ২১ খান, ৮৪ খানা ৫৬০ হিঃ— ১২০১

খুতি ২ হাত ৩২ ইঞ্চি ৫০ কোড়া ৩৬০ হিঃ—১৬৫১১/০ মধ্যে ১৬৩১১/০

২৮০১১/০

গাড়ী ভাড়া ট্রাম ভাড়া ও কাগজ খাঁটুরার পাঠান লগেজ
যুটে ইত্যাদি খরচ

৩৬/১০

২২০১৬/১০

পুনরায় খরিদ

১২ খানা খুতি ও খান মোট—

১৪৬৬/০

ট্রাম ভাড়া—

১/১০

৩০৫১/০

মৌজুত—৬১/০ আনা সমিতির সম্পাদকের হস্তে সমিতির তহবিলে দেওয়া
হয় । ইহার মধ্যে বস্ত্র বিতরণের বিবরণী ছাপা হইবে এবং ডাক মাণ্ডল দিয়া
সকল সভ্য ও বস্ত্র-ভাণ্ডারে দাতৃগণের নিকট প্রেরিত হইবে ।

গোবরডাঙ্গা, হরদাদপুর, খাঁটুরা, আমদানি, ত্রিপুরা, দেওড়া, বেড়গুমা,
আনাগুলা, পায়রাগাছি, ধর্মপুর, ইছাপুর, উজ্জডাঙ্গা, বেলিনি মাঠকোমরা,
লোকপুল, ঘোষপুর প্রভৃতি ২১ খানি গ্রামে বস্ত্র বিতরণ করা হয় । অর্থ সংগ্রহ
হইতে, প্রত্যেক গ্রামের মধ্যে প্রকৃত বস্ত্রভাব প্রাপ্ত গৃহস্থদিগের তালিকা
সংগ্রহ এবং বস্ত্র খরিদ, বস্ত্র বিতরণ পর্যন্ত কার্যের সমস্ত ব্যবস্থা ও কার্য-
নির্বাহার্থে শ্রীযুক্ত সুরেন্দ্রনাথ গাল “বোগীন্দ্রনাথ কুণ্ড” “সুরেন্দ্রনাথ গাল,
“গণ্ডিরাম বন্দ্যোপাধ্যায়, “নীলাচল সুখোপাধ্যায়, “মিশিভূষণ সুখো-

পাঠায়, "হুর্গাদাস বন্দ্যোপাধ্যায় প্রভৃতি মহাশয়গণকে লইয়া একটি সাব কমিটি গঠিত হয়। এতদ্বারা স্থানীয় ব্যক্তি বিশেষের নিকটও পত্র লেখা হইয়া ছিল, তন্মধ্যে শ্রীযুক্ত হেমনাথ বন্দ্যোপাধ্যায় ধর্মপুর, আশুতোষ মুখোপাধ্যায় বেড়গুণ, তারকদাস বন্দ্যোপাধ্যায় বোমপুর, মহেশ্বরগণের নাম উল্লেখ যোগ্য। বঙ্গভাষার কোষাধ্যক্ষ উত্তমশীল, শ্রীযুক্ত সুরেন্দ্রনাথ পাল ও সমিতির চিরাঙ্গুণ্ড শ্রীযুক্ত যোগীন্দ্রনাথ কুণ্ড মহাশয় বঙ্গ ক্রেমে বিশেষ সহায়তা করিয়াছিলেন। এই মাহার্ঘ বাজারে তাঁহারা অনেক সুবিধায় কাপড় সংগ্রহ করিতে পারিয়া ছিলেন।

২৮শে আশ্বিন নবমী পূজার প্রাতে গৈপুর গ্রামে শ্রীযুক্ত পতিরাম বন্দ্যোপাধ্যায় মহাশয়ের বাটিতে সাবকমিটির এক অধিবেশন হয়। তাহাতে পূর্বোন্নিখিত ব্যক্তিগণের সংগৃহীত, অভাবগ্রস্তগণের নামের তালিকা নির্বাচনানুসারে মোট ১৮৪ খানা বস্ত্রের মধ্য হইতে ১৩৯ খানা কাপড় দেওয়া ধার্য হয়।

ঐ দিবস অপরাহ্নে শ্রীযুক্ত সুরেন্দ্র পাল শ্রীযুক্ত নীলাচল মুখোপাধ্যায় শ্রীযুক্ত যোগীন্দ্রনাথ কুণ্ড প্রভৃতি মহাশয়গণ ঝাঁটুরা অঞ্চলে ত্রিপুর দেওড়া প্রভৃতি গ্রামে বঙ্গ দিয়া মেদে হইতে নৌকা বোনে রাতে ঝাঁটুরায় আসেন। গৈপুর হইতে ঐ অঞ্চলের সমস্ত গ্রামের বঙ্গগুলি, তার প্রাপ্ত সত্যগণের দ্বারা বিতরণকার্য সম্পন্ন করা হয়।

এই কার্যে ঝাঁহার। স্বচক্ষে গৃহীতাদের শোচনীয় অবস্থা দেখিয়াছেন, তাহাদের প্রেরিত মন্তব্য পাঠ করিলে বঙ্গ বিতরণ কার্য কতদূর সাফল্য লাভ করিয়াছে তাহা হৃদয়ঙ্গম করিতে পারা যায়। ঐ সকল মন্তব্য স্বতন্ত্র মুদ্রিত বঙ্গ বিতরণ কার্যবিবরণীতে প্রকাশিত হইবে স্থির হইয়াছে।

অতঃপর বঙ্গ সাবকমিটির কলিকাতায় আর একটি অধিবেশন হয়, তাহাতে পুনরায় প্রাপ্ত নামের তালিকানুসারে উদ্ভূত ৪৫খানি ও মোড়ুত অর্ধ হইতে আরো ১২খানি বঙ্গ খরিদ করিয়া তালিকা প্রেরক মহাশয়গণের দ্বারা দেওয়ার সুব্যবস্থা করা হয়।

ত্রিগিরিলা নাথ মুখোপাধ্যায়
সহঃ সম্পাদক।

কুশদহ-পঞ্জী

শ্রীযুক্ত চারুচন্দ্র মুখোপাধ্যায় বি-এ

গৈপুর।

(চারু বাবুর সংগৃহীত পুঁথি হইতে লিখিত)

শ্রীহর্ষের উনিশ পুরুষের অধস্তন বিখ্যাত কামদেব পণ্ডিতের সন্তান এগার জন। এই ১১ জনের মধ্যে যদুসুদন আচার্য্যের দুই পুত্র—অনন্ত ও সন্তোষ। চুঁচড়ার বনামধন্য বিখ্যাত ভূদেব মুখোপাধ্যায় এই সন্তোষের ধারা হইতে উৎপন্ন। অনন্তের দুই পুত্র—শ্রীকান্ত বিদ্যানন্দ ও ভবানী বিজ্ঞানভার। শ্রীকান্তের ধারা এই কুশদহে দেখা যায়। শ্রীকান্তের সাত পুত্র। তন্মধ্যে তৃতীয় পুত্র রামচন্দ্র খুলনার অন্তর্গত হরিদাস গ্রাম হইতে গোবরডাঙ্গার আসিয়া বাস করেন। উক্ত রামচন্দ্রের তিনপুত্র কাশীধর, গোপাল (ভদ্র) ও গোবিন্দ। গোপালের পাঁচ পুত্র। ইঁহার দুই পুত্র গোবরডাঙ্গা হইতে নদিয়া জেলার অন্তর্গত রাণাঘাটের নিকট মধ্যমগ্রামে বসতি স্থাপন করেন। ইঁহারা উক্ত গ্রামের ও তন্নিকটবর্তী গ্রামের জমিদার। এই জমিদার বংশে গোপাল চন্দ্র মুখোপাধ্যায়ের দুই পুত্র, রুদ্র ও মহাদেব। এই রুদ্রের প্রপৌত্র শ্রীযুক্ত রামদাস মুখোপাধ্যায় মহাশয় বশোহর মাজিষ্ট্রেটের সেরিক্তাদার ছিলেন। পেন্সন লইয়া এক্ষণে চাঁচড়ার রাজষ্ট্রেটের ম্যানেজার। এই রামদাস মুখোপাধ্যায়ের পুত্র এবং মহানহোপাধ্যায় শ্রীযুক্ত হরপ্রসাদ শাস্ত্রীর জামাতা শ্রীমান শরৎচন্দ্র মুখোপাধ্যায় সবরেজিষ্টারি করেন। উপরোক্ত ভদ্র গোপালের ৫ পুত্রের মধ্যে তিন পুত্র গোবরডাঙ্গায় থাকেন। এই গোপালের পৌত্র বিনোদ বিজ্ঞানিবাস বিখ্যাত পণ্ডিত ছিলেন। এই বিজ্ঞানিবাসের ধারায় গোবরডাঙ্গায় রণরঘু, হরি ও নারায়ণ।

গোপালের ভ্রাতা কাশীধরের ১১ পুত্র। তন্মধ্যে অনেকেই নিঃসন্তান। কাশীধরের পুত্র খেলারামের তিন পুত্র—কন্দর্প বিজ্ঞাবাগীশ, সন্তোষ স্ত্রীমানকার ও প্রাণবল্লভ বিজ্ঞারত্ন। কন্দর্প বিজ্ঞাবাগীশের ও সন্তোষের সন্তানেরা ক্যাড়াগাছী ও কদমবেড়ের গিয়া বাস করেন। প্রাণবল্লভ বিজ্ঞারত্নের বংশ গোবরডাঙ্গায় থাকেন। এই বংশের বর্গীয় গোপালচন্দ্র মুখোপাধ্যায় বিখ্যাত ব্যবসায়ী ছিলেন। গোপাল মুখোপাধ্যায়ের পত্নী গৈপুরে ৮বেশী মাধব চট্টোপাধ্যায়ের কন্যা। গোপালের ভ্রাতা বহুর পুত্র মুখো

গোবরডাকার জনার্দন ভট্টাচার্যের জামাতা। বছর স্ত্রী পূজাপতি বংশীর নবীনচন্দ্র ভট্টাচার্যের কন্যা হাজরাদাসী দেবী। গোপালের দুই পুত্র শ্রীকালীপদ (সন্ত) ও শ্রীপ্রফুল্ল। কালীপদের (সন্তর) দুই বিবাহ। ১ম বিবাহ চাঁদায়, ২য় বিবাহ ষাটবামড় অবিলাশ বন্দ্যোপাধ্যায়ের কন্যার সহিত। প্রফুল্লের বিবাহ খাটুরায় শ্রীযুক্ত সনাতন ভট্টাচার্যের ভাই কির সহিত।

উপরোক্ত রামচন্দ্রের তৃতীয় পুত্র গোবিন্দের তিন পুত্র—রামবল্লভ, কৃষ্ণরাম ও রামনারায়ণ। রামবল্লভ কুশদহের বিখ্যাত কুলীনচাঁদ বন্দ্যোপাধ্যায়ের জ্যেষ্ঠা কন্যা জগদীশ্বরী দেবীকে বিবাহ করেন। এই চাঁদ বন্দ্যোর বংশ গৈপুুরের দক্ষিণ পাড়ায়, বশোহর জেলার সামন্ত গ্রামে ও খুলনা জেলার পির জঙ্গে দেখা যায়। উক্ত জগদীশ্বরীর রূপরাম ও বিকুরাম নামে দুই পুত্র ছিলেন।

রামবল্লভের ভ্রাতা রামনারায়ণের পুত্র নিধিরাম, ইছাপুরে রামজয় চৌধুরীর কন্যা ইন্দুমতীকে বিবাহ করেন। নিধিরামের পুত্র তারাচাঁদ, তারাচাঁদের পুত্র আনন্দচন্দ্র একজন বিখ্যাত পণ্ডিত ছিলেন। এবং গোবরডাকার জমিদার কালীপ্রসন্ন বাবুর সভাসদ ছিলেন। আনন্দের দুই পুত্র দীনবন্ধু ও দ্বারকানাথ। দ্বারকানাথের পুত্র স্বর্গীয় বেণীমাধব মুখোপাধ্যায় পোষ্টমাষ্টার ছিলেন। ইহার দুই বিবাহ। প্রথম বিবাহ গয়েশ পুরের কালীপদ চট্টোপাধ্যায়ের কন্যার সহিত। এই স্ত্রীর পুত্র শ্রীমন্নথনাথ মুখোপাধ্যায় গোবরডাকার জমিদার বাড়ীতে চাকরী করেন। দ্বিতীয় বিবাহ গৈপুুরে কালীপ্রসন্ন বন্দ্যোপাধ্যায়ের কন্যার সহিত। এই স্ত্রীর পুত্র শ্রীমান প্রমথ। ইনিও উক্ত জমিদারের সরকারে কাজ করেন।

রামবল্লভের ২য় ভ্রাতা কৃষ্ণরামের বংশাবলী গোবরডাকার ডাক্তার শ্রীযুক্ত কেশবচন্দ্র মুখোপাধ্যায় প্রবন্ধে উল্লেখ করা হইয়াছে।

জগদীশ্বরীর যে দুই পুত্রের কথা পূর্বে লিখিত হইয়াছে, তাঁহার জ্যেষ্ঠ পুত্র রূপরাম কুল ভঙ্গ করেন। এই রূপরামের তিন পুত্র কুপারাম, বলরাম ও রামেশ্বর। রূপরামের বিবাহ বেড়গুন্ডের বেগের গাঙ্গুলী প্রাণকৃষ্ণ গদ্যোপাধ্যায়ের কন্যার সহিত। প্রাণকৃষ্ণ নিজে মেজেলি রায়দের বাড়ী ভঙ্গ হন, তৎকালে স্বকৃতভঙ্গ লয়বংশীয় রামদেব বন্দ্যো ও মধু চট্টো বংশীয় রামানন্দ চট্টোর সহিত সংঘ হাপন করেন।

• • রূপরামের জ্যেষ্ঠ পুত্র কুপারামের দুই বিবাহ। ১ম বিবাহ টাকীর

চক্রবর্তী দিগের রাড়ীতে অলকামণির সহিত, ২য় বিবাহ গঙ্গাপার চট্টো বংশে।
কুপারামের ৭ পুত্র, ১ম নন্দকুমার ২য় রামমোহন, ৩য় রাজচন্দ্র ৪র্থ কুম্বমোহন,
৫ম রাজীবলোচন ৬ষ্ঠ নীলমণি ৭ম ঈশ্বরচন্দ্র।

১ম পুত্র নন্দকুমারের পৌত্র পণ্ডিত শ্রীযুক্ত বরদাকান্তের পরিচয় পূর্বে
প্রদত্ত হইয়াছে। রাজচন্দ্র, রামমোহন ও নীলমণি নিঃসন্তান ছিলেন।
৪র্থ পুত্র কুম্বমোহনের বিবাহ গৈপুরে ময় বন্দ্যো বংশীয় ৬কাশীনাথ বন্দ্যোর
কন্যা আলাকালী দেবীর সহিত হয়। ৩য় পুত্র ৬উমেশচন্দ্র। ইনি সাহিত্যিক
ছিলেন। ৬উমেশচন্দ্রের বিবাহ মদনপুরে হয়।

ইহার দুই পুত্র শ্রীধর্মীন্দর ও ৬হারামচন্দ্র। ধর্মীন্দর বাবু গোবরডাঙ্গার
মধ্যম সরকারের সুপারিন্টেন্ডেন্ট। ইহার বিবাহ বেড়গুমের কালীপদ
বন্দ্যোপাধ্যায়ের কন্যা শ্রীমতী শরৎকুমারী দেবীর সহিত। ৬হারামচন্দ্রের
বিবাহ চান্দকীতে হয়।

কুপারামের ৫ম পুত্র রাজীবলোচনের একমাত্র কন্যার বিবাহ খুলনা
জেলার অন্তর্গত শোভনাগ্রামের চট্টো বংশে হয়। রাজীবলোচনের
কৌহিন্দ্র ৬বিপিবহারী চট্টোপাধ্যায় পুলিশ ইন্সপেক্টর ছিলেন।

৭ম পুত্র ঈশ্বরচন্দ্র (চাক্রবাবুর পিতামহ) গোবরডাঙ্গা হইতে টাকী বাস
করেন। ইহার পত্নী গৈপুরে গঙ্গাগতি বংশীয় রাজনারায়ণ ভট্টাচার্য্যের কন্যা
মৃত্যুকালী দেবী। এই বিবাহের পর ইনি গৈপুরে আসিয়া বাস করেন। ইনি
বারাণসীর ম্যাজিষ্ট্রেট সাহেবের প্রাণ বাঁচাইয়া তাঁহার নিকট সম্মানিত হন।

ইহার দুই পুত্র—শরৎচন্দ্র ও প্রকাশচন্দ্র। শরৎচন্দ্রের পত্নী গৈপুরে
৬রামধন চট্টোপাধ্যায়ের কন্যা মৃত্যু লক্ষ্মীমণি দেবী।

প্রকাশের তিন বিবাহ, ১ম পত্নী ইছাপুরে ৬ইন্দ্রনারায়ণ বন্দ্যোপাধ্যায়ের
কন্যা মৃত্যু সন্নমণি দেবী। ২য় গৈপুরে ৬ হরনাথ বন্দ্যোপাধ্যায়ের কন্যা মৃত্যু
ক্ষেত্রমণি দেবী। ৩য় খুলনা বাকুইপাড়া গ্রামের ৬পিন্নারীমোহন বন্দ্যো-
পাধ্যায়ের কন্যার সহিত হয়। প্রকাশের একমাত্র কন্যা জ্ঞানদা সুন্দরী দেবী।

শরৎচন্দ্রের দুই পুত্র—শ্রীচাক্রচন্দ্র ও শ্রীহারিদাস। চাক্র বাবুর তিন বিবাহ—
১ম—পারমাজদিয়া নিবাসী ৬রাজকুম্ব বন্দ্যোপাধ্যায়ের প্রথম কন্যা
মৃত্যু প্রভাতকুমারী দেবী—

২য়—ধর্মপুর নিবাসী শরৎচন্দ্র বন্দ্যোপাধ্যায়ের ২য় কন্যা মৃত্যু
ওতাসিনী দেবী।

৩য়—বেড়গুৰ নিবাসী ৮হারাণচন্দ্র গঙ্গোপাধ্যায়ের ২য় কন্যা মৃত্যু সরলাবালা দেবী।

৩য় বিবাহের দুই পুত্র ও দুই কন্যা। পুত্র শ্রীমান কৃষ্ণচন্দ্র ও শ্রীমান সচ্চিদানন্দ। কন্যা শ্রীমতী পুষ্পবালা দেবীর বিবাহ ঘাটভোগ নিবাসী ৮পরেশনাথ চট্টোপাধ্যায়ের ৩য় পুত্র শ্রীমান গিরিজাপ্রসন্নের সহিত। ২য় কন্যা বীণাপানি (অবিবাহিতা) চারু বাবু বনগ্রাম হাই স্কুলের হেড মাষ্টার। তাঁহার প্রণীত “কালিদাস” পুস্তকে তাঁহার রচনার মাধুর্য প্রকাশিত আছে। হরিন্দাস বাবুর দুই বিবাহ।

১ম খাটুরা নিবাসী শ্রীকৃষ্ণচন্দ্র ভট্টাচার্যের ১ম কন্যা মৃত্যু মলিনা দেবী।

২য়—মদিয়া দেবগ্রাম হাটগাছা নিবাসী শ্রীবৃক্ষ রামকমল চট্টোপাধ্যায়ের ১ম কন্যা শ্রীমতী রাধারাণী দেবীর সহিত।

১ম স্ত্রী মলিনার দুই পুত্র—শ্রীমান নয়নানন্দ ও শ্রীমান জীবানন্দ। একটি কন্যা শ্রীমতি বিজনবাসিনী দেবীর বিবাহ বড়িবা নিবাসী ৮কেনারাম গঙ্গোর জ্যেষ্ঠ পুত্র শ্রীমান চণ্ডীচরণ গঙ্গোপাধ্যায়ের সহিত। ২য় পক্ষের স্ত্রী শ্রীমতী রাধারাণী দেবীর একটি পুত্র শ্রীমান রণজিৎ।

শ্রীপঞ্চানন চট্টোপাধ্যায়।

স্থানীয় বিষয় ও সংবাদ

—:0:—

এবার ইন্কুয়েন্স বা সমব-অয়ের প্রভাব খাটুরা, গোবরডাঙ্গা, গৈপুৰ, ইছাপুৰ প্রভৃতি কুশদহ অঞ্চলেও কম নহে। অনেক নরনারীর এই রোগে মৃত্যু হইয়াছে।

আমরা অন্ত্যস্ত ব্যথিত হৃদয়ে প্রকাশ করিতেছি যে, গৈপুৰ নিবাসী—রাঁচি প্রবাসী শ্রীবৃক্ষ প্রমথনাথ বসু মহাশয়ের দ্বিতীয় পুত্র অলোকনাথ, ২ দিনের অরে গত ২৩শে আশ্বিন বিজয়া দশমীর প্রাতে সাক্ষিতে মৃত্যু মুখে পতিত হইয়াছেন। অলোকনাথ টাটার লৌহখনির রাসায়নিক পরীক্ষক ছিলেন। তিনি বহু গুণাবিত অমায়িক যুবক ছিলেন। ডাক্তার শ্রীবৃক্ষ মুগেন্দ্রনাথ মিত্রের কন্যার সহিত অল্পকাল হইল বিবাহ হইয়াছিল, একটি মাত্র শিশু পুত্র জন্ম গ্রহণ করিয়াছে। বসু মহাশয়ের এই দারুণ শোকের সাহসনাবানী বেন আমাদের বচনাতীত বলিয়া মনে হইতেছে। বিশেষতঃ ইতিপূর্বে জ্যেষ্ঠ পুত্র ও জামাতা রজতনাথের শোকে তাঁহার হৃদয় জীর্ণ হইয়া রহিয়াছে। তবে তিনি জানী পুরুষ, মনে হয় কোন বকমে মনস্থির করিলেও করিতে পারিবেন, কিন্তু শোকাভুরা জননী এবং নবোঢ়া বধুমাতার কথা ভাবিলে বাস্তবিক হৃদয় আকুল হইয়া পড়ে। এক্ষণে আমাদের এইটুকু আশা যে, হৃৎকলসন্তানের প্রতি জনমীর তৃষ্টি যেমন সমোধিক—তদ্রূপ ভগ্নাত্মার প্রতি পরম জনমীর কৃপাও বেন অধিক। তিনিই সকলের প্রাণে সাহসনা হান করুন।

প্রবাদবাক্য আছে, “কালের প্রভাব মানুষ অতিক্রম করিতে পারে না।” কালের কোন প্রভাব আছে বলিয়া মনে হয় না, বংশ পরম্পরা মানব মনের চিন্তাপ্রবাহ—জ্ঞান, ভাব, আকাঙ্ক্ষা যোগে কালের গতি নির্ণয় হয় ; ফলতঃ মানবচিন্তাই কালের উপর প্রভাব বিস্তার করে, কাল তাহার সাক্ষী স্বরূপ। আমরা ৫০ বৎসর পূর্বে স্থানে স্থানে আমোদ প্রমোদ উদ্দেশ্যে ‘বারোইয়ারি’ দেখিয়াছি, কিন্তু গ্রামের দশজনে মিলিয়া দুর্গোৎসব করা তখন ছিল না। ইহা অল্পকাল হইতে আরম্ভ হইয়াছে। কুশদহে এই প্রণালীর পূজা এক আদ ধানি করিয়া বৃদ্ধি হইতেছে। গৈপুর, মাটকোমরা এইরূপ সম্মিলনী পূজা হয়। এবার গোবরডাঙ্গার ষটকপাড়ায় আর একধানি নূতন আরম্ভ হইয়াছে। বিবিধ উপলক্ষে ভারতবাসী—বঙ্গবাসী মিলিতভাবে যতই সকল কাজ করিতে চেষ্টা করেন ততই ভাল। তাছাড়া ঝাঁটুরা দুই দশ বাটী, রক্ষিত বাটী, গৌরীডাঙ্গার মধ্যম তরফ জমিদার বাটী ও গৈপুর শ্রীযুক্ত ব্রজকিশোর মিত্র মহাশয়ের বাটীতে শারদীয় দুর্গোৎসব হইয়াছিল, তবে ব্রজ বাবুর বাটীতে ধুম ধাম অপেক্ষাকৃত অধিক বলিয়াই বোধ হয়। ভগবানু করুন তাঁহার সৎকাজে প্রবৃত্তির অবস্থা দীর্ঘকাল স্থায়ী হউক।

আমরা দেখিয়া সুখী হইলাম যে, কুশদহ-সমিতি ক্ষুদ্র আয়োজনের মধ্যেও এবার পূজার অবকাশ কালে কুশদহর প্রায় ২১।২২ ধানি গ্রামে নিঃস্ব গৃহস্থ স্ত্রীলোকদিগের অল্প তিন শতাধিক টাকার বস্ত্র বিতরণ করিয়া দান কার্যে বিশেষ সফলতা লাভ করিয়াছেন। তন্মধ্যে গৈপুর গ্রামে শ্রীযুক্ত ব্রজকিশোর মিত্র মহাশয়ও অনেক বস্ত্র বিতরণ করিয়াছেন। আর গৈপুর নিবাসী কান্দীরের এসিঃ ইঞ্জিনিয়ার শ্রীযুক্ত পতিরাম চট্টোপাধ্যায় মহাশয় একশত টাকার বস্ত্র গ্রামবাসীদিগের মধ্যে বিতরণ অল্প টাকা পাঠাইয়াছিলেন। কান্দালের ঠাকুর—হুঃধীর বন্ধু ভগবান, দাতৃগণের অন্তরে আশীর্বাদের সুকোমল স্পর্শ দান করুন।

বিশেষ দ্রষ্টব্য :—পূজার অবকাশের পর ইন্সুরেন্স অর প্রভৃতি কারণে ছাপাখানার কার্য বন্ধ থাকায়, কম্পোজ করা কর্মা ছাপা হইতে পারে নাই, এই প্রেস-বিভ্রাটে পড়িয়া কার্তিক সংখ্যা বাহির হইতে অযথা বিলম্ব ঘটিল। সুতরাং বাধ্য হইয়া একত্রে অগ্রহায়ণ, পৌষ সংখ্যা “কুশদহ” ২০শে পৌষ লাগাত বাহির করিতে হইবে। তৎসত্ত্বে গ্রাহকগণ ব্যস্ত হইবেন না। অপর সংখ্যাগুলি ঠিক মত পাইবেন।

যোগীন্দ্রনাথ কুণ্ড দ্বারা কলিকাতা ১২১ নং লোয়ার সায়কুলার রোড উইল্কিন্স প্রেসে মুদ্রিত ও ২১।১ মুকিয়া স্ট্রীট হইতে প্রকাশিত।

কুশাধ

“জননী জন্মভূমিষ্ট স্বর্গাদপি গরীয়সী”

“সত্যম্ শিবম্ সুন্দরম্”
“তোমার অগতে প্রেম বিলাইব,
তোমারি কার্য্য বা সাধিব ”

দশম বর্ষ

অগ্রহায়ণ, পৌষ, ১৩২৫

৮ম, ৯ম, সংখ্যা

নূতন গান

(৭ই পৌষ “শান্তি নিকেতনে” গীত)

কেনরে এই ছয়ারটুকু পার হতে সংশয় !

জয় অজানার জয় ।

এই দিকে তোর ভরসা যত ঐ দিকে তোর ভয় !

জয় অজানার জয় ।

জানা শোনার বাসা বেঁধে, কাটল ত দিন হেসে কেঁদে,

এই কোণেতেই আনাগোনা নয় কিছুতেই নয় ।

জয় অজানার জয় ।

মরণকে তুই পর করেছিস্ ভাই,

জীবন যে তোর ভুচ্ছ হল তাই ।

ছ'দিন দিয়ে ঘেরা ঘরে, তাইতে যদি এতই ঘরে,

চিরদিনের আবাসখানা সেই কি শূন্যময় ?

জয় অজানার জয় ।

—রবীন্দ্রনাথ

সিদ্ধপুরুষ রাজা রামমোহন

—•—

(স্মৃতিসভায় কবিত্ত্বষণ যোগীন্দ্রনাথ বসু প্রদত্ত বক্তৃতার মর্ম)

বৎসরের পর বৎসর, এমনই দিনে, আমরা রাজা রামমোহন রায়ের প্রতি আমাদের সম্মান, শ্রদ্ধা ও কৃতজ্ঞতা প্রদর্শনের জন্য সম্মিলিত হই। তিনি এখন যে লোকে অবস্থিত সেখানে আমাদের এ প্রীতিপুষ্পাঞ্জলি গৃহীত হয় কিনা তাহা আমি বলিতে পারি না। তথাপি যে আমরা তাহা অর্পণ করি, তাহার একমাত্র কারণ রাজা রামমোহনের প্রতি আমাদের কর্তব্য সাধনের জন্য নয়, আমাদের নিজের প্রতি আমাদের যে কর্তব্য আছে তাহারও জন্য বটে। ভগবানের ভক্ত ও সেবকদের চিন্তায় আমরা কল্যাণ হয়। রামমোহন ভগবানের পরমভক্ত ও একনিষ্ঠ সেবক ছিলেন, সেইজন্য আমরা আরো বিশেষভাবে তাঁহার কথা স্মরণ করিতে আসিয়াছি।

তাঁহার জীবনচরিতে তাঁহার সম্বন্ধে যে সকল আখ্যান আছে, তাহার একটি এই যে, হুগলী জেলার অন্তর্গত কোন গ্রামে মদন কৰ্ম্মকার নামে এক ব্যক্তি বাস করিত। বুদ্ধিমান ও নিজের ব্যবসারে দক্ষ বলিয়া তাহার সূখ্যাতি ছিল। মদনের গৃহে রাজা রামমোহন রায়ের একখানি চিত্র লঙ্ঘিত ছিল। মদন প্রতিদিন রুদ্রাক্ষের মালা হস্তে লইয়া, ভূ-নত হইয়া, রাজাকে প্রণাম করিত। কেহ কারণ জিজ্ঞাসা করিলে মদন বলিত, রাজা রামমোহন রায় একজন সিদ্ধপুরুষ ছিলেন। মদন কিজন্য তাঁহাকে সিদ্ধপুরুষ বলিত, তাহা আমি জানি না। কিন্তু সিদ্ধপুরুষ সম্বন্ধে প্রচলিত যে সকল সংস্কার আছে রামমোহন রায় অবশ্য তাহার অন্তর্ভুক্ত ছিলেন না। সিদ্ধপুরুষ বলিলে লোকে তাঁহাদিগকে অলৌকিক শক্তিসম্পন্ন পুরুষ বুঝেন। তাঁহারা ইচ্ছা করিলে শূন্যে বিচরণ করিতে পারেন, জল ও অগ্নির স্বাভাবিক শক্তিকে নষ্ট করিতে—এমন কি, দেবদেবীগণেরও দর্শনলাভ করিতে পারেন।

কোন গ্রামে এক ব্রাহ্মণ ছিলেন। বৈরাগ্যবশতঃ সংসার ত্যাগ করিয়া স্মৃদীর্ষকাল তিনি নানা তীর্থে ও নানা সাধুজনের সহবাসে যাপন করিয়া গৃহে প্রত্যাগত হইলেন। তাঁহার অটাজুট মণ্ডিত, বিভূতিভূষিত মূর্তি দেখিয়া

গ্রামবাসিগণ তাঁহাকে সাক্ষাৎ রুদ্ধ বলিয়া বিশ্বাস করিলেন। তিনিও আপনাকে সিদ্ধপুরুষ বলিয়া ঘোষণা করিলেন এবং লোকের অনুরোধে আপনার অলৌকিক শক্তির প্রমাণ দিতে স্বীকৃত হইলেন। গ্রামের পাশে একটি নদী ছিল। বহুজনের সমক্ষে তিনি কাঠের পাত্ৰকা পরিধান করিয়া সেই নদীর উপর দিয়া গমন এবং প্রত্যাগমন করিলেন। তখন জয়নাদে আকাশ ধ্বনিত হইল। সিদ্ধপুরুষ সগর্বে বলিতে লাগিলেন যে, বহু কৃচ্ছ সাধন ব্যতীত কেহ এরূপ শক্তি লাভ করিতে পারেনা এবং কাঠের সাধনার ফলেই তিনি এই শক্তি লাভ করিয়াছেন। সকলেই একবাক্যে তাঁহার প্রশংসা করিতে লাগিল। কেবল একজন সরল কৃষক বলিল, “দাদাঠাকুর! দশ গণ্ডা কড়ি দিলে যে কার্খা (অর্থাৎ খেয়া নৌকায় নদী পার) হয়—তা’র জন্ত এই বারোবৎসর আপনি এত কষ্ট কল্লেন কেন?” এ প্রশ্নে সকলেই নিকৃষ্ট রহিলেন।

রামমোহন এ শ্রেণীর সিদ্ধপুরুষ ছিলেন না। তাঁহার সিদ্ধি সত্য অন্বেষণে, তাঁহার সিদ্ধি সত্যপ্রতিষ্ঠায়, তাঁহার সিদ্ধি সত্য-সন্তোষে। এই সত্য অন্বেষণে তিনি সংস্কৃত, আরবী, গ্রীক, হিব্রু প্রভৃতি বহু ভাষা শিক্ষা করিয়াছিলেন। এই সত্যঅন্বেষণে তরুণবয়সে, ব্যাঘ্রভয়ক-সঙ্কুল পথ দিয়া, তিব্বতে গমন করিয়াছিলেন। যখন তিনি সত্যলাভ করিলেন, তখন সেই সত্য প্রতিষ্ঠার জন্ত আপনার সর্বস্ব অর্পণ করিলেন। রাশি রাশি পুস্তক রচনা করিয়া, বহুব্যায়ে ছলভ পুস্তক সংগ্রহ ও অনুবাদ করিয়া এবং স্বয়ং যুদ্রা যন্ত্র স্থাপন করিয়া, তাহার সাহায্যে নিজের অর্জিত সত্য তিনি স্বদেশীয়গণের নিকট প্রচার করিতে প্রবৃত্ত হইলেন। ইহার জন্ত প্রকৃতই তাঁহাকে সর্বস্বাস্ত হইতে হইয়াছিল। কিন্তু তিনি তাহাতে লক্ষ্যপ করেন নাই। এই সত্য প্রচারের জন্ত তিনি যে কি লাঞ্ছনা, কি নির্ঘাতন ভোগ করিয়াছিলেন তাহা বর্ণনাকারী বুঝাইবার উপায় নাই। তাঁহার নাম হইয়াছিল ‘নগরাস্তে বাসী’—অর্থাৎ চণ্ডাল। তিনি সহমরণ নিবারণের বিষয় বুঝাইতে যাইয়া স্নেচ্ছ নামে অভিহিত হইয়াছিলেন। ইংলণ্ড গমনের পূর্বে লোকের সহিত সাক্ষাৎ করিতে গেলে, অনেকে দ্বার রুদ্ধ করিয়াছে। কিন্তু তিনি বিচলিত হন নাই। বীরের স্থায় অকুতোভয়ে দণ্ডায়মান ছিলেন।

রামমোহনের তৃতীয় সিদ্ধি সত্যসন্তোষে। তিনি কেবল পুস্তকার্জিত জ্ঞান লইয়াই তুষ্ট ছিলেন না; নিজের জীবনে তাহা কার্যে পরিণত করিয়া-

ছিলেন। এই অশ্রুই আমরা দেখিতে পাই তিনি স্থির, ধীর, অবিচলিত। কারণ, যিনি ভগবানকে হৃদয়ে ধারণা করিতে পারিয়াছেন, পৃথিবীর সুখ দুঃখ তাঁহাকে বিচলিত করিতে পারে না। ছোট বড় সকল কার্যেই রামমোহনের এই অবিচলিত ভাব লক্ষিত হইত। ইংলণ্ড গমনের সময় প্রবল ঝড়ে জাহাজের দ্রব্যাদি বিপর্যস্ত হইয়া গিয়াছে। তাঁহার বাসগৃহ জলপূর্ণ, দ্রব্যাদি সিক্ত, অপর যাত্রীরা স্বধন ব্যতিব্যস্ত, রামমোহন তখন অবিচলিত। তিনি কেমন ব্রহ্মজ্ঞানী, পরীক্ষার জন্য তাঁহার জ্যেষ্ঠ পুত্রের অলীক মৃত্যুসংবাদ তাঁহার নিকট প্রেরিত হইয়াছে। রামমোহন তখনও অবিচলিত। পত্র পাঠ করিয়া মূহূর্তমাত্র ক্ষুব্ধ হইয়াছিলেন; কিন্তু পরক্ষণেই যে কার্য করিতে-ছিলেন তাহাতে মনোনিবেশ করিলেন। অলীক সংবাদ-দাতৃগণ তাঁহার ব্যবহারে কাতরে স্তম্ভিত হইল। এই অশ্রুই গীতায় উক্ত হইয়াছে—

ইহৈব তৈর্জিতঃ স্বর্গঃ স্বেবাং সাম্যে স্থিতং মনঃ।

মনের এই সাম্যাবস্থা হইতেই তিনি সর্বদা ভগবৎসান্নিধ্যজনিত সুখ সন্তোষ করিতেন। কুমারী Hare লিখিয়া গিয়াছেন, whether sitting or riding he was frequently in prayer. এই নিত্য সান্নিধ্যসুখই প্রকৃত সিদ্ধি। এ যুগে যদি ভারতে কোন সর্বাঙ্গীণ সিদ্ধপুরুষ জন্মিয়া থাকেন তবে এক রাজা রামমোহন রায়। তাঁহার এই মৃত্যুবাসরে আমরা বিশেষভাবে তাঁহাকে স্মরণ করি এবং যে সত্যাস্থেষণ, সত্যপ্রতিষ্ঠা ও সত্যসন্তোষের জন্য তিনি জীবন উৎসর্গ করিয়াছিলেন, তাহার অমুখ্যানে কৃতার্থ হই। (তত্ত্বকৌমুদী)

প্রায়শ্চিত্ত

উনবিংশ

টেবিলের উপর বড় ফুলদানিতে, কয়েকটি বৃহৎ রক্তবর্ণের গোলাপ, দুই তিনটি কুঁড়ি ও বিলাতী ফার্ণ দ্বারা বাঁধা একটি সুন্দর তোড়া, স্বরখানি সুগন্ধে ভরিয়া তুলিয়াছিল। বিছানায় শুইয়া কক্ষলে দেহ ঢাকিয়া ললিতা একদৃষ্টে গোলাপ গুলির দিকে চাহিয়া কত কি ভাবিতেছিল। যে ভাবনা গুলাকে সে বার বার তাড়া দিয়া মনের ত্রিসীমানা হইতে দূর করিয়া দিয়াছে—গলা

টিপিয়া ঝারিয়া ফেলিতে চাহিয়াছে, সেই গুলাই এখন ঘুরিয়া ফিরিয়া তাহার মনের মধ্যে আসিয়া ছড়ামুড়ি বাধাইয়া একটা বিপ্লবের সৃষ্টি করিতেছিল। অনন্যোপায় হইয়া ললিতা ঐ গোলাপগুলির দিকে চাহিয়া ভাবিতেছিল, ঐ যে সুন্দর প্রফুল্লিত গোলাপ ফুল গুলি, যাহা প্রকৃতির মধো কত দন্দ বিরোধের মীমাংসা চিহ্ন প্রকৃতির বক্ষ শোণিতের আভার সমুজ্জল হইয়া গোপাল রূপে ফুটিয়া উঠিয়াছে, তাহারও বিক্ষিপ্ত, জয় পরাজয়ের দ্বন্দ্ব নিপীড়িতচিত্ত কি একদিন সকল ব্যথা—সকল কণ্টককে ধ্বংস করিয়া জয়ের সৌরভে ফুটিয়া উঠিবে না? হউক তাহা বক্ষের শোণিতে রক্ত বর্ণ, সেই তো তাহার সার্থকতার চিহ্ন! যাহাকে সে জীবন দেবতা, পতিরূপে গ্রহণ করিতে যাইতেছে, উহা তাহারই চরণতলে উপহার দিবার উপযুক্ত দান।

অস্বর্ধামী জানেন, ললিতা রতিকাস্তকে দ্বিতীষিকার ঞায় দেখিতেছিল। এতো দিনেও নবেন্দুর প্রতি স্বাভাবিক অনুরাগ তাহার না জন্মিলেও, আজকাল যেন রতিকাস্তকে দেখিয়া সে মনে মনে শিহরিয়া উঠিতেছিল। এবং শিশু যেমন ভয়ানক জন্তু দেখিলে ভীত হইয়া আত্মীয় স্বজনের বক্ষে মুখ লুকাইয়া নিজেকে নিরাপদ মনে করিতে চায়, আবার ক্ষণে ক্ষণে মুখ তুলিয়া সেই ভয়ানক বস্তুটির দর্শনাকাঙ্ক্ষাও ভাগ করিতে পারে না, তদ্রূপ ললিতাও রতিকাস্তর কণ্ঠস্বর শ্রবণে, রতিকাস্তর দর্শনে যতই চাঞ্চল্য অনুভব করিত, ততই সে নবেন্দুর সঙ্গ যেন প্রাণপণে আঁকড়িয়া ধরিয়া থাকিতে চাহিত, অথচ বিদ্রোহী মনকে কিছুতেই সম্পূর্ণ রূপে বশে আনিতে পারিতেছিল না, সে ঘুরিয়া ফিরিয়া নানাছলে সেই রতিকাস্তকেই স্মরণ করিতে চাহিত।

হঠাৎ অমিতার পিছনে রতিকাস্তকে দেখিবামাত্র, ললিতা চমকিয়া উঠিল। অজ্ঞাতপুলকে তাহার বক্ষের স্পন্দন দ্রুত হইয়া উঠিলেও, জোর করিয়া সে বিরক্ত হইয়া মনে মনে কহিল, একি উৎপাত—আমার ঘরে কেন?

অমিতা রতিকাস্তকে চেয়ার টানিয়া বসিতে দিল। রতিকাস্ত বসিয়া কোমল স্নেহপূর্ণ স্বরে ডাকিল, “ললিতা, কেমন আছ?”

রতিকাস্তরও স্বর যেন আবেগ ভরে কাঁপিতেছিল, তাহারও বক্ষের স্পন্দন সহজ ভাবে হইতেছিল না।

ললিতা ততক্ষণে প্রকৃতিস্থ হইয়াছিল। এ মধুর সামান্য একটা কুশল প্রশ্ন—এ স্নেহপূর্ণ আহ্বান সে যে কতদিন শোনে নাই; সে প্রশ্নে যে কতখানি

প্রাণভরা মেহ ভালবাসা প্রচ্ছন্ন আছে, তা কি তাহার অগোচর? ললিতা মুহূর্ত্তে কহিল, ভাল না।

রতিকান্তর মনে প্রশ্ন জাগিল, এ উত্তর কি শরীর মন উভয় সম্বন্ধেই? তারপর গৃহ নিস্তর, কারো কোন সাড়া শব্দ নাই, টেবিলের ক্লক ঘড়িটা কেবল টিক্ টিক্ করিয়া সে নিস্তরতাকে আঘাত করিতেছিল মাত্র। আরও কি কিছু বলিবার নাই? রতিকান্ত দেশ ভ্রমণে আসিয়া হঠাৎ অপ্রত্যাশিত ভাবেই ললিতাকে দেখিতে পাইয়াছিল, দুই একদিনে আবার সে চলিয়া যাইতেছে, ললিতার নিকট হইতে সম্ভবত এ চির বিদায় গ্রহণ। সুতরাং তাহাকে দেখিতে আসিয়া, বিদায় লইবার জ্ঞান মনের মধ্যে কি আজ পুঞ্জীভূত বাণী মুখ হইয়া উঠিতে চাহিতেছিল না? রুদ্ধ হৃদয় দ্বারে তাহারা কি সবলে নিষ্ফল আঘাত করিতেছিল না? রতিকান্তর হৃদয় কি কাতরকণ্ঠে কহিতেছিল না, “ওগো আমার চির মনোরমা হৃদয় লক্ষ্মী, ওগো আমার অন্তর শতদলবাসিনী প্রিয়তমা, আজ আমি তোমার কাছে বিদায় নিতে এসে, কায় মনো প্রাণে দেবতার চরণে তোমার চিরকল্যাণ প্রার্থনা করি, তুমি চির সুখিনী হও. হতভাগার স্মৃতি তোমার সংসারিক সুখ শাস্তিতে কখনও যেন কাঁটার মতো বিঁধে অশান্তির ব্যথা না জাগিয়ে তোলে।

কিন্তু মানুষ দেবতা নয় তার মনের বল যতই হউক, তাহার সীমা একটা আছেই, এ কথাগুলি ভাবিবার সময় রতিকান্তর সেই সঙ্গে সঙ্গে নিজের জীবনকে বড় নীরস, বড় উদাস মনে হইতেছিল, বিরাট শূন্যতার তাহা মন ভরিয়া উঠিতেছিল, যেন কোথাও কিছু আর অবলম্বন করিবার নাই।

এই সময় সে নিস্তরতাকে ভঙ্গ করিয়া চপলকণ্ঠে অমিতা কহিল, রতিবাবু যে একেবারে বাকশক্তিহীন হয়ে বোসে রইলেন। ছোট দি, শুনেছ নতুন খবর? আমাদের রতি বাবু বুড়ে যাচ্ছেন?

ললিতার কাণে কথাগুলো একেবারে সূচীর মত বিদ্ধ হইল, কিন্তু এ কি? যে রতিকান্তর সঙ্গ আজকাল তাহার নিকট বিভীষিকার গ্রায় মনে হয়, তাহার চলিয়া যাইবার সংবাদে তাহার মনে ব্যথা অনুভব হয় কেন? আর সে সংবাদ অমিতা তাহাকে শুনাইবারই বা প্রয়োজন কি? অমিতা কি রতিকান্তর সহিত পরামর্শ করিয়া ললিতার মনের ভাব যাচাই করিতে আসিয়াছে? ললিতার মুখ দিয়া বাহির হইয়া গেল, “সে খোঁজ আমি নিতে চাই না, আমার শোনাবার দরকার?”

ললিতার অস্বাভাবিক বিরক্তিপূর্ণ কণ্ঠস্বরে রতিকান্ত চমকিয়া উঠিল, এষে যুগা, এ তো তাচ্ছল্য, এ তো অবজ্ঞা? ললিতা কি মনে করিতেছে, আমি কোনো ছলনা করিয়া তাহাকে দেখিতে আসিয়াছি? ছি, ছি! মুহূর্ত্তে সে চেয়ার ছাড়িয়া উঠিয়া দাঁড়াইয়া ললিতাকে কহিল, কিছু মনে কোরো না ললিতা, আমি শুধু তোমাকে একবার দেখতে এসেছিলাম, এ ছাড়া আমার কোনো উদ্দেশ্য ছিল না।

অমিতা কহিল, “আপনি হঠাৎ ধড়মড়িয়ে উঠে দাঁড়ালেন কেন? দেখতে আসেন নি, খেতে এসেছেন? এমন কথা তো আমরা বলিনি, কি বলো ছোট দি?”

রতিকান্ত সে পরিহাস কানে না তুলিয়া কহিল, না অমিতা, আমি চল্লুখ। আমার সম্বন্ধে তোমরা আর বাই ভাব, আমাকে কিন্তু নিতান্ত নীচ হৃদয় মনে কোরো না। ক্রটি আমার যা হোয়ে থাকে, তার জন্যে ক্ষমা কোরো।

রতিকান্ত চলিয়া গেল। জ্যাঠাই মা ঘরে ঢুকিয়া কহিলেন, রতি কি চলে গেল-রে? ওরা না কি কা’ল চলে যাবে, আমি আজ একবার ওবেলার কমলার সঙ্গে দেখা করতে যাব বোলে দিছুম।

অমিতা কহিল, তা না বল্লেই বা কি হয়েছে গেলেই হবে। আমাকেও যা নিয়ে যেয়ো, আমিও কমলাদিদির সঙ্গে দেখা ক’রে আসবো।

জ্যাঠাই মা চলিয়া গেলেন। ললিতা শ্রান্ত ভাবে বিছানার শুইয়া পড়িয়া চক্ষু বুজিয়াছিল। অমিতা কিছুক্ষণ চুপ করিয়া থাকিয়া কহিল, ছোট দি, রতিবাবুর সম্বন্ধে ও রকম অগ্রাহ্য কোরে কথা বলাটা তোমার ভাল হয় নি, উনি মনে ব্যথা পেলেন—আর কি ভাববেন বলো দেখি।

ললিতার কাটা ঘায়ে যেন নূনের ছিটে পড়িল। ললিতা তীব্র কণ্ঠে কহিল, ভাবলে তো বয়ে গেল, আমাকে দেখতে আসতে তাকে কেই বা ডাক ছিল। আমার অসুখ তা তার কিসের মাথা ব্যাথা?

অমিতা রাগিয়া গেল। কহিল, তা তো বটেই, এত লোক যারা দেখতে আসে, তাদেরও তো কিছু মাথা ব্যথা পড়েনি তবে রতিকান্ত বেলাতেই দোষ হোল? নিজের মনের কোনে কালি জমা করেছ বোলে রতিবাবুর মনের মধ্যেও সেটা আছে তাই মনে করেছ, কি তীব্র অনুযোগ।

ললিতাও এ অপ্রত্যাশিত অনুযোগের তীব্র কষাঘাতে রাগিয়া আঙণ হইয়া, লেপ ফেলিয়া উঠিয়া বসিল, চোখ মুখ রাঙা করিয়া, বাঁজের

সহিত বলিল, বাড়াবাড়ি করিস্ নে অমিতা, আমাকে যা তা বলবার, তুই কে ?
তুই তোঁর রতিবাবুর মনের খবর হাতড়ে বেড়াগে যা।

অমিতা ললিতার রাগ দেখিয়া হাসিয়া ফেলিল। আন্তে আন্তে কহিল,
বাড়াবাড়ি তুইই করছিস্ ছোট দি ? শেষ পর্য্যন্ত মিল রাখতে পারলে হয়।
অই তোঁর মিষ্টার সরকার আসছে।

নবেন্দু ধরে ঢুকিয়া ললিতার দিকে চাহিয়া কহিল, এখন কেমন আছ ?

“সেই রকমই।” ছোট উত্তরটি দিয়াই সে আবার আপাদমস্তক কঙ্কল
মুড়িয়া গুইয়া পড়িয়া আদি অস্তহীন চিন্তা সমুদ্রে ঝাঁপ দিল। কুল কিনারা
পাইল কিনা কে জানে ?

বিংশ

বৃহৎ বটগাছের তলায় যেখানে লোহার পেরেক সাজান খাটের উপর অর্ধ-
শায়িত ভাবে, সাধুঙ্গী গম্ভীরভাবে হিন্দী ধর্মশাস্ত্র পাঠ করিতেছিলেন
সেখানে ছেলে বুড়া নরনারীর অভাব ছিল না। ভীষ্মের শরশয্যার ছোটরকম
সংস্করণ স্বরূপ এই কণ্টকশয্যায় শয়ান মহাপুরুষ যে একজন অলৌকিক
শক্তি সম্পন্ন, সে বিষয়ে কাহারও মনে সন্দেহ ছিল না। সকলেই ভক্তি-
বিহ্বলচিত্তে, সাধুবাবার চরণে যথাসাধ্য প্রণামী রাখিয়া প্রণাম
করিতেছিল। বিস্তৃত বিশ্বয় বিক্ষারিত নয়নে এ দৃশ্য দেখিতেছিল। প্রত্যহই
সে ঘুরিয়া ফিরিয়া নানা ব্যাপার দেখে, এবং সম্ভব অসম্ভব নানা প্রকার প্রশ্নে
হরদাদাকে ব্যতিব্যস্ত করিয়া তোলে ; কেন না তাহার প্রশ্নগুলিকে আর
কোন সহিষ্ণু শ্রোতা আমল দিতে চায় না। বালক তাহার এগারো বৎসর
বয়স নিজেদের ক্ষুদ্র পল্লীগামেই অতিবাহিত করিয়াছে এবং পল্লীস্থলভ অনেক
জ্ঞান সঞ্চয় করিতে সে ক্রটি করে নাই। সে জানিত তাহাদের পল্লীই বুঝি
পৃথিবীর মধ্যে সর্বোৎকৃষ্ট স্থান। ভূগোলে মানচিত্র দেখিয়া, ও কলিকাতা
নগরীর সম্বন্ধে অনেক আশ্চর্য্য গল্প শুনিয়া অবাক হইত বটে, কিন্তু তবু তাহার
মন যায় দিত না, যে এই চির পরিচিত ঘাট, মাঠ, পুকুর, রথতলা, হরিসভা
ছাড়া পৃথিবীতে আর কিছু মন জ্বলান জিনিষ থাকিতে পারে। বড় বড়
সহরের ধর বাড়ী, রাস্তা, জনতা, সম্বন্ধীয় বর্ণনাকে সেও অনেক রকম রঙের
ছোপ ধরাইয়া মনের মধ্যে সাজাইয়া রাখিয়াছিল, কিন্তু হঠাৎ এই সুদূর
পশ্চিমে আসিয়া, নানাদৃশ্য দেখিয়া বিপুল কোলাহল, লোক সমারোহের মধ্যে

সে একেবারে বিশ্বয় অভিভূত হইয়া পড়িয়াছিল। তাহাদের পরীটির বাহিরেও এতো বড় পৃথিবী, এতো কোলাহল, এতো বিশ্বয়, এতো আনন্দ আছে ইহা তাহার কাছে বড় কৌতুক জনক মনে হইত। আবার বাড়ী ফিরিবার সময় কাশী বেড়াইয়া যাওয়া হইবে, আবার একটি নূতন দেশ দেখা যাইবে, বাড়ী ফিরিয়া সে তাহার এই অত্যাশ্চর্য ভ্রমণ কাহিনীর খুঁটি নাটি বৃত্তান্ত ভুতো-ননেকে মহোৎসাহে শুনাইয়া তাহাদিগকে চমৎকৃত করিবার প্রলোভন মনের মধ্যে জমাইয়া রাখিতেছিল, কিন্তু এতো শীঘ্র এ ভ্রমণ শেষ করিবার তার আদৌ ইচ্ছা ছিল না। অধচ কা'লই তাহাদের যাইতে হইবে, মা পোঁটলা পুঁটলি বাধিয়া রাখিয়াছেন। হিন্দী ভাষা তাহার নিকট দুর্কোষ্য হইলেও সে ভাষা শুনিতে তাহার ভালই লাগিত, এবং ভাটা মানে বেগুন, কহুয়া মানে লাউ, তরোই মানে ঝিঙা প্রভৃতি হিন্দী বিশেষ্য গুলি সে এ কয়দিনে আয়ত্ত করিয়াছিল। বাড়ী গিয়া সকলকে সে তাহার হিন্দী ভাষার পাণ্ডিত্যের পরিচয় দিয়া চমৎকৃত করিবে সন্দেহ নাই। আর একটি মজার কথা সে সংগ্রহ করিয়াছিল। আগের দিন সকালবেলার পাণ্ডাদের একটি ছোট ছেলেকে বিন্দু একটি নাউ আনিবার জন্ত দাম জিজ্ঞাসা করার সে বলে “হু ডবল লাগবে মা-জী। বিন্দু দুটি পয়সা দিয়াছিলেন, কিছুক্ষণ পরে যে ‘নাউ’ আনিয়া উপস্থিত করিল, বিন্দু উহা দেখিয়া অবাক হইয়া গেলেন, কেন না সেটি খাণ্ড মোটেই নহে, বরং তাহাদেরই মতন একটি সজীব মানুষ, এবং বগলে কামাই-বার সরঞ্জাম। বিন্দু বিশ্বয় হইয়া যখন বকাবকি আরম্ভ করিলেন, বালকটি হতভম্ব হইয়া কহিল, “তুম তো মা-জী, দো ডবল দিয়া, হাম তো দো ডবল দেইকে নাউ লায়া—পুছো উস্কো।”

রতিকান্ত ও হরদাদা ব্যাপার শুনিয়া হাসিয়া অস্থির, আর বিগু তো একেবারে মাটিতে লুটোপুটি। সে সেই দিনই সেই কৌতুক কাহিনী অমিতাদের নিকট বলিবার জন্ত হরদাদাকে টানিয়া সেখানে লইয়া গিয়াছিল, এবং সে কাহিনী শুনিয়া শ্রোতারাগে অবশ্য সে হাসিতে যোগ দিয়াছিল, নহিলে বিগুর উৎসাহ জমিবে কেন? শুচিতা যখন জিজ্ঞাসা করিল, “বিগু, তুমি যে এতো হাসুছ তুমি বল দেখি নাউ মানে কি?” বিগু সগর্বে কহিল “কেন আমি কি জানিনা নাকি? নাউকে ওরা নাপিত বলে। আমি কি ওর মতন বোকা?”

কুটারের সম্মুখে বসিয়া তীর্থ যাত্রী স্ত্রীলোকের দল নিজেদের পুণ্যের হিসাব করিতেছিলেন, কোন তীর্থ ভ্রমণে কি কি ফল, এবং কার ভাগ্যে

কোন কোন তীর্থ দর্শনে সে ফল সঞ্চয় হইয়াছে, “পাপ যুখে বলিতে নাই” বলিয়া, সকলেই একে একে উহার তালিকা, তীর্থস্থানে সঞ্চয় ও সফল প্রভৃতির দ্বারা তীর্থের পাণ্ডা মহারাজের নিকট হইতে বৈতরণী পারের ছাড় পত্র কাহার কাহার অদৃষ্টে জুটিয়াছে, একে একে এই সকল আলোচনা করিতেছিলেন। ঘর বাড়ী আত্মীয় স্বজন ছাড়িয়া সুদূর প্রয়াগে কল্পবাসে একমাস কাটাইতে আসিয়া দিনের পর দিন মন কিরূপ উতলা হইয়া উঠিতেছে, কেহ বা ছেলের পত্রে, কেহ কন্টার, কেহ কোন আত্মীয়ের পত্রে তাঁহার অবর্তমানে কিরূপ সাংসারিক বিশৃঙ্খলা ঘটিতেছে সে কথাও বলিতে ছিলেন, অথচ মাস পূর্ণ না করিলে কল্পবাসের পুণ্য লাভ হইবে না সুতরাং এ কয়টা দিন না কাটাইলেই নয়, ইত্যাদি ইত্যাদি।

জ্যাঠাইমা অমিতাকে লইয়া কমলা ও বিন্দুর সঙ্গে সাক্ষাৎ করিতে আসিয়াছেন, তাঁহাদেরও এই রকম আলোচনা চলিতেছিল। “রাজা বামুকী”, “আলোপী মাই,” “ভরদ্বাজ আশ্রম,” “শিউ কোটা” প্রভৃতি দ্রষ্টব্য পুণ্য স্থানগুলিও সব দেখা হইয়াছে কি না, কোন স্থানের মাহাত্ম্য কিরূপ এই সম্বন্ধে টীকা টিপ্পনিও চলিতেছিল।

এই সকল ভাবনা চিন্তা, সম্ভবতঃ অল্প বয়সের অল্প রাখিয়া, বয়োধর্ম্মে যে চিন্তা—যে ভাবনা মানুষকে ব্যাধির আকারে পাইয়া বসে, অমিতা ও রতিকান্তর মধ্যে উহারই সমালোচনা কিছু তীব্র ভাবেই চলিতেছিল। গঙ্গার একটা বামুকাময় চরের উপর বেড়াইতে বেড়াইতে অমিতা কহিতেছিল, “আপনি বিশ্বাস করুন রতিবাবু, ছোটদি আপনাকে ইচ্ছে করে অপমান করেনি, বা আপনার সম্বন্ধে কোনো মন্দ ধারণা তার হয় নি। তাকে আমি আপনার চাইতে ভাল জানি, তার স্বভাব অত্যন্ত চাপা, কিন্তু আমাকে সে কিছু লুকোতে পারে না, তার মনের মধ্যে আজকাল যে সংগ্রাম চলছে, তার ফলে তার মাথার ঠিক নেই।

রতিকান্ত কহিল “না অমিতা, আমার অপমান বা অগ্রাহ্য করার কথা আমি তো বলছি না, তাতে কিছু এসে যায় না, আমিও মন প্রাপের সহিত ললিতার সাংসারিক জীবনের সুখ শান্তি কামনা করছি, কিন্তু ঐ যে তুমি সে সম্বন্ধে একটা ভুল ধারণা কোরে বোসে আছ, ওর একটা সংশোধন চাই?”

অমিতা কহিল, আবার আপনি আমার অবিশ্বাস কোরছেন রতিবাবু? ললিতা আপনাকে এখনও ভালো নি, বাইরের আড়ম্বর সে যতই করুক, মন

তার সেই পরিমাণে ফাঁকা। আপনাকে সে-ষে কোনো দিন ভুলতে পারবে, আমার তা মনে হয় না।”

এ সংবাদ সত্য হউক, অসত্য হউক, রতিকান্তের বুকের মধ্যে ছুর ছুর করিয়া উঠিল কেন? ওগো, স্বার্থত্যাগ, আত্মত্যাগ, প্রভৃতি বড় বড় কথা গুলার যতই চমকপ্রদ বিশেষণ থাকুক না কেন—উহার আদর্শ যতই মহান গৌরবময় হউক, এই মানুষের হৃদয় বলিয়া জিনিষটা যিনি গড়িয়াছেন, ইহার স্বাভাবিক ধর্মও কি তিনি গড়েন নাই? যাহাকে ভালবাসি, শ্রদ্ধা করি, যাহার সঙ্গ-সুখে এ জীবন সার্থক করিয়া তুলিতে চাই, তাহার প্রতি ভালবাসা, যদি অসুচিত, এমন কথা জানিতে পারি, তাহা স্বপ্নেও সে আমার ভালবাসে এ সংবাদে হৃদয়মধ্যে পুলক-কম্পন অনুভব করা কি অসম্ভব? রতিকান্ত কায় মনে ললিতার দাবী ত্যাগ করিলেও যেমন সে শুনিল “ললিতার হৃদয়ে আজও তার স্থান অটুট আছে, তার অস্তরের ছিন্ন বীণার তারে যেন কার কোমল অঙ্গুলীর তাড়না পড়িল, আর সেই মূহু ঝঙ্কারে তার সমস্ত মন প্রাণ চকিতে শিহরিয়া উঠিল।

রতিকান্তকে নীরব দেখিয়া অমিতা কহিল “কি ভাবছেন রতিবাবু, ভাবনার সমুদ্রে খেই না হারিয়ে দিক নির্ণয় করুন, জীবন তরীকে কিনারার দিকে ভিড়িয়ে নিয়ে চলুন, সূচতুর নাবিকের এই তো কাজ।” রতিকান্ত সে পরিহাসের উত্তর না দিয়া কহিল “আমি ভাবছি, ললিতার গার্হস্থ্য জীবন সুখের হবে কি না, আর নবেন্দু বেচারার জন্তেও আমার বড় দুঃখ হচ্ছে।”

ঈষৎ হাসিয়া অমিতা কহিল, “বিয়ে হোলে কর্তব্যের চাপে সব তখন ঠিক হোয়ে যাবে, ললিতাও তখন নিজেকে সামলে নিতে পারবে?”

সবিস্ময়ে রতিকান্ত কহিল “তোমরা স্ত্রী জাতি কি যাহু মন্ত্র জান? নিজের স্বভাব দু’ দিন পরে ইচ্ছে মত বদলে নিতে পার? কিম্বা ছলনার আবরণে নিজেকে অবহাঙ্গুয়ারী স্বভাবের পরিচয় দাও।

অমিতা এ শ্লেষবাক্যে বিচলিত হইল না, ধীরকণ্ঠে কহিল “তা পারতে হয় বৈকি? যখন পুঁথি, বিধি, বিধান, শাস্ত্র, মন্ত্র সব পুরুষের হাতে, তখন মেয়েদের ইচ্ছে কোরে ‘ডাইনী’ ‘মায়াবিনী’ সবই সাজতে হয়, রীতিমত সাজ সজ্জা কোরে অভিনয় পর্য্যন্ত করতে হয়, নইলে রজমঞ্চের ব্যাপারগুলো কেবল ট্র্যাজিডিই হোতো—সংসারে তাতে অশান্তিরও সীমা থাকত না।

কিছুক্ষণ উত্তয়েই নীরব, অমিতাই শেষে সে নীরবতাকে ভাঙ্গিয়া কহিল,

ভগবান আপনাদের অনেক ক্রমতা দিয়েছেন, শরীরে মনে কোথাও ক্রপণতা করেন নি, কিন্তু আর একটু দিলেই ভাল হতো, মেয়েদের বাহ্যিক ধরণ ধারণ, চলা ফেরা যেমন আপনাদের ঈদিতের বশ হয়ে গেছে, হৃদয় জ্বিনিসটাও যদি সেই রকম ঈদিতের বশ হোতে পারতো, তা হোলে আর কোনো গুণগোলের সৃষ্টি হোতে পারতো না—কি বলেন রতিবাবু ?

রতিকান্ত দুই বাহু বন্ধের উপর নিবদ্ধ করিয়া নতমুখে দাঁড়াইয়াছিল, হঠাৎ মুখ তুলিয়া উত্তেজিত ভাবে কহিল “কিন্তু, সত্যিই তোমরা যান্নাবিনী, নিজের মনের কথা খুলে বলতে তোমাদের এতটুকু সাহস নেই, প্রবঞ্চনা করতে তোমাদের এতটুকু বাধে না ? ষিক এ নারী জাতিকে ।”

অমিতা হো হো করিয়া হাসিয়া কহিল, “খায়ুন রতিবাবু, অত জোরে মেয়েদের ধিকার দেবেন না, তারা যদি অতোখানি moral courage দেখাতে যায়, তা হোলে পৃথিবী ওলোট পালট না হোক, সমাজের সনাতন বিধি ব্যবস্থা গুলো এখুনি ডিগবাজী খেতে আরম্ভ করবে, তার চাইতে তাদের অন্তরের তপ্ত খাসে, ভেতরটা যতখানি জ্বলে পুড়ে যাক, বাহিরটা যেন সেই ছলনার আবরণে বেশ শাস্ত্যাব ধারণ কোরে পৃথিবীর কাছে—সমাজের কাছে, আদর্শ রমণীর বাহবা নিতে পারে, তা হোলেই তাদের নারী জন্ম সার্থক হোয়ে উঠবে ।”

রতিকান্ত আবার বুকের উপর দুই বাহু নিবদ্ধ করিয়া, নতমুখে ধীরে ধীরে সেই বালুর চরে পায়চারী করিতে লাগিল । তারপর হঠাৎ সে খামিয়া অমিতার মুখের দিকে চাহিয়া প্রশ্ন করিল, “আচ্ছা অমিতা, একটা কথা ভিজ্জাসা করবো, সত্য উত্তর দিও, ললিতার caseএ তুমি যদি পড়তে কি করতে ?”

মুহু হাসিয়া অমিতা উত্তর দিল, আপনার কি মনে হয় ?

রতিকান্ত কহিল, আমার মনে হয়, তোমার সবাই প্রগল্ভাই বলুক, চঞ্চল স্বভাব বোলে অগ্রাহ্য করুক, কিন্তু তোমার মধ্যে সাহস আছে, তুমি কখনো এমন কোরে আত্মপ্রদঞ্চনা, এবং সঙ্গে সঙ্গে অপরকেও প্রতারণা করতে না, সত্যকে সাহসের সঙ্গে প্রকাশ কোরতে তোমার কোথাও বাধতো না, তার ফল যাই হোক ।

অমিতা কহিল, আমারও তাই মনে হয়, কিন্তু তবু সেটা জোরের সঙ্গে বলতে পারি না, যেহেতু কর্মক্ষেত্রে কি করতে পারতুম, তা সেই সর্বাঙ্গ্যামী ভগবানই জানেন । লোক নিন্দার রক্তাক্ত চক্ষুকে কতখানি অগ্রাহ্য করতে

পারতুম, তা সে অবস্থার বাইরে দাঁড়িয়ে বলা বড় কঠিন,—কেন না, আমাদের স্বভাব কত কালকার সংস্কার আর অভ্যাসে বিদখুটে রকমের এক ঘেঁষে হোয়ে গেছে। কিছুক্ষণ চুপ করিয়া থাকিয়া অমিতা আবার কহিল, কিন্তু রতিবাবু, একটা কথা আপনাকে না বোলে থাকতে পারছি না, আপনার একবার উচিৎ ছিল কাকামণির কাছে বিনাহের কথাটা পাড়া, কেন না আপনার সঙ্গে তো কথা একরকম পাকাপাকি হোয়ে ছিল।

রতিকান্ত বিস্মিতভাবে কহিল, তুমি একথা কেমন কোরে বলতে পারলে . . . অমিতা, তুমি কি তোমার কাকাবাবুর মন জান না? সব জেনে শুনে হাশ্চাঙ্গদ হবার জন্তে কেমন কোরে আমি মহেশ বাবুর কাছে এ প্রস্তাব করতে পারি? তা ছাড়া তুমি জান, তিনি ললিতার বিবাহে মোটা রকমের ষে ষৌভুকটা দিতে চেয়েছেন ওটাও আমার পক্ষে একটা মস্ত বাধা, উনি ভাববেন এরই লোভে ছোকরা সব জেনে শুনেও এতটা হীনতা স্বীকার কোরে এ প্রস্তাব করতে এসেছে।

অমিতার কিছুই অবিদিত নাই। পূর্বের সূর্য্য পশ্চিমে উদয় হইবার সম্ভাবনা থাকিলেও রতিকান্তকে কতটা দান করা মহেশবাবুর পক্ষে যে অসম্ভব তাহা সে বেশ বুঝিয়াছিল, তবু তাহার মুখ দিয়া কথাটা বাহির হইয়া পড়িল, সম্ভব অসম্ভবের দিক দিয়া কোন কথা আমাদের মন নিজের মধ্যে তোলাপাড়া করে না, আপনার খেয়ালে সে আপনি মশগুল! আর বাহিরে উহার আভাস প্রকাশ করা অবिवেচকের কাজ হইলেও কোন্ ফাঁকে যে উহার এক আধটু বাহির হইয়া পড়ে সেইটাই সব চাইতে মুন্সিলের কথা।

একবিংশ

সকালের আনন্দিক সারিয়া হরিনামের মালাটি কয়েকবার ঘুরাইয়া এবং মাথায় ঠেকাইয়া প্রণামান্তে বখাছানে মালা তুলিয়া রাখিয়া জ্যাঠাইমা কহিলেন “কি করছিস শুচি? কুটনোটা থাকোকে দিস্ নি না কি? অমিতা কি চা করছে না?

শুচিতা কহিল, না, তার আজ এই মাত্র ঘুম ভাঙলো, অমায় বোলে, চাটা করে দাও গে দিদি, তার বুঝি আজ মন ভাল নেই মা, রতি বাবুরা চলে যাবেন, তার জন্তে মন কেমন করছে।

জ্যাঠাই মার চক্ষে যেন সন্দেহের ছায়া ঘনাইয়া আসিল, শুচিতাকে

ডাকিয়া আন্তে আন্তে কহিলেন, হ্যাঁরে শুচি, বলি অমিতার সঙ্গে রতির বিয়ে হোলে বেশ হোতো না কি ?

শুচিতা আশ্চর্য হইয়া কহিল, “সে কি মা ? কাকাবাবু তা দেবেন কেন ? আর তা ছাড়া রতিবাবুর সঙ্গে অমিতার অন্য রকম ভাব, ওদের মধ্যে স্বামী স্ত্রীর সম্বন্ধ আসতেই পারে না ।

জ্যাঠাই মা রাগিয়া কহিলেন, তোদের সব ভাব অভাব অতো বুঝি না, ধস্তি কলিকালের মেয়েগুলো, আর এই বুড়ো বয়স পর্য্যন্ত বিয়ে হবার নাম নেই, সতেরো আঠারো বছরের ধিকী হয়ে পছন্দ অপছন্দের হরেক রকম বুঝি হুটবে না তো কি ?

শুচিতা অপ্রতিভ হইয়া কহিল, রাগ করছো কেন মা ? রতি বাবু ললিতাকেই বরাবর ভালবাসতেন ।

জ্যাঠাই মা বাধা দিয়া কহিলেন, বাসতো তো কি হয়েছে ? এক সময় রতির ওপর ললিতার মন পড়েছিল, তা বলে এখন কি আর নবেন্দুকে বিয়ে করবে না, না ভালবাসবে না ? সেও পুরুষবাটাচ্ছেলে কি আইবুড়ো থাকবে ? তোর কাকাবাবুর সবেতেই বাড়াবাড়ি ! রতির কাছে কি নবেন্দু ? ছেলেতো নয় হীরের টুকরো—অমন জামাই কি আমার ভাগ্যে আছে ?

শুচিতা মাতাকে আর কিছু বলিতে সাহস করিল না, চায়ের জল লইয়া চলিয়া গেল, জ্যাঠাই মা মনে মনে ভাবিতে লাগিলেন, বুদ্ধি করিয়া রতিকে কি কমলাকে একবার এ সম্বন্ধে কিছু বলিলেন না কেন, অমিতা ললিতার চাইতে পাঁচ মাসের ছোট বই তো নয়, চেহারায় বরং তাহাকেই বড় দেখায় । হটুক অমিতা শ্রামবর্ণ, তাহার মুখের গঠন ও চুলের বাহারে সে শ্রামবর্ণকে এমন একটি সুন্দর স্ত্রী দান করিয়াছে, বাহা অনন্ত দুর্লভ ।

শুচিতা টেবিলে চায়ের সরঞ্জাম গুছাইয়া রাখিতেছে, নবেন্দু জিজ্ঞাসা করিল, অমিতার আজ বদলী হোয়েছে না কি ?

অমিতা তখন আলনার কাকামণির কাপড়গুলি গুছাইয়া রাখিতেছিল । শুচিতা বক্রদৃষ্টে অমিতার দিকে চাহিয়া কহিল, ওর আজ মন ভাল নেই ।

নবেন্দু যে পর্য্যন্ত ইহাদের সংস্রবে আসিয়াছে, অমিতার সহিত গল্পে, গানে, তাহা একরকম বেশ আমোদ অমুভব করিত, শুচিতাও ইহাতে যোগদিত, ললিতা অবশ্য একটু আড়ালেই থাকিত, কিন্তু রতিকান্তর আকস্মিক আবির্ভাব হইবার পর অমিতার যেন আর নাগাল পাওয়া যাইত না, নবেন্দু

অমিতার এ পক্ষপাতীয়ে ক্ষুধ হইয়াছিল, এবং সুযোগ বুঝিয়া তাহাকে এক আধটু পরিহাস করিতেও ছাড়িত না, আজ শুচিতার মুখের কথাটি লুফিয়া লইয়া নবেন্দু কহিল, কি অমিতা, তোমার আবার মনের কি ব্যাধি হোলো? ডাক্তার ডাক্তারে হবে না কি?

অমিতা বিরক্ত ভাবে কহিল, আমার আর কি চিকিৎসা করবেন, মনে রাখবেন Physician heal thy self.

নবেন্দু খোঁচা ধাইয়া বলিয়া বসিল, “না হয় রতিবাবুকেই খবর দিই।

অমিতা রাগিয়া কহিল, নবেন্দু বাবু, এ রকম পরিহাস গুলো আমাকে কোরবেন না, আরও ছু একদিন আপনি করেছেন, আমি হেসে উড়িয়ে দিয়েছি, কিন্তু আজ আপনি কেনে রাখুন, রতিবাবু আপনাদের পরিহাসের যোগ্য নন, তাঁর স্থান অনেক উঁচুতে, আর আমি তাঁকে অত্যন্ত শ্রদ্ধাও করে থাকি, আর সে শ্রদ্ধা, প্রণয়ের নামাস্তর নয় তাও শুনে রাখুন।”

নবেন্দুকে রতিকান্তর অপেক্ষা এতোখানি হেয় জ্ঞান করায় নবেন্দুরও রাগ হইল, সে কহিল, তাই তোমার শ্রদ্ধার পাত্র ছু বছর জেল খেটে কপালে এমন দাগ নিয়ে এসেছে যে, উদ্ভলোকেরা তার ত্রিসীমানার আসিতে সঙ্কুচিত হয়।”

এ অপ্রিয় প্রসঙ্গে শুচিতাও চঞ্চল হইয়া উঠিল, অমিতার স্বভাবও তাহার জানা আছে, সে তাড়াতাড়ি কহিল, কি ছেলেমানষী করিস্ অমিতা, একটু ঠাট্টাও যে সহিতে পারিস্ না।

অমিতা কহিল, ঠাট্টার একটা রকমারী আছে, তা ছাড়া, রতিবাবুর চরিত্রের দোষ, দুর্বলতার আলোচনা যারা করতে যায়, তারা আগে যেন তাঁর সদৃশের অধিকারী হোতে চেষ্টা করে।

মহেশ বাবু ঘরে ঢুকিয়া অমিতার উত্তেজনাপূর্ণ মুখের দিকে লক্ষ্য না করিয়াই কহিলেন, খুকী তুই এখনো গরম জামা গায়ে দিস্ নি? তোদের আমি আর পারি না, ঐ একজন ভুগছে। নিজের দোষে তোরা ভুগতে ছাড়বি না আর সবাইকেও ভোগাতে থাকবি। রাগের সময়ও অমিতার হাসি আসিল, যেহেতু ঠাট্টা লাগিয়া অসুখ হওয়া তাহার কপালে যে কোনো দিন ঘটিয়াছে এমনতো মনে হয় না। তা ছাড়া আর একটা কথা তার মনে হইল কাকাবাবু মেয়েদের শরীরের দিকে সর্বদা যেমন প্রথমে দৃষ্টি রাখেন মনের দিকে যদি তার এতটুকুও রাখতে পারিতেন।

দ্বাবিংশ

নব-বসন্ত সমাগমে, প্রকৃতির মধ্যে এক বিরাট সাজ-সজ্জার ধুম পড়িয়া গিয়াছে। বসন্তের আগমন বার্তা সবুজ পত্রে লিখিয়া কে যেন গাছে গাছে লাগাইয়া দিয়াছে। শীতক্লিষ্ট নর নারীর মুখে আবার নবশ্রী ফুটিয়া উঠিয়াছে। জড় ও চেতন সবারই মধ্যে যেন একটা জীবনের চাঞ্চল্য—তাজা প্রাণের আশ্বাস ধীরে ধীরে জাগিয়া উঠিতেছে। ওগো চির যৌবনা, চির আনন্দময়ী প্রকৃতি, ওগো অনন্ত সৌন্দর্যের খনি, বৈচিত্র্য রূপিণী ধরনী, তোমার এ মহাসম্পদে মানব সত্তানকে বঞ্চিত করিয়াছ কেন দেবী? আমরা যা একবার হারাই, আর তাহা পাইনা কেন? আমাদের জীবনে বসন্তের আগরণ একবার বই দ্বিতীয়বার থাকে না কেন? ইহা তোমার আশীর্বাদ না অভিশাপ? ওগো মুক প্রকৃতি! একবার মুখর হও, দেবী, একবার বলিয়া দাও, তোমার তর্জনী হেলনে এই যে নিখিল বিশ্বে বসন্তের আবির্ভাবে যে এক অপরূপ সৌন্দর্যের মেলা বসিয়া গিয়াছে, এ সৌন্দর্য মানুষের দেহ, মনে একবার বই ছুইবার ফোটেনা কেন?

পদ্মার নির্মল, উর্ষি বহুল সলিল রাশির প্রতি চাহিয়া রতিকান্ত বুঝি ঐ কথা শুনিই ভাবিতেছিল। মাঝিরা দাঁড় টানিয়া সারি গাহিয়া নৌকা বাহিয়া চলিয়াছে, সন্ধ্যার আর বিলম্ব নাই, কত লোকে বারু সেবনের জন্ত নদী তীরে এদিক ওদিকে বেড়াইয়া বেড়াইতেছে, মেয়েরা জলপূর্ণ কলসী কক্ষে গৃহে ফিরিতেছে। অদূরে একটা মাঠে ক্রীড়ারত বালক ও যুবকগণের উচ্চ কল-হাস্ত ধ্বনি নদীর বুকে আনন্দের প্রতিধ্বনি তুলিতেছে, রতিকান্তের উদ্ভ্রান্ত চিত্তে কোনও কিছুই দাগ বসিতেছিল না, সে যেন সংসারের সঙ্গে সব দেনা পাওনা শোধ করিয়াছে, তাহার এই পূর্ণ যৌবনে ইহা কি সম্ভব—না স্বাভাবিক? হায় হায়, ঘটনা চক্রে সবই যে সম্ভব হইয়া উঠে।

দেড়মাস হইল, রতিকান্ত কমলাদের দেশে পৌঁছাইয়া দিয়া বাড়ী ফিরিয়াছে, দিন কতক ললিতার চিন্তায় তাহার মন অপ্রসন্ন থাকিলেও, শীঘ্রই সে প্রকৃতিস্থ হইয়া, নানারকম কাজে নিজেকে নিযুক্ত করিল, কিন্তু প্রতিপদে যেন তার বাধিতে লাগিল, অথচ প্রথম প্রথম সে কোনো কিছু স্পষ্ট কারণ বুঝিতে পারিল না। কি ভাগ্য, যে যা আর এ সময়ে বিবাহের জন্ত জিন্দু করিলেন না, কেননা এখন বিবাহ করা তার পক্ষে অসম্ভব, অথচ সে জানিত,

মা তাহার বিবাহের জন্য কি রকম ব্যস্ত হইয়া আছেন, কিন্তু এখন তাঁর সে ব্যস্ততার অভাব দেখিয়া সে মনে মনে স্বস্তি বোধ করিল। কিন্তু একদিন রতিকান্ত নিজের অনিচ্ছা স্ববেও হরদাদা মাতার সহিত যে কথা গুলি কহিতে ছিলেন তাহা শুনিতে পাইল তখন তাহার মন অত্যন্ত দমিয়া গেল। হরদাদা বলিতে- ছিলেন, ব্যস্ত হোচ্ছ কেন বউ মা রতিরও তো এখন বিয়ে করতে মন নেই, আর কিছু দিন থাক তখন আপনা হোতেই সব গোল মিটে যাবে, তখন আবার কত মেয়ের বাপ্ আপনি সেধে এসে তোমার ছরোরে ধরা দেবে।

.. চিন্তামণি কহিল, তা বটে বাবা, কিন্তু আমার মন যে মানে না। রতির মনটা যেন শুকিয়ে থাকে, তার মন সর্বদা উদাস। বিয়ে দিলে ছেলের মন ভাল হোতে পারে, আমার সোণার টাঁদ ছেলের সঙ্গে বিয়ে দেবার জন্যে কত লোকে মাথা মুড় খুঁড়তো, আর এখন কি না। ষট্‌কি পাঠাইলে বলে “দণ্ডবৎ ও ছেলের নামে, ওর সঙ্গে বিয়ে দিলে শেষে কি একটা বিপদ ডেকে ধরে ডুলব’। আমার হীরের টুকুর—চারটে পাস করা ছেলে, শেষে এমন তুচ্ছ ভাঙ্ছিলোর জিনিষ হোয়ে দাঁড়ালো, সবই আমার কপালের গেরো।”

চিন্তামণি যে কতখানি আঘাত পাইয়াছেন, তাহা রতিকান্ত আর শুনিবার জন্যে সেখানে দাঁড়ায় নাই, নিজের গৃহে আসিয়া শ্রান্ত ভাবে শুইয়া পড়িয়াছিল। যে উৎসাহ হীনতা ও অবসাদে তাহার চিত্তকে আনন্দহীন করিয়া ফেলিতেছিল, আজকাল সে গুলিকে দূর করিতে সে অনেক চেষ্টা করিতেছিল, হঠাৎ আবার একি শুনিল।

এখন তাহার খুঁটি নাটি অনেক কথা মনে পড়িল, সে যে সত্যই এখন আর সকলের নিকট সেই সহজ, সরল স্বভাব, অমায়িক, সচ্চরিত্র রতিকান্ত নয়। এক কুয়াশার আবরণে তাহার সে প্রকৃত স্বরূপ ঢাকা পড়িয়াছে, সুতরাং সে এখন সকলেরই নিকট বিভীষিকার বস্তু। অথচ এ বাম্পাবরণ ভেদ করিয়া স্বপ্রকাশ করিবার চেষ্টা আবার আরও মারাত্মক আরও অধিক সন্দেহ জনক। সেদিন একটু রাত্রি করিয়া বাড়ী ফিরিলে, উমাকান্ত তিরস্কার সূচক কণ্ঠে বলিয়াছিলেন “তোমার কি একটু self respect নেই, এতো রাত অবধি সেখানে তাদের বাড়ী বসে তাস খেলার কি দরকার ছিল?”

আর একদিন হরদাদা রতিকে জিজ্ঞাসা করিলেন কোথা যাচ্ছ রতি? রতিকান্ত উত্তর দিল, ছেলেদের ফুটবল ম্যাচে আজ ফাইনাল হবে, কাপ্তেনের প্যারে কোড়া হয়েছে, আমি দেখি যদি কিছু সাহায্য করতে পারি।

হরদাদা কহিলেন “না, তোমার সেখানে গিয়ে দরকার নেই, আমার একটি কপী আছে, তুমিও তাকে দেখবে চল, হরদাদা হাত ধরিয়া টানিয়া রতিকে সেদিন লইয়া গিয়াছিলেন, অথচ ইতিপূর্বে তাঁর কোনও রোগীকে তিনি রতিকান্তকে দেখাইবার আবশ্যিক বোধ করেন নাই।

রতিকান্ত এতদিন এ সকল বিধি নিষেধের অর্ধ তলাইয়া বুঝিতে চেষ্টা করে নাই, আজ সকলেরই অর্ধ তাহার নিকটে সহজে পরিষ্কার হইয়া গেল। সেদিন যখন সে এ সকল বাধাবাধির হাত হইতে অব্যাহতি পাইবার জন্য পিতার নিকট পুনরায় দিন কতক বাহিরে বেড়াইতে যাইবার অনুরোধ চাহিল, তিনি ক্রম্ব কঠে কহিলেন, এই তো সেদিন বেড়িয়ে এলে, এখন কিছু দিন ঘরেই থেকে কাজ কর্ম দেখা শোনা কর, সেবারে তুমি বেড়াতে গেলে আমার মুকিলে পড়তে হয়েছিল।

তাহা হইলে রতিকান্ত এখন সকলেরই একটা বিপদ ও অশান্তির কারণ হইয়া দাঁড়াইয়াছে ? যে রতিকান্ত পারম্পর্যে কখনও কাহারও পথে বিঘ্ন স্বরূপ হইয়া দাঁড়ায় নাই, আজ ঘটনাক্রমে সে কিনা সকলেরই সংসার ব্যাঘ্র পথে বহা অন্তরায় হইয়া দাঁড়াইল, হা নিষ্ঠুর অদৃষ্ট !

সুবক ও ছাত্রের দল যে রতিকান্তকে খেলিবার গ্রাউণ্ডে পাইলে তাহারদের উৎসাহ ও আনন্দের সীমা থাকিত না—ছাত্রসমিতিতে রতিকান্তকে বক্তা পাইলে সভ্যপণের উৎসাহ বিগুণ জাগিয়া উঠিত, আজ যদি ঘটনাক্রমেও সে সেই সকল স্থলে তাহাতে গিয়া পড়ে, তাহাতে বিপদাসঙ্কার ছায়া, সকলের ললাটে যেন স্পষ্ট ভাবে ফুটিয়া উঠে। সাপে খাওয়া ফলের মতো সে আজ যেন বিশ্বের পরিভ্রমক। এ অবস্থা ও তাজলের ভাবে তার জীবন যে বোঝা হইয়া উঠিল, এ গুরুভার বহন করিয়া এ দুর্গম সংসারপথে চলবার তার সামর্থ্য কই ? কি আছে তার ? কিসের বলে সে যুঝিবে ? তাহাকে অন্তরের সহিত ভালবাসিয়া বিশ্বাস করে, এমন একখানি নির্ভরশীল হৃদয় যদি আজ তাহার কোথাও থাকিত। চকিতে লমিতার অনিন্দ্য-সুন্দর মুখখানি তাহার মনে পড়িল, কিন্তু হার, সেও হুশাশা, সেও তাহাকে আর বিশ্বাস ও প্রীতির চক্ষে দেখে না। মেহঘনী জননী তাহার অন্ত নিত্য অনশান্তিতেই কালযাপন করিতেছেন, পিতা, মাতা কেহই আশ্রয়স্থল সুখী নহেন, হার হার সে এমন হতভাগ্য, এমন সুখের আনন্দোন্মত্ত সংসারে সে একেবারে এতখানি কালী ঢালিয়া দিল। ইহার কি কোনো প্রতীকার নাই, কোনো প্রায়শ্চিত্ত নাই।

পশ্চিম পশ্চিম হইতে দীর পদে সন্ধ্যা মাঝিরা আসিল, মধ্য ও কাণ্ড
বর্ষাধ্বনিতে চারিদিক মুখর হইয়া উঠিল, নদীর বক্ষে সে প্রতিধ্বনি ও
কম্পন ভুলিল, আকাশে একে একে তারার দীপ জলিয়া উঠিতে লাগিল,
রতিকান্ত ভখনও উদাস স্বপ্নে, শূন্য পানে চাহিয়া, প্রাণের মধ্যে কি এক
অভঙ্গম্পর্শী শূন্যতা অনুভব করিয়া মোহাবিষ্টের স্তায় স্তব্ধ ভাবে বসিয়া
রহিল। (ক্রমশ)

শ্রীসরসীবালা বসু।

বিবিধ সংগ্রহ ও মন্তব্য

অকাল বার্কাক্য নিবারণ।—মানুষকে বৃদ্ধ হইতে হইবে কিন্তু
অকালে বার্কাক্যকে উপস্থিত হইতে দেওয়া কিছুতেই উচিত নয়। রোগের
শ্রায় অকাল বার্কাক্যের বিপক্ষেও আত্মাদিগকে সংগ্রাম করিতে হইবে
শরীরের সকল যন্ত্রকে কর্মে নিযুক্ত রাখা এবং আহাৰ ও সর্ষপ্রকার ভোগসুখে
মিতাচারী হওয়াই উত্তম উপায়। শরীরের সমস্ত যন্ত্রকে সুস্থ রাখিতে এবং
তাহাদের ক্ষয় নিবারণ করিতে হইলে, সর্ষদা নির্দোষ রক্ত সরবরাহ করিতে
হইবে। হৃদয় ও রক্তাধার সমূহ দ্বারা এই গুলিকে সর্ষদা সম্পূর্ণ কর্মকম
রাখিতে হইবে। তাহাদের নিয়মিত শারীরিক পরিশ্রম করিতে হয়, তাহারা
তাহাতেই ব্যায়ামের সুফল পাইবেন কিন্তু যাহারা পরিশ্রম করেন না তাহাদের
অল্প উপায় অবলম্বন করিতে হইবে। ভ্রমণই তাহাদের পক্ষে সহজসাধ্য
উপায়। ভ্রমণ দ্বারা হৃদপিণ্ডের ও শ্বাস-প্রশ্বাসের ক্রিয়াবৃদ্ধি পায়, রক্তাধার
সমূহে (Bloo-vessels) অধিক রক্ত চালিত হয়, ফলে রক্তাধার সমূহ অধিকতর
ভাবে সঙ্কচিত হইয়া বিভিন্ন বস্ত্র ও তন্তু সমূহে সবলে রক্ত প্রেরণ করে এবং
তাহাদিগকে সুপুষ্ট করে। শ্বাস অধিক গভীর হয় এবং অধিকতর অক্সিজেন
গৃহীত ও কার্বনিক এসিড গ্যাস পরিত্যক্ত হইয়া সমস্ত দেহ যন্ত্রের উন্নতি
সাধন করে। ভ্রমণ ও অল্পাঙ্গ ব্যায়ামের আর একটি সুফল এই যে, তাহারা
পেশী সমূহের পুষ্টিরও উন্নতি ঘটে, ফলে বলহানী এবং দেহের তাপহানির
সম্ভাবনাও রোধ হয়। ভ্রমণের পরিবর্তে অর্ধারোহণ, মৌকাচালন, ত্রিমাসিক
প্রভৃতি অল্পাঙ্গ শারীরিক ব্যায়ামও চলিতে পারে।

এতদ্ব্যতীত দশ পনের মিনিট হুসহুসের ব্যায়াম করিলে ভ্রমণের সুফল আরও

বর্ধিত করা যায়। এই ব্যায়ামের একটি সহজ উপায় লিখিত হইল। সোজাভাবে দাঁড়াইয়া মুখ বন্ধ রাখিয়া নিশ্বাস গ্রহণ করিতে হইবে। ১৫ সেকেন্ড হইতে ৬০ সেকেন্ড পর্য্যন্ত নিশ্বাস ধরিয়া রাখিয়া প্রশ্বাসে বতটা পারা যায় ততটা বায়ু দেহ হইতে বাহির করিয়া দিতে হইবে। পরে বতক্রম সম্ভব শ্বাস গ্রহণ একেবারে বন্ধ রাখিতে হইবে। এই সময়ে উদরের পেশী একেবারে সঙ্কচিত করিয়া ভিতরস্থ যন্ত্রাদির উপর চাপিয়া দিতে হইবে। নিশ্বাস গ্রহণের সময় হস্তদ্বয় তুলিয়া রাখিতে এবং প্রশ্বাস ত্যাগের সময় সমস্ত শরীর নত করিতে হইবে। শরীরের পোষণ ঠিক ভাবে হইতে থাকিলে এই ব্যায়ামে হৃদযন্ত্র রক্তাধার সমূহ এবং ফুসফুসের বিশেষ মঙ্গল সাধিত হইবে এবং অকালক্ষয় নিবারিত হইবে। (স্বাস্থ্য সমাচার)

অবসর প্রাপ্ত মাননীয় বিচারপতি কলিকাতা বিশ্ববিদ্যালয়ের ভূতপূর্ব
ভাইস চ্যান্সেলর

স্যার গুরুদাস বন্দ্যোপাধ্যায়

জন্ম—১৮৪৪—২৭এ জানুয়ারী।

মৃত্যু—১৯১৮—২রা ডিসেম্বর।

২রা ডিসেম্বর সোমবার রাত্রি ১০টা ৫০ মিনিটের সময়ে কলিকাতা বাগবাজারে স্বীয় ভবনে সর্বজনপূজ্য ; সর্বজনপ্রিয় ; শিশুস্বভাব নির্মল চরিত্র গুরুদাস বন্দ্যোপাধ্যায় মহাশয় পরলোক যাত্রা করিয়াছেন। তাঁহার মত বিজ্ঞান, ধীমান, লোক বঙ্গদেশে দুর্লভ নহে, কিন্তু তাঁহার মত চরিত্রবান লোক সর্বদেশে, সকল সমাজে দুর্লভ। নিরঙ্কার অমায়িক স্যার গুরুদাসকে বালবৃদ্ধ নরনারী সকলে ভক্তি করেন। লোকহিতকর অসংখ্য অকুষ্ঠানে তাঁহার আন্তরিক সহায়ত্ব ছিল। শিক্ষাপ্রদ নির্দোষ অতি ক্ষুদ্র সভার বালকদের দ্বারা আহূত হইলেও স্যার গুরুদাস তথায় গমন করিতেন। বরসে তিনি বিদ্যালয়ের বালকদিগের পিতামহ হইলেও সরলভায় ও বালকোচিত উৎসাহে যে কোন উৎসাহী বালকও তাহার কাছে হার মানিত। অনন্য সুলভ ধর্মনিষ্ঠা, সরলতা ও বিত্তচরিত্রের জন্য স্যার গুরুদাস স্বদেশবাসী নরনারীর মনোমন্দিরে ঋষিবৎ পূজা পাইবেন। স্যার গুরুদাসের মৃত্যু সংবাদ শুনিবামাত্র তৎক্ষণাৎ মন বলিয়া উঠিয়াছে—“আহা, এমন মানুষ

আর হইবে না। সত্য সত্যই বন্ধননীর এই সুসন্তান যে আসন শূন্য করিয়া আনন্দলোকে চলিয়া গেলেন এই আসন কে পূর্ণ করিবেন? কবে পূর্ণ হইবে? তাহা বলা কঠিন। তাঁহার পুত্র ও পৌত্রদের সহিত আমরাও এই মৃত্যুর বেদনা অনুভব করিতেছি। (সঞ্জীবনী)

পরমায়ু বৃদ্ধি ও নষ্টের উপকরণ—বৃদ্ধির উপকরণ।—(১)

সরল বিবেক। (২) মনের সহজ ও সরল অবস্থা এবং রিপু দমন। (৩) সদা সন্তুষ্ট হৃদয়। (৪) নির্মল চরিত্র। (৫) সানন্দতা। (৬) পরিষ্কার পরিচ্ছন্নতা। (৭) সংসঙ্গ। (৮) দৈনিক পরিশ্রমশীলতা। (৯) প্রভূষে শয্যাভ্যাগ। (১০) প্রতিদিন নিয়মিত ৮ হইতে ৯ ঘণ্টা স্নান। (১১) সাময়িক ফল এবং শাক সজী ভোজন। (১২) স্বাস্থ্যকর জলবায়ু। (১৩) আশা। (১৪) বিশুদ্ধ আশ্রয়। (১৫) হাঙ্গ। (১৬) আহার বিহারে মিতাচার। (১৭) উপযুক্ত বিশ্রাম। (১৮) বাসস্থানের চতুর্দিকে স্বাস্থ্যকর ব্যবস্থা। (১৯) সূচারুরূপে আহাৰ্য চর্ষণ করিয়া খাওয়া। (২০) সর্ববিষয়ে পরিমিতাচার। (২১) পুষ্টিকর সুপথ্য। (২২) আলোক বায়ু সঞ্চালিত শয়নকক্ষ। (২৩) ষাণ্মাসিক আহার। (২৪) সর্বাঙ্গীয় মনের প্রশান্ততা রক্ষা।

নষ্টের উপকরণ।—(১) ভেঁজাল খাদ্য। (২) বিলাসিতা ও ব্যতিচার। (৩) ক্রোধ। (৪) সর্বদা কুটিল চিন্তা। (৫) বদমেজাজ। (৬) বাল্য বিবাহ ও অধিক বয়স্ক স্ত্রীর পানিগ্রহণ। (৭) সর্ববিষয়ে অতি ব্যস্ত বা অতি ব্যগ্রতা। (৮) অতিরিক্ত আশ্রয় প্রিয়তা। (৯) গুরু পরিশ্রম। (১০) বিবাদ। (১১) যুগ। (১২) গিৎসা ও পরশ্রীকাতরতা। (১৩) পরের সুখ স্বচ্ছন্দতা দেখিয়া কাতরতা। (১৪) আলস্য এবং শ্রমকাতরতা। (১৫) অমিতাচার। (১৬) মাদকদ্রব্য সেবন। (১৭) লাম্পট্য। (নিদ্রাতার বা রাত্রি জাগরণ। (১৮) অসময়ে এবং অধিক রাত্রে আহার। (১৯) শারীরিক এবং মানসিক গুরু পরিশ্রম। (২০) মনের অশান্তি। (২১) শোক। (২২) গুরু আহার। (২৩) স্বপ্নাহার। (২৪) পরিষ্কার পরিচ্ছন্নতার অভাব। (২৫) অস্বাস্থ্যকর জলবায়ু। (২৬) অস্বাস্থ্যকর পল্লীতে বাস। (২৭) অধিক বাচালতা। (২৮) অকৃত্রিম অন্ধকার শয়ন গৃহ। (২৯) অতিরিক্ত ধনাকাজ্জল। (আয়ুর্বেদ)

যমুনা নদী সংস্কার

JABOONA ANTI-MALARIAL SCHEME.

বহু পূর্বে যমুনানদী সংস্কারকল্পে দুই একবার কিছু কিছু চেষ্টা হইয়াছিল কিন্তু সে সকল চেষ্টা তখন ফলপ্রসূ হয় নাই। পরে বিপত্ত ইংরাজী ১৯১৩ সালের মার্চ মাসে এই নদীর উত্তর তীরস্থ গ্রামবাসীরা সমবেত হইয়া তদানিন্তন মহামন্ত্র গভর্নর লর্ড কারমাইকেল বাহাদুরের নিকট সেনিটেরি ড্রেনেজ এ্যাক্ট অনুসারে নদী সংস্কারের প্রার্থনা জানাইয়া এক আবেদন পত্র (Memorial) প্রেরণ করেন। এই আইন অনুসারে নদী সংস্কার হইলে উপকৃত জনগণ ধার্য্য কর দিতে সম্মত আছেন ইহা জ্ঞাপন করার বলীয় ব্যবস্থাপক সভায় এতদ্বিষয়ের আলোচনা হয়। কিন্তু ঐ সময়ে যুরোপে মহা সমর উপস্থিত হওয়ার ব্যবস্থাপক সভায় সেক্রেটারীর উপদেশানুসারে ঐ আলোচনা কিছু দিনের জন্য বন্ধ ছিল। পরে যমুনা সংস্কার সমিতির পক্ষ হইতে পূর্ন বিভাগের সেক্রেটারী কাউলি সাহেবকে একখানি পত্র দেওয়া হয়। তদুত্তরে তিনি বলেন, যমুনা সংস্কার এখন গভর্নমেন্টের বিচারাধীন রহিয়াছে, শীঘ্রই সরকার এতদ সম্বন্ধে মনোভাব প্রকাশ করিবেন। পরে ইংরাজী ১৯১৮ সালের ১৮ই জানুয়ারী তারিখে স্বয়ং গভর্নর বাহাদুর তাহার প্রাইভেট সেক্রেটারি, পূর্নবিভাগের সেক্রেটারি, চিপ ইঞ্জিনিয়ার ও স্যানিটারি ইঞ্জিনিয়ারকে সঙ্গে লইয়া নদী পরিদর্শন করিয়া যান।

এই ঘটনার কিছুকাল পরেই গত ২৯শে জানুয়ারি তারিখে লাটভবনে বঙ্গের মহামন্ত্র গভর্নর লর্ড রোণাল্ডসে মহোদয় এক প্রকাশ্য সভায় তাঁহার মন্তব্য প্রকাশ করেন। উক্ত সভায় ২৪ পরগণা, বশোহর ও নদীয়া জেলার বিশিষ্ট জমিদারগণ, জেলা বোর্ড সমূহের ও গোবরডাঙ্গা মিউনিসিপ্যালিটির চেয়ারম্যান ও ডাইস চেয়ারম্যান সকলেই আমন্ত্রিত ও উপস্থিত হইয়াছিলেন। গভর্নর বাহাদুর বলেন, যমুনা নদীর সংস্কার হইলে ঐ প্রদেশে ম্যালেরিয়ার দৌরাণ্ড্য নিশ্চয়ই হ্রাস হইবে এই আশায় নদী সংস্কার করা হউক।

এই কার্যের বিহিত ব্যবস্থার ভার সমগ্র বঙ্গদেশের সেনিটেরি কমিশনার বেন্টলি সাহেব ও Superintending Engineer এডামস্ উইলিয়াম সাহেবের উপরই গুস্ত হয়। তাঁহারা উভয়ে বিশেষ পরিশ্রম ও যত্ন সহকারে প্ল্যান ও এন্টিমেট প্রস্তুত করিয়া গভর্নমেন্টে পেশ করেন এবং গভর্নমেন্ট ও উহা মঞ্জুর করার এইবার কাথ্যারম্ভ হইল।

এই নদীর পকোড়ার হইলে নদীর নিকটবর্তী ৩২২½ বর্গ মাইল পরিমিত ভূমির জল নিকাশ হইবে এবং সঙ্গে সঙ্গে ঐ সকল স্থানের স্বাস্থ্যোন্নতিও হইবে। ম্যালেরিয়ার জীবাণুবাহক Anopheles মশকের জনস্থান ও আবাস ভূমি নষ্ট হইয়া ম্যালেরিয়ার প্রকোপ কমিবে। তাই এই শুভাশু-
ষ্ঠানের নাম “যমুনা এ্যান্টি ম্যালেরিয়া স্কীম” (Jaboona Anti Malarial Scheme) রাখা হইয়াছে।

যমুনা নদীর গভীরতা বিরোধী (বিক্রই) কাছেই সর্কাপেক্ষা কম। ঐ স্থান হইতে পশ্চিমে কাঁচড়া পাড়ার নিম্নে গঙ্গা পর্যন্ত নদী একপ্রকার ভরাট হইয়া গিয়াছে। সে কারণ বিরোধী পশ্চিমে আর নদী সংস্কারের চেষ্টা হইল না। অতঃপর ঐ পথে নৌকা যোগে গঙ্গার যাতায়াত করা চলিবে না। সে উপায় করিতে হইলে আরও বিশাল টাকার প্রয়োজন এবং তাহাতে বিশেষ সুবিধারও সম্ভাবনা নাই। বাণিজ্যের অথবা গমনাগমনের সুবিধার জন্য এই নদী সংস্কার নহে। এ প্রদেশের স্বাস্থ্যোন্নতি করাই এই নদী সংস্কারের একমাত্র উদ্দেশ্য। “Sanitary Drainage Act” অনুসারেই সংস্কার কার্য আরম্ভ হইয়াছে।

এই নদীর সংলগ্ন যে সকল খাল বিষ্কৃত ও সংস্কৃত করিতে হইবে তাহার পরিমাণ ৬৪ মাইল। ঐ সকল খাল কাটিতে যে জমির প্রয়োজন হইবে সে জমিতে যদি ষাট বৎসরব্যিক কাল আবাদ হইয়া থাকে তবে ল্যান্ড “এ্যাকুইজিসন এ্যাক্ট” অনুসারে প্রতি বিঘার মূল্য ৭০ টাকা প্রদত্ত হইবে। যমুনা নদীর চর ভূমির মূল্য কিছুই দেওয়া হইবে না।

ইতিপূর্বে “Sanitary Drainage Act” অনুসারেই হাওড়া, মগরাহাট, রাজাপুর প্রভৃতি স্থানের স্বাস্থ্যোন্নতি করা হইয়াছে। কিন্তু ঐ সকল স্থানের ব্যয়ের হার অপেক্ষা যমুনা সংস্কারের ব্যয়ের হার অল্প হইবে! যমুনা ২০ মাইল মাত্র সংস্কৃত হইবে; কারণ এই নদীর অবস্থা অনেক স্থানেই ভাল আছে। ইহার প্রতি বিঘার ১।০ দেড় টাকা ধরচ পড়িবে।

পূর্বেই যমুনা সংস্কারের জন্য ১,৫০,০০০ এক লক্ষ পঞ্চাশ হাজার টাকা মঞ্জুর করিয়াছেন। কিন্তু ইহাতে নিম্নলিখিতরূপ ব্যয় পড়িবে।

মাটি কাটা	১,৩৬,৪৩৭	টাকা
সরঞ্জামি ও অব্যাদি খরচ	৮২,০০৮	"
জমি খরচ	১,১০,২৭০	"

মোট— ৩,২৯,৭১৫ টাকা।

পূর্ণমোট প্রদত্ত টাকা বাদে গোবরডাঙ্গা মিউনিসিপ্যালিটিকে ৪২২০০ টাকা দিতে হইবে। কারণ যমুনা নদী ঐ মিউনিসিপ্যালিটির ১৭৫ বর্গ মাইল বিধৌত করিতেছে। অবশিষ্ট ৭,৭৩,৪২৫ টাকা তার নিম্নলিখিত জেলা বোর্ডগুলি এই ভাবে গ্রহণ করিবে।

২৪ পরগণা	...	১২৬½ বর্গ মাইল	...	৩,০৪,৪৫৪ টাকা
বশোহর	...	৯২½	...	২,২২,৩৬৩ "
নদীয়া	...	১০২½	...	২,৪৬,৫৭৮ "
		<u>৩২০½</u>		<u>৭৭৩,৪২৫ টাকা</u>

এই নদী সংস্কৃত হইলে উহার সংরক্ষণ জন্য বাৎসরিক ২০০০০ টাকা খরচ পড়িবে। তাহা হইলে বিশ বৎসরে গড়ে ১,৮০,০০০ টাকার প্রয়োজন। তাহাও পড়তা মত ধরা হইয়াছে।

যমুনা সংস্কৃত হইলে এই প্রদেশের কেবল যে স্বাস্থ্যরতি হইবে এমত নহে, ঐ সঙ্গে খালবিলের পতিত ও নিমজ্জিত ভূমিগুলি ও উচিৎ হইয়া কৃষিরও যথেষ্ট উন্নতি সাধন হইবে। কারণ এই নদীর সঙ্গে সঙ্গে মগরা, বুলি, ভোমরা, হিতে, তালকোলা, আমকোলা, টাচড়া, গোপালপুর, কুরে, কুঁচলে, রহাখালী, চালুন্দে, সলুয়া, গাজনা, পদ্মা ও বৈষ্ণব খালও সংস্কৃত হইবে। ঐ সকল খালের মুখে গো-শকট চলিতে পারে একরূপ প্রশস্ত পুল নির্মিত হইবে ও কপাট বসিবে। প্রত্যেক কপাট আবশ্যিক মত খোলা ও বন্ধ করা যাইবে; সুতরাং যে খালে যখন যে জল রাখার প্রয়োজন হইবে তখন সেই পরিমাণ জল রাখা যাইতে পারিবে। তাহাতে আবাদের বিশেষ সুবিধা হইবে।

নদীর পঙ্কোদ্ধার হইলেও নৌকা যাতায়াতের জন্য কোন "টোল" বসিবে না; কিন্তু মৎস্য ধরবার বাধ উঠিয়া যাইবে। নদীর বিস্তার অধিকাংশ স্থলেই ১২০ ফুট হইবে। বারোমাস সর্বস্থানে প্রায় ১৪ ফুট জল থাকিবে এবং স্রোতের বেগ প্রতি সেকেন্ডে ২ ১৭ ফুট দাঁড়াইবে। সুতরাং জলে শৈবালাদি জন্মিতে পারিবে না। কায়ে কায়েই তখন নদীর জল সুপের, স্বাচ্ছন্দ্য ও স্বাস্থ্যকর হইয়া দেশের অশেষ কল্যাণ সাধন করিবে।

পূর্বে গঙ্গা ও ইছামতীর মুখে কপাট বসাইবার প্রস্তাব হয়। কিন্তু এক্ষণে সে প্রস্তাব পরিত্যক্ত হইল। বাগনার সন্নিকটে যমুনার উপরে একটি বড় পুল হইবে। উহার চারিটি ফুকার (opening) থাকিবে। প্রত্যেক ফুকার বিশ ফুট লম্বা হইবে। এই সেতু নির্মাণ জন্য ১৭,৯৪২ টাকা ব্যয় ধার্য হইয়াছে।

যমুনা নদীর সংরক্ষণ ও তত্ত্বাবধারণ জন্ত দুইজন ওভারসিয়ার চিরদিনই নিযুক্ত থাকিবেন। তাঁহাদের গৃহাদি নির্মাণ জন্ত গভর্নমেন্ট ৩,৭০০ টাকা যঞ্জুর করিয়াছেন।

এতদিনে আমাদের প্রজারঞ্জক সদাশয় গভর্নর লর্ড রোণাল্ডসে বাহাদুরের কৃপায় এ দেশের একটি বিশেষ অভাব দূর হইল। এই অক্ষয় কীর্তির জন্ত ঐ মহাপুরুষের পবিত্র নাম এ দেশবাসীর চিরস্মরণীয় হইয়া থাকিবে।

যমুনা সংস্কার সমিতির সভাপতি ও সভ্যগণও এ দেশবাসীর বিশেষ ধন্যবাদার্থ। তাঁহাদের ঐকান্তিক চেষ্টা ও শ্রম সকল হইয়াছে। কিন্তু বড়ই দুঃখের বিষয় যে, যিনি এই মহৎ কার্যের প্রধান উদ্যোগী সেই দেশ হিতৈষী অমিদার রায় গিরিজাপ্রসন্ন মুখোপাধ্যায় বাহাদুর আজ ইহলোক পরিত্যাগ করিয়া গিয়াছেন। তিনি জীবিত থাকিলে কতই আনন্দ প্রকাশ করিতেন।

গোবরডাঙ্গা—

শ্রীশুরেশচন্দ্র মিত্র L. M. S.

২১।২।১৮

যমুনা সংস্কার সমিতির সেক্রেটারি।

কুশদহ-সমিতি

—:—

(প্রাপ্ত)

পূজার বন্ধের সময় ছুই কুশদহ-বাসীগণের মধ্যে বথাসাধ্য পরিধেয় বস্ত্র বিতরণ কার্য লইয়া সমিতি কার্তিক মাসের শেষ পর্যন্ত ব্যস্ত ছিলেন। কার্তিক মাসের শেষ সপ্তাহে সমিতির কার্য নির্বাহক সভায় নিম্ন লিখিত বিষয় কয়টির আলোচনা করা হয়। প্রথমেই শ্রীযুক্ত সহায়নারায়ণ পাল মহাশয়ের জলকষ্ট নিবারণ করে প্রতিশ্রুত ৪০০ চারিশত টাকার এ পর্যন্ত কোনও ব্যবস্থা না হওয়ার কার্যনির্বাহক সভা বিশেষ আলোচনার পর স্থির করেন যে, উপস্থিত প্রায় ১৫০ ব্যয় করিয়া খাঁটুরায় একটি Tube well প্রতিষ্ঠিত করা হউক। পুষ্করিণী কিম্বা ইদারায় জন্ত ৪০০ টাকা যথেষ্ট নহে। যদি সাময়িক টাকা বা অন্য কোনও উপায়ে আরও অর্থসংগ্রহ হইতে পারে তথাপি পুষ্করিণী বা ইদারায় রক্ষণাবেক্ষণের অভাবে অতি অল্প দিনের মধ্যেই উহার জল অপের হইয়া যাইবে। অতএব বর্তমান ক্ষেত্রে পরীক্ষা স্বরূপ একটি টিউব উন্মুল খনন করাই কার্যনির্বাহক সভার মতে সর্বাপেক্ষা সমিতিস্বার্থক হইবে।

এবং খাঁটুরায় উহা স্থাপন করিবার অন্ত কোন উদ্দেশ্য ছিল না, কেবল খাঁটুরায় অধিবাসীগণই জমি ও অর্থ দিয়া এ কার্যে বিশেষ উৎসাহ এবং আগ্রহ প্রকাশ করিতেছেন, সুতরাং পরীক্ষার্থে খাঁটুরায় উহা স্থাপিত হরায় কোনও ক্ষতি নাই। গত ৬ই অগ্রহায়ণ তারিখে সাধারণ সভায় এই বিষয় আলোচিত হয়; কিন্তু উপস্থিত অধিকাংশের মতে টিউরওয়েল স্থায়ী হইবে না বলিয়া উহা গৃহীত হইল না। তৎপরে কার্যনির্বাহক সমিতির একটি পৃথক কার্যালয়, বস্ত্র বিতরণ সম্বন্ধীয় কার্যবিবরণী গ্রহণ ও সমিতির সভ্যগণের নিকট নিয়মিত টাঙ্গা আদায়ের উপায় নির্ধারণ এই কয়েকটি বিষয়ও আলোচনা হয়।

গত ১৭ই অগ্রহায়ণ কার্যনির্বাহক সভায় পুনরায় এক অধিবেশন হয়, এবং তাহাতে ইছাপুর স্কুলের পুনঃ সংস্কার সম্বন্ধে শ্রীযুক্ত সুরেশচন্দ্র পাল এক প্রস্তাব করেন। তাহার ফলে ইছাপুর স্কুল সম্বন্ধীয় যাবতীয় আবশ্যকীয় তথ্য সংগ্রহ ও অবনতির কারণ নির্দেশ করিবার জন্ত শ্রীযুক্ত দুর্গাদাস বাবুর উপর ভার অর্পিত হইল।

লক্ষ্মীপুল হইতে মল্লিকপুর পর্য্যন্ত এক রাস্তার জন্ত ২৪ পরগণা ডিঃ বোর্ডে ইতিপূর্বে সমিতি যে পত্র লিখিয়াছিলেন তাহার উত্তরে ২৪ পরগণা ডিঃ বোর্ড পত্র লিখিয়া জানিতে চাহিয়াছেন যে, উক্ত রাস্তার জন্য যে সকল জমি আবশ্যক হইবে তাহা স্বত্বত্যাগ করিয়া ডিঃ বোর্ডকে দেওয়া সম্ভব হইবে কি না। এই পত্রের উত্তরে ডিঃ বোর্ডকে এই মর্মে পত্র লিখিত হইয়াছে যে, উল্লিখিত রাস্তা নিৰ্ম্মাণের জন্ত যে জমি আবশ্যক হইবে তাহার একটা সঠিক বিবরণ সমিতির হস্তগত হইলে সেই জমির স্বত্বত্যাগ পূর্বক দান সম্ভব কিনা তাহা বিবেচনা করিয়া অনুসন্ধান করা হইবে। ইহার উত্তর এখনও হস্তগত হয় নাই।

গত ২১শে পৌষ তারিখে কার্যনির্বাহক সভায় অধিবেশনে সমিতির বর্ষ শেষ উপস্থিত বিধায় কুশদহর কোন গ্রামে বাৎসরিক অধিবেশনের ব্যবস্থার জন্ত একটি সাবকমিটি গঠিত করিবার প্রস্তাব হয়। এই প্রস্তাব সাধারণ সভায় গৃহীত হয় এবং কয়েক জন উৎসাহী সভ্য লইয়া অধিবেশনের আয়োজনাদির জন্ত একটি সাবকমিটি গঠিত হইয়াছে। ইছাপুরের দক্ষিণ সীমায় ডাক্তার বেণীমাধব ঘোষের বাটীর নিকট অধিবেশনের স্থান নির্দিষ্ট হইয়াছে। অধিবেশন দুই দিন ব্যাপী হইবে এবং সকল গ্রামের অধিবাসীগণের মধ্য হইতে প্রতিনিধি নির্বাচিত হইয়া সভায় আপন আপন গ্রামের পক্ষ

হইতে উপস্থিত থাকিবেন। প্রতিনিধিবর্গকে এবং সমাগত সকলকে অভ্যর্থনা করিবার জন্ত এক অভ্যর্থনা সমিতি গঠিত হইয়াছে। শ্রীযুক্ত নিবারণচন্দ্র ঘটক মহাশয় এই অভ্যর্থনা সমিতির সভাপতি নির্বাচিত হইয়াছেন। কিন্তু তাঁহার শারীরিক অসুস্থতা বশতঃ যদি তিনি যথা সময় সভায় উপস্থিত হইতে না পারেন তবে তৎপরিবর্তে শ্রীযুক্ত ব্রজকিশোর মিত্র মহাশয় কার্যানির্কাহ করিবেন। আগামী ২২শে ২৩শে মার্চ, বুধ বৃহস্পতিবার মধ্যাহ্ন ১২টা হইতে অপরাহ্ন ৫টা পর্য্যন্ত অধিবেশনের দিন ও সময় স্থির হইয়াছে।

বর্তমান বর্ষের কার্যানির্কাহক সভায় আর একটি মাত্র অধিবেশন হইবে এবং তাহাতে সাম্বৎসরিক কার্যবিবরণী প্রণয়ন এবং বার্ষিক হিসাব পরিদর্শন ও আগামীবর্ষের কার্যানির্কাহকসভা, গঠন, এবং সম্পাদক, সহঃ সম্পাদক ও কোষাধ্যক্ষ নির্বাচন ও নিযুক্ত হইবেন।

শ্রীনগেন্দ্রনাথ মুখোপাধ্যায়

সম্পাদক।

স্থানীয় বিষয় ও সংবাদ

—:0:—

এতদিনে কুশদহ বাসীর একটি গুরুতর অভাব ও আকাঙ্ক্ষা পূর্ণ হইল। সকলে শুনিয়া অত্যন্ত আফ্লাদিত ও আশাবিত্ত হইবেন যে, যমুনা নদীর সংস্কার কার্যের সমস্ত ব্যবস্থা নির্ধারিত হইয়া গিয়াছে। এমন কি খনন কার্য যে, শীঘ্রই আরম্ভ হইবে তাহাতে আর সন্দেহ নাই। এ সম্বন্ধে যে সতন্ত্র প্রবন্ধ এই সংখ্যাতেই প্রকাশিত হইল তাহা পাঠ করিলেই সকলে বুঝিতে পারিবেন। একমাত্র বিধাতার কৃপায় এবং সদাশয় গভর্নর বাহাদুরের শুভ ইচ্ছায় বহু-কালের অভিলষিত বিষয়টি আজ কার্যে পরিণত হইল, তজ্জন্ত কুশদহবাসী মাত্রেই বিধাতার কৃপায় এবং মানব সহায়তার প্রতি কৃতজ্ঞতা দান করিবেন সন্দেহ নাই। এই কার্যে এ পর্য্যন্ত কুশদহবাসী বাহারা কিছু চেষ্টা করিয়া-ছিলেন, আজ তাঁহাদেরই বা কত আনন্দ! এই শুভবার্তা শ্রবণে দেশবাসী যদি সত্যই আনন্দিত হইয়া থাকেন, তবে আমাদের মনে হয় সে আনন্দ অল্প রূপে কখনই হৃদয়ে লুকাইয়া থাকিবে না। নিজ নিজ কর্তব্য কার্যেও

তাহার প্রকাশ দেখা যাইবে। এইবার নদী সংস্কারের পূর্ব হইতেই দেশবাসী জঙ্গল পরিষ্কারে উযোগী হউন। আপন আপন পুরাতন বাগানের মায়া ত্যাগ করিয়া জমি সকল কাঁকা করুন। এবং সাধ্য সম্ভব অঙ্গুসারে ঐ মৃতম ক্ষেত্রে ফল মূল উৎপন্ন করিয়া ও কুপ খনন করিয়া দেশের বাহ্য কিরাইরা আহুন, ইহাতে মিজেরাও লাভবান হইবেন।

দেশের এই অল্পকাল শুভদিন আগমনের প্রাক্কালে বিধাতা বুঝি এ দেশকে সত্যই রক্ষা করিবেন বলিয়া আর একটি মঙ্গল-বিধান করিলেন; ঐ বিধানের নাম “কুশদহ-সমিতি” সকলেই বোধ হয় আজ বৎসরাবধি এই কুশদহ-সমিতির নাম এবং কার্য বিছু কিছু শ্রবণ ও দর্শন করিয়া থাকিবেন। আমরাও আশা ও বিশ্বাসের সহিত এট শিশু সমিতির জীবন-গতি লক্ষ্য করিয়া আসিতেছি। এক্ষণে সাহস করিয়া বলিতে পারি যে, গত ১৩২৪ সনের ১৮শে গৌড় কলিকাতা সহরে এই সমিতি জন্মগ্রহণ করিয়া বর্ষকাল প্রায় সহরেই আবদ্ধ থাকিয়া ষেটুকু তাহার মূল সংস্থাপিত করিতে পারিয়াছেন তাহা আশা প্রদ। তাই আজ কুশদহ-সমিতি সমগ্র কুশদহবাসীর নিকট আত্ম পরিচয় দিয়া আত্মপ্রকাশ করিতে উযোগী হইয়াছেন।

আগামী ২২শে ও ২৩শে মাঘ বুধ, বৃহস্পতিবার সরস্বতী পূজার অবকাশে ইছাপুর গৈপুর সংযোগ স্থলে মণ্ডপে ছই দিবস ১২টা হইতে ৫টা পর্যন্ত সমিতির বার্ষিক অধিবেশন হইবে। কুশদহর সীমা প্রায় ২৫০ শত গ্রাম। প্রত্যেক গ্রাম হইতে যাহাতে প্রতিনিধি ও দর্শক অন্তত দশহাজার আসিয়া সমবেত ভাবে দেশের দুঃখ দৈন্ত্য দুয়ের জন্ত যত্নবান হইতে পারেন উযোগীগণ এইরূপ—চেষ্টা ও আশা করিতেছেন, আমরাও বলি এই শুভ অবকাশে সমগ্র কুশদহ বাসী হৃদয় ধুলিয়া একতা বন্ধনে সম্মিলিত হইয়া “জননী জন্মভূমির” নামে একবার জর ধ্বনি করুন।

গোবরডাঙ্গা মিউনিসিপ্যালিটির এবার নিম্ন লিখিত উক্ত মহোদয়গণ কমিশনার পদে নির্বাচিত হইলেন।

১নং ওয়ার্ড—শ্রীযুক্ত বাবু জগৎপ্রসন্ন মুখোপাধ্যায়।

২নং „ শ্রীযুক্ত বাবু কুঞ্জবিহারী চট্টোপাধ্যায়।

৩নং „ শ্রীযুক্ত বাবু কৃষ্ণনাথ মুখোপাধ্যায়।

৪নং ,, শ্রীযুক্ত বাবু সুরেশচন্দ্র বন্দ্যোপাধ্যায়।

৫নং ,, শ্রীযুক্ত বাবু হরিচরণ ঘোষ।

৬নং ,, শ্রীযুক্ত বাবু কিশোরীমোহন বসু।

গভর্নমেন্ট পক্ষে—শ্রীযুক্ত বাবু সুরেশচন্দ্র মিত্র ; শ্রীযুক্ত বাবু হরিশচন্দ্র বসু
ও শ্রীযুক্ত বাবু শরৎ চন্দ্র রক্ষিত।

সর্ব সঙ্গতি ক্রমে শ্রীযুক্ত ভগৎপ্রসন্ন বাবুই চেয়ারম্যান হইলেন।

ডাক্তার শ্রীযুক্ত সুরেশ বাবু অনেক দিন পর্য্যন্ত বিশেষ সুখ্যাতির সহিত
ডাটস্‌চেয়ারম্যানের কার্য্য করিতেছিলেন। তিনি স্বৈচ্ছায় কৰ্ম্ম ত্যাগ
করিয়াছেন। তাঁহার স্থলে বাবু কিশোরীমোহন বসু ডাটস্‌চেয়ারম্যান
নির্বাচিত হইলেন। কিশোরী বাবু গভর্নমেন্টের চাকুরিতে পেন্সন
গ্রহণ করিয়া দেশে আসিয়াছেন। আমরা জানি, তিনি বিশেষ সজ্জন ব্যক্তি,
আশা করি তাঁহার দ্বারা দেশের মঙ্গল হইবে।

কুশদহ সম্পাদকের নিবেদন—ভগবানের প্রেরণায় ১ বৎসর কুশদহ”
মাসিক পত্র প্রচার ও পরিচালনা করিয়া আমি তাঁহার বিশেষ আশীর্বাদ লাভ
করিয়াছি। এবং গ্রাহক গ্রাহিকারূপে সমগ্র কুশদহবাসীর মধ্যে যথেষ্ট সন্তোষ
ভালবাসা প্রীতি লাভ করিয়াও পরিতুষ্ট হইয়াছি। এ কার্য্যে এ পর্য্যন্ত বিশেষ
ভাবে কাহারও সাহায্য না পাইলেও তাঁহার নামের শক্তিতেই বাধা বিঘ্নের
মধ্যেও এই ত্রুটি প্রতিপালিত হইয়া আসিয়াছে। কিন্তু যথাসময়ে “কুশদহ-
সমিতির” জন্ম হইল। এদিকে আমার শরীর মনের অবস্থান্তর উপস্থিত লক্ষ্য
করিয়া সম্প্রতি আমি কুশদহ সমিতিকে জানাইয়াছি যে, আমার ব্যক্তিগত
পরিচালিত “কুশদহ” আর আমি আগামী বৈশাখ মাস হইতে পরিচালিত করিব
না। এজন্য অবশ্য সমিতির একটি গুরুতর অভাব হইবে। এখন হইতে
সমিতি উজ্জ্বল কর্তব্য স্থির করুন। আর আমার শ্রদ্ধা ও প্রতিভাজন গ্রাহক
গ্রাহিকাগণকেও জানাইতেছি যে, যদি এ সম্বন্ধে তাঁহাদের কাহারো কোন
কর্তব্য মনে হয় তবে সমিতির সহিত পরামর্শ করিবেন, অথবা আমাকেও
জানাইতে পারেন। আমার শক্তির অক্ষমতা জন্মই “কুশদহ” নিরমিতরূপে
বাহির হইতেছে না। এজন্যও আমি কাগজ বন্ধ করা কর্তব্য বোধ করিতেছি।

আনুষ্ঠানিক দান—খাঁটুরা নিবাসী, আহিরিটোলা প্রবাসী শ্রীযুক্ত সুরেন্দ্রনাথ পালের কস্তার বিবাহ উপলক্ষে কুশদহর সাহায্যার্থে ২০ টাকা দান প্রদত্ত হইয়াছে। বিধাতা দাতার প্রাণে সম্ভাব বৃদ্ধি এবং পাত্র পাত্রীর কল্যাণ বিধান করুন।

কুশদহ-পঞ্জী

শ্রীযুক্ত আশুতোষ মুখোপাধ্যায় ও শ্রীযুক্ত ক্ষেত্রনাথ মুখোপাধ্যায়
(বেড়গুম)

পূর্বে বলা হইয়াছে যে, শ্রীহর্ষের উনিষপুকষের অধঃস্তন বিখ্যাত কামদেব পণ্ডিতের সন্তান ১১ জন। এই এগারজনের মধ্যে মধুসূদন আচার্য্যের দুই পুত্র অনন্ত ও সন্তোষ। সন্তোষের ধারায় বিখ্যাত ভূদেব মুখোপাধ্যায়ের বংশাবলী। এবং এই সন্তোষের ধারায় কুশদহ বেড়গুম নিবাসী বর্তমান শ্রীযুক্ত আশুতোষ মুখোপাধ্যায় ও শ্রীযুক্ত ক্ষেত্রনাথ মুখোপাধ্যায়। অর্থাৎ সন্তোষের পর কাশীধর, কৃষ্ণরাম, মনোহর ও তৎপুত্র গুরুপ্রসাদ। গুরুপ্রসাদের ৫ পুত্র, রামধন, হরিশ্চন্দ্র, বৈকুণ্ঠনাথ, ৪র্থ নাম অপ্রাপ্ত, কনিষ্ঠ জয়রাম। রামধন ও বৈকুণ্ঠনাথ দুই সহোদর, বেড়গুম গ্রামে মাতামহ দয়্যারাম চট্টোপাধ্যায়ের আলয়ে বাস করেন। অপর বৈশ্যাক্যের ভ্রাতৃগণ ভিন্ন ভিন্ন স্থানে ঐ রূপ মাতামহাশ্রয়ে বাস করেন।

রামধনের দুই পুত্র, মহেন্দ্রনাথ ও যোগেন্দ্রনাথ, এক কন্যা নিস্তারিনী দেবী।

মহেন্দ্রনাথের পুত্র ছগলি—বাগাটা গ্রামে চট্টোপাধ্যায় বংশে বিবাহ করেন, তৎপরে বালীগ্রামে বাস করেন।

যোগেন্দ্রনাথ নিঃসন্তান। কন্যা নিস্তারিনী দেবীর স্বামী, যশোহর-বালিৎপুর গ্রামের রামতারণ বন্দ্যোপাধ্যায়।

বৈকুণ্ঠনাথের ৬ পুত্র, চন্দ্রনাথ, প্রিয়নাথ, শরচ্চন্দ্র, আশুতোষ, ক্ষেত্রনাথ ও বর্দ্ধমচন্দ্র। ২ কন্যা কাদম্বিনী ও মাতঙ্গিনী দেবী। চন্দ্রনাথ, প্রিয়নাথ শরচ্চন্দ্র অবিবাহিত অবস্থায় বিভিন্ন বয়সে মৃত্যুমুখে পতিত হন।

শ্রীযুক্ত আশুতোষ যুখোপাধ্যায় বর্তমানে বেড়শুষ্ক গ্রামে বাস করিয়া পৈতৃক বিষয় রক্ষণাবেক্ষণ করিতেছেন। ইহার পত্নী কালীঘাট নিবাসী ৬চন্দ্রশিখর চৌধুরীর কন্যা স্বর্গীয়া ভুবনমোহিনী দেবী। ইহার ৩ পুত্র, ৬রাজেন্দ্রনাথ, ৬বতীন্দ্রনাথ, শ্রীমান্ জ্ঞানেন্দ্রনাথ ও একমাত্র কন্যা চাক্ষুশীলা।

রাজেন্দ্রনাথের পত্নী, ধুলনা-রতনপুরের শ্রীযুক্ত যোগীন্দ্রনাথ চট্টোপাধ্যায়ের কন্যা লীলাবতী দেবী। রাজেন্দ্রনাথ ১৩২৫ সালের গত ভাদ্র মাসে একটি মাত্র কন্যা রাখিয়া পরলোকগমন করিয়াছেন।

বতীন্দ্রনাথের পত্নী শেরাখালা নিবাসী শ্রীযুক্ত শশীভূষণ বন্দ্যোপাধ্যায়ের কন্যা ব্রজবালা দেবী। বতীন্দ্রনাথ ২৫ বৎসর বয়সে নিঃসন্তান অবস্থায় দেহত্যাগ করেন।

শ্রীমান্ জ্ঞানেন্দ্রনাথ বর্তমানে স্কটিসচার্জে তৃতীয়বার্ষিকীশ্রেণীতে বি-এ-সি অধ্যয়ন করিতেছেন, এবং বর্তমানে কলিকাতা বিশ্ববিদ্যালয় পদাতিক (ইউনিভার্সিটি ইনফ্যান্ট্রি) শ্রেণী ছুঁইয়াছেন।

কন্যা চাক্ষুশীলার স্বামী, নদীয়া-মিনেজপুর গ্রামের ৬বিষ্ণুচরণ চট্টোপাধ্যায়ের পৌত্র শ্রীযুক্ত বতীন্দ্রনাথ চট্টোপাধ্যায়। ইহার ২টি পুত্র, ১টি কন্যা।

শ্রীযুক্ত ক্ষেত্রনাথ যুখোপাধ্যায়ের পত্নী মাটকোমরার ৬বনমালী বন্দ্যোপাধ্যায়ের কন্যা শ্রীমতী সরলতা দেবী। ইহার তিন পুত্র, নীলাচল, গিরিজানাথ ও নগেন্দ্রনাথ। দুই কন্যা লীলাবতী ও শীলাবতী। ক্ষেত্রবাবু প্রথমে বেঙ্গলপুলিবে কাৰ্য্য করিয়া পরে নীলগিরি রাজষ্টেটে ১৮ বৎসর পুলিব সুপারিণ্টেণ্ড ছিলেন। এক্ষণে কলিকাতা প্রবাসী হইয়া ফার্মিচারের ব্যবসা করিতেছেন।

শ্রীযুক্ত নীলাচলের পত্নী, বাগবাজার নিবাসী বিখ্যাত ৬মহেশচন্দ্র বন্দ্যোপাধ্যায়ের পৌত্রী, শ্রীযুক্ত সুরেন্দ্রনাথ বন্দ্যোপাধ্যায়ের কন্যা শ্রীমতী সরলাবালা দেবী। বর্তমান নীলাচলের ২টি পুত্র ১টি কন্যা। নীলাচল বি-এল পরীক্ষা দিয়া প্রায় ৫ বৎসর পুলিসকোম্পর্টে ওকালতি করিতেছেন।

শ্রীযুক্ত গিরিজানাথের পত্নী, বহরমপুর—খাগড়া নিবাসী জজকাটের উকীল শ্রীযুক্ত হরিভূষণ বন্দ্যোপাধ্যায়ের কন্যা শ্রীমতী ভড়িৎবালা দেবী। গিরিজানাথের ২টি কন্যা। ইনি বি-এ-সি পরীক্ষা দিয়া উপস্থিত কলিকাতা করপোরেশনে এ্যানালিসিস বিভাগের ইন্সপেক্টর।

শ্রীযুক্ত নগেন্দ্রনাথের পত্নী ভবানীপুর নিবাসী (বঙ্গবাসী কলেজের

প্রফেসর) শ্রীযুক্ত রাজকুমার বন্দ্যোপাধ্যায়ের কন্যা শ্রীমতী শৈলবালা দেবী।
নগেন্দ্রনাথ বেডিকেল কলেজ হইতে এম-বি পরীক্ষার উত্তীর্ণ হইয়া বর্তমানে
হাওড়া জেনারেল হাসপাতালে হাউস ফিজিসিয়ান হইয়াছেন। ইনি “কুশদহ
সমিতির” সম্পাদকের গুরু ভার গ্রহণ করিয়াছেন।

শ্রীমতী নীলাবতীর স্বামী কোন্নগর নিবাসী—কম্বুলেটোলা প্রবাসী
শ্রীযুক্ত বিধুবদন বন্দ্যোপাধ্যায়ের পুত্র, শ্রীযুক্ত যতীন্দ্রনাথ বন্দ্যোপাধ্যায়।
ইহার ৬টি পুত্র, একটি কন্যা।

শ্রীমতী নীলাবতীর স্বামী মজিলপুর নিবাসী—বাহুড়বাগান প্রবাসী
শ্রীযুক্ত দেবেন্দ্রলাল বন্দ্যোপাধ্যায়।

বঙ্কিমচন্দ্র, কটক-রাবেলা কলেজ হইতে এনট্রান্স পাস করিয়া পুলিষ
সাব ইন্স্পেক্টর হইয়া পুরী ছিলেন। ইহার পত্নী, হুগলি গরলগাছা নিবাসী
—কটক প্রবাসী ৬দীননাথ বন্দ্যোপাধ্যায়ের কন্যা নীরোদবরণী দেবী।
বঙ্কিমচন্দ্র প্রায় ৩৬ বৎসর বয়সে নিঃসন্তান অবস্থায় দেহত্যাগ করেন।

বৈকুণ্ঠনাথের প্রথমকন্যা কাদম্বিনী অল্প বয়সে মৃত্যু মুখে পতিত হন।
দ্বিতীয়া মাতঙ্গিনী দেবীর স্বামী ধর্মপুর নিবাসী ৬চন্দ্রনাথ চট্টোপাধ্যায়ের
পুত্র সৈপুর নিবাসী ৬প্রিয়নাথ চট্টোপাধ্যায়। ইহার দুই পুত্র ৬ভূপতিভূষণ
ও ৬ মলিতমোহন। ৬মলিতমোহনের পত্নী বাগবাজার নিবাসী শ্রীযুক্ত
জ্ঞানেন্দ্রনাথ মুখোপাধ্যায়ের কন্যা হর্গাষতী দেবী। মলিতমোহন, মাতুল
কেন্দ্রনাথের সহিত একত্রে বাস করিতে করিতে মৃত্যুমুখে পতিত হওয়ার
তাঁহার ২টি নাবালক পুত্র—কার্তিক ও গণেশ, কেন্দ্র বাবুর নিকট থাকিয়া
প্রতিপালিত ও শিক্ষিত হইতেছে।

বোগীন্দ্রনাথ কুণ্ড দ্বারা কলিকাতা ১২১ নং লোয়ার সারকুলার রোড
উইল্কিন্স প্রেসে মুদ্রিত ও ২৮১১ নং কলিকাতা স্ট্রীট হইতে প্রকাশিত।

কুশাধ

“জননী জন্মভূমিষ্ট স্বর্গাদপি গরীয়সী”

“সত্যম্ শিবম্ সুন্দরম্”

“তোমার জগতে প্রেম বিলাইব,

তোমারি কার্য্য যা সাধিব ”

দশম বর্ষ } মাঘ, ফাল্গুন, ১৩২৫ { ১০, ১১শ, সংখ্যা

দাসের প্রার্থনা

দয়াল পিতা, এ অধম মলিন জীবনে তোমার অপার কৃপা দেখালে। সকল কালিমা তোমার পুণ্য-সঙ্গিলে ধোত ক'রে দিলে। কৃতার্থ হ'লাম, ধন্ত হ'লাম। মানবাত্মার প্রতি তোমার এত বহু—এত আদার—এত ভালবাসা ? এ তো আগে জানতাম না। হায়, জগত যে তোমার প্রতি প্রকৃতবিশ্বাস নির্ভরের অভাবেই ভীষণ দুঃখ-সাগরে ভাসছে। ঘরে ঘরে কত শোক তাপের আশ্রণ অলছে। কিন্তু তোমাতে বিশ্বাসের বলে সকল দুঃখ দূরে যায়।

প্রভু! যে আশা জীবিত-কালে করি নাই তাও দেখালে। শ্রম সার্থক হ'লো—ব্রত পূর্ণ হ'লো, ধন্ত হ'লাম। যদি দেশবাসীর প্রাণে তোমার আহ্বান-বাণী শুনালে, তবে ঐ বিচ্ছিন্ন প্রাণ গুলিকে এক তারে—এক ভোরে। তোমার প্রেমামৃত-সুখ পান করাইয়া মৃত প্রাণগুলিকে সঞ্জীবিত করো। দানের এই শেষ তিকা। তোমার ইচ্ছা পূর্ণ হউক।

অসবর্ণ বিবাহ

—১০৪—

একেশ্বর

শ্রীযুক্ত মুরলীধর বন্দ্যোপাধ্যায় এম-এ, লিখিত ।

মাননীয় পাটেল সাহেব মহোদয় হিন্দু-অসবর্ণ বিবাহ আইন সঙ্গত করিবার জন্য যে বিল পেশ করিয়াছেন, তাহার বিরুদ্ধে রক্ষণশীল হিন্দুসম্প্রদায় ঘোরতর আন্দোলন উপস্থিত করিয়াছেন। গত কয়েক সপ্তাহের মধ্যে অনেকগুলি প্রতিবাদ সভার সংবাদ পাওয়া গিয়াছে। প্রতিবাদকারীদের প্রধান বুদ্ধি এই যে, অসবর্ণ বিবাহ অশাস্ত্রীয় ও হিন্দুধর্মের মূলভিত্তি জাতিভেদের উচ্ছেদ সাধক। সুতরাং ইহা প্রচলিত হওয়া উচিত নহে। আমরা দেখিব (১) অসবর্ণ বিবাহ শাস্ত্র সঙ্গত কি না? (২) ইহা প্রচলিত হইলে হিন্দু সমাজের কোনও অনিষ্ট হইবে কি না? এবং তাহাতে হিন্দুর পারলৌকিক কোন ক্ষতি বা ধর্মলোপ হইবে কি না?

আমরা ইতিহাস আলোচনা করিলে দেখিতে পাই যে, বিবাহপদ্ধতি কালক্রমে হিন্দুসমাজে তিনবার পরিবর্তিত হইয়াছে। সর্বপ্রাচীন বৈদিক ও মহাভারতের যুগে আর্যেরা শুদ্ধ জাতীয় নারী বিবাহ করিতেন। এই সময় অসবর্ণ বিবাহ বিশেষ ভাবে প্রচলিত ছিল। তাহার পর যজু প্রভৃতির ধর্মশাস্ত্র বখন প্রণীত হয় সেই সময় ছুই প্রকারের অসবর্ণ বিবাহের মধ্যে প্রতিলোম বিবাহ নিষিদ্ধ ও কেবল অমূলোম বিবাহ প্রচলিত হয়। তাহার পরবর্তী পৌরাণিককালে হেমাদ্রি প্রভৃতির ধর্ম নিবন্ধ সকল বখন প্রণীত হয় তখন উভয় প্রকার অসবর্ণ বিবাহ উঠিয়া গিয়া সর্বর্ণ বিবাহের প্রথা বিধিবদ্ধ হইয়াছে। বৃহস্পতি পুরাণের “দ্বিজানাং সর্বর্ণানু কন্যা সুপমমস্তথা” এই বচনে ও হেমাদ্রির উক্ত আদিত্য পুরাণের “কন্যানাং অসবর্ণানাং বিবাহশ্চ বিজ্ঞমতিঃ” এই বচনে অসবর্ণ বিবাহ, মুসলমান আক্রমণের অল্প পূর্বেই হিন্দুসমাজে প্রথম নিষিদ্ধ হইয়াছিল। ইহা কলিকালের অমূলোম বিবাহ বলিয়া সমুদ্রযাত্রা ও কমণ্ডলুধারণাদির সহিত নিষিদ্ধ হইয়াছিল। ইহা হইতেই বুঝা যাইতেছে যে, হিন্দু সমাজের তখন পতনের দশা। যে হিন্দুজাতি সিংহল বিজয় ও বব্বীপে উপনিবেশ স্থাপন করিয়াছিল, সে হিন্দুজাতি তখন মরিয়া

গিয়াছে। যে হিন্দুসমাজ হইতে শঙ্করাচার্য্য ঐশ্বেতন্ত্রদেবের জ্ঞান সন্ন্যাসীর আবির্ভাব হইয়াছিল, সে হিন্দুসমাজ তখন লয় প্রাপ্ত হইয়াছিল। সন্ন্যাস, সমুদ্র যাত্রা প্রভৃতির জ্ঞান কলিতে অসবর্ণ বিবাহ নিষিদ্ধ ইহা নিতান্তই অমূলক কথা। তাহা না হইলে মৌর্য্য চন্দ্রগুপ্তের সময়ও ইহার প্রচার দৃষ্ট হইত না। শাস্ত্রের সত্যবতী বিবাহ দ্বাপরে অসবর্ণ বিবাহের প্রমাণ। মহর্ষি বেদব্যাস ও কুরু পাণ্ডবেরা দাস রাজকন্যা সত্যবতী হইতে উৎপন্ন। এ সময় অসবর্ণ বিবাহ প্রচলিত না থাকিলে ব্যাস ও কুরু পাণ্ডবেরা সমাজে পতিত হইতেন এবং তাঁহারা লোকমাত্র ঋষি, বীর বলিয়া সম্মানিত হইতেন না। এবং তাঁহারা যদি পিণ্ডদানের অধিকারী হইয়া থাকেন তবে এখন অসবর্ণ বিবাহোৎপন্ন সম্বন্ধ কেন অধিকারী হইবে না? চন্দ্রগুপ্তের অনেক পরবর্ত্তীকালে বৃহস্পতির পুরাণ ও আদিত্য পুরাণ যখন রচিত হয় তখনই অসবর্ণ বিবাহ হিন্দুসমাজে বন্ধ হইয়াছিল। সুতরাং ঐ দুই পুরাণে কলিযুগে যে ইহার নিষেধ দেখা যায় তাহা ভ্রম এবং হীন, পরাশর প্রভৃতি প্রণীত ধর্ম্মশাস্ত্রের বিধান বিরুদ্ধ। ঋতি শ্রুতির সহিত বিরোধ হইলে পুরাণের প্রমাণ অগ্রাহ্য। ব্যাস সংহিতায় ইহার স্পষ্ট মীমাংসা আছে, যথা,—

ঋতি শ্রুতি পুরাণানাং বিরোধো যত্র দৃশ্যতে,

তত্রশ্রৌতং প্রমাণং স্তাৎ ত্রয়োবৈধে শ্রুতির্ধরা।

সুতরাং এস্থলে শ্রুতি ও পুরাণে যখন বিরোধ হইতেছে, তখন পুরাণ অগ্রাহ্য। ইহাই ধর্ম্ম শাস্ত্রের প্রকৃত ব্যাখ্যা। এস্থলে যদি কেহ বলেন, যক্ষ প্রভৃতির ধর্ম্মশাস্ত্রে সাধারণভাবে অসবর্ণ বিবাহের বিধি আছে। আদিত্য পুরাণে—উহা কলিতে বিশেষভাবে নিষিদ্ধ হইয়াছে। সুতরাং ইহাদের বিরোধ নাই। যক্ষ প্রভৃতির বিধি কলি ভিন্ন অন্য যুগের জন্ত বুদ্ধিগত লইতে হইবে। এক্ষণ মীমাংসা অসম্ভব। কারণ, পরাশর বিশেষভাবে কলির জন্ত ধর্ম্মশাস্ত্র করিয়াছেন। তিনি যাহা বিধান করিয়াছেন তাহা কলির জন্ত নহে ইহা কল্পিত ব্যাখ্যা। বিশেষতঃ মৌর্য্যদের রাজত্বের দ্বারা কলিতে অসবর্ণ বিবাহের বৈধতা প্রমাণিত হইতেছে। ফলতঃ খৃষ্টীয় পঞ্চম বা ষষ্ঠ শতাব্দী পর্য্যন্ত যে অসবর্ণ বিবাহ হিন্দুসমাজে প্রচলিত ছিল তাহাতে সন্দেহ নাই। নতুবা হিন্দু সমাজের জীবন্ত ভাবার চিত্র চারুদত্ত নাটকে ও গুড্রকের মূচ্ছকটিকে সর্বজন পূজ্য আদর্শ চরিত্র ব্রাহ্মণ চারুদত্ত কখনও বসন্ত সেনাকে বিবাহ করিয়া সমাজে স্থান পাইতেন না। ইহা হইতে আরও বুঝা যায়, ঋতির বা

ধর্মশাস্ত্রের বিধি নিষেধ দেখিয়া হিন্দুসমাজ চলে—ইহা জ্ঞান। হিন্দুসমাজে বধন বৈষ্ণব আচার প্রচলিত হইয়াছে, শ্রুতি স্মৃতি বিরুদ্ধ হইলেও পরবর্তী কালের পুরাণ ও উপপুরাণ রচয়িতার তাহা সমর্থনের জন্য বচন রচনা করিয়াছেন ও মিবন্ধকারেরা সেই সকল আধুনিক লোকাচার সমর্থন করিবার জন্য ঐ সকল বচন শ্রুতি স্মৃতি বিরুদ্ধ নহে ইহা দেখাইবার জন্য দৃষ্ট শ্রুতি স্মৃতির অর্থ সংকোচ ও অদৃষ্ট শ্রুতি কল্পনারূপে কৌশলের আশ্রয় লইয়াছেন। এরূপ কৌশল অবলম্বন না করিয়া ধর্মশাস্ত্রের স্পষ্ট অর্থ লইলে অসবর্ণ বিবাহ কলিতে শাস্ত্র সঙ্গত বলিয়াই প্রমাণিত হয়। সুতরাং অসবর্ণ বিবাহ প্রচলিত হইলে হিন্দু সমাজের—ঐহিক না হউক, পারত্রিক হানি হইবে ও হিন্দুধর্মের অনিষ্ট হইবে এই বলিয়া বে ঘোর আন্দোলন উঠিয়াছে, তাহা সম্পূর্ণ অমূলক।

এখন আমরা দেখিব অসবর্ণ বিবাহ প্রচলিত হইলে হিন্দুসমাজে ঐহিক কোন ক্ষতি হইবে কি না ?

এ বিষয়ের প্রকৃত মীমাংসা করিতে হইলে আমাদের দেখিতে হইবে প্রাচীনকালে কি জন্য অসবর্ণ বিবাহ প্রচলিত ছিল ও কেনই বা পরে তাহার রহিত হইয়াছিল এবং এখন তাহা পুনঃ প্রচলিত করিলে সমাজে তাহার ফল কি হইবে ?

অতি প্রাচীন বৈদিক কালে আর্ষ্যেরা বধন এই দেশ ভ্রম করিয়া এখানে বসতি করিতে লাগিলেন, তখন তাঁহাদের সহিত স্বজাতীয় জ্ঞীলোকের সংখ্যা অল্প ছিল এবং সেই জন্য তাঁহারা বিজিত অনাৰ্য্য জাতীয় জ্ঞীলোককে বিবাহ করিতে বাধ্য হইয়াছিলেন। সেই জন্য অসবর্ণ বিবাহ-প্রথা তখন চলিত হইয়াছিল।

কাল ক্রমে এইরূপ বিবাহের দ্বারা আৰ্য্য ও অনাৰ্য্য জাতির মিশ্রণে আৰ্য্য জাতির একেবারে লোপ পাইবার সম্ভাবনা হইল। তখন আৰ্য্যদিগের বর্ণের বিশুদ্ধতা রক্ষা করিবার জন্য অসবর্ণ বিবাহ ক্রমশঃ বন্ধ করিবার চেষ্টা হইতে লাগিল। এইরূপে যজু ও অজ্ঞাত ধর্মশাস্ত্রকারদিগের সময়ে দুই প্রকার অসবর্ণ বিবাহের মধ্যে প্রতিমৌল বিবাহ উঠিয়া গেল ও কেবল অঙ্গুলৌল বিবাহ প্রচলিত রহিল।

কালে এই আংশিক অসবর্ণ বিবাহ হইতেও অনেক শত্রুজাতি উৎপন্ন হইল। এবং বিশুদ্ধ আৰ্য্যবর্ণ প্রায় লোপ পাইবার উপক্রম হইল। তখন বর্ণের সংমিশ্রণ একেবারে বন্ধ করিবার জন্য কঠোরতর নিয়ম দ্বারা সর্বাংশিক

অসবর্ণ বিবাহ ক্রমশঃ বন্ধ করা হইল। এবং হিন্দুসমাজ পরস্পর বিবাহ ও সর্বপ্রকার সামাজিক সম্বন্ধশূন্য অসংখ্য ক্ষুদ্র জাতিতে বিভক্ত হইল। এই অবস্থা মুসলমান আক্রমণের কয়েক শতাব্দী পূর্বে পৌরাণিক কালের শেষ ভাগ হইতে আরম্ভ হইয়াছে। হিন্দুসমাজের অন্তর্গত এই অসংখ্য ক্ষুদ্র জাতি সমূহ যে স্ব স্ব বিভিন্নতা রক্ষা করিতে এতদিন সমর্থ হইয়াছে তাহার একমাত্র কারণ প্রত্যেক বর্ণের ভিন্ন ভিন্ন ব্যবসায় ও বৃত্তি নির্দিষ্ট ছিল। এবং তাহাতেই হিন্দুসমাজের শৃঙ্খলা এতদিন রক্ষিত হইয়াছে।

কিন্তু বর্তমান যুগে এই অসংখ্য বর্ণভেদ রক্ষার একমাত্র কারণ বৃত্তিভেদ উঠিয়া গিয়াছে। ইংরেজাধিকারের প্রভাবে এখন আর একমাত্র ব্রাহ্মণই শাস্ত্রজ্ঞানের অধিকারী নহেন। তাঁহাকে জীবিকা নির্বাহের জন্ত পৌরহিত্য ছাড়িয়া পাচকত্ব স্বীকার করিতে হইয়াছে। এখন বিবেকানন্দ বা কোন ইংরেজ মহিলা নব হিন্দুধর্মের ব্যাধ্যা কর্তা। কায়স্থগণ এখন আর ব্রাহ্মণের ভৃত্য নহেন। তাঁহারা ব্রাহ্মণের প্রভু হইয়াছেন। তেলি আর তৈল ব্যবসায়ী নহেন—তিনি সমাজের নেতা, সম্পাদক ও আইন প্রণেতা। বাঙ্গী ও চণ্ডাল এখন আর অস্পৃশ্য নহেন—তাঁহারা ইংরাজি শিক্ষার মাহাত্ম্যে সকল বর্ণের গুরু—ব্রাহ্মণেরও গুরু হইতেছেন। এখন কোন্ স্বাভাবিক ভেদের উপরে হিন্দুসমাজের বর্ণভেদ প্রতিষ্ঠিত হইতে পারে? পূর্ব পূর্ব যুগের অসবর্ণ বিবাহের দ্বারা হিন্দুদিগের বর্ণের বংশগত বিশুদ্ধতাও লোপ পাইয়াছে। এখন সকল বর্ণেই অনাৰ্য্য শোণিত প্রবেশ করিয়াছে। এখনকার একজন সূবর্ণ বণিককে দেখিলে তাঁহার বর্ণ ও আকৃতি আৰ্য্যজাতির যতদূর সূক্ষ্ম বোধ হয়, তাঁহার ব্রাহ্মণ পুরোহিতের আকৃতি ততদূর নহে। বরং তাঁহাকে অনেক স্থলে আকৃতিতে অনাৰ্য্য জাতীয় নিকৃষ্ট বর্ণ হইতে প্রভেদ করা কঠিন। অধচ সমাজে সূবর্ণবণিক হইতে ব্রাহ্মণের আসন উপরে। একরূপ প্রভেদ নিতান্ত অস্বাভাবিক বলিয়া বোধ হয়। এখনকার বর্ণভেদ বংশগত বা বৃত্তিগত ভেদের উপরে প্রতিষ্ঠিত নহে। ইহা কেবল কাল্পনিক আৰ্য্য রক্তাভিমানে উপর প্রতিষ্ঠিত। এখন বর্ণভেদের কারণ সর্বপ্রকার স্বাভাবিক ভেদ চলিয়া গিয়াছে ও সবর্ণ বিবাহের নিয়ম, কেবল কাল্পনিক বংশভেদ অবলম্বন করিয়া রহিয়াছে। একরূপ কাল্পনিক ভেদকে আশ্রয় করিয়া কোনও দেখাচায়ই অধিক দিন থাকিতে পারে না। পূর্বকালের বর্ণভেদের মূল স্বাভাবিক ভেদ সত্ত্বেও বর্ষম অসবর্ণ বিবাহ প্রচলিত ছিল ও তাহাতে হিন্দু

সমাজের কোন অনিষ্ট না হইয়া উন্নতি হইয়াছিল তখন এসময়ে যখন বর্ণভেদের মূল সর্বপ্রকার স্বাভাবিক ভেদ চলিয়া গিয়াছে, তখন যে অসবর্ণ বিবাহ পুনরায় প্রচলিত হইবে না এরূপ আশা করা নিতান্তই ছুরাশা। এবং তাহা প্রচলিত হইলে যে হিন্দুসমাজের ইষ্ট না হইয়া অনিষ্ট হইবে এই আশঙ্কাও ভ্রমাত্মক।

এ অবস্থায় যদি রক্ষণশীল হিন্দুসমাজ এই কল্লিত বর্ণভেদ রক্ষা করার জন্য অসবর্ণ বিবাহে বাধা দিতে যান, তাহা হইলে যে সকল নূতন সামাজিক শক্তি উদ্ভিত হইয়া কল্লিত বর্ণভেদের স্থানে ব্যক্তিগত গুণের মর্যাদা স্থাপিত করিতেছে ও ভিন্ন ভিন্ন বর্ণ এবং সম্প্রদায়কে একতান্ত্রে বাধিতে চেষ্টা করিতেছে, তাহারা হিন্দুসমাজকে একেবারেই বিপর্যস্ত করিবে। এখন হিন্দুসমাজ এই সকল শক্তির সহিত সংগ্রাম করিয়া আত্মরক্ষা না করিয়া যদি ইহাদের সহিত সন্ধি স্থাপনা করিয়া ক্রমশঃ উন্নতির দিকে অগ্রসর হয়, তাহা হইলেই আত্মরক্ষা করিতে পারিবে, নতুবা হিন্দুধর্মের বিনাশ অবশ্যস্তাবী। ইহার প্রমাণ স্বরূপ আমরা দেখিতেছি যে, হিন্দুসমাজ এই সংকীর্ণ নীতির অনুসরণ করিয়া অতি সঞ্চার ক্ষয় প্রাপ্ত হইতেছে। এই সংকীর্ণনীতির ফলে বালবিধবার বিবাহ বন্ধ হওয়াতে হিন্দুর জনসংখ্যা ক্রমশঃ কমিতেছে। এই সংকীর্ণ নীতির ফলে উন্নতিশীল হিন্দুদিগকে সমাজচ্যুত করিয়া হিন্দুসমাজ দিন দিন আত্মহত্যা করিতেছে। কিন্তু মুসলমান সমাজ অপেক্ষাকৃত অশিক্ষিত হইলেও বিধবাবিবাহ, সমুদ্রযাত্রা ও বিবাহ বিষয়ে উদার বলিয়া দিন দিন হিন্দুসমাজ অপেক্ষা পরিপুষ্ট ও বর্দ্ধিত হইতেছে। এখন হিন্দুসমাজকে রক্ষা করিবার জন্য আমাদেরকে এই সমস্ত সংকীর্ণ প্রথা পরিবর্তিত করিতে হইবে। যাঁহারা বর্তমান যুগের অনুরূপ করিবার নিমিত্ত হিন্দুসমাজকে উন্নতিশীল করিতে চান, তাঁহাদিগকে কঠোর নিয়মের দ্বারা সমাজ হইতে বহিষ্কৃত না করিয়া ইহারই মধ্যে স্থান দিতে হইবে।

মাননীয় পাটেল মহোদয় অসবর্ণ বিবাহ প্রচলিত করিবার জন্য যে বিল প্রণয়ন করিয়াছেন, সংকীর্ণ নিয়ম সকল পরিবর্তিত করিয়া হিন্দুসমাজকে এইরূপে উন্নত ও নূতন যুগের উপযুক্ত করাই তাঁহার একমাত্র উদ্দেশ্য। যে সকল হিন্দু অসবর্ণ বিবাহের বিরোধী, তাঁহাদের স্বাধীনতার হস্তক্ষেপ করা ইহার আদৌ উদ্দেশ্য নহে। কেবল যাঁহারা অসবর্ণ বিবাহ করিতে ইচ্ছুক, বর্তমান আইনের বাধা দূর করিয়া, তাঁহাদের কার্যের সহায়তা করাই ইহার

একমাত্র উদ্দেশ্য। সুতরাং বন্ধনশীল হিন্দুদিগের ইহাতে অসন্তুষ্ট হইবার কোনও কারণ নাই। তাঁহাদের স্বাধীন ধর্মাচরণে এ আইন কিছুমাত্র বাধা দিবে না। কিন্তু এ আইন পাশ না হইলে, উন্নতিশীল হিন্দুদিগের অসন্তুষ্ট হইবার যথেষ্ট কারণ আছে। অসবর্ণ বিবাহ করিলে বর্তমান আইন অনুসারে তাঁহাদের সম্বানেরা উত্তরাধিকারী হইতে পারে না। যাহারা এই বিলকে হিন্দুধর্মে হস্তক্ষেপ বলিয়া মনে করেন ও মহারাণীর ঘোষণার বিরুদ্ধ বলিয়া অভিযোগ করেন, তাঁহাদের মনে রাখা উচিত যে, কেবল প্রাচীনকালে কেন, মুসলমান আক্রমণের পূর্ব পর্য্যন্ত ঘোর কলিযুগেই অসবর্ণ বিবাহ প্রচলিত ছিল। তাহাতে হিন্দুধর্ম লোপ পায় নাই ও হিন্দু পিতৃপুরুষের পিণ্ড লোপ হয় নাই। বিবেচক হিন্দুমাঝেই এই বিল পাশ হইলে গভর্ণমেন্টকে ধন্যবাদ দিবেন। এবং তাঁহারা আশা করেন যে, গভর্ণমেন্ট সংস্কারের বিরোধীদিগের আপত্তিতে কর্ণপাত না করিয়া, হিন্দুসমাজে যে সকল অনিষ্টকর প্রথা আছে, আবশ্যক হইলেই ঐ সকল রহিত করিবার জন্য আইন প্রণয়ন করিবেন। সতীদাহ নিবারণের সময়, বিধবা বিবাহ আইন প্রণয়নের সময় ও এন্ড অব্ কন্সেন্ট্ আইন পাশের সময় এইরূপ হিন্দুধর্মে হস্তক্ষেপের নামে অনেক আপত্তি উঠিয়াছিল। তাহা সত্ত্বেও গভর্ণমেন্ট ঐ সকল বিধি প্রণয়ন করিয়া হিন্দুসমাজের অনেক উপকার করিয়াছিলেন। সুতরাং আশা করা যায় এবারও প্রতিবাদের জন্য আইন পাশ বন্ধ থাকিবে না।

(সঞ্জীবনী হইতে গৃহীত)

প্রায়শ্চিত্ত

ত্রয়োবিংশ

প্রশস্ত উন্মুক্ত স্থানে সুন্দর বাংলো। বাংলোর বিস্তৃত সীমা ভূমিতে নানা বকমের দেশী বিলাতী ফুলের গাছ। সম্মুখের দীর্ঘ রাজপথটির দুই ধারে বিলাতী নিম আম ও দেবদারু গাছের সারি, বসন্তের নবপল্লবে শোভান্বিত। মহেশ বারু কৰ্ম স্থানে ফিরিয়া আসিয়াছেন। শুচিতা স্বামী গৃহে পিয়াছে, ললিতা এলাহাবাদে সেই যে সর্দি করে পড়িয়াছিল, আজও সম্পূর্ণ সুস্থ হইতে পারে নাই। ঔষধ ও চিকিৎসার অভাব নাই, কিন্তু তবু শরীর মানি মুক্ত হইতে

চাহে না। মহেশ বাবু এজন্য অত্যন্ত চিন্তিত। বিবাহের দিনও সেজন্য পিছাইয়া দিতে হইয়াছে। নবেন্দু আর কতদিন বসিয়া থাকিবে, সে কলিকাতার ফিরিয়া গিয়া বারে প্রাক্টিস আরম্ভ করিয়াছে।

ললিতা মাঝে কিছুদিন নবেন্দুর পক্ষপাতী হইয়াছিল, নবেন্দুর মেহ সম্ভাষণ আদর স্বত্বটুকু আগ্রহের সহিত গ্রহণ করিত, কিন্তু আজকাল তার মধ্যে কেমন একটা উদাসভাব আসিয়া পড়িয়াছে, সকল বিষয়েই যেন তার আশ্রিত ভাব লক্ষিত হয়। নবেন্দু এ উদাসিন্ণ লক্ষ্য করিয়াছিল, ভাবী পক্ষীর নিকট হইতে এরূপ ভাব সহ করা অসম্ভব, বিশেষ যখন নব বোবনের নেশায় মন ভরপুর হইয়া থাকে, তার উপর অমিতারও যেন আড় আড় ছাড় ছাড় ভাব, কাজেই নবেন্দু বেচারী ইহাদের কাছে টেকে কি করিয়া? কিন্তু সে নিরকোষ নয় যে, এই সকল ছুতা ভ্রাতা লইয়া স্থাপন্য বাধাইয়া বিবাহে গোলযোগ ঘটাইয়া বসিবে। সে জানে, ভবিষ্যতে ব্যারিষ্টারীতে পসার জমাইতে না পারিলেও, খণ্ডরের সঞ্চিত অর্থে বেশ জমকাল রকমেই নিজেদের জীবন কাটাইতে পারিবে।

ললিতার অসুস্থতার জন্য অমিতাও বড় মুস্থিলে পড়িয়াছে। তিনটি বোনে এতদিন কত আনন্দে—নিত্য নূতন কৌতুক প্রমোদে, গানে, গল্পে দিনের পর দিনগুলি স্বচ্ছন্দে কাটিয়া গিয়াছে, কোথাও কোনো অসম্পূর্ণতার ফাঁকে মনকে ভারাক্রান্ত করিতে পারে নাই।

এখন শুচিতা তো চলিয়া গিয়াছে। ললিতা অধিকাংশ সময় শয্যায় বা ইঞ্জিচেরারে পড়িয়া থাকে। অমিতা একা আর কত বেড়াইবে? ললিতা এক একদিন বেড়াইতে রাজী হয়, অমিতা সেদিন ধুসী হইয়া তাহাকে লইয়া বেড়াইতে যায়। যেদিন ললিতা অসুস্থতার ওজর করিয়া ঘোরাঘুরি করিতে অসম্মত হয়, অমিতা বলে, আমি হোলে এতদিন রোগকে কখনো দেহে পুষে রাখতুম না—ঝেড়ে ফেলে দিতুম। তোমার রোগকে ছুঁই ইচ্ছে কোরেই পুষে ছো ছোট্টি দি, একথা আমি ঠিক বলছি।

ললিতা মুখ রাঙা করিয়া বলে, অমিতে, তুই আমাকে সব কথা বলতে পারিস, রোগ কখনো ইচ্ছে কোরে শরীরে কেউ বসে বেড়ায়?

অমিতা হাসিয়া বলে, তা তো জানি না ছোট্টি দি। সাধারণতঃ 'শরীর দুর্বল, মাথা ঘুরছে' এই সব বাহানায় ষারা জড়ের মতন পড়ে থাকে, আমার তাদের ওপোর মায়ী হয়। রোগের চাইতে ভাবনার বোঝাতেই তাদের দেহ বেশ

পিয়ে যায়। আমার কি মনে হয় জান ছোট্ দি ? মানুষ তর্গরানের কাছে বসে বসেই দাবী দাওয়া করুক, বসে কিছু অভাব অভিযোগ জানাক, তার শরীরটি যদি বেশ সবল সুস্থ থাকে, তা হলে তাতেই তার কৃতজ্ঞ হওয়া উচিত, নয় কি ? ললিতা, ‘হঁ। কি না’ কোনো উত্তরই দেয় না।

এবারে মহেশ বাবুর নতুন কর্মস্থানের বাংলোখানি নিতান্ত নির্জনস্থানে বলিয়া বড় একটা কারও মুখ দেখিবার সুবিধা নাই, এতোখানি নির্জনতা ও মনের মানুষের সঙ্গে অভাব অমিতাকে ভাল লাগিত না। সে, দিনের মধ্যে পাঁচবার স্বরণ করিত—সরল হান্স-কোলাহলমুখর বিপুলে, সদানন্দ সঘন্টা হরদাদাকে ; আর সে স্বরণ করিত, ভাগ্য বিড়ম্বিত—লাহিত রতিকান্তকে। রতিকান্ত অমিতাকে দুইখানি চিঠি লিখিয়াছে, অমিতা সম্মানে উহার উত্তর দিয়াছে, কিন্তু রতিকান্তের পত্রে বেন একটা নৈরাশ্রের করুণ স্বর ; অমিতা তাহাতে ব্যথা পায়, আক্ষেপের কোন কথা তাহাতে লেখা না থাকিলেও তাহার আভাসটুকু অমিতা প্রাণ দিয়া অনুভব করিতে চায়, এবং সে সুকোমল নারী স্বভাবের সহানুভূতির কাছে সহজেই প্রচ্ছন্ন বেদনারাশি আশ্রয়-প্রকাশ করিয়া ফেলে।

ললিতার সম্বন্ধে কোনো কথা পত্রের মধ্যে উল্লেখ না থাকিলেও অমিতা খুসিয়াছিল, যে এ ব্যাপারে রতিকান্তকে কতখানি আঘাত পাইতে হইয়াছে, কিন্তু রতিকান্তের চরিত্রে তার অগাধ শ্রদ্ধা ছিল। রতিকান্ত সে আঘাতকে গ্রাহ্য না করিয়া যখন জীবনেরপথে নানা কর্মের অঘেষণে প্রাণ মনের সহিত ব্যস্তভাবে ছুটিতে চাহিয়াছে, তাহাতে অমিতা আনন্দ অনুভব করিত, মনে মনে তাহার সাফল্য কামনা করিত। কিন্তু একটা মহাছঃখ তাহার এই যে, রতিকান্তের সম্বন্ধে কোনো কথা কাহারও সহিত কহিবার উপায় ছিল না। জ্যাঠাইবার কাছে রতিকান্তের প্রসঙ্গ উঠিলেই, অমনিই ললিতার সহিত রতির বিয়েটা হোলেই বেশ হতো ইত্যাদি গতানুশোচনার আবৃত্তি না হইয়া যায় না, অমিতা উহাতে অত্যন্ত বিরক্ত হইত। ললিতার সহিত বিবাহ না হইলেও যে রতিকান্তের তার যুবকের সহিত যে কোনো পরিবারের ঘনিষ্ঠযোগ ও বন্ধুত্বের প্রতিষ্ঠা হওয়া অপৌরবের কথা না হইয়া আনন্দেরই বিষয় হওয়া উচিত তাহা কেন যে কেহ মনে করিতে পারেন না, ইহা সে ভাবিয়া পায় না।

ললিতার কাছে কথাপ্রসঙ্গে রতিকান্তের নাম উল্লেখ করিলে সেও একদিন বিরক্ত হইয়া বলিয়াছিল, “আমার কাছে ওসব কথা কেন অমিতা ?” অমিতা

চূপ করিয়া গিয়াছিল। হায়, হৃদয়ের মানব চরিত্র, একদিন বাহ্যকে হৃদয় মন্দিরে বসাইয়া পূজা করিতে চায়, ঘটনাক্রমে সে স্থান চ্যুতি ঘটিলে মন্দিরের ত্রিসীমানায় কোথাও কি আর তার ঠাট্টা এতটুকু ঠাই নাই? বাহিরের এ সাবধানতা ও কঠোরতা কি নিজেদেরই দুর্বলতার পরিচায়ক নহে? কিন্তু এ কাকী বহির্জগতে বেমানম খাপ খাইলেও অন্তর্জগতে কি তার স্থান হয়?

সেদিন বৈকালে অমিতা যখন পিরনের হাত হইতে রতিকান্তর চিঠি খানি লইয়া একমনে পড়িতেছিল, ইজি চেয়ারে অর্ধশায়িতা ললিতা উঠিয়া বসিয়া সাগ্রহে কহিল, কার চিঠি অমিতা? বড় দি লিখেছে বুঝি? অমিতা তখন পড়িতেছিল, “আমার সে দরখাস্ত খানার উত্তর আজ আমি পেয়েছি; আমাকে সৈন্ত শ্রেণী ভুক্ত করা হবে না। হায় হায়, সব দিকেই আমার পথ বন্ধ, কোথায় যাই? চার দিককার বন্ধনে দিনের পর দিন আমার নিখাস বেম রুদ্ধ হয়ে আসছে, সংসারে কি কোথাও আমার স্থান নেই? জগতে কি আমার করণীয় কোনো কাজই নেই? জগৎ সংসারের বা কিছু কর্তব্য, সব গুলিই নিঃশব্দে আমার যুথের দিকে তাকিয়ে তীব্র উপহাসের হাসি হাসছে। একি কঠিন, নিশ্চয় বিক্রম! একি নিদাক্ষণ অবিখাস!” এ কক্কণোক্তিগুলি অমিতার হৃদয়ে বেন দাগ কাটিয়া বসিয়া যাইতেছিল। ললিতার প্রশ্নের উত্তরে সে ভাচ্ছন্দ্য ভাবে কহিল, এ চিঠির সঙ্গে তোমার কোনো সংশ্রব নেই। ললিতা অপ্রতিভ হইল, চিঠি যে কাহার, তাহা আর বুঝিতে বাকী রহিল না, কিন্তু রতিকান্ত এমন কি কথা লিখিয়াছে যে, অমিতার পড়া আর শেষ হয় না, অমিতার যুখে যুগপৎ বেদনা ও অসন্তোষের ছায়া বেন বনাইয়া আসিতেছে। অমিতার সে অপ্রসন্ন ভাব ললিতার বুকে বেদনার চাকল্য জাগাইয়া তুলিল, কিন্তু হায় হায়, সে যে নিরুপায়, সে নিজেই একদিন রতিকান্তর প্রসঙ্গ ভোলায় জন্ত অমিতাকে ধমক দিয়াছে, এখন আর কোন্ যুখে তাহার পত্রের সংবাদ জানিতে কোঁতুল প্রকাশ করিবে? রতিকান্ত কেমন আছে, আজকাল কি করিতেছে, জানিবার ইচ্ছা হইলেও সে ইচ্ছা পূর্ণ হইবার পথ তো সে নিজেই বন্ধ করিয়া দিয়াছে। তাহার সম্বন্ধে বতখানি উদ্ধত প্রকাশ করিয়াছে, উহা কি উচিত হইয়াছিল? রতিকান্তর জ্ঞান অশিক্ষিত, সচরিত্র, মহৎপ্রাণ বুকের সে যে একদিন মেহের পাত্রী হইতে পারিয়াছিল উহা কি তাহার নারী জীবনের পক্ষে অগৌরবের কথা? সে কেন নিজের ছোট মন লইয়া, সে প্রাণপূর্ণ মেহরাশিকে নীচ চক্ষে দেখিয়া, বেচ্ছার নিজের নারী বহিষ্যাকে

মলিন করিয়াছে। সংসারের আর পাঁচজনের সহিত বে রতিকান্তর তুলনা হইতে পারে না, ইহা তো। তাহার অবিদিত ছিল না, অগতের চক্ষে সে, বে কোনো অপরাধই করুক, তাহার কাছে রতিকান্তর কি অপরাধ? এই শঠতা ও চাতুরীবহুল সংসারে প্রাণতরা স্নেহ ভালবাসা, অনাবিল অকৃত্রিমপ্রেম অহুরাগ কি এতই অসম্ভব ও উপেক্ষার বস্তু?

মলিতার অন্তরের অন্তরতম প্রদেশ হইতে বিনাসের করুণ তান উঠিতে লাগিল। তাহার হৃদয় আজ কোনো নিবেদন না মানিয়া রতিকান্তর চরণে লুটাইয়া পড়িয়া কাঁদিতে চাহিল, ওগো দেবতা, আমি তোমার চরণে যদি অপরাধ করে থাকি, তার মার্জনা করো, তোমার স্নেহের অযোগ্য আমি, কিন্তু ভাগ্যবলে যদি তার অধিকারিণী হয়ে থাকি, তা থেকে আর যেন বঞ্চিত না হই।

চতুর্বিংশ

সন্ধ্যার পর নির্মল জ্যোৎস্নালোকে, আকাশ, ধরণী ভরিয়া গেল। শুভ্র সুন্দর চাঁদের কিরণে চারিদিক সুন্দর শোভা ধারণ করিল। অর্ধ প্রফুল্লিত মল্লিকা, বেলায় ঘন সৌম্যে বাতাস আমোদিত হইল। মলিতা নিজের মনের মানি ঝাড়িয়া ফেলিবার জন্য কহিল, আঃ কি সুন্দর জ্যোৎস্নাটি ফুটে উঠেছে, অমিতা, তুই একটা গান কর তাই।" অমিতার মন, রতিকান্তর পত্রখানি পাঠ করিয়া পর্যন্ত ভাল ছিল না, কিন্তু তার চির প্রফুল্ল মনের মধ্যে সে অধিকরণ বেদনার বোঝা বহিতে পারিত না। সন্ধ্যার পূর্বে মাতার সহিত কাজের মধ্যে এবং কাকামণিকে ১০ দিবার সময় সে আজ গম্ভীর হইয়াই ছিল, মহেশবাবু অমিতার সে গাম্ভীৰ্য্য লক্ষ্য করিয়া বলিয়াছিলেন, পুকীর আজ কি হোলো রে, হঠাৎ এত চুপ্ চাপ্ কেন? প্রকৃতির মনোমুগ্ধকর সৌন্দর্য্য, এতরূপে অমিতার মনের সে বিবাদ ছায়া সরাইয়া দিল, বসন্তের মৃদু মন্দ বাতাস দেহে ও মনে যেন পুনঃ চাঞ্চল্য আনয়ন করিল। আ মরি মরি, নিখিল বিশ্ব প্রাবিত করিয়া কার এ হাসি রাশি বলমল করিতেছে। একি রূপ, একি শোভা! কি সুন্দর জ্যোৎস্নাময়ী রজনী! মনের সমস্ত মানি ঝাড়িয়া ফেলিয়া এ জ্যোৎস্নার সৌন্দর্য্য ভরজে কে না গা ভাষাইতে চায়? ওগো, ঐ কান পাতিয়া শোনো, ঐ অমল ধবল চাক্র চক্রিকায় পুলকিত হইয়া কোন্ অজানা লোক হইতে কি এক অপার্থিব সুর-ভরঙ্গ আনাদের এই ব্যথা, শোক, হা-হাকারপূর্ণ মর্ত্য্যধামে ছানিয়া আসিতেছে। সে সুরে কি এক অপূর্ব মহান, আস্থান-পীতি ধ্বনিত

হইতেছে। এস মর, এস নারী, সেই সুরে তোমরাও সুর মিলাইয়া গান ধর, স্বর্গে
মর্ত্যে এক হউক, মানবের প্রাণের আশা— হৃদয়ের বাসনা সেই স্বর্গীয় সুরের তরঙ্গে
তরঙ্গে লীলায়িত হইয়া তোমাদের চক্ষে কল্পনার উজ্জ্বল স্বর্গীয় ছবি আঁকিয়া ধরুক।

অমিতা হর্ষোনিয়াম বাজাইয়া গান ধরিল,—

একি রূপ, নিরূপম, ওগো চির মন প্রাণ হরণি।

ইন্দু কিরণ ঝলকিত দেহ, অমল ধবল বরণি।

রূপেতে ভরেছ আধি,

কুসুম সুবাস মাধি,

পর্যণ কেড়েছ, মন ভুলায়েছ, ওগো পুলকিত ধরণি।

কি সুরে ধরেছ গান,

এ-কি ভুবন ভুলান তান,

আজি কোন্ কুল আশে, আকুল পিরাসে,

বাহিব হৃদয় তরণী,

ওগো পুলকিত ধরণী।

সুন্দর গান, সুন্দর সুর, সুন্দর সময়। অমিতা তরঙ্গ হইয়া, বিশ্ব প্রকৃতির
সৌন্দর্য্য-বন্দনা গীতি গাহিতে লাগিল। এই গান ললিতা ও অমিতা হই
ষোনে মিলিয়া কতবার জ্যোৎস্নাময়ী রাত্রে, গাহিয়াছে, নিজেরা গাহিয়া
নিজেরাই মুগ্ধ হইয়াছে, আনন্দ অনুভব করিয়াছে, আজ কিন্তু ললিতার কাছে
এগান ভাল লাগিল না, তাহার কাণে আজ এ গানের সুর বেসুরা বোধ
হইতে লাগিল, অমিতার গান ধামিলে, ললিতা নিজেই গুণ গুণ করিয়া একটি
গান ধরিল, অমিতাও কণ্ঠ মিলাইয়া সে গানে যোগ দিল,।

(ছিক্কেস্ত্রলালের মনোমুগ্ধকর সঙ্গীত)

“নীল আকাশের অসীম ছায়ে ছড়িয়ে গেছে চাঁদের আলো,

আবার কেন, আবার কেন, ঘরের ভিতর প্রদীপ আলো।

রাধিস না আর মায়ার ঘেরে, মেহের বাঁধন ছিঁড়ে দেবে,

উধাও হোরে মিশিরে যাই, এমন রাত আর পাব না লো।

পাগিয়ার ঐ আকুল তানে, আকাশ ভুবন গেল ভেসে,

ধামা এখন বীণার ধ্বনি, চুপ্ করে শোন বাইরে এসে,

বুক এগিয়ে আসে মরণ মায়ের মতন ভালবেসে,

এখন যদি মরতে না পাই, তা হোলে মোর মরণ ভালো।

সাজ আমার খুলা খেলা, সাজ আমার বেচা কেনা,
 এয়েছি কোরে হিসেব নিকেশ বার যা ছিল পাওনা দেনা,
 আজি বড়ই শ্রান্ত, ওমা আমার তুলে নে না
 যেখানে ঐ অসীম সাদার মিশেছে ঐ অসীম কালো ॥”

সঙ্গীতের প্রতি ছন্দে কি এক বুক ফাটা আর্তনাদ যেন হা হা করিয়া বাতাসের
 বুকে ফিরিতে লাগিল। ললিতার দুই চক্ষু বহিয়া অশ্রুধারা নামিল, সুরের একি
 মোহিনী শক্তি। গোপন মর্মসুন্দর ওলোট পালট করিয়া কোন্ নিভৃত
 প্রদেশের গভীরনৈরাশ্র নিদারুণ মর্ম বেদনাকে বাহিরের এ মুক্ত আলোকে
 সে আনিয়া ফেলে। ললিতা নিজেই বুঝিল না, কেন আজ এ সঙ্গীত এত
 মর্মস্পর্শী এত করুণভাবে তার হৃদয়কে স্পর্শ করিল। কে আজ তাহাকে
 বলিয়া দিবে, এই চির পরিবর্তনশীল জগতে কোনটা সব চাইতে সত্য।
 হৃদয়ের সহিত কত বিস্কৃত হইয়া, অন্তরের আকুল গভীর ও বিরাট দৈন্তকে
 প্রাণপণ শক্তিতে লুকাইয়া রাখিয়া বিশ্বের সম্মুখে সহজ ভাবে জীবন ধাপন
 করাটাই সত্য, কি নিজের বেদনার আশ্রয় প্রকাশ ও পরাজয় স্বীকার করাতেই
 সত্যের মহৎ ব্যক্ত ?

* * * *

ঠিক এমনি সময়ে কত শত ক্রোশ দূরে—কত নদু নদী, গ্রাম, নগর,
 পর্বতের ব্যবধানে, ছাদের উপর একাকী বসিয়া রতিকান্ত ও উদাস হৃদয়ে
 চাদের পানে চাহিয়া কত কি ভাবিতেছিল। যে জীবনের পাত্র, একদিন নব
 যৌবনের প্রারম্ভে, তাহার নিকট স্বাহ অমৃতে পরিপূর্ণ বলিয়াই মনে হইয়া-
 ছিল, সমস্ত পৃথিবী, স্বাদে, গন্ধে ও বর্ণ বৈচিত্রে তাহার নয়নে অপরূপ সৌন্দর্য্য
 প্রতিভাত হইয়াছিল, স্নেহ, প্রেম, শ্রীতি ও ভক্তি প্রভৃতি হৃদয়ের বৃত্তির
 বিচিত্রতা তাহার জীবনকে অপূর্ব ভাবে স্পর্শ করিয়া, এ বিশ্বভুবনকে কোন্
 রমণীয় দেবলোকে পরিণত করিয়াছিল, আজ হঠাৎ তাহার এ পরিবর্তন
 কেন ? যে নববসন্তের আছানে বাহু প্রকৃতির মধ্যে এ পুলক-চাঞ্চল্য জাগিয়া
 উঠিয়াছে, যে অমল ধবল কৌয়ুদীধারা, পৃথিবীতে স্বর্গেরশোভা সৃষ্টি
 করিয়াছে, আজ সে সকলে তাহার মুহমান হৃদয়ে চেতনা আনিতেছে না কেন ?

জীবনের রজালয়ে একি আকস্মিক দৃশ পরিবর্তন, এখন যে পট কেপন হও-
 যাই একমাত্র বাহনীর। কোন্ ভুলে সে এমন মহাপাপ করিল, যার ক্ষমা নাই,
 • সংশোধনের পথ নাই, শুধু প্রারম্ভই একমাত্র উপায়। তার নিষ্ঠুর তাগালিপি !

পঞ্চবিংশ

শ্রীকান্ত বাবু জমীদারীর হিসাব পত্র খুব নিবিষ্ট চিত্তে দেখিতেছিলেন, সতীকান্তও নিকটে বসিয়া সে সকল দেখা শুনা করিতেছিল। অল্প এক জমীদারের সহিত খানিকটা জমীর সীমানা লইয়া মোকদ্দমা বাধিয়াছে, উহারই স্বত্ব কোন্ পক্ষের স্থাৰ্য্য প্রাপ্য, সে বিষয়ের পাকানজীর, পুরাতন দলিল পত্র খাটিয়া বাহির করিতে কোনে পক্ষেই উদাসীন নহেন।

চিন্তামণি গৃহের মেঝেতে চুপ করিয়া বসিয়াছিলেন। পুত্রগত প্রাণা জননীর প্রাণ, আজকাল একমাত্র রতির শুভাশুভ চিন্তাতেই চঞ্চল হইয়া আছে। তাঁহার প্রাণাধিক রতি যে তাঁর চোখের উপর দিনের পর দিন শুকাইয়া যাইতেছে, বিষয় কর্মের ঝঞ্জাটে আর কারও সে দিকে নজর দিবার অবসর না হইলেও তিনি তো সে বিষয়ে উপেক্ষা করিতে পারেন না।

রতিকান্তকে কর্দিন হইতে এই জমী-জমা সংক্রান্ত হিসাব ঠিক করিয়া রাখিবার জন্য শ্রীকান্ত বাবু বলিয়াছিলেন, এবং কেন সে তাঁহার আদেশ পালন করেন না? সে কথা শুনিবার জন্য হরদাদাকে দিয়া রতিকান্তকে ডাকাইয়া পাঠাইয়াছিলেন। চিন্তামণি, রতির পক্ষসমর্থন করিবার জন্যই অসময়ে এ গৃহে আসিয়া বসিয়াছিলেন।

হরদাদা রতিকান্তকে লইয়া আসিলেন। রতিকান্ত বাস্তবিকই অত্যন্ত বিব্রী হইয়া গিয়াছে। হই বৎসর কারাগৃহে বাস করিয়াও তাহার বলিষ্ঠ দেহ এতো দুর্বল, চক্ষুদ্বয় এতো নিশ্চল হয় নাই। সমস্ত দেহে যৌবনের লাবণ্য বেন কোথায় মিলাইয়া গিয়া, এক দারুণ অবসাদ ও ক্লান্তির লক্ষণ প্রকাশ পাইতেছে, মাথার কেশের পরিপাট্য নাই, মুখ ভার—চিন্তাক্রিষ্ট।

রতিকান্ত দেখিয়া শ্রীকান্ত বাবু কহিলেন, তোমার আমি কাগজ পত্রগুলো দেখে শুনে সব ঠিক কোরে রাখতে বলেছিলাম, তুমি এ ক'দিনে তার কিছুই করনি, অথচ তোমার হাতে কোনো কাজ কর্ম নেই, এর কারণ কি?

রতিকান্ত ইহার কি উত্তর দিবে? এ সবে তাহার মনকে সে সংলগ্ন করিতে পারে, এমন মনের অবস্থা আজকাল তাহার নয়, একথা সে কেমন করিয়া তাঁহাদের বুঝাইবে? সংসারে সে একদিন সকলেরই কত শ্রীতির ও কত ভালবাসার পাত্র ছিল, পাড়ার একজন আদর্শ পুত্র বলিয়া পরিগণিত হইত, ঘটনাচক্রে আজ সে বেন সকলেরই সন্দেহের পাত্র, সকলেই তাহাকে

বেন অবজ্ঞা ও ক্রুর দৃষ্টিতে দেখিতেছে। যে উমাকান্ত, সতীকান্ত ভ্রাতার পৌরবে একদিন নিজেরাও যথেষ্ট গৌরব বোধ করিত, আজ তাহারাই আবার মধ্যে মধ্যে রতির বিষয়ে ছ' একটা কড়া কথা বলিয়া মাথের প্রাণে ব্যথা দিতেছে। এ সকল লাঞ্ছনা রতিকান্ত কি মীরবে সহ্য করিবে? তাহাকে যদি কাহারও প্রয়োজন না থাকে, তবে তাহাকে বাধিয়া রাখিবার প্রয়োজন কি? তাহাকে যুক্তি দিক, যেখানে মন, সে চলিয়া যাউক। বিপুল বিষে কোথাও সে নিজের আশ্রয় খুঁজিয়া নিক। রতিকান্তকে নিরুত্তর দেখিয়া চিন্তামণি কোমল কণ্ঠে কহিলেন, "বাবা রতি, তুমি গুর কথায় কান দিচ্ছ না, তোমার দাদাদের কথাও মন দিয়ে শোন না, এ সব তো ভাল কথা নয়। তোমার দেহ যে পাত হইয়া যাচ্ছে, সে দিকেও তাকাচ্ছ না, তোমার মুখের দিকে চাইতে আমার বুক বে ফেটে যাচ্ছে বাপ।"

রতিকান্ত হেটমুখে মুহূর্তে কহিল, বাবা, আমার শরীর মন কিছুই ভাল নেই, আমার এখানে কিছু ভাল লাগছে না, সে জন্যে কোনো কিছুতে আমি মন দিতে পারছি না, দিন কতক আপনি আমার ছেড়ে দিন, আমি একটু ঘুরে আসি।

রতিকান্তের জন্ম বাস্তবিক সংসার শুদ্ধ লোককে বেন বিব্রত হইয়া পাড়িতে হইয়াছিল। নিম্প্রয়োজনেও অনেককে রতিকান্ত সম্বন্ধে নানা প্রশ্নের উত্তর দিতে দিতে ভ্রাতৃগত প্রাণ সতীকান্ত, উমাকান্তেরও বৈধর্ম্যের বাধ ভাঙিবার উপক্রম হইয়াছিল। আজই তো সকালের ঘটনা, রতিকান্ত নদীতে স্নান করিতে গিয়াছিল, একজন ভদ্রলোক আসিয়া রতির সম্বন্ধে প্রশ্নের পর প্রশ্ন করিয়া ত্রীকান্ত বাবুকে ব্যস্ত করিয়া তুলিয়াছিলেন। যাই হইবে, সেখানে উপস্থিত ছিলেন, তিনি তাই আন্দাজে লোকটির পরিচয় ও উদ্দেশ্য ধরিতে পারিয়া বলিয়া ছিলেন, মশায়ের কি আই বড় কড়া না ভগ্নী আছে? তা আমরা তো এখন ছেলের বিষয়ে দিতে পারছি না, মাপ কোরবেন।

এ রহস্তে ভদ্রলোকের ধৈর্য্যচ্যুতি না হওয়া অসম্ভব, তিনি রুদ্ধ ভাবে কহিলেন, মন রেখে কথা বলবেন মশায়, সরকারের লোকের সঙ্গে কথা কইছেন এ কথাটাও মনে রাখবেন, দাগী লোকের সঙ্গে যেহেতু কি বোনের বিষয়ে দেবো এতো অভাগ্য হয় নি। আমি সাধ কোরে খোঁজ নিতে আসি নি, মশাই, পুলিশের চাকরীতে বাধা হোয়েই এ সব তদন্ত করতে হয়, তা আপনারা খুব ভাল ব্যবহার করলেন।

হরদাদা বিনীত ভাবে কহিলেন, মশাই আগেই বোঝে ভাল করতেন, নইলে কেমন কোরে বুঝতে পারবো বলুন, আপনি আমাদের ছেলের সম্বন্ধে যে রকম খুঁটিয়ে খবর নিচ্ছিলেন, আমরা মনে করলাম, আপনি পাত্রেয় সন্ধানেই এসেছেন। আর সরকার বাহাদুরের কথা বলছেন, তাঁর আশ্রয়ে তো আমরা সবাই আছি কিন্তু সেজন্তে আমাদের ভয় করবার কোন কারণ নেই, তবে তাঁর সেনা সামন্তদের অবশ্য খুবই ভয় কোরে চলতে হয়।

লোকটি বেশ রাগ ভরেই চলিয়া গিয়াছিলেন, এবং বাইবার সময় ছ' একটা শাসানো গোছের কথা বলিয়া বাইতেও ভোলেন নাই। সতীকান্ত বাড়ী ছিল না, যে আসিয়া সমস্ত কথা শুনিয়া রাগে ও অপমানে অগিয়া উঠিয়াছিল। সে আলা হঠাৎ কাঁক পাইয়া চাপ পড়িল এখন রতিকান্তর উপরে।

সতীকান্ত তাঁর কঠে কহিল, আমরা পাঁচ আলায় মরছি, আর তোমার এখন দেশ ভ্রমণের সখ চেপেছে। লেখা পড়া শিখে, বিদ্যান হোয়ে খুব সকলের মুখ রক্ষা করলে। নিঃশঙ্ক মজলে আমাদের ও মজালে। তিনসঙ্কে পুলিশের লোকের ছমকী আর কত সহ করা যায়, তোমার জন্তেই না এ লাঞ্ছনা! তোমার কি বলো, দিব্বি খাচ্ছ, দাচ্ছ, ঘুরে বেড়াচ্ছ, আমাদের ভাবনায় বা হবার তা হচ্ছে। রতিকান্ত নিঃশঙ্কে ঘর হইতে উঠিয়া গেল, হঠাৎ এরকম কঠোর উৎসর্গ সে একদিনও কাহার নিকট হইতে শোনে নাই—বা শুনিবার প্রত্যাশা করে নাই। চিন্তামণি শুভিতের মত বাকশক্তি হীনা হইয়া বসিয়া রহিলেন। সতীকান্তের নিষ্ঠুর কথাগুলার প্রতিধ্বনি, নিস্তরু গৃহে তখনো যেন খট মট শব্দে বাজিতে ছিল। সতীকান্ত কিন্তু এতোখানি রুড়তার সহিত কথাগুলো উচ্চারণ করিতে চাহে নাই, রতিকে সে অত্যন্ত স্নেহ করিত, এবং সে যে কত অভিমানী তাহাও সতীকান্ত ভাল রকমই জানিত। শ্রীকান্ত বাবু পুত্রকে ডাকিয়াছিলেন, তাহার সকল বিষয়ে ঔদাসীন্দের কৈফিয়ৎ তলব করিবার জন্য। তাহার মন যে ভাল নাই, তাহা তিনি বুঝিতে পারিয়াছিলেন, সেই জন্যই, বাহাতে সে কোনো কাজ কর্ষে মন নিবেশ করিয়া সাধনা পার ইহাই তিনি চাহিতোছিলেন।

সর্বকনিষ্ঠ সন্তান রতিকে তিনি অত্যন্ত স্নেহ করিতেন, তবে আজ কিছু দিন হইতে বিষয় লইয়া যোকদ্দমার হাদামা, তাহার উপর তিন সন্ধ্যা পাঁচ জনার নিকট হইতে, রতিকান্ত সম্বন্ধে পাঁচটা প্রশ্ন ও মন্তব্য শুনিতে শুনিতে তাহারও মন ঠিক স্বাভাবিক অবস্থায় ছিল না। এখন রতিকান্তকে নিঃশঙ্কে

উঠিল বাইতে দেখিয়া, তাঁহারও মনে স্নেহের বেদনা জাগিয়া উঠিল। হরদাদা কিছুক্ষণের পর গৃহের সেই নিস্তব্ধতাকে লঘু করিবার জন্ত সরল ভাবে, চপল কণ্ঠে কহিলেন, কি ছেলেমানষী করছ সতি, তোমারও দেখছি মাথা গরম হয়েছে, হস্তুকী ভিজুনো জল খাবে। বৌমা, আজ থেকে দিন কতকের জন্ত তোমার সতীরও ঐ ব্যবস্থা—বুঝলে মা!

চিন্তামণি বুঝিবেন কি, রতিকাস্তুর উদাসীন ভাব, তাহার চিন্তাক্লিষ্ট মুখ, বিবর্ণ শরীর, তাঁহাকে দিনের পর দিন উদ্বাস্ত করিয়া তুলিয়াছিল, অথচ রতির জন্ত সকলেই বিব্রত হইয়া আছে, তখন আর সাহস করিয়া রতির প্রসঙ্গ তিনি স্বামী পুত্রের কাছে পর্য্যন্ত উল্লেখ করিতে পারিতেছিলেন না, তবে রতির সম্বন্ধে বাহা কিছু আলোচনা, প্রাণ খুলিয়া হইত এই হরদাদার সহিত। আজ হরদাদাকে লইয়া শ্রীকান্ত বাবুর কাছে তিনি আসিয়াছিলেন, রতির সম্বন্ধেই কিছু বলিবার জন্ত, তাহার উপর কাজ কর্মের বোঝা না চাপাইয়া কি উপায়ে তার মনের ও শরীরের উন্নতি হইতে পারে সে দিকে যেন তিনি একটু মনোযোগী হন, কিন্তু কোথা হইতে কি বিপরীত ঘটনা ঘটিয়া বসিল। সতীকাস্তুর তাঁর কথাগুলি রতিকাস্তুর প্রাণে যে কতখানি বাজিয়াছে তাহা পুত্রগতপ্রাণা জননী মর্মে মর্মে অনুভব করিয়া কিংকর্তব্যবিমূঢ়তার ভায় বসিয়া রহিলেন। অশ্রু ধারায় তাঁহার দুই চক্ষু ভরিয়া আসিতে লাগিল।

(ক্রমশঃ)

শ্রীসরসীবালা বসু।

কুশদহ-সমিতি

প্রথম বার্ষিক অধিবেশন

সমিতির বার্ষিক অধিবেশন-সংবাদ এবার বিশেষ উল্লেখযোগ্য। অবশ্য “কুশদহ”র গ্রাহকশ্রেণীর মধ্যে যাহারা সেই অধিবেশনে উপস্থিত ছিলেন, তাঁহাদের ভায় এই লিখিত বিবরণ পাঠে অধিক আনন্দ লাভ সম্ভব নয়।

আমরা শুনিয়া চম্বিত হইয়াছি যে, সমগ্র কুশদহবাসীর সম্মিলনার্থে যে সভার আয়োজন, তদুপযুক্তরূপে প্রত্যেক গ্রামের ভদ্র মহোদয়গণকে আহ্বান

করা হয় নাই। তবে সাধারণভাবে—বনগ্রাম, ঘোঁড়া, হাবড়া প্রভৃতি করেকটি স্থানে সভা করিয়া এবং বিজ্ঞাপন দ্বারা—এমন কি, স্থানে স্থানে চ্যাটুরা দিয়া এই অধিবেশন সংবাদ প্রচার করা হইয়াছিল; ব্যক্তিগত ভাবে কুশদহর ২৩৮ খানি গ্রামের প্রত্যেক বিশিষ্ট ব্যক্তির নিকট আহ্বান করা সহজ ব্যাণার নয়, তত্ত্বিন্ন সমিতি একটি দেশের সাধারণ প্রতিষ্ঠান, এখানে বিশিষ্ট ও সাধারণের বিশেষ ভেদ করাও সম্ভব নহে—তথাপি সমিতির উদ্ভোক্তাগণ সভাস্থলে একত্রী বীকার করিয়াছিলেন। ইহাতে কুশদহবাসী যাত্রেরই অধিবেশন-চিন্তে সমিতিতে নিজের মনে করিয়া যোগ দান করা এবং সাধ্যানুসারে সমিতিতে শক্তিশালী করিতে সচেষ্ট হওয়া উচিত।

যাহা হউক ঐ সকল ভ্রম-ক্রটি সত্ত্বেও প্রথম দিনের অধিবেশনে কুশদহর বিভিন্ন গ্রাম হইতে হিন্দু, মুসলমান ৬০০ শতাধিক বিশিষ্ট ব্যক্তির সমাগম হইয়াছিল। ইহা কি বাস্তবিকই আশার কথা নয়? তাই এখন আমরা মুক্তকণ্ঠে প্রচার করিতে পারি যে, বাহিরে অবস্থার পেষণে কুশদহবাসী নির্ভীক হইলেও তাঁহাদের কঠোর আজ্ঞাও প্রাণে আছে, তাই সন্মিলন-সঞ্জীবনী যন্ত্রে এখনও প্রাণের সাজা পাওয়া যাইতেছে।

পত ২২শে ও ২৩শে মাঘ, ইছাপুর সীমার দক্ষিণপ্রান্তে—যমুনা তীর ভাগে—সমিতির নবনির্মিত মণ্ডপে অধিবেশন কার্য সম্পন্ন হয়। ইহার দেড়মাস পূর্বে বাবু হুর্গাদাস বন্দোপাধ্যায় সর্বপ্রথমে বার্ষিক অধিবেশনের কথা সমিতির কার্যনির্বাহক সভায় এবং সাধারণ সভায় উপস্থিত করিয়া বলেন, অধিবেশন স্থান ইছাপুরে হউক এবং মণ্ডপ (প্যাণ্ডাল) নির্মাণ করিয়া, কুশদহর প্রত্যেক গ্রাম হইতে প্রতিনিধি (ডেলিগেট) সংগ্রহ করিয়া অর্থাৎ কংগ্রেসের আদর্শে কার্যপ্রণালী নির্দ্ধারিত করা হউক।

এই প্রস্তাব কার্যকরী করা কঠিন মনে করিয়া সভ্যগণের মধ্যে কেহ কেহ আপত্তি উত্থাপন করেন। কিন্তু শেষ অনেক বাদানুবাদের পর হুর্গাদাস বাবুর ঐকান্তিকতা দেখিয়া সকলে একমত হইয়া সেই আদর্শানুযায়ী অধিকাংশ কার্য করিতে উৎসাহী হন।

তৎপরে সভাপতি নির্দ্ধাচন-কালে রায় বাহাচর বহুনাথ যজ্ঞদার বেদান্ত বাচস্পতি মহাশয়কে পাইতেও অনেক আশ্রয় পাইতে হইয়াছিল, তাই সভাপতি-বরণ প্রস্তাবের সমর্থনের মধ্যে “কুশদহ” সম্পাদক দাস যোগীন্দ্রনাথ হুগু বলেন, “বিনাক্রমে হুগু’র বক্তৃতা পাওয়া যায় না, কিন্তু সে ক্রমে আমন্দেই”

পরিণত হয়। আজ আমরা মজুমদার মহাশয়কে আমাদের সমিতির সভাপতি রূপে পাইয়া সেই সত্যই অনুভব করিতেছি।”

মুদ্রিত পত্রে প্রারম্ভিক সময় বেলা ১২টা লিখিত ছিল, কিন্তু সদন্তগণ যশোহর হইতে আগত সভাপতি মহাশয়কে গোবরডাঙ্গা ষ্টেশনে অভ্যর্থনা করিয়া অভ্যর্থনা সমিতির সম্পাদক শ্রীযুক্ত ব্রজকিশোর মিত্রমহাশয়ের গৈপূরের বাটীতে লইয়া যাইতে—বিশেষতঃ সহদয় মজুমদার মহাশয় কোনো যান-বাহনে না যাইয়া উপস্থিত ভক্তমণ্ডলীর সহিত পদব্রজেই পথ ঘাট পরিদর্শন করিতে করিতে গমন করেন এবং বিশ্রামাদির পর যত্নে আসিয়া ২টার সময় কার্যারম্ভ হয়।

এই সময় উচ্চ মঞ্চোপরী নহবৎধ্বনির মধ্যে সভাপত্র সজ্জিত যত্নে ও চতুর্দিকের জনাকীর্ণ দৃশ্যটি দেখিয়া বাস্তবিক তখনকার ভ্রমও যেন কুশদহর কত অতীত লুপ্ত-গৌরব-স্মৃতি জাগ্রত হইয়া সভাস্থ জন মণ্ডলীর মুখে কি এক নবোৎসাহের চিহ্ন প্রকাশ পাইতে লাগিল। তাই বুঝি অভ্যর্থনা সমিতির সভাপতি শ্রীযুক্ত নিবারণচন্দ্র ঘটক মহাশয় যে সময় তাঁহার অভিভাষণ পাঠ করেন, তাহার মধ্যে সেই ভাবটিই সুন্দররূপে প্রকাশিত হইয়া পড়িয়াছিল।

সর্বপ্রথমে খাঁটুরানিবাসী স্বভাব-কবি—সুকর্ণ-গায়ক শ্রীযুক্ত বীরেশ্বর চৌধুরী মহাশয়, “আমরা মিলেছি আজ মায়ের ডাকে—” এই প্রাণ মাতানো সঙ্গীতে, তৎপরে তাঁহার স্ব-রচিত এবং সময়োপযোগী আর একটি নূতন সঙ্গীতের দ্বারা জন-সম্মুখে উদ্ভূত করিয়া সভার প্রারম্ভিক ভাবটি সরস এবং জাগ্রত করিয়া দেন। তৎপরে আজ এই মহাযজ্ঞের আনন্দ-পূর্ণ দৃশ্য দেখিবার জন্য যাহার প্রাণ আগে হইতেই উদ্ভূত হইয়াছিল, কুশদহ-সমিতির সেই স্তম্ভ—সেবক বাবু ছুর্গাদাস বন্দ্যোপাধ্যায় তাঁহার স্বরচিত মাতৃমন্ত্রে—সুসঙ্গীত মৃগস্তীর মঙ্গলাচরণ পাঠ করিয়া সভাস্থ সভ্যগণের প্রাণে ‘জননী জন্মভূমি’র প্রতি ভক্তি ভাবের উদ্রেক করিয়া দেন।

অতঃপর মাটীকোমরা নিবাসী শ্রীযুক্ত শরৎচন্দ্র বন্দ্যোপাধ্যায় মহাশয় দুইটি শিক্ষিত বালক দ্বারা “ওঁ নমস্তে সতে তে জগৎ কারণার”—ইত্যাদী মহানির্বাণ তন্ত্রোক্ত ব্রহ্মস্তোত্রটি সু-সঙ্গতভাবে আবৃত্তি করান।

এখানে আর একটি কথা আমরা অত্যন্ত আনন্দের সহিত স্বীকার করিতেছি যে, এই অনুষ্ঠানে সুবিখ্যাত “অমৃতবাজার পত্রিকা”র বাবু পীযুষকান্তি ঘোষ মহাশয় সমিতির আহ্বানে অনেক কষ্ট স্বীকার করিয়াও মহোৎসাহের সহিত

ইছাপুরে আসিয়া দুই দিবস অবস্থিতি পূর্বক সমস্ত কার্যে যোগদান করাতে যেমন সমিতির বিশেষ উপকার হইয়াছিল, তদ্রূপ পীযুষবাবুর উদার নিবার্থ স্বদেশাভিযোগের সংস্পর্শে, সমিতির মধ্যে একটি অপ্রত্যাশিত প্রীতির সঞ্চার করিয়াছিল।

গোবরডাঙ্গা-মিউনিসিপালিটির ভূতপূর্ব ভাইসচেয়ারম্যান ডাক্তার সুরেশচন্দ্র মিত্র মহাশয়, রায় বাহাদুর যত্ননাথ মজুমদার মহাশয়কে সভাপতি-বরণ প্রস্তাব করেন। পীযুষবাবু তাহা অনুমোদন এবং কুশদহ-সম্পাদক, সমর্থন করেন। প্রস্তাবক এবং অনুমোদক উভয় বক্তা বিশেষরূপে নিজ নিজ ভাবে এবং ভাষায় সভাপতি নির্বাচন সম্বন্ধে যাহা বলেন, তাহার সার মর্ম এই যে, যশোহর জেলাবোর্ডের সভাপতি সুবিখ্যাত দেশমাত্র রায় যত্ননাথ মজুমদার বাহাদুর বেদান্তবাচস্পতি মহাশয়কে অস্ত্রকার সভায় সভাপতি নির্বাচন করিয়া সমিতির সমস্তগণ অতি সন্নিবেচনার কার্যই করিয়াছেন। কারণ কুশদহ সীমার প্রায় তিন ভাগ, যশোহর জেলার অন্তর্গত। সুতরাং এদিকে তাঁহার দৃষ্টি আকর্ষণ করিয়া কার্য করিতে পারিলে কুশদহর অনেক উপকার সাধিত হইবার সম্ভাবনা।

দ্বিতীয় কথা—যত্নবাবুর ন্যায় হাতে হাতিয়ারে পল্লীসংস্কারে ত্রতী দ্বিতীয় ব্যক্তি বিরল। তাঁহার অভিজ্ঞতা অতি মূল্যবান। বিশেষতঃ ম্যাগেজিরা নিবারণ-কল্পে যশোহর জেলার মধ্যে তিনি কার্যতঃ যতদূর করিয়াছেন, কুশদহ সমিতি সে দৃষ্টান্ত গ্রহণে অগ্রসর হওয়ার পক্ষে এই একটি অবসর বলা যায়।

তৎপরে বয়োবৃদ্ধ পণ্ডিত নৃত্যগোপাল বন্দ্যোপাধ্যায় মহাশয় সভাপতির কণ্ঠে পুষ্পমাল্য প্রদান করিয়া আন্তরিক সম্ভাব জ্ঞাপন করিলে সভাপতি মহাশয় আসন গ্রহণ করিয়া তাঁহার সুন্দর সারগর্ভ অভিভাষণ সুললিত প্রাঞ্জল বাংলাভাষায় ব্যক্ত করেন। তিনি তাঁহার সেই দীর্ঘ অভিভাষণে অনেক দৃষ্টান্ত দ্বারা পল্লীর উন্নতি সাধনের পথ প্রদর্শন করেন। তাহা সম্পূর্ণরূপে এখানে স্থান দিতে না পারিয়া আমরা ছঃখিত হইলাম। তবে তাহার সারভাব এইরূপে বিবৃত করিতে চেষ্টা করা হইলঃ—

সভাপতির অভিভাষণ

সমবেত ভ্রাতৃমহোদয়গণ! আজ আমি আপনাদের সঙ্গে যোগ দিয়া এই সভার কার্যে বৎকিঞ্চিৎ সাহায্য করিতে পারিয়া বিশেষ আনন্দ অনুভব করিতেছি।

আপনারা ঠিক পথ অবলম্বন করিয়াছেন। এখন সম্মিলিত ভাবে কাৰ্য্য করিতে না পারিলে কোন কাৰ্যই সহজসাধ্য হইবে না। পূর্বে যে বারোয়ারি প্রভৃতি কাৰ্য্যে সমবায় ভাব ছিল, তাহাকে এখন সম্পূর্ণরূপে কালের উপযোগী করিয়া লইতে হইবে। এজন্য আমি সর্বপ্রথমে আপনাদিগকে বলি যে, এই আপনাদের সমবেত শক্তিকেই পরিপুষ্ট করিতে হইবে—ক্রমশঃ বৃদ্ধি করিতে হইবে। এই 'কুশদহ-সমিতি' একদিন সমস্ত পল্লীর আদর্শস্থান হইবে তাহা আর আশ্চর্য্য কি ?

সকল কাৰ্য্যেই অর্থের প্রয়োজন ; জমজম পরিষ্কার, পুরাতন ডোবা ভরাট, পুষ্করিণী খনন, শিক্ষা-বিস্তার—স্কুল পাঠশালা, কৃষির উন্নতি—যে কাৰ্য্যে হাত দিবেন তাহাতেই অর্থের দরকার। এ অর্থ কোথা হইতে আসিবে ? চিরদিন যদি কেবল চাঁদার উপর নির্ভর করেন, তাহাতে কাৰ্য্যের বিশেষ সুবিধা হইবে না। আমি জানি যাহাদের অর্থ আছে, তাহাদের গরীবের সাহায্য করা উচিত। সেইটাই প্রকৃত সমবায়ের মূলনীতি। কিন্তু কুশদহ সমিতিকে দেশের প্রকৃত উন্নতি সাধনের পথে অগ্রসর হইতে হইলে, ইহার মধ্য হইতে অর্থোপার্জনও করিতে হইবে।

আপনারা একত্রে ৫ টাকা করিয়া মূলধন লইয়া তাহাকে একত্রে সম্ভাবে গরীবের সাহায্যার্থে প্রয়োগ করিলে—আমার যতদূর অভিজ্ঞতা, তাহাতে বলিতে পারি, আপনারা কখনই বিফল হইবেন না। ইহাতে ৯ টাকা হার—অর্থাৎ শতকরা মাসিক ৫০ আনা সুদ পোষাইবেই। তাহার ১০ মূলধনের লভ্য দিয়া ১০ আনা সমিতির কাৰ্য্যে লইতে পারেন। বাহারা বৎসরে ৩০ আনা—অর্থাৎ ১০০ টাকা, মহাজনের নিকট ধার লইয়া এক বৎসরেই ৩৭১০ টাকা সুদ দিতে বাধ্য হয়, এবং এইজন্যই তাহার চিরঞ্জী হইয়া জীবনব্যাপী কষ্ট ভোগ করে, এই অর্থে তাহার যদি শতকরা ১ টাকা হারেও অর্থাৎ বছরে ৩৭১০ টাকার স্থলে ১২ টাকা সুদেও টাকা ধার পায়, তাহাতে সমিতিরও যথেষ্ট লাভ এবং দেশের বাহারা অস্থি স্বরূপ, সেই কৃষকগণকেও যুক্ত—বলশালী করা হইবে। এ কাৰ্য্যে কেবল কর্তব্যপরায়ণ বিখ্যাসী কর্মী লোকের দরকার।

৫ টাকার অংশ লইয়া আপনারা ক্রমে লক্ষ টাকা পর্য্যন্ত মূলধন বৃদ্ধি করিতে পারেন। কিন্তু আমি একেবারেই তাহার চেষ্টা করিতে বলিতেছি না, আপাততঃ একশত কিম্বা দুইশত অংশ লইয়া ৫০০ শত বা ১০০০ এক

হাজার টাকা কাশ্মীরে আনতে পারেন। ধার লইয়া বাহারা টাকা কেবল দিতে পারিবেন না, তাহারা শুল্ক দিবে, তাহাতেও সমিতির লাভ হইবে। তাই আমি আবার বলিতেছি, এ কাশ্মীরে হস্তক্ষেপ করা কঠিন হইবে না, প্রথমে চাই কেবল খাঁচী কর্মী লোক সংগ্রহ, পরস্পর পরস্পরকে বিশ্বাস করা এবং একতা বন্ধনে আবদ্ধ হওয়া।

ইহার উদ্দেশ্য যে কেবল অর্থের দ্বারা বাহিরের অসুবিধাগুলি দূর করা মাত্র তাহা নহে, ইহার প্রধান উদ্দেশ্য মানুষ ভাল হওয়া এবং মানুষকে ভাল করা।

নিশ্চয়ই আপনাদের প্রত্যেক গ্রামে বিশুদ্ধ পানীয় জলের অভাব আছে। তখন এখান দেখা যাইতেছে যে, পুষ্করিণী ধনন তত সুবিধা জনক নহে। উহা একদিকে যেমন ব্যয় সাধ্য তেমন জল বিশুদ্ধ রাখাও কঠিন। একত্র পাতকুরা বা ইঁদারাই উত্তম ব্যবস্থা। নিঃসন্ত পক্ষে ১৫ টাকাতেও এক একটি পাতকুরা হয়। মধ্যবিত্ত প্রত্যেক গৃহস্থই ৫০ বা ১০০ টাকা ব্যয়ে নিজ নিজ বাটীতে এক একটি ভাল পাতকুরা প্রস্তুত করিতে পারেন। বাহারা তাহাতে অল্পম, তাহাদিগকে ২৫ টাকা ধার দিয়া আবার প্রতিমাসে ১ টাকা করিয়া কেবল লইলে মায় সুদ আড়াই বৎসরে শোধ হইবে।

এক একটি পাতকুরা সতর্কতার সহিত ব্যবহার করিলে ৫৭ বৎসর বা তাহারও অধিক কাল যাইতে পারে। ইঁদারা ৩০ বৎসরেরও বেশী ভাল থাকে। মধ্যে মধ্যে পঙ্কোদ্ধার করাও তত কঠিন নয়।

আমি নিশ্চয় করিয়া বলিতে পারি জল এবং দুগ্ধ নিয়মিতরূপে যদি গরম করিয়া আপনারা পান করেন, তাহাতে উদরাময় প্রভৃতি রোগ এবং ম্যালেরিয়া নিবারণে নিশ্চয়ই বিশেষ সাহায্য হইবে। প্রথমে ২।৪ জনেই ঘৃষ্টান্ত দেখাইতে পারেন।

সকলেই জানেন আমাদের দেশে কোন সভা সমিতি অধিক দিন টিক না। তাহার কারণ, খাঁচী লোকের অভাবে। কেবল একটা ভাবের ঝোঁকে—যজ্ঞতার জোরে কোন সভা অধিকদিন স্থায়ী হইতে পারে না, যদি তাহার মধ্যে খাঁচী কর্মী লোক কেহ না থাকেন। আমি আপনাদিগকে জোরের সহিত বলিতে পারি, আপনাদের মধ্যে যদি স্বার্থত্যাগী নিষ্ঠাবান্ হ' একজনও থাকেন তবে এই সমিতি ব্যর্থ হইবে না।

আমি আমি আপনারা পূর্ণবয়স্কের সাহায্য চান। আমি বলি সেজন্যে আপনাদের ঐ শক্তির সংযোজন করিতে হইবে। বাহারা আশ্চর্যের

চেষ্টা করে না, ভগবান্ তাহাদের সাহায্য করেন না। এ কাঁবেও একাকী কেহ কিছু করিতে পারিবেন না।

ইহার পথ দুই দিকে—সমবেত শক্তিতে আপনারা আপনাদের কাষ করিতে উযোগী হওয়া আপনারা নিজ নিজ বাগান, বাড়ী, রাস্তাগুলি সাধ্যানুসারে পরিষ্কার করা—সমবেত শক্তিব্যোগে অসক্ত প্রতিবাসীর সাহায্য করা, আবার যখন গভর্ণমেন্ট সাহায্যপ্রার্থী হইবেন, তখনও সমবেত ভাবেই তাহার চেষ্টা করিতে হইবে। গভর্ণমেন্ট এমন একটি জিনিষ যে, সেখানে নিরাশ হইলে চলিবে না, ধরিয়া থাকিতে হইবে। পুনঃ পুনঃ দাবী করিতে হইবে, নিজেদের কার্যভংগপরতাও দেখাইতে হইবে, তাহাতেই একদিন আপনারা সফলতা লাভ করিবেন। আর যদি আবেদন করিয়াই কেবল গভর্ণমেন্টের মুখ তাকাইয়া বসিয়া থাকেন, তবে সফলতার আশা কম। গভর্ণমেন্টের কাষে দেশবাসী যদি অনুকূল না হয়, তবে গভর্ণমেন্ট কোনও কাষের সুবিধা করিতে পারেন না; সমবেত ভাবে আপনাদের দেশের কাষ করিতে হইলে কেবল গভর্ণমেন্টের নিকট প্রার্থনা আর তাহা পূর্ণ অপূর্ণতার উপর মনকে আবদ্ধ রাখিলেই চলিবে না, চারিদিকের আব-হাওয়া পারিপার্শ্বিক অবস্থা, গভর্ণমেন্টের উদ্দেশ্য বুঝিয়া দেশের অবস্থাকে অনুকূল পথে পরিচালনা করা লোকমত গঠন করিয়া দেওয়াই সভা সমিতির প্রকৃত কার্য। এজন্যও ঐ সমবেত শক্তির সংযোজনাই প্রয়োজন, তাই আমি বার বার বলিলাম এবং আমার প্রধান কথা আপনারা সমবেত ভাবে—সমবেত শক্তিতেই যেন সকল কাষ করিতে চেষ্টা করেন।

দৌলৎপুরে আর একটি সভায় সভাপতির কার্য করিবার জন্য মজুমদার মহাশয় সভার কার্য শেষ পর্য্যন্ত উপস্থিত থাকিতে না পারায় গোবরডাকার নবীন জমিদার শ্রীযুক্ত বাবু জগৎপ্রসন্ন যুথোপাধ্যায় মহাশয়কে আসন প্রদান করিয়া তিনি বিদায় গ্রহণ করেন। জগৎ বাবুর আসন গ্রহণ সম্বন্ধে “ভানুলী-সমাজ” পত্রিকা সম্পাদক শ্রীযুক্ত সুরেশচন্দ্র পাল মহাশয়ের প্রস্তাব সর্বসম্মতি ক্রমে গৃহীত হয়।

জগৎবাবু অল্প কথায় যাহা বলেন, তাহাতেই সমিতির প্রতি তাহার এরূপ আন্তরিক সহানুভূতি প্রকাশ পায় যে, তাহাতে উদ্বুদ্ধ হইয়া সমিতির একান্ত হিতৈষী কর্মী শ্রীযুক্ত নিমিত্তবরণ যুথোপাধ্যায় বি-এল, দত্তায়মান হইয়া ধর্মবান্দাজলে—সাক্ষররনে আবেগময়ী ভাষায় যাহা বলেন, তাহার ভাবার্থ এই

বে, আজ সমিতির জোড়ে ধনী-দরিদ্রের অপূর্ণ নবীন মিলন-ছবির পূর্ণাঙ্গ দেখিয়া আজ আর কোন নিরাশার কথা মনে হইতেছে না।

ইতিমধ্যে সম্পাদক কর্তৃক সমিতির বার্ষিক কার্যবিবরণী পঠিত হয়। তাহাতে সমিতির অন্যকথা, উদ্দেশ্য ও আদর্শ এবং আলোচ্যবর্ষে সমিতি কর্তৃক বিবিধ অনুষ্ঠানাদির বিবরণ প্রদর্শিত হয়।

অতঃপর উপস্থিত সভ্যগণের বক্তৃতা হইয়া প্রথম দিবসের কার্য শেষ হয়।

দ্বিতীয় দিবস

এ দিনে সমিতির অপ্রত্যাশিত-হিতৈষী অভ্যাগত বাবু পীযুষকান্তি ঘোষ মহাশয়কে সভাপতির আসনে বসাইতে পারিয়া সমিতির বিশেষ আনন্দের কারণ হইয়াছিল। কিন্তু তিনিও শেষ পর্যন্ত উপস্থিত থাকিতে না পারিয়া ডাক্তার সুরেশচন্দ্র মিত্র মহাশয়কে আসন প্রদান করেন। তাহাতে শেষ দিনের কার্যও অতি সুচারুরূপে সম্পন্ন হইয়াছিল।

প্রথমেই অর্থ্যর্থনা সমিতির সম্পাদক শ্রীযুক্ত ব্রজকিশোর মিত্র মহাশয়ের মুদ্রিত অভিভাষণটি পঠিত হয়। তাহাতে তাঁহার স্বদেশপ্রীতি ও সমিতির প্রতি ত্রৈকান্তিক অমুরাগ আশ্চর্য পর্যন্ত প্রকাশিত হইয়াছিল।

তৎপরে কয়েকটি কার্যকরী প্রস্তাব আলোচিত এবং গৃহীত হয়। তন্মধ্যে কুশদহের ২৩৮ খানি গ্রামে, এক বা ততোধিক গ্রাম লইয়া সমিতির 'শাখা' স্থাপন করা। দ্বিতীয় সমিতির আদর্শ ও উদ্দেশ্য বিশেষ ভাবে প্রচার করা। তৎপরে সমিতির নাম রেজিষ্টারি করিয়া সাহায্যভাণ্ডার স্থাপন—ক্রমে যৌধাকারবারের পস্তন ইত্যাদি বিষয়গুলির সঙ্গে স্বাস্থ্য, শিক্ষাদির বিষয়ও হস্তক্ষেপ করা হইবে।

তৎপরে উপস্থিত সভ্যগণের মধ্যে কেহ কেহ বক্তৃতা করেন। বক্তা-গণের মধ্যে কেহ বলেন, অগ্রে অর্থসংস্থানের ব্যবস্থা করা আবশ্যিক, কেহ বলেন, দেশের মধ্যে অর্থদানে কুণ্ঠিত নহেন এমন ব্যক্তি অনেক আছেন, কিন্তু ম্যালেরিয়ার লোকক্ষয় হইতেছে, আগে স্বাস্থ্যের উপায় বিধান করা হউক,—শেকি বাঁচিলে সকল প্রয়োজন হইবে।

কেহ বলেন, শিক্ষা না হইলে সাধারণে স্বাস্থ্যের নিয়ম রক্ষা ও পালন করিতেই পারে না, অতএব শিক্ষা বিস্তারই অগ্রে প্রয়োজন। এইরূপে এই মহা সম্মিলনে যিনি বাহা বলেন, সমস্তই সমিতির আদর্শ এবং উদ্দেশ্যের অনুরূপে—পৃথক পৃথক দিক দ্বারা।

কলকাতা সমিতির এই বৎসরের শিশু জীবনে—প্রথম আর্থিক সাহায্য
সেজন্যেই এই মহান্মিলনে যেটুকু জীবনীশক্তি প্রকাশ পাইয়াছে
তাছাড়া আগামী বৎসরে যাহাতে নবভাবে নবোচ্চতম সমিতির মহান্মিলন
কৃতকর্তৃত্বে পরিয়া সকলে একপ্রাণ হইয়া কাষ করিতে পারেন, বিদ্যমান
চরণে তাহাই সকলের একান্ত প্রার্থনা-বস্তু হওয়া উচিত।

অবশেষে আর দুইটি বিষয় বিশেষ উল্লেখ যোগা—প্রথম একটি আনন্দ
কথা এই যে, এই সভার বোঁজা নিবানী জমিদার শ্রীযুক্ত সত্যশঙ্কর
মহাশয় একটি দাতব্য চিকিৎসালয় প্রতিষ্ঠার জন্য ৩০০০০ তিন হাজার টাকা
এবং বেলেডাঙ্গা নিবানী শ্রীযুক্ত শরৎচন্দ্র মঙ্গল মহাশয় একটি হাজার
বিনামূল্যে জমি দিতে প্রতিশ্রুত হইয়াছেন। আর ইতিপূর্বে যাদীকোষা
নিবানী বাবু ননাগোপাল বন্দ্যোপাধ্যায় তাঁহার সগ্রামে একটি স্কুল স্থাপনের
জন্য যে, ৫০০০ পাঁচ হাজার টাকা দিয়াছেন, তাগাও উল্লিখিত হয়।

দ্বিতীয় বিষয়, সভা অধিবেশনের পূর্বে শ্রীযুক্ত যদুনাথ মজুমদার মহাশয়
ইছাপুরের উন্নয়ন-স্কুল-গৃহ ও জঙ্গলারত পথ ঘাট দেখানো হয়। তিনি সভার
স্কুলের দুরাবস্থার কথা উল্লেখ করিয়া বলেন, এই স্কুলের জন্য সকলের
কিছু সাহায্য করিয়া স্কুলটিকে রক্ষা করা কর্তব্য। তাহাতে তখনই সভার
৩৫ টাকা চাঁদা নগত পাওয়া যায়।

অবশেষে সমিতির উদ্যোক্তা, অকান্তপ্রমী এবং সাহায্য সহায়ক
সভা হিতৈষীগণ হইতে বালক ভ্রাতৃগণকে আমরা আন্তরিক
ধন্যবাদ জ্ঞাপন করিয়া আরও সৌকার করিতেছি যে, দুই দিবস সভা
সঙ্গে সঙ্গে “যথুরেণ সমাপয়েৎ” যে জল যোগের ব্যবস্থা সমিতি করিয়াছিলেন
(যথা—লুচি, আলুর দন্ড, সন্দেশাদি মিষ্টান্ন, চা ও ফল মূল) তাহা বাস্তবিক
ভাঙ্গি-প্রদ হইয়াছিল।

আর অভ্যর্থনা সমিতির সম্পাদক শ্রীযুক্ত ব্রজকিশোর মিত্র মহাশয় তাঁহার
সৈপুর্বে বাচীতে পরিচারকবর্গ সহ অগ্রাগত সভ্যগণের জন্য আর, জল
শয়ানি পর্বাঙ্ক যে সকল আয়োজন বাধিয়াছিলেন, তাহাতে সমিতির
সর্বত্র ভ্রাতৃবাবুকে কি বলিয়া কৃতজ্ঞতা জ্ঞাপন করিব জানি না।

কাস্তন মাসের কার্যবিবরণী

সভার উপায় সমিতির প্রথম সাংসদিক অধিবেশন কার্যে প্রথম
সভার কার্যবিবরণী আবার বঙ্গবৎসরের কার্যে বন্দোবস্তের

নূতন কার্যনির্বাহক সভার প্রথম বৎসরের সদস্য ৬ জন এবং পুরাতন ৬ ছয় জনের স্থলে নূতন ছয় জন ভোট দ্বারা মনোনীত হইয়া ১২ জনের পদ পূর্ণ হইয়াছে। তন্মিহ সম্পাদক ও সহকারী সম্পাদক এবং কোষাধ্যক্ষ লইয়া মোট ১৫ জন সদস্য কার্যনির্বাহক সভার সভ্য আছেন।

পুরাতন সভ্য শ্রীযুক্ত পতিরাম বন্দ্যোপাধ্যায়, কুশদহ সম্পাদক— যোগীন্দ্রনাথ কুণ্ডু, নীলাচল মুখোপাধ্যায় বি-এল, নিশিভূষণ মুখোপাধ্যায় বি এল, দুর্গাদাস বন্দ্যোপাধ্যায় ও শ্রীযুক্ত সুরেশচন্দ্র পাল নূতন সভ্য শ্রীযুক্ত কমলাপ্রসন্ন মুখোপাধ্যায় (সমিদার) চাক্রচন্দ্র মুখোপাধ্যায় (গোবরডাঙ্গা), চাক্রচন্দ্র ঘোষ (খাঁটুরা); ননীগোপাল বন্দ্যোপাধ্যায় (মাটকোমরা), হরিদাস মুখোপাধ্যায় (নেপুয়) এবং শ্রীযুক্ত সুরেন্দ্রনাথ পাল (খাঁটুরা)। সম্পাদক শ্রীযুক্ত নগেন্দ্রনাথ মুখোপাধ্যায় এম-বি; সহকারী সম্পাদক জুড়নকীবন মুখোপাধ্যায় এম-এস সি এবং কোষাধ্যক্ষ শ্রীযুক্ত ক্ষীরোদগোপাল দত্ত (খাঁটুরা)।

৬ই ফাল্গুন কার্যনির্বাহক সভার এক অধিবেশন হয়, তাহাতে ব্রজকিশোর বাবুর পুত্রের মৃত্যু জন্য ৩ দিনের কার্য স্থগিত থাকে।

২৬শে ফাল্গুন কার্যনির্বাহক সভার আর একটি অধিবেশন হয় তাহাতে (১) সহায়নারায়ণ বাবুর প্রদত্ত টাকায় পানীয় জলের ব্যবস্থা নির্ধারণ। (২) কুলতলা ও গোপোল ময়না গ্রামবাসীগণের চলকষ্টে জন্য আবেদন পত্র পাঠ। ও সমিতির পৃথক কার্যায় স্থাপনের ব্যবস্থা এবং সমিতির মুখপত্র রূপে "কুশদহ পত্রিকা" পরিচালনা সম্বন্ধেও আলোচনা।

১১ই ফাল্গুন বেড়ুঙম গ্রামে সমিতির একটি শাখা স্থাপিত হইয়াছে, তদুপলক্ষে কলিকাতা হইতে যোগীন্দ্রনাথ ও নীলাচলনাথ বেড়ুঙম গমন করিয়াছিলেন। তথায় তরফদার চাহেব সমুখ গ্রামবাসীগণ একটি স্কুল স্থাপনে উদ্যোগী হইয়াছেন।

৩০শে ফাল্গুন রামমোহন লাইব্রেরীতে মাসিক সাধারণ সভার অধিবেশন হয়। এদিনে শ্রীযুক্ত ক্ষীরোদগোপাল দত্ত সভাপতির কার্য নিব্বাহ করেন। কার্যনির্বাহক সভার প্রস্তাবিত বিষয়গুলি গৃহীত হয় ও তন্মধ্যে চলকষ্ট সম্বন্ধে কুলতলা ও গোপোল-ময়না গ্রামবাসীগণের নিকট পত্র লিখিয়া তথ্য সংগ্রহ ও 'কুশদহ পত্র' পরিচালনা, অন্য় আবেদন কতকগুলি পূর্ব আলোচিত বিষয় পত্র লেখার ব্যবস্থা করা হয়।

স্থানীয় বিষয় ও সংবাদ

এবার ইনফ্লুয়েঞ্জা মহামারীতে কত যুবক অকালে কালগ্রাসে পতিত হইতেছে। তাহাতে কত পুত্রশোকাতুরা জনক জননার হৃদয়বিদারক আর্ন্তনাদে—কত নবোঢ়া বধুর নীরব অশ্রুপাতে এবং আত্মীয় স্বজনের হা-হা কারে আমাদেরকে ব্যপিত হইতে হইয়াছে। কর্তব্য-বোধে এই সকল শোক-সংবাদও পত্রস্থ করিতে হইতেছে।

আমরা হঠাৎ শুনিয়া মর্মান্বিত হইয়াছি যে, গত ৫ই ফাল্গুন গৈপূরনিবাসী আমাদের পরমবন্ধু স্বদেশতরু—কৃষ্ণদহ-সামতির অকৃত্রিম হিতৈষী শ্রীবৃন্দ ব্রজকিশোর মিত্র মহাশয়, তাঁহার কালকাতার বাসিতে তদীয় তৃতীয় পুত্র শ্রীমান্ উপেন্দ্রনাথকে হারাইয়া শোকে অধীর হইয়াছেন। পুত্র শোকাতুরা জননী ধরাশায়িনী হইয়া আছেন। ভ্রাতৃগণ এবং আত্মীয়বর্গ হা-হাকার করিতেছেন, অল্পকাল মাত্র উপেন্দ্রনাথের বিবাহ হইয়াছিল, আজও সন্তানাদি হয় নাই; এমত অবস্থায় বধুমাতাটির বা কি প্রবেশ আছে? কিন্তু উপায় কি? আমরা এই সংসারে নিয়ত নিকৃৎবেগে কালযাপন করিতে চাই—তাহা হইবার নয়, ধন জন, সুখ স্বাস্থ্য জিনিসকে আমরা যতই ধরিয়া টানিয়া রাখিতে চাই ততই তাহার আশ্রয় হাত হইতে সরিয়া যায়। যাহা কয়শীল—ক্ষণস্থায়ী তাহাকে কে ধরিয়া রাখিতে পারে? শোকে তাপে বধন হৃদয় ভাঙিয়া পড়ে, তখন আমরা সংসারের অনিত্যতা বুঝিতে পারি। এ সংসার আমাদের চিরদিনের অন্বেষণ নয়,—বিষয় সুখও চরম সুখ নয়, এ তাব তখনই প্রাণে জাগিয়া উঠে। প্রাণ তখন যেন এমন বস্তুই চায় যাহা আমার চির দিনের সম্বল হইতে পারে। কোথায় গেলে এ প্রাণের জ্বালা জুড়াইতে পারি? ভগবান্ পরলোকস্থ আত্মার সদগতি ও শোকার্ন্তের সাহসনা দান করুন, ইহাই তাঁহার চরণে আমাদের ভিক্ষা।

গোবরডাকার গ্রাম ছই ক্রোশ পূর্বাংশে দেয়াড়া নামক স্থানে প্রতি বৎসর মাঘ মাসের প্রথমে একটি মেলা হইয়া থাকে। এই মেলা মাঘী-পূর্ণিমা হইতে প্রায় পঞ্চকাল স্থায়ী হয়। ইহাকে সাধারণে চৈতন-দেয়াড়ার মেলাও বলে। বয়দাদপুরের বনু মল্লিক জমিদার বাবুর এলাকায় এই মেলার স্থান।

সুতরাং তৎক্ষণ তথায় তাঁহাদেরই শান্তিরক্ষা ও অগ্ন্যাগ্নি ব্যবস্থা বন্দোবস্তও করিতে হয়। অবশ্য তাহাতে কিছু আয়ও আছে, ব্যয়ও আছে। বাহা হউক এই মেলায় প্রকৃত মূল ইতিহাস জানিবার উপায় নাই। তবে এইটুকু বলিতে পারা যায় যে, ৫০।৬০ বৎসর পূর্বেও যখন এই হরদাদপুর মুন্সী হকিবল হোসেন ছাৎবেবের জমিদারী ছিল, তখন হইতেও এই মেলা চলিয়া আসিতেছে। নানা কারণে কুশদহর প্রাচীন ইতিহাসে যেমন বৈষ্ণব ধর্মের নামাঙ্ক দেখা যায়, তদ্রূপ মুসলমান ধর্মের চিহ্নও কম দৃষ্ট হয় না। এই মেলা ঠাকুরবর ছাৎবেব প্রমুখ ব্যক্তি দ্বারাই প্রবর্তিত হউক বা অন্য কোনও ফকির — দরবেশ কর্তৃক হউক, ইহা যে মুসলমান সাধু ফকিরের চিহ্ন তাহা অনুমান করিবার কারণ আছে। বাহা হউক, কালের স্রোতে এই মেলা প্রায় একই ভাবে বহুকাল চলিয়া আসিতেছে। এক্ষণে ইহার ভিতর নূতনভাবে কিছু জনহিতকর কার্য প্রবর্তিত করিলে বোধ হয় মেলাটির আরো উন্নতি ও তন্মধ্যে শিক্ষিত জনসাধারণের দৃষ্টি আকর্ষণ করা যাইতে পারে। জমিদার গুণেন্দ্র বাবু ও তাঁহার উদ্যোগী কর্মকর্তা শধরা বাবু ইচ্ছা করিলে এইরূপ অনুষ্ঠানের প্রবর্তনা করিতে পারেন, যথা—ম্যাজিক লঠন দ্বারা ম্যাগোরিয়া বীজাণু ও মাছি মশা প্রভৃতি বীজাণু হইতে অগ্ন্যাগ্নি সংক্রামক রোগ কিরূপে প্রসারিত হয় এবং সাধারণ স্বাস্থ্যরক্ষার নিয়ম, কৃষি শিল্পের উন্নতিপথ প্রদর্শন, এবং সহজ বোধগম্য অগ্ন্যাগ্নি সাধারণ হিতকর বিষয়ের জ্ঞাতব্য বিষয়গুলি লইয়া সাধারণের মধ্যে কিছু প্রচারের ব্যবস্থা। কুশদহ-সমিতির দ্বারা এবং বঙ্গীয় হিতসাধন মণ্ডলীর সাহায্যে অল্প আয়াসেই সাধিত হইতে পারে। তাঁহারা আগামী বর্ষে এ বিষয়ে মনোযোগী হইবেন কি ?

গত ১৬ই কাশ্মির শুক্রবার মহাস্বাস্থ্য ক্ষেত্রমোহন দত্ত মহাশয়ের পরলোক গমন দিন স্মরণার্থে কলিকাতা হইতে জনৈক প্রচারক লইয়া গিয়া ষাঁটুরা ব্রহ্মমন্দিরে ব্রহ্মোপাসনা করানো হইয়াছিল। তৎপরে ১৭ই ও ১৮ই তারিখে ষড়ারীতি না কি উৎসবও হইয়াছিল; কিন্তু শুনিতে পাওয়া যায় পূর্কের ন্যায় গ্রামস্থ অধিবাসীগণের মধ্যে আর ভেমন করিয়া সংবাদ প্রচার দ্বারা সকলকে আত্মান করা হয় না। ক্ষেত্রবাবুর তিরোধান—অল্পদিনের মধ্যেই ব্রহ্মমন্দিরের আলোক এরূপ স্তানে নিরীকণ হইয়া গেল কেন; কলিকাতা নববিধান-ব্রাহ্ম-সমাজ তাহার অনুসন্ধান লইবেন কি ?

মহাত্মা ক্ষেত্রমোহন দত্ত মহাশয় জীবিতকালেই তাঁহার আত্ম-জীবনী লিখিয়া রাখিয়া ছিলেন। তাঁহার পরলোকগমনের পর ঐ লিখিত বিবরণ সাহায্যে ১৩২২ সালের 'কুশদহ' পত্রিকায় তাঁহার একখানি ফটো সহ সংক্ষিপ্ত জীবনী প্রকাশিত হয়। সম্প্রতি আমরা দেখিয়া সুখী হইলাম যে, ঐ লিখিত জীবনী একখানি পুস্তকাকারে প্রকাশিত হইয়াছে। কিন্তু তাহাতে এই মাত্র জানা যায় যে, কলিকাতা এনং রমানাথ মজুমদারের ষ্ট্রীট হইতে মঙ্গলগঞ্জ মিসনপ্রেসে, মুদ্রিত ও কে, পি, নাথ দ্বারা ঐ পুস্তক প্রকাশিত। তন্নিম্ন কাহার যত্নে বা চেষ্টায় এই জীবনীখানি প্রকাশিত হইল তাহার কোনো উল্লেখ নাই। পুস্তকখানির কোনো মূল্যও লিখিত নাই; বিনামূল্যে বিতরিত একথাও লেখা নাই। অর্থাৎ যদি কুশদহবাসী বা অন্য কোনো ভদ্রলোক এই জীবনী পুস্তক একখানি আবশ্যিক মনে করেন, তবে তাহা সাধারণতঃ পাইবার উপায় নাই। অতএব আমরা লোক মারফতে বিনামূল্যে একখানি ঐ পুস্তক পাইয়াছি। কিন্তু প্রেরকের নাম নাই। স্বতন্ত্র কথা পুস্তকখানি মুদ্রাক্ষণ কালে পুরাতন লিখিত বিবরণ মধ্যে স্বভাৱতঃ কিছু সংশোধন করিবার ছিল। সর্বাপেক্ষা দুঃখের বিষয় ত্রিই যে, দেশের মধ্যে এমন প্রজ্ঞাবান ঋষি-কর ব্যক্তির মুদ্রিত জীবনচরিতে কোথাও একছত্র মস্তব্য নাই—ইহাতে তাঁহার একখানি চিত্র দেওয়া কিছুই অসম্ভব ছিল না, ফলতঃ কেবল অনবধানতা অজ্ঞতা বশতই একদল শ্রীহীন ভাবে পুস্তকখানি প্রকাশিত হইয়াছে। এতদ্বারা আমরা অত্যন্ত দুঃখিত হইলাম।

আমরা শুনিয়া অত্যন্ত সুখী হইলাম যে, খাঁটুরা নিবাসী বদাচলবর বাবু সহায়নারায়ণ পাল মহাশয় তাঁহার দেওঘরস্থ নব-নির্মিত আলয়ে গত ২২শে ফাল্গুন শুভ প্রবেশ উপলক্ষে তথায় সপ্তাহকালব্যাপী এক উৎসব বিশেষের আয়োজন করিয়াছেন। এতদ্বারা তাঁহার দেশবাসী আত্মীয়স্বজনগণ দেওঘর গমন করিয়াছেন। অকুষ্ঠান পত্র দৃষ্টে জানা যায় যে, প্রথমার্শে দিবসত্রয় ধর্ম্মাস—যথা ভক্ত প্রবর জীবন্ত অতুলকৃষ্ণ গোস্বামী মহাশয় প্রমুখ পণ্ডিতগণ কর্তৃক ভাগবত বাখ্যা, পরে নাম সংকীর্ণনাদি হইবে। তৎপরে কর্ম্মাঙ্গ—যথা তদদেশীয় বিভিন্ন শ্রেণীর ব্রাহ্মণভোজন, ভক্ত মহোদয়—বন্ধু-বান্ধব আত্মীয়বর্গের প্রীতি ভোজন। তন্নিম্ন কাঙালী ভোজন ও কুষ্ঠাশ্রামের সমস্ত রোগীদিগকে আহাৰ্য্য দান ইত্যাদি। সম্প্রতি সহায়নারায়ণ বাবুর ধর্ম্ম-

কর্নোৎসাহ দেখি। আমাদের মনে হইতেছে যে, ঈশ্বরকৃপায় তিনি আরো কিছুকাল ইহ জীবনে দীর্ঘজীবী হউন এবং সৎপথে আরো তাঁহার অর্থাগম হউক, বিশেষ আরো আত্মাদের কথা এই যে, তিনি আপনাকে 'দাস' জানে এই সৎকর্ম কার্য্য করিতে প্রবৃত্ত হইয়াছেন; আমরাও ভগবচ্চরণে একান্ত প্রার্থনা করিতেছি যে, তিনি যেন সত্য সত্য "দাস" পদবাচ্য হইয়া দেশের এবং দেশের সেবা করিয়া ধন্য হইতে পারেন।

সম্পাদকের নিবেদন

গতবারে কুশদহ সম্পাদকের নিবেদন প্যারেগ্রাফেব সংবাদ পাঠ করিয়া, ব্যক্তিগত পরিচালিত 'কুশদহ' প্রচার বন্ধ হইবে জানিয়া অনেকেই দুঃখ প্রকাশ করিতেছেন। ইহা অথবা কুশদহ পত্রিকার প্রতি কুশদহবাসীর অনুরাগের পরিচয়। এবং ইহা কুশদহ-সম্পাদকের পক্ষেও পথম সৌভাগ্যের বিষয়। কুশদহ-সম্পাদক আনন্দের সচিত বিশ্বাস করিতেছেন যে, কুশদহ-সমিতি হইয়া "কুশদহ" প্রচারের কথকিৎ উদ্দেশ্য সফল হইয়াছে, কোন কার্য্যের উদ্দেশ্য সফল হইলে তাহার আর কার্য্যকরী শক্তি থাকে না—স্বভাবত তাহার তিরোধান হয়; এই জন্যই ব্যক্তিগত প্রচারিত কুশদহ বন্ধ হইতেছে। দ্বিতীয় কথা, এখন সমিতির একখানি মুখপত্র আবশ্যিক, নতুবা সমিতির আদর্শ উদ্দেশ্য ও কার্য্যবিবরণী সাধারণে কিছু জানিতে পারিবে না, এবং সমবেত শক্তিকে সহজে কেন্দ্রীভূত করাও অসম্ভব হইয়া দাঁড়াইবে। অথচ নূতন একখানি কাগজ বাহির করা সমিতির পক্ষে এই আয়াসসাধ্য। কিন্তু এই দশ বৎসরের পরিচালিত পত্রিকার সূত্র পরিয়া কাগজ পরিচালনা আরম্ভ করিলে শিশু সমিতির পক্ষে অনেকটা সহজসাধ্য হইবে। আরো কথা এই যে, ঐ ব্যক্তিগত পরিচালিত পত্রিকা বন্ধ না করিলে, সমবেত ভাবে পরিচালিত সমিতির মুখপত্রখানি ফুটিয়া উঠিতেই পারে না। তাই কুশদহ সম্পাদকের পুনরায় এই নিবেদন যে, যাহাতে সমিতির দ্বারা উপযুক্তরূপে অক্ষুণ্ণভাবে পত্রিকাখানি পরিচালিত হইতে পারে, তৎক্ষণ মকলেরই যত্নবান হওয়া এবং সাহায্য করা আবশ্যিক।

এই শিবাঘ কাঙ্কন সংখ্যাখানি বাহির হইতেও অবধা বিলম্ব হইল, এখনও চৈত্র সংখ্যা আর একখানি বাহির হইবে। বোধ হয়, আগামী বৈশাখের আর্দ্রকের কবে হইবে না।

কুশদহ-পঞ্জী

—০—

শ্রীযুক্ত কেদারনাথ মুখোপাধ্যায় বি-এ

(অঃ এঃ এসিঃ ইনেঃ স্কুলস্)

মাটীকোমরা

গতবারে প্রকাশিত মুখোপাধ্যায় বংশাবলীর মধ্যে ৬মনোহর মুখোপাধ্যায়ের এক পুত্র গুরুপ্রসাদের বংশাবলী উল্লিখিত হইয়াছে। কিন্তু গুরুপ্রসাদের আর চারিটি বৈমাত্রেয় ভ্রাতা ছিলেন, যথা—বলরাম, রামকানাই, তিলকরাম, ও রামচাঁদ। ৬মনোহর মুখোপাধ্যায় মহাশয়, উছাপুরের ৬শ্যামচাঁদ চৌধুরী মহাশয়ের বাটীতে বিবাহ হুত্রে মাটীকোমরা বাস করেন।

উক্ত চারি ভ্রাতার সর্ব কনিষ্ঠ রামচাঁদ মুখোপাধ্যায়ের তিন পুত্র—হর-প্রসাদ, শিবপ্রসাদ ও চণ্ডীপ্রসাদ; তন্মধ্যে হরপ্রসাদ ও শিবপ্রসাদ সহোদর; চণ্ডীপ্রসাদ বৈমাত্রেয়। হরপ্রসাদের একমাত্র পুত্র,—

৬ত্রিলোচন মুখোপাধ্যায়।

ইহার তিন বিবাহ। প্রথম পত্নী খাঁটুরার সুবিখ্যাত কথক ৬রামধন শিরোমণির ভ্রাতা ৬উমাচরণ বন্দ্যোপাধ্যায়ের একমাত্র কন্যা স্বর্গীয়া প্রসন্ন-ময়ী দেবী।

দ্বিতীয়া পত্নী—বশোলের সাঁওতালগ্রামের বন্দ্যোপাধ্যায় বংশের কন্যা ছিলেন।

তৃতীয়া পত্নী—ধর্মপুরের ৬রামপ্রাণ বন্দ্যোপাধ্যায়ের কন্যা, স্বর্গীয়া বরদা-সুন্দরী দেবী।

প্রথম পত্নীর পাঁচ পুত্র, যথা—৬রাজেন্দ্রনাথ, ৬যোগেন্দ্রনাথ, ৬হারানন্দ্র, ৬নন্দ-লাল ও ৬রাসবিহারী এবং একমাত্র কন্যা শ্রীমতী নিস্তারিণী দেবী।

দ্বিতীয়া পত্নীর একমাত্র পুত্র ৬মহেন্দ্রনাথ। ইনি গোবরডাঙ্গার দেওয়ান-বাটীর মুন্সেফ ৬রাধানাথ চট্টোপাধ্যায়ের কন্যা স্বর্গীয়া তরঙ্গিনী দেবীকে বিবাহ করিয়া নিঃসন্তান অবস্থায় পরলোকগত হন।

তৃতীয়া পত্নীর পুত্র,—শ্রীযুক্ত কেদারনাথ মুখোপাধ্যায়।

৬রাজেন্দ্রনাথের দুই বিবাহ। প্রথম পত্নী, হুগলি গৌদলপাড়া নিবাসী ৬অন্তর্যামচরণ বন্দ্যোপাধ্যায়ের কন্যা আদরিণী দেবী, (তিনি) এক্ষণে কাশীধামে বাস করিতেছেন। দ্বিতীয়া পত্নী, নদীয়ার বেটুগাছী নিবাসী ৬উমাচরণ বন্দ্যো-পাধ্যায়ের কন্যা স্বর্গীয়া গিরিবালা দেবী। ইহারা উভয়েই নিঃসন্তান।

৬যোগেন্দ্রনাথের পুত্র ৬হরিদাস ও ৬বসন্তকুমার। ইহারা চৌবেড়িয়ার ৬ধারিকানাথ চট্টোপাধ্যায়ের দৌহিত্র। হরিদাস, গোবরডাঙ্গার দেওয়ান বাটীর

৮ উত্তমচন্দ্র চট্টোপাধ্যায়ের কন্যা শ্রীমতী ক্ষেত্রমণি দেবীকে বিবাহ করিয়া নিঃসন্তান অনস্থায় পরলোকগত হন। বসন্তকুমারও অবিবাহিত অবস্থায় পরলোকগত হন।

৮ গরামচন্দ্রের পত্নী—ছয়ষ বয়সী নিবাসী ৮ রামচন্দ্র চট্টোপাধ্যায়ের কন্যা শ্রীমতী জগদ্ধারিণী দেবী। ইহার একটি মাত্র দৌহিত্রী, শ্রীমতী নালনীবালা দেবী। ইহার স্বামী, ইছাপুরের ৮ ননী গোপাল চৌধুরী।

৮ নন্দসালের পত্নী, কোটামদনপুর নিবাসী শ্রীযুক্ত অক্ষয়কুমার চট্টোপাধ্যায়ের কন্যা শ্রীমতী মহামায়া দেবী। তিনি নিঃসন্তান এক্ষণে কাশীধামে পিতার নিকট বাস করিতেছেন।

৮ রাসবিহারীর দুই বিবাহ। প্রথমা পত্নী, ছয়ষয়সীয়া নিবাসী ৮ অভয়াচরণ চট্টোপাধ্যায়ের কন্যা স্বর্গীয়া রাক্ষসী দেবী। ইহার একমাত্র পুত্র শ্রীযুক্ত বঙ্কিমচন্দ্র মুখোপাধ্যায় বি-এল। ইনি বনগ্রামে ওকালতি করিতেছেন। দ্বিতীয়া পত্নী—খুলনা জেলার ঘাটভোগ গ্রাম নিবাসী ৮ ফটিকচন্দ্র চট্টোপাধ্যায়ের কন্যা শ্রীমতী সুনতি দেবী। ইহার একমাত্র পুত্র শ্রীমান্ বিনয়ভূষণ কলিকাতা মেট্রপলিটান কলেজে আই.এস.সি, অধ্যয়ন করিতেছেন।

৮ বঙ্কিমচন্দ্রের দুই বিবাহ। প্রথমা পত্নী রাণাঘাট নিবাসী স্বর্গীকুমার চট্টোপাধ্যায়ের কন্যা, স্বর্গীয়া নির্মলাবালা দেবী। ইহার একটি বালক পুত্র শ্রীমান্ অশোককুমার। দ্বিতীয়া পত্নী হরিনাতি নিবাসী শ্রীযুক্ত রামচন্দ্র বন্দ্যোপাধ্যায়ের কন্যা শ্রীমতী সুশীলাসুন্দরী দেবী। ইহার তিনটি বালিকা।

কেদারবাবুর দুই বিবাহ। প্রথমা পত্নী—যশোহর পাটসীমলা নিবাসী ৮ সনাতন বন্দ্যোপাধ্যায়ের কন্যা স্বর্গীয়া কীর্ত্তিদেবাসিনী দেবী। ইহার দুই পুত্র ও এক কন্যা। প্রথম পুত্র শ্রীযুক্ত নিশিভূষণ মুখোপাধ্যায় বি-এল ইনি প্রায় ৬৭ বৎসর ছোট আদালতে ওকালতি করিতেছেন। দ্বিতীয় পুত্র শ্রীমান্ জ্যোতিঃভূষণ মেডিকেল কলেজে দ্বিতীয় বাষিক শ্রেণীতে অধ্যয়ন করিতেছেন এবং একমাত্র কন্যা পরলোকগত মৃগাঙ্গিনী দেবী। ইহার স্বামী, যশোহর আকাইপুর নিবাসী ডাক্তার শ্রীযুক্ত হেমচন্দ্র চট্টোপাধ্যায়। ইনি এক্ষণে বগুড়ায় গভর্ণমেণ্টের কার্যে নিযুক্ত আছেন।

নিশি বাবুর পত্নী—খুলনা জেলার ঘাটভোগ গ্রাম নিবাসী শ্রীযুক্ত গঙ্গাচরণ চট্টোপাধ্যায়ের কন্যা শ্রীমতী আশালতা দেবী, ইহার বর্তমানে তিন পুত্র ও এক কন্যা।

কেদারবাবুর দ্বিতীয়া পত্নী—ছয়ষয়সীয়া নিবাসী ৮ ব্রজেননাথ চট্টোপাধ্যায়ের কন্যা স্বর্গীয়া ননীবালা দেবী। ইহার একটি মাত্র অবিবাহিতা কন্যা শ্রীমতী সাবিত্রীসুন্দরী দেবী।

ব্রহ্মসূত্র

“জননী জন্মভূমিঞ্চ স্বর্গাদপি গরীয়সী”

“সত্যম্ শিবম্ সুন্দরম্”

“তোমার অগতে প্রেম খিলাইব,
তোমারি কাণ্ডি বা মাধিব ”

দশম বর্ষ

চৈত্র, ১৩২৫

ছাদশ, সংখ্যা

সঙ্গীত

কীর্তন-ভাঙ্গা সঙ্গীত। একতালি।

দাসের কিছু নাহি বাঞ্জা আর :

প্রভুর প্রেমানন, প্রসন্ন বদন, করে প্রাণে নব জীবন সঞ্চার।

হইল কৃতার্থ ওহে দীননাথ,

এ পাপ জীবন সেবি তব পদ,

নাহি প্রয়োজন, অণু কোনো ধন,

চির দাসত্বই আমার প্রচুর পুরস্কার।

হরিবোল বোলে ও চরণ তলে,

অনুত্যাগ যেন হয় অস্তিম কালে

এই হে মিনতি, ওহে বিশ্বপতি,

“বেশ হ'য়েছে” মুখে বোলো একটি বার।

(ব্রহ্মসঙ্গীত হইতে)

বিদায়

—:~:—

শব্দে ও ভাবে অবিচ্ছিন্ন সম্বন্ধ। তথাপি একই শব্দে একই ভাব উৎপন্ন করে না। অবস্থা ভেদে একই শব্দ হইতে পৃথক ভাবের উদ্ভেক হয়।

আজ যে ভাবে “বিদায়” শব্দটি লইয়া কুশদহ-সম্পাদক দেশবাসীর নিকট উপস্থিত, বোধ হয় দেশবাসী সে ভাবে ঐ শব্দ গ্রহণ করিতে প্রস্তুত নহেন। সম্পাদক আজ আনন্দের সহিত বিদায় চাহিতেছেন, কিন্তু দেশবাসী তাহাতে হৃৎ প্রকাশ করিতেছেন। মানব-হৃদয়াভ্যন্তরে—ভাবজগতে এ কি রহস্য।

সম্পাদকের আনন্দের কারণ “কুশদহ” প্রচারের সফলতায়, দেশবাসীর নিরানন্দের কারণ কাগজখানি বন্ধ হইবার আশঙ্কায়। উভয় হৃদয়েই সত্য বিস্তমান—সুতরাং সত্য আছে। ইহাও সম্পাদকের আনন্দের কারণ। সত্যের পরিণাম কখনই অশুভ হইতে পারে না। সত্যই মঙ্গলের কারণ—সত্যই আনন্দের আকর—সত্যই সর্বথা পূর্ণতা দান করে।

এ বিদায় বিনাশের বিদায় নয়—অপূর্ণতাকে পূর্ণতা দানের জন্ত। যিনি এতদিন কৃপাস্পর্শ দিয়া অযোগ্য দাসের দ্বারা এই ব্রত পালন করাইলেন, আজ তাঁহারই ইচ্ছিতে এ বিদায়ের সূচনা হইয়াছে।

যে শক্তি এতদিন একাকী ছিল, আজ সমিতি যোগে তাহা বহুর মধ্যে, বহুর সহিত মিলিয়া—বিশেষ ভাবে বহুর বেদনা বহিয়া বিকাশ লাভ করিতে চাহিতেছে। যে শক্তি বহুর সঙ্গে মিলিবার জন্ত বীজাকারে একাকী কাষ করিতেছিল, আজ তাহা বহুর ভিতর অনুপ্রবিষ্ট দেখিয়া আনন্দে মগ্ন হইয়া আত্ম-ত্যাগ আত্ম-গোপন করিতে চাহিতেছে। আত্মগোপনের অর্থ—বহুর সঙ্গে মিলিয়া আবার নূতন মূর্তিতে জন্ম পরিগ্রহ করিবার প্রয়োজন। দাসের ভাগ্যে তাহা কি সম্ভব হইবে? জানি ভগবানের সে দয়া আছে; কিন্তু বঙ্গুগণ—আমার দেশবাসী প্রিয় জন মণ্ডলী, আপনারা কি সহায় হইবেন না? আমুন ক্ষুদ্রতাকে বিদায় দিয়া বিশালতাকে হৃদয়ে লইয়া সকলে এক হৃদয় হইবার জন্ত আবার নূতন ভাবে নবাকারে কাষ্য আরম্ভ করি। সেই মঙ্গলময়ের ইচ্ছাই পূর্ণ হউক।

প্রায়শ্চিত্ত

—০—

ষড়বিংশ

বৈশাখের আকাশে কড় কড় করিয়া নূতন মেঘ ডাকাডাকি করিয়া দিগ্বিদিক চমকিত করিয়া তুলিয়াছিল। দেখিতে দেখিতে উত্তর কোণের কাল মেঘ সমস্ত আকাশ ঢাকিয়া ফেলিল। আসন্ন বৃষ্টি পাতের লক্ষণ দেখিয়া ছেলে মেয়ের দল আনন্দ কোলাহলে সুর করিয়া বলিতে লাগিল, “আস বৃষ্টি বোঁপে, ধান দেগো মেপে,” দেখিতে দেখিতে চড় চড় করিয়া শিলাবৃষ্টি আরম্ভ হইল। ছেলে মেয়েরা, মাতামাতি করিয়া শিল কুড়াইয়া গামোদের সহিত খাইতে লাগিল। তারপর মূষল ধারায় বৃষ্টি নামিয়া আসিল। অদূরবর্তী আদি অস্ত হীন সমুদয় দৃশ্য বৃষ্টি ধারায় চক্কর সম্মুখ হইতে যেন কোথায় মুছিয়া গেল।

রতিকান্ত শয়ন গৃহের জানালার ধারে বসিয়া এ সকল দেখিতেছিল, আর অকুল চিন্তা সাগরে ভাসিতেছিল। নিজের বন্দী দশার কথা সে ভাবিতেছিল, চির নির্ভীক, চির স্বাধীন প্রকৃতি রতিকান্ত কাহারও আদেশ ব্যতীত কোনও কিছু করিবে না, এক পা কোথাও নাড়িতে পাইবে না, সে ভ্রমক্রমে একটা অন্তায় করিয়াছিল বটে, কিন্তু সে দোষের—সে ভ্রমের কি আর মার্জনা নাই? এই পৃথিবীর নিষ্পেষণ, নিশ্চয় বিচার! দোষ অপেক্ষা শাস্তি শতগুণে ভীষণ।

অভিमानে রণায় বুকের বন্ধ ক্ষীণ হইয়া উঠিতেছিল। আত্মীয় স্বজন সকলেই তাহার জন্য সশঙ্কিত অবস্থায় দিন কাটাইতেছেন, না, রতিকান্ত কাহারও গলগ্রহ হইয়া বাঁচিয়া থাকিতে চাহে না, সে সকলকেই মুক্তি দিবে। কিন্তু কেমন করিয়া? এ বিশাল বিশ্বের বন্ধে তার তো এক পা নড়িবার ক্ষমতা নাই? তবে ইহার বাহিরে যদি কোনো দেশ থাকে সেইখানে যাওয়াই মুক্তিযুক্ত, অর্থাৎ আত্মহত্যা।

রতিকান্ত শিহরিয়া উঠিল, কাপুরুষের তায় আত্মহত্যা? কি ভীষণ কল্পনা। সে যে বড় আশা করিয়াছিল, যুদ্ধে বাইবে, অসীম সাহসিকতার, অসামান্য বীরত্ব প্রদর্শনে, নিজের ললাটের কলঙ্ক কালিমা মুছিয়া ফেলিবে; যশোলক্ষ্মী আবার স্নেহ গুণে তাহার কণ্ঠে জয়মাল্য পরাইয়া দিবে। সে যুদ্ধে যদি মৃত্যু হয়, সে মৃত্যু বীরের বাহনীয় মৃত্যু, বীরের শব্যায় শয়ন করিয়া অক্ষয় স্বর্গলাভ

কিন্তু রতিকান্তর সে আশায়ও বাজ পড়িয়াছে। হায় হায়, সে যে আজ কাহারও বিশ্বাসের পাত্র নয়।

অলক্ষণ পরেই বৃষ্টির বেগ প্রশমিত হইল, দেখিতে দেখিতে বৃষ্টি একেবারে থামিয়া গেল, আকাশ পুনরায় পরিষ্কার হইয়া সূর্য্য কিরণ ফুটিয়া উঠিল। তখন সূর্য্যাস্তের আর বিলম্ব নাই, পশ্চিম কোনের মেঘপুঞ্জগুলি অস্ত গমনোন্মুখ সূর্য্যের শেষ কিরণচ্ছটার, কত বিচিত্র বর্ণে রঞ্জিত হইয়া অতি চমৎকার শোভা ধারণ করিল।

রতিকান্ত মনে মনে কহিল আমার জীবনের মেঘরাশি কি এমনি কোরে আবার একদিন কেটে গিয়ে সৌভাগ্যের সোণার রঙে ঝলমল কোরে উঠবে না? আশা তো হয় না, অস্তুতঃ সে ঐশ্বর্য্য আর আমার নেই। আমার জন্মে সব চাইতে কষ্ট পাবেন মা, কিন্তু সময়ে তাঁর ও সে কষ্ট সহ্য হয়ে যাবে, তাঁর তো আরও দুটি ছেলে আছে। আমার জন্মে এ রকম দিন রাত্রি উদ্বেগে দিন কাটাচ্ছেন, তা থেকে তাঁকে আমি পরিত্রাণ দিতে চাই। আমি বিবাহ করিনি, স্ত্রীর সং এমনি একটি জীবন আমি রেখে যাচ্ছি না, যার সমস্ত কিছুই আমার অভাবে একেবারে বার্ষ হয়ে যাবে, আমাকে হারিয়ে যার জীবনের আর কোনো মূল্য থাকবে না, শুধু অভিশপ্ত একটা জন্ম তাকে আজীবন সংসারের পথে টেনে নিয়ে অগ্রসর হতে হবে, না, সে রকম কিছু করাও হবে না।

ললিতার কথা এত সময়ে রতিকান্তর স্মরণ হইল, হ্যাঁ, ললিতাকেও সে একেবারে মুক্তি দিয়া যাইবে, অভাগিনী নারী সত্যই যদি প্রাণপণ চেষ্টাতেও তাহার স্মৃতি মন হঠতে যুঁছিয়া ফেলিতে না পারিয়া থাকে, তাহা হইলে, রতিকান্তর অস্তিত্ব যখন পৃথিবী হইতে চিরতরে লোপ পাইবে, তখন সম্ভবতঃ তাহার সে চেষ্টা সফল হইবে—কালের তো নিয়মই এই। অমিতা তাহাকে অনেক রকম আশ্বাস দিয়া উৎসাহ বাণী শুনাইতেছে সত্য, কিন্তু সে সংসার অনভিজ্ঞা বালিকা কেমন করিয়া রতিকান্তর অস্তর্বেদনা ও নিগূঢ় মর্শ্বনাহের জ্ঞান অকুণ্ঠন করিতে পারে? কিন্তু ধনুবাদ তার স্নেহ মমতা সহানুভূতি পূর্ণ নারী হৃদয়কে।

এইবার রতিকান্ত ভাবিল, যদি মৃত্যুর পর আবার জীবন থাকে—কিন্তু তৎক্ষণাৎ তাহার মন বিরক্তিতে পূর্ণ হইল, দূর হউক পরজন্মের কথা, হাতে পাইয়া এমন দুর্ভাগ্য মানব জন্ম, যখন এমনি করিয়া বিফল হইয়া গেল, তখন

কোথার আবার সেই অনির্দিষ্ট পরজন্মের কথা। রতিকান্ত, হঠাৎ উঠিয়া দাঁড়াইল। আবার কি ভাবিয়া টেবিলের সম্মুখে বসিল, অনেকক্ষণ ধরিয়া কি ভাবিল। সহসা চক্ষে জল ধারা বাহিয়া গেল। তারপর দুই-খানি কাগজে চিঠি লিখিল। এই সময় ছোকরা চাকর নিম্ম আসিয়া কহিল, দাদাবাবু, মা জিজ্ঞেস করছেন রাতে আপনি কি খাবেন।

রতি কহিল, শুধু দুধ খাব, আজ আমার শরীর ভাল নেই, এই চিঠিখানা ডাকে দিয়ে আয় দিগি, খুব শীগ্গীর, বুঝলি ?

নিম্ম চিঠি লইয়া চলিয়া গেল।

সেই রাত্রে চিন্তামণি যখন সকলকে আশা হাদি করাইয়া, রতিকে দেখিতে আসিলেন, জানালা দিয়া দেখিলেন, মশারির মধ্যে রতিকান্ত অবোরে ঘুমাইতেছে, উহাকে আর না জাগাইয়া নিঃশব্দে ফিরিয়া গেলেন। তিনি জানিলেন না, তাঁহার অকৃতজ্ঞ, অপরিণামদর্শী পুত্র তাঁহাকে নিশ্চিত্ত করিবার ছলে, কি ভীষণ অগ্নিকুণ্ডে তাঁহাকে চির জীবন, দগ্ন করিবার জন্ত, হতভাগ্য, বিকৃত মস্তিষ্ক বুবক আজ বিষ পানে কোন্ মহানিদ্রায় অভিভূত হইয়াছে।

সপ্তবিংশ

ছিন্ন কদম্বীর ন্যায় চিন্তামণির চৈতন্য হীন দেহ ধূলাবনুষ্ঠিত, আত্মীয়, স্বজন—দাস দাসী পর্য্যন্ত সকলের আশ্রুনাতে চারিদিক প্রকম্পিত। উমানাস্ত, সতীকান্ত রুদ্র পিতার কম্পিত দেহ, কম্পিত হস্তে ধরিয়া রহিয়াছে, শান্ত প্রভাত বায়ু, শান্ত প্রাতঃকালটি, বিরাট শোকের হাহাকারে আজ পরিপূর্ণ। অশ্রুহীন, নিম্পলক নয়নে হরদাদা রতিকান্তের শেখ পত্রখানির দিকে চাহিয়া আছেন, রতিকান্ত লিখিয়াছে ;—

“মা, আমার স্বর্গাদপৌ গরীয়সী মা, আমার স্নেহময়ী মা ; মৃত্যু সময়ে একবার প্রাণভরে এ অমৃতমাধা মা নাম উচ্চারণ কোরে নিই। আজ মরবার সময়েও আমার এই প্রার্থনা, যদি আবার এই পৃথিবীর বুকে জন্ম নিই, তা হোলে যেন মা, তোমার কোলেই জন্মাই। তোমার স্নেহ সুখা এতদিন পান কোরেও আজও আমার অন্তর তৃপ্ত হয় নি ; তবে কেন সাধ কোরে তোমার কোল ছেড়ে যাচ্ছি ? আমি কি জানছি না, আমার শোকে তোমার বুকে কি ভীষণ বজ্রাঘ্নি জলে উঠবে। আমার বাবা আমার এ শোচনীয় মৃত্যুতে কি মর্শ্বেদী বেদনার অবসর হয়ে পড়বেন, দাদারা আমার

জন্মে কত কাতর হবেন, আর হরদাদা, যিনি আমাকে তাঁর বুকের একখানি হাড়ের মত মনে করেন, তাঁর ব্যথাও আমি কল্পনা কোরতে পারছি না, কিন্তু তবু আমি চলেছি। আমার এ চির বিদায়ের মুহূর্তে জোড় হাতে তোমাদের সকলের কাছেই ক্ষমা চাইছি, আমার ক্ষমা কোরো মা। আমার দুর্বলতাকে ক্ষমা কোরো, আমার এ পাপ ক্ষমা কোরো, নইলে আমার প্রেতাত্মার শাস্তি হবে না। একে অপরাধের বোঝা নিয়েই পরপারে যাত্রা করলুম, কে জানে সে যাত্রার শেষ কি ?

আমি আর এ অভিশপ্ত জীবন বইতে পারলুম না, আমার মনের আর সে বল নাই, যার জোরে আবার আমি বুঝতে পারতুম, আমার লুপ্ত পৌরব ফিরিয়ে পাবার চেষ্টা করতুম। যদি দিন কতক কোথাও চলে যেতে পারতুম, হয় তো সময়ে মনের জ্বালা লাঘব হোয়ে প্রকৃতিস্থ হতুম, কিন্তু সহস্রের সন্দিগ্ধ দৃষ্টি এক মুহূর্ত আমার অজ্ঞাতবাস করতে দেবে না, এ পাহারার মধ্যে বাস করা আমার অসহ্য। আমি সংসারে সকলেরই অশাস্তির কারণ হোয়ে দাঁড়িয়েছি, সাপে খাওয়া ফালের মত আমি আজ সবার পরিত্যক্ত, সকল কাজেরই অনুপযুক্ত।

আমার জন্ম তোমার যে কত আঘাত পেতে হচ্ছে, তা আমি সব বুঝতে পারছি, আমার এ লাঞ্ছনা আমার চাইতে তোমায় যে কত বেশী বাজছে, তাই জেনে আমিও অস্থির হোয়ে উঠেছি। আমার এখন এই ভয় হচ্ছে মা, যদি এ অবস্থায় আরও দিনকতক থাকি, তা হোলে আমার মস্তিষ্ক বিকৃত হবে, আর সে অবস্থায় আবার কখন যে কি এক নূতন উৎপাতের সৃষ্টি কোরে তোমাদের আরো বিপদগ্রস্ত কোরবো তার ঠিক নেই, সুতরাং আমার সরে পড়াই মঙ্গল। যদি তোমাদের কাউকে না বোলে, কোনো দেশে পালিয়ে যেতাম, তাতে আমাদের উভয় পক্ষ কেহই নিস্তার পেতো না, সুতরাং জড়দেহটাকে এখানে রেখে প্রাণটাকে নিয়ে চলে যাওয়াই শ্রেয়। তোমার চরণে কোটি কোটি প্রণাম রেখে তোমার দুর্ভাগা রতিকান্ত তাই আজ নিরুদ্দিষ্ট মহাপ্রস্থানের পথের যাত্রীই হোলো, এ নিরর্থক, হতভাগ্যকে ক্ষমা কোরো মা।”

পত্রখানির অক্ষরগুলি, স্থানে স্থানে লেখকের অশ্রুজলে অস্পষ্ট হইয়া গিয়াছে। সে যে তার কতখানি বেদনার আভাস লেখনী বুধে ফুটাইয়া তুলিতে চাহিয়াছে, ইহা তাহারই পরিচয়। কে বলিয়া দিবে, আজ এই অপরিণামদর্শী রতিকান্তর শোচনীয় আত্ম হত্যার জন্ম দায়ী কে? নিদাক্ষণ

নির্দয় প্রাক্তন, কি আর কিছু? হরদাদা শুরু ভাবে বসিয়া বৃষ্টি ঐ কথাই ভাবিতে ছিলেন।

অষ্টাবিংশ

সকাল বেলা চায়ের টেবিলে বসিয়া, সংবাদ পত্রের নুতন খবর গুলি দেখিতে দেখিতে মহেশ বাবু চীৎকার করিয়া বলিয়া উঠিলেন, “কি ভয়ানক ছোক্রা শেষ আত্মহত্যা করলে? কি শোচনীয় পরিণাম। এতটুকু moral courage ছিল না, যাতে নিজের ক্রটিটা সেরে নিতে পারত।

ললিতার হাত হইতে ঠন্ ঠন্ করিয়া চায়ের পেয়ালার ভূমিতে পড়িয়া গেল। অমিতা তখন ডাকের চিঠি হাতে লইয়া খুলিতে আরম্ভ করিয়াছে, উৎকণ্ঠিত ভাবে মহেশ বাবুর মুখের দিকে চাহিয়া জিজ্ঞাসা করিল, কার কথা বলছেন কাকামণি?

মহেশ বাবু কহিলেন, এই রতিকান্ত বেচারী আত্মহত্যা করেছে। এই পরশু রাত্রে ঘটনা, কি লিখে পড়ি—ও কি, ললিতা যে পড়ে গেল। কি সর্বনাশ, মুচ্ছা পেছে যে—জল—অমিতা জল।

আর অমিতা, সে নিজেই স্বপ্ন ভূমিতে পড়িয়া জড়ের মত নিষ্পন্দ হইয়া গিয়াছে। জ্যাঠাইমা, থাকামণি দোড়াইয়া আসিয়া ললিতার টেবিলে সম্পাদনের চেষ্টা করিতে লাগিল। অমিতা সে দিকে লক্ষ্য না করিয়া কোলের উপর রতিকান্তের চিঠি খানি মেলিয়া বসিয়া রহিল, রতিকান্ত আত্মহত্যা করিয়াছে, এ সংবাদ অমিতার যেন বিশ্বাস হইতোছিল না।

কিছুকণ চিঠিখানির দিকে চাহিয়া চাহিয়া তারপর সে যেন ইহার অর্থ হৃদয়ঙ্গম করিতে পারিল, চিঠি খানি সংক্ষেপে অতি করুণ ভাষায় এতটুকু লেখা ছিল,—

অমিতা,

যখন আমার চিঠি তুমি পাবে, তখন পৃথিবী হ'তে কোন্ অজ্ঞাতরাজ্যে আমি চলে গিয়েছি জানবে। তোমরা আমার কাপুরুষ ভাববে, সত্যই আমি তাই। জীবন সংগ্রামে আমি ভঙ্গ দিলাম। সকলের বিভীষিকার কারণ হোয়ে এ দুর্ভাগিনী জীবনের ভার বহিতে পারলাম না। পৃথিবীর কাছে আমার নিত্য নুতন অপরাধের তিল তিল বিচার আর শাস্তি আমার অসহ হোয়ে উঠেছিল, তাই পরলোকের ষিনি বিচারক একেবারে তারই দব্বারে বিচার

প্রার্থী হোয়ে চল্লুম। আমি জানি তুমি আমার স্নেহ করো, আমার মৃত্যুতে তুমি মর্স্যাহত হবে, আর একজনের কথাও আজ আমি অসঙ্কোচে উল্লেখ করছি। ললিতাও আমার স্নেহ করে, সেও নিশ্চয় ব্যাথা পাবে, কিন্তু তোমাদের স্নেহের মর্স্যাদা আমি রাখতে পারলুম না, অবোধ্যকে তোমরা হৃদয়ের সজিত মার্জনা কোরো। আর এ হতভাগ্যের দোষ ক্রটিগুলো একটু স্নেহের চক্ষে দেখে তার গুরুত্বকে কিছু লম্বু মনে করতে চেষ্টা কোরো, এই আমার অস্তিত্বের একান্ত অনুরোধ।’

* * * * *

তার পর? তার পর পুত্রহীন জনক জননীর মর্স্যাস্তিক শোকের কাহিনী বর্ণনা করা নিঃপ্রয়োজন। আর রতিকান্ত গুপ্ত প্রাণ হরদাদা, তিনি যুনির মৃত্যুর পরে যেমন একবার ক্ষুদ্রদেশ ছাড়িয়া জগতের পথে বাহির হইয়া পড়িয়াছিলেন, আজ দীর্ঘকাল পরে, স্নেহের ধন রতিকান্তকে হারাইয়া একমাত্র হাঁকাটি হাতে করিয়া পুনরায় তেমনি করিয়া বাহির হইয়া গেলেন, এবং মনে মনে প্রতিজ্ঞা করিলেন, এ বয়সে সাধ করিয়া যার বন্ধন আর গলায় পরিবেন না, এইবার একবার সর্বভূতের অন্তরাগ্না স্বরূপ, সর্ববাপী প্রাণময় দেবতার চরণে নিজের সকল স্নেহ ভালবাসা উৎসর্গ করিয়া দিবেন, তাহা হইলে এমন করিয়া রাতারাতি আর তাঁহাকে দেউলিয়া হইয়া প্রাণের জালায় হা-হাকার করিয়া বেড়াইতে হইবে না।

শ্রীসরসীবালা বসু।

সত্যগ্রহ

কথা উঠিয়াছে কেবল বিজ্ঞা বুদ্ধি বলে দেশ উন্নত হইবে না—আত্মিক বল চাই। আত্মিক বলে অন্ত্যর অভ্যাচারের প্রতিরোধ না করিয়া উহা সহ্য করিতে হইবে। দুই হাজার বৎসর পূর্বে একজন পূর্ণ আত্মিক লোক বলিয়াছিলেন, “তোমরা অভ্যাচারের প্রতিরোধ করিও না,” কেবল যুধের কথায় নয়, তিনি পূর্ণ ক্রমাঙ্গীল অন্তরে অভ্যাচারীর হাতে জীবন অর্পণ করিয়াছিলেন। সম্প্রতি মহাত্মা গান্ধি ঐ কথাই বলিতেছেন, এবং জীবন দ্বারা তাহা নাকি পালন করিতেছেন; প্রাণে গভীর ধর্মভাব এবং ভক্তি.

প্রীতির সঞ্চার না হইলে আত্মিকবল লাভ হয় না। কথিত আছে “প্রীতি ভাবৎ বহন করে, ভাবৎ বিশ্বাস করে, ভাবৎ আশা করে, ভাবৎ সহ করে।”

মহাত্মা গান্ধীর পক্ষে ঐ ব্রত পালন করা সম্ভবপর হইতে পারে, কারণ বৈরাগ্যের পথ ধরিয়া তিনি আত্মার সাধন করিয়াছেন; হয়ত আত্ম-দর্শনও তাঁহার হইয়াছে, কিন্তু সাধারণের পক্ষে বিনা সাধনে একটা সাময়িক ভাবের উত্তেজনা-উপবাসে কখনও কি আত্মিক বললাভ হয়?

তিনি নাকি এ কথাও বলিতেছেন, “যাহারা অত্যাচার সহ করিতে পারিবে না তাহারা যেন সত্যগ্রহ না করে।” ইহা ঠিক কথা। কিন্তু এই একদিকে গ্রহণ, আর একদিকে নিষেধ, ইহার অর্থ কয় জনে বুঝিবে? তাই আমাদের আশঙ্কা যে, দেশের সাধারণ লোকে সত্যগ্রহের নামে একটা অশান্তির সৃষ্টি করিয়া না বসে। দ্বিতীয় কথা—“সত্যগ্রহ” একটা হজুগের মত উদ্ভিৎ হইল আর দেশভুক্ত লোক সত্যগ্রহ করিল, আর আত্মিকবল লাভ হইল, আত্মিকবল লাভ কি এত সুলভ? অর্ধশতাব্দী ধরিয়া যাহারা আত্মার সাধনা করিলেন, ত্যাগ-বৈরাগ্যে জীবন কাটাইলেন, বিশ্বাস-ভক্তিতে জীবন গঠন করিলেন, তাঁহাদের কথা সব চাপা পড়িল, আর উত্তেজনার আবেগে সত্যগ্রহ আসিল, লোকে তাহা গ্রহণ করিল, আর আত্মিকবল লাভ হইল?

তবে কি আমরা সত্যগ্রহের বিরোধী? না, তাহাও নয়; আমরা যে বছদিন হইতে ঐ পথ শ্রেষ্ঠ জানিয়া তাহাই ধরিয়া আছি এবং সর্বাস্তঃকরণে তাহাই প্রচার করিয়া আসিতেছি যে, আত্মিকবল না হইলে কোন বিষয়ে মঙ্গল হইবে না। অবশু জনসমাজে নানা ভাবে নানা কাজের সূচনা হইয়া থাকে, কিন্তু ইহাই ক্রম-সত্য যে, ধর্মবিশ্বাস—ধর্মবল আশ্রয় করিয়া যে কাজ আরম্ভ হয় না তাহার স্থায়ীত্ব অসম্ভব। বিশ্বাসে আরম্ভ কার্য যদি আপাততঃ সম্পূর্ণরূপে সিদ্ধ নাও হয়, তবু প্রতিষ্ঠাতা কখনই বঞ্চিত হন না, তিনি শুভ উদ্দেশ্যের শুভ ফল লাভ করিবেনই, জনসমাজও সে কাজের দ্বারা কখনই নিষ্ফল হইবে না।

যখন শ্রোতের ঞ্চায় স্বদেশী আন্দোলন আসিল, দলে দলে লোক তাহা গ্রহণ করিল এবং ভাবের আতিশয্যে কত লোক কত কি করিল। যখন শ্রোত চলিয়া গেল, লোক-সাধারণের মন তাহা হইতে শিথিল হইয়া পড়িল; কিন্তু তবু কিছু না কিছু রহিয়া গেল; অর্থাৎ যাহারা নিষ্ঠার সহিত স্বদেশীভাব ধারণ করিয়াছিলেন, তাহারা তাহা ত্যাগ করেন নাই; কিন্তু এই আন্দোলনের বহুপূর্বে যাহারা এই সুর ধ্বনিত করিয়া গিয়াছিলেন, তাঁহাদের আদর্শ কত

উদ্ভল এবং ধাটা বর্তমানে বেটুকু স্থায়ী হইয়াছে তাহা ঐ পূর্ব সাধনার ফলে :

যদি এখন আত্মিকবলের কথা দেশব্যাপী ভাবে উখিত হয় তাহা আনন্দেরই কথা, কিন্তু কেবল মুখের কথা বা উপবাস-অনশনে আত্মিকবল লাভ হইবে না। আত্মিকবল লাভের মূল, ঈশ্বরে প্রকৃত বিশ্বাস, ভক্তি ও তাঁহাতে নির্ভর।

কুশদহ-সমিতি

(কার্য নিবরণ)

কার্য নিবাহক সভা, ৪র্থ অধিবেশন।

স্থান,—সমিতির কার্যালয়, ৩৭নং দুর্গাচরণ মিত্রের ষ্ট্রীট।

সময়—১০ই চৈত্র সোমবার, সন্ধ্যা—৭টা।

সভাপতি—শ্রীযুক্ত ক্ষীরোদগোপাল দত্ত।

আলোচ্য বিষয় ও নির্ধারণ।

(১) সাধারণসভা কর্তৃক নির্ধারিত ফুলতলা ও গোপল-ময়না গ্রামের জল কষ্ট নিবারণ সম্বন্ধে ব্যবস্থা। নির্ধারণ। স্থানীয় সাহায্য—অর্থ, জমি বা অন্যান্য কিরূপ পাওয়া যাইবে, তজ্জন পত্র লেখা হউক।

(২) শাখা কার্যালয় সম্বন্ধে নিয়মাবলী প্রণয়ন জন্ত যে সাবকমিটি গঠিত হয় তাহার রিপোর্ট গ্রহণ। নিয়মাবলীর খসড়া গৃহীত হইল।

(৩) 'কুশদহ' পত্রিকা পরিচালনার জন্ত সাবকমিটি গঠন। নিম্নলিখিত ৭ জন সভ্য দ্বারা অন্তিমভাবে একটি সাবকমিটি গঠিত হইল। সম্পাদক যোগীন্দ্রনাথ কুণ্ডু, নীলাচল মুখোপাধ্যায়, নিশিভূষণ মুখোপাধ্যায়, গিরিজানাথ মুখোপাধ্যায়, ব্রজেন্দ্রনাথ চট্টোপাধ্যায়, ক্ষীরোদগোপাল দত্ত ও বাবু চারুচন্দ্র ঘোষ। ইহার সভ্য সংখ্যা বৃদ্ধি করিতে পারা যাইবে। আরও কয়েকটি বিষয় সময় অভাবে অঙ্গ স্থগিত রহিল।

৫ম অধিবেশন

স্থান,—৩৭নং দুর্গাচরণ মিত্রের ষ্ট্রীট।

সময় ১৮ই চৈত্র শুক্রবার, সন্ধ্যা—৭টা।

সভাপতি—শ্রীযুক্ত হরিদাস মুখোপাধ্যায়।

আলোচ্য বিষয় ও নির্ধারণ।

(১) সমিতির পৃথক কার্যালয় স্থির করা। হরিদাস বাবু, ক্ষীরোদ বাবু, সুরেন্দ্র বাবু স্থান মনোনীত করিবেন।

(২) ইছাপুর বার্ষিকসভার ইছাপুর স্কুলের জন্য সংগৃহীত ৩৫ টাকার প্রার্থি অত্র স্কুলের সম্পাদক শ্রীযুক্ত প্রবোধকুমার মুখোপাধ্যায়ের পত্রের উত্তর দেওয়া হউক।

(৩) খাঁটুরা রাস্তা মেরামত সম্বন্ধে প্রমথ বাবুকে পুনরায় পত্র লেখা।

(৪) কুশদহ অন্তর্গত নিস্তালার সম্বন্ধে অনুসন্ধান জন্য I. S. O. কে পত্র লেখা।

(৫) বোকার বাবু সতীশচন্দ্র রায় মহাশয়ের সাহায্যে দাতব্য চিকিৎসালয় স্থাপন জন্য ডিঃ বোর্ডের পত্র পাঠ। বোর্ড নিরবিত্ত অর্থ পাঠিলে সম্মত আছেন। ৬০০০ টাকার তৃতীয় শ্রেণীর হইতে পারে। সতীশ বাবুকে ঐ মর্মে পত্র লেখা হউক।

(৬) চাঁদপাড়া বেলেডাঙ্গা রাস্তা সম্বন্ধে ডিঃ বোর্ডকে পত্র লেখা।

(৭) নববর্ষ সম্মিলনী সভার দিন স্থির হইল, ৩রা বৈশাখ। স্থান কচীস চার্চস্ কলেজ-গৃহ।

দ্বিতীয় বর্ষে সমিতির হিসাব পরিদর্শক শ্রীযুক্ত যোগীন্দ্রনাথ কুণ্ডু ও সুরেন্দ্র নাথ পাল মহাশয়দ্বয় নিযুক্ত হইলেন।

৬ষ্ঠ অধিবেশন

স্থান—২৮।১ স্কিকিয়া ষ্ট্রীট (কুশদহ কার্যালয়)

সময় ২৮শে চৈত্র শুক্রবার, সন্ধ্যা—৭টা।

সভাপতি—শ্রীযুক্ত হরিদাস মুখোপাধ্যায়।

আলোচ্য বিষয় ও নির্ধারণ।

(১) কুশদহ গ্রাম সমূহের সহিত সমিতির যোগ স্থাপনের উপায় নির্ধারণ। এ সম্বন্ধে শ্রীযুক্ত যোগীন্দ্রনাথ কুণ্ডু মহাশয়ের প্রস্তাব, প্রতি মাসে যে কোন রবিবারে সমিতি হইতে নিয়োজিত ব্যক্তিগণ কুশদহ পল্লিতে সভা আহ্বান ও শাখা সংস্থাপনার্থে গমন করিবেন।

(২) বাবু দুর্গাদাস বন্দ্যোপাধ্যায় শারীরিক অসুস্থতা এবং সাংসারিক বিপত্তি জন্য ক্রমাগত সমিতিতে আসিতে পারিতেছেন না, তজ্জন্য তাঁহাকে সহানুভূতি সূচক পত্র লেখা হউক, এবং সাংসারিক সভার আয়-ব্যয় হিসাব বাহাতে শীঘ্র পাঠাইতে পারেন তাহার চেষ্টা করেন।

(৩) ফুলতলার জল কষ্টের তদন্ত জন্য আগামী ৪ঠা বৈশাখ শ্রীযুক্ত যোগীন্দ্র নাথ কুণ্ডু ও চারুচন্দ্র ঘোষ তথায় গমন করিবেন।

(৪) ইছাপুর স্কুলের ৩৫ টাকা, শ্রীযুক্ত রামপদ মুখোপাধ্যায়, মন্থননাথ চক্রবর্তী, প্রবোধকুমার মুখোপাধ্যায় ও দুর্গাদাস বন্দ্যোপাধ্যায় এই ৪ ব্যক্তির স্বাক্ষরিত পত্র পাইলে দেওয়া হইবে পত্র লেখা হউক।

৩০শে চৈত্র রবিবার সন্ধ্যা ৭টার সময়মোহন লাইব্রেরীতে শ্রীযুক্ত নিবারণ চন্দ্র ঘটক মহাশয়ের সভাপতিত্বে মাসিক অধিবেশন হইয়াছিল।

স্থানীয় বিষয় ও সংবাদ

— ০ —

আমরা শুনিয়া অত্যন্ত সুখী হইলাম যে, খাঁটুরা নিবাসী, কলিকাতা রামবাগান নিবাসী স্বর্গীয় সারদাচরণ দত্ত মহাশয়ের পত্নী, নিজ ব্যয়ে খাঁটুরায় স্বর্গীয় বংশীবদন পাল মহাশয়ের পুরাতন পুষ্করিণীর পঙ্কোদ্ধার করিয়া দিতেছেন, তাহাতে গ্রামবাসী এবং পশ্চিমদিগেরও কথঞ্চিৎ জলকষ্ট নিবারণ হইবে। শ্রীমতী মহোদয়ার এই সাহসিক দানের জন্য তিনি সাধারণের ধন্যবাদার্থ হইলেন। ভগবান তাঁহার হৃদয়ে স্বর্গীয় ধর্মভাব রচনা করুন।

আমরা বিশ্বস্ত হইয়াছি যে, যমুনানদী সংস্কার কার্য ৫ বৎসরের মধ্যে শেষ হইবে, গভর্নমেন্ট এরূপ ব্যবস্থা করিতেছেন।

মাটীকোমরা গ্রামে বাবু ননীগোপাল বন্দ্যোপাধ্যায়ের বিশেষ সাহায্যে তাঁহার পিতার স্মৃতি রক্ষার্থে “শ্রীনাথ বিদ্যালয়” নামে একটি স্কুল প্রতিষ্ঠা হইতেছে, এ সংবাদ ‘কুশদর্শ’র পাঠকবর্গ অবগত আছেন। গত ২৩এ মার্চ উক্ত বিদ্যালয়ের নব-নির্মিত গৃহের দ্বারোদ্বাটন এবং ১ম সাধ্বৎসরিক হইয়াছে। এতদুপলক্ষে বনগ্রাম ডেঃ ম্যাজিষ্ট্রেট মহোদয় মাটীকোমরায় আগমন করিয়াছিলেন। ননীবাবু আট শতাধিক টাকা ব্যয় করিয়া এই স্কুল গৃহ নির্মাণ ও তাহার আসবাব ধরিয়া দিয়াছেন। তাঁহার আন্তরিক ইচ্ছা যে, বাহাতে তাঁহার পিতার নাম এই স্কুলের সহিত স্থায়ী হয় তজ্জন্য তিনি গভর্নমেন্ট অথবা ডিষ্ট্রিক বোর্ডের হাতে পাঁচ সহস্র টাকা প্রদান করিতে প্রতিশ্রুত হইয়াছেন। আমরা আশা করি, তাঁহার এই শুভ বাসনা পূর্ণ হইবে; কারণ ‘সাধু বাঁহার সঙ্কল্প, ঈশ্বর তাঁহার সহায়’।

যোগীন্দ্রনাথ কুণ্ডু দ্বারা কলিকাতা ১২১ নং লোয়ার সারকুলার রোড উইলকিন্স প্রেসে মুদ্রিত ও ২৮১১ নং স্মিকিয়া স্ট্রীট হইতে প্রকাশিত।

